

বাড়গ্রাম-প্রকাশ-তহবিলের অর্থে মুদ্রিত

হুতোম প্যাঁচার নকশা

ও অন্যান্য সমাজচিত্র

সম্পাদক

ব্রজেননাথ বন্দ্যোপাধ্যায়

ও

শ্রীসজনীকান্ত দাস



বঙ্গীয়-সাহিত্য-পরিষৎ

২৪৩১, আপার মীরকুলার রোড

কলিকাতা-৬

ହତୋମ ପ୍ୟାଠାର ନକ୍ଷା

ଓ ଅନ୍ତାନ୍ତ ସମାଜ-ଚିନ୍ତା

হাতাম প্যাটার নকশা, সমাজ কুটির
পল্লীগ্রামস্থ বারুদের দুর্গেংসব

সম্পাদক :
ব্রজেননাথ বন্দ্যোপাধ্যায়
শ্রীসজনীকান্ত দাস



বঙ্গীয়-সাহিত্য-পরিষৎ
কলিকাতা

প্রকাশক
শ্রীসনৎকুমার গুপ্ত
বঙ্গীয়-সাহিত্য-পরিষৎ
২৪৩।১ অপর সাকুলার রোড, কলিকাতা

৮৪.২
কাল। হ্র

নূতন সংস্করণ ... বৈশাখ ১৩৫৫
পুনর্মুদ্রণ মাঘ ১৩৬৩
মূল্য ~~১০/-~~ ১০/-

প্রকাশক—শ্রীসনৎকুমার গুপ্ত
শক্তি প্রেস, ২৭৩বি হরিমোহন ষ্ট্রীট, কলিকাতা।

ভূমিকা

১

‘হতোম প্যাঁচার নকশা’

বাংলা-সাহিত্যে ব্যঙ্গবিদ্রূপ ও হাস্যরসপূর্ণ সামাজিক চিত্র অঙ্কনের একটা ধারা অনেক দিন হইতে চলিয়া আসিতেছিল। গড়ে তাহার প্রথম প্রকাশ—১৮২১ খ্রীষ্টাব্দে সাপ্তাহিক সমাচারপত্র ‘সমাচার দর্পণে’ প্রকাশিত “বাবুর উপাখ্যানে” (‘সংবাদপত্রে সেকালের কথা,’ ১ম খণ্ড দ্রষ্টব্য)। এই সময় হইতেই সামাজিক চিত্র পুস্তকাকারে প্রকাশিত হইতে শুরু হয়। ‘সমাচার চন্দ্রিকা’-সম্পাদক ভবানীচরণ বন্দ্যোপাধ্যায়ই এই শ্রেণীর রচনার প্রথম পথপ্রদর্শক; তাঁহার রচিত ‘কলিকাতা কমলালয়’ (ইং ১৮২৩) ও ‘নববাবুবিলাস’ (ইং ১৮২৫) সে যুগে বিশেষ প্রসিদ্ধি লাভ করিয়াছিল। বিগত শতাব্দীর শেষার্ধ্বে বাংলা-গড়ে অনেকগুলি সামাজিক চিত্র জন্মলাভ করে; ইহার কয়েকখানির নাম উল্লেখ করিতেছি :—

‘আলালের ঘরের ছলাল’	... টেকচাঁদ ঠাকুর	... ইং ১৮৫৮
	(প্যারীচাঁদ মিত্র)	
‘হতোম প্যাঁচার নকশা’	... হতোম প্যাঁচা	... ১৮৬২
	(কালীপ্রসন্ন সিংহ)	
‘আপনার মুখ আপনি দেখ’	... ভোলানাথ মুখোপাধ্যায়	... ১৮৬৩
‘কাকভূষুণ্ডীর কাহিনী’	... ক্ষেত্রমোহন ঘোষ	... ১৮৬৫
‘সমাজ কুচিত্র’	... নিশাচর	... ১৮৬৫
	(ভুবনচন্দ্র মুখোপাধ্যায়)	
‘আসমানের নকশা—		
পল্লীগামস্থ বাবুদের ছর্গোৎসব’	... শ্রীযুত দশ অবতারের এক অবতার	১৮৬৮, ১৬ ডিসেম্বর
	(রামসর্কস্ব বিদ্যাভূষণ)	
‘কলিকাতার হুকোচুরি’	... টেকচাঁদ ঠাকুর জুনিয়ার	... ১৮৬৯, ২৩ এপ্রিল
	(প্যারীচাঁদের মধ্যম পুত্র, চুনীলাল মিত্র)	
‘সচিত্র গুলজারনগর’*	... ভাঁড়	... ১৮৭১
‘আনন্দ-লহরী’। (বিকল্পে) সমাজ সংস্কার এ. সি. লা (অবতারচন্দ্র লাহা)		১৮৮৯, ২৮ ডিসেম্বর

* “বিজ্ঞাপন।—সচিত্র গুলজার নগর। ভাঁড় প্রণীত। হাস্যরসের আশ্চর্য উপাখ্যান। যাহাতে কলিকাতা নগরের কয়েক বৎসর পূর্বের অবস্থা, সামাজিক নিয়ম ও শাসন-প্রণালী বর্ণিত হইয়াছে। উত্তম বাক্যের মূল্য দশ মাত্র। সকল পুস্তকালয়ে ও নং ৪৪ মালিক বস্তুর ঘাট স্ট্রাট ভবনে তত্ত্ব করিবেন।”—‘মূলত সমাচার,’ ২২ কার্তিক ১২৭৮।

বঙ্গীয়-সাহিত্য-পরিষৎ ঐতিহাসিক উপকরণে সমৃদ্ধ এই সকল সামাজিক চিত্রের কোন কোনটি পুনর্মুদ্রিত করিবার সঙ্কল্প করিয়াছেন। ইতিপূর্বে ‘আলালের ঘরের ছুলালে’র প্রামাণিক ও সঠিক সংস্করণ প্রকাশিত হইয়াছে; এক্ষণে ‘হতোম প্যাচার নকশা’ প্রচারিত হইল।

ইতিহাস : ১৭৮৩ শকে (ইং ১৮৬২) ‘হতোম প্যাচার নকশা’ প্রথমে খণ্ডঃ প্রচারিত হয়। আমরা ইহার প্রথম খণ্ড—“চড়ক” (পৃ. ১৬) দেখিয়াছি; উহার আখ্যা-পত্র এইরূপ :—

হতোম প্যাচার কলিকাতার নকশা। চড়ক। প্রথম খণ্ড। “উৎপৎস্ততেস্তি মম কোপি সমানধর্ম্মা। কালো হ্রয়ং নিরবধিবিপুলা চ পৃথ্বী ॥” ভবভূতি। আশ্‌মান। রামপ্রেসে মুদ্রিত। নং ৮৪ হকো রাম বসুর ইষ্ট্রীট। মূল্য পয়শায় দুখানা।

পুস্তিকায় ভূমিকা-স্বরূপ এই অংশটি মুদ্রিত হইয়াছে :—

বিজ্ঞাপন। হতোম প্যাচা এখন মধ্যে মধ্যে ঐ রূপ নকশা প্রস্তুত করবেন। এতে কি উপকার দর্শিবে, তা আপনারা এখন টের পাবেন না; কিন্তু কিছু দিন পরে বুজতে পারবেন। হতোমের কি অভিপ্রায় ছিল। কিন্তু হয় ত সে সময় হতভাগ্য হতোমকে দিনের ব্যালা দেখতে পেয়ে কাক ও ফরমাসে হারামজাদা ছেলেরা ঠোট ও বাঁস দিয়ে, খোঁচা খুঁচি করে মেরে ফেলবে সুতরাং কি দিকার কি ধন্যবাদ হতোম কিছুই স্তনতে পাবেন না।

এই পুস্তিকায় দুইখানি রেখাচিত্র আছে। উহা বর্তমান সংস্করণে পুনর্মুদ্রিত হইল।

১৮৬২ খ্রীষ্টাব্দের শেষার্ধ্বে ‘হতোম প্যাচার নকশা,’ প্রথম ভাগ (পৃ. ৬+১৭৬) প্রকাশিত হয়। ইহার ইংরেজী ও বাংলা আখ্যা-পত্র এইরূপ :—

Sketches by Hootum illustrative of Every Day Life and Every Day People.
Vol. I “By heaven, and not a master thought.” “Mislike me not for my complexion.”
Shakespeare. Calcutta, Bose and Company, Printers & Publishers 1862.

হতোম প্যাচার নকশা। (প্রবন্ধ কল্পনা।) প্রথম ভাগ। স্বর্গাদিদমমুপ্রাপ্তং নাচার্য্য মুখ কন্দরাৎ। প্রকাশায় চরিত্রাণাং মহত্ত্বশ্চান্নন শুধা। চিত্তবুদ্ধেচ্চ দস্তায়ৈ প্রতিভা পরিমার্জিতা। কলিকাতা। রাম প্রেস বসু কোম্পানী কর্তৃক প্রচারিত। দরজী পাড়া। ১৭৮৪।

‘হতোম প্যাচার নকশা’র দ্বিতীয় ভাগ ১৮৬৩ সনে প্রকাশিত হইয়াছিল বলিয়া মনে হয়। ১৮৬৪ সনে ১ম সংস্করণের দুই ভাগ ‘হতোম’ একত্রে বাঁধাইয়া (পৃ. ২+১৮০+৫৪) প্রচারিত হইয়াছিল।

মৌলিকতা : বঙ্কিমচন্দ্র বাংলা-সাহিত্যের ইতিহাসে ‘আলালের ঘরের ছুলালে’কে বিশেষ গৌরবের আসন দিয়াছিলেন এবং রুচি-বিচার করিয়া ‘হতোম প্যাচার নকশা’র নিন্দা করিয়াছিলেন। বঙ্কিমচন্দ্রের বিশেষ প্রতিপাদ্য এই ছিল যে, ‘আলালের ঘরের ছুলালে’ই

সর্বপ্রথম বাংলা ভাষা সংস্কৃতের কঠিন নিগড় হইতে মুক্তিলাভ করিয়াছিল। কিন্তু বস্তুতঃ ‘আলালে’র লেখক প্রচলিত লেখ্য রীতিরই অনুসরণ করিয়াছিলেন, কথ্য ভাষা প্রয়োগের দিকে একটা বঁক উঁহার ছিল এই মাত্র। আমরা এই ভাষার প্রথম সার্থক প্রয়োগ দেখিতে পাই হতোমের ‘নকশা’য়। এই প্রয়োগ এমনই যথার্থ যে, আজও পর্যন্ত কোথায়ও উহার পরিবর্তন সম্ভবে না।

সামাজিক চিত্র হিসাবেও ‘নকশা’র বৈশিষ্ট্য অসাধারণ। ‘আলালে’র লেখক টেকচাঁদ বহু ক্ষেত্রে কল্পনার আশ্রয় লইয়াছিলেন, অর্থাৎ গল্প লিখিয়াছিলেন; তাই তিনি আধুনিক উপন্যাসের প্রথম পথপ্রদর্শক হিসাবে বঙ্কিমচন্দ্র কর্তৃকও কীর্তিত হইয়াছিলেন। হতোম সে কালের সমাজের নিখুঁত ছবি আঁকিয়াছিলেন, উঁহার রচনা ফটোগ্রাফধর্মী। গল্প উঁহার নিকট গৌণ, উঁহার মুখ্য উদ্দেশ্য ছিল ঊনবিংশ শতাব্দীর কলিকাতার সামাজিক রূপবর্ণন। উঁহার রচনাকৌশল এমনই অপূর্ব যে, পড়িতে পড়িতে সেই কলিকাতাকে আমরা যেন প্রত্যক্ষ দেখিতে পাই। টেকচাঁদ লিখিয়াছিলেন গল্প, হতোম লিখিয়াছিলেন নকশা। এই নকশা-রচনায় হতোম প্রথম এবং প্রধান।

ভাষা ও ভঙ্গীর দিক দিয়া হতোম আজও পর্যন্ত অনুকৃত হইয়া আসিতেছেন, অর্থাৎ তিনি একটি ধারার প্রবর্তন করিয়া গিয়াছেন, যাচা আজিও প্রবহমান। ‘আলালের ঘরের দুলাল’ বিশ্বিত হইলে টেকচাঁদও বিশ্বিত হইবেন, কিন্তু চলতি ভাষা ও সামাজিক নকশা যত দিন প্রচলিত থাকিবে, তত দিন হতোমের মৃত্যু নাই।

সমসাময়িকের দৃষ্টিতে ‘হতোম’ : সাময়িক-পত্র ও পুস্তক-পুস্তিকায় প্রকাশিত আলোচনা ও প্রশস্তির মধ্যে কয়েকটি আমরা নিম্নে মুদ্রিত করিলাম।

পণ্ডিত দ্বারকানাথ বিদ্যাসূর্য তৎসম্পাদিত ‘সোমপ্রকাশ’ পত্রে (২০ অক্টোবর ১৮৬২) লেখেন :—“ইহাতে আমাদিগের সমাজের বর্তমান অবস্থা সবিস্তর বর্ণিত হইয়াছে।”

কালীপ্রসন্নের মৃত্যুর পর-বৎসর সাহিত্য-সম্রাট বঙ্কিমচন্দ্র এই অভিমত প্রকাশ করেন :—

Kali Prosunno Singh, or 'Hutam', was one of the most successful writers in the style first introduced by Tekchand. In early youth he made several translations from the Sanskrit, and in particular he is the author of a translation of the *Mahabharata*, which may be regarded as the greatest literary work of his age. But it is not as a translator that he is known to fame, and familiar to almost every Bengali, but as the author of *Hutam Pyancha*, a collection of sketches of city-life, something, after the manner of Dickens' *Sketches by Boz*, in which the follies and peculiarities of all classes, and not seldom of men actually living, are described in racy vigorous language, not seldom disfigured by obscenity." ("Bengali Literature" : *The Calcutta Review* for 1871.)

অক্ষয়চন্দ্র সরকার ‘বঙ্গ-ভাষার লেখক’ (১৩১১) গ্রন্থে মুদ্রিত “পিতা-পুত্র” প্রবন্ধে লিখিয়াছেন :—

পৃষ্ঠদশায় আর একখানি পুস্তকে আমাকে আলোড়িত করিয়াছিল। আনন্দও পাইয়াছিলাম। সেখানি কালীপ্রসন্ন সিংহের হতোম প্যাচার নকশা। ‘আলালের ঘরের দুলালে’ও অনেক স্থানে নকশা বা ফটো তুলিবার চেষ্টা আছে বটে, কিন্তু তাহাতে পল্লী-সমাজের চিত্র যেমন পরিষ্কৃত হইয়াছে, কলিকাতার অলি-গলির নকশা তেমন ফুটন্ত হয়

নাই। তেপায়ী উচ্চ টুলের উপর কাচের বাক্স বসাইয়া, ছ পয়সা দাও, ছ চকু দিয়া দেখ বলিয়া যেমন মেলার মধ্যে নানাবিধ ফটো দেখায়, অপূর্ব ভাষার গাঁথুনিতে সেইরূপে কলিকাতার নানাবিধ নকশা তুলিয়া পঁ্যাচা দেখাইতে লাগিল ও ফুলো গাল টিপিয়া বলিতে লাগিল, 'ইয়ে রাজবাড়ীকি নকশা, বড় মজাদার ছায়, ইয়ে শোভাবাজারকি গাজন, বড় তামাশা ছায়, ইয়ে হাইকোটকা বিচার, আজব তাজব ছায়।' আমরা তখন নিতান্ত বালক, তাহার ভাষার ভঙ্গিতে, রচনার রঙেতে, একেবারে মোহিত হইয়া গেলাম। মনে করিলাম, আমাদের বাজালা ভাষাতে বাজি খেলান যায়, তুবড়ি ফুটান যায়, ফুল কাটান যায়, ফুয়ারা ছোটান যায়। মনে করিলাম, আমাদের মাতৃভাষা সর্বোৎকৃষ্ট রঙ্গময়ী। (পৃ. ৫২৮)

আচার্য্য কৃষ্ণকমল ভট্টাচার্য্য কালীপ্রসঙ্গের সমবয়স্ক ছিলেন; ১৫-১৬ বৎসর বয়সে কালীপ্রসঙ্গের সহিত তাঁহার প্রথম আলাপ হয়। তিনি কালীপ্রসঙ্গ-প্রতিষ্ঠিত বিদ্যোৎসাহিনী সভার সভ্য ছিলেন এবং সভায় বাংলা প্রবন্ধাদিও পাঠ করিয়াছেন। কৃষ্ণকমল তাঁহার স্মৃতিকথায় 'হতোম পঁ্যাচার নকশা' সম্বন্ধে এইরূপ বলিয়াছেন :—

হতোম পঁ্যাচার মধ্যে যথেষ্ট লোকজ্ঞতা ও পরিহাস-রসিকতা প্রকাশিত হইয়াছে। অনেক স্থলেই তখনকার ব্যক্তিবিশেষের প্রতি কটাক্ষপাত আছে। পাথুরিয়াঘাটার কোনও ধনী প্রবীণ বয়সে নিজের জন্মতিথি উৎসব উপলক্ষে স্বর্ণালঙ্কারে ভূষিত হইয়াছিলেন। কালীপ্রসঙ্গের বিদ্রূপবাণ তাঁহার উপর বর্ষিত হইল; নক্সায় পাথুরিয়াঘাটা 'মুড়িঘাটা'র রূপান্তরিত হইল। মাহেশে রথের সময় বাচখেলা, মেয়ে মানুষ সঙ্গে লইয়া দ্বাদশগোপাল দেখিতে যাওয়া ইত্যাদি তিনি নিপুণ হস্তে চিত্রিত করিয়াছেন। ইংরাজেরা ঠাট্টাপ্রসঙ্গে যাহাকে 'Arry' বলে, অর্থাৎ যে সকল সামান্য লোক ইয়ার্কির উপলক্ষে বেইজার হইয়া নানাপ্রকার বাঁদরামি করিয়া থাকে, সম্ভায় আমোদ করিবাব চেষ্টা করে, নক্সায় সেই প্রকৃতির লোকদিগের প্রতি তীব্র কটাক্ষপাত দেখিতে পাওয়া যায়। এখনও বঙ্গসমাজে এইরূপ লোক দেখিতে পাইবে।

Satire হিসাবে হতোম পঁ্যাচা যে খুব effective হইয়াছিল, তাহা বোধ হয় না। But as an early specimen of that type of writing it deserves not to be forgotten; এবং রুচি হিসাবে হতোম দীক্ষর গুপ্তের ও 'গুড়গুড়ে ভট্টাচার্য্য'র লেখার চেয়ে অনেক অংশে শ্রেষ্ঠতর। ('পুরাতন প্রসঙ্গ,' ১ম পর্য্যায়, পৃ. ৮৯-৯০)

মহামহোপাধ্যায় হরপ্রসাদ শাস্ত্রী ১২৮৭ সালের ফাল্গুন সংখ্যা 'বঙ্গদর্শনে' প্রকাশিত "বাজালা সাহিত্য" প্রবন্ধে 'হতোম পঁ্যাচার নকশা' সম্বন্ধে এইরূপ মন্তব্য করিয়াছেন :—

হতোম পঁ্যাচাও এই পরিবর্তন সময়ের একটি মহার্ঘ রত্ন; ইহাতে তৎকালীন সমাজের অতি সুন্দর চিত্র আছে, হতোম হতোমীয় ভাষার প্রবর্তক এবং বহুসংখ্যক হতোমী পুস্তকের আদিপুরুষ। বোধ হয়, মৌলিকতায় তৎকালীন সমস্ত পুস্তকের শিরঃস্থানীয়।

এই প্রসঙ্গে সাহিত্য-রসিক প্রমথ চৌধুরীর অভিমতও উদ্ধৃত করিলে নিতান্ত অপ্রাসঙ্গিক হইবে না। তিনি লিখিয়াছেন :—

‘হতোম প্যাচার নকশা’...হচ্ছে তখনকার সমাজের আগাগোড়া বজ্রপ এবং আত্ম চমৎকার লেখা। এ বই সে কালের কলিকাতা সহরের চলুতি ভাষায় লেখা। এ রকম চতুর গ্রন্থ বাঙ্গলা ভাষায় আর দ্বিতীয় নেই।...যারা এ পুস্তক পড়েন নি, তাঁদের জ্ঞান পড়তে অসুযোগ করি। (১৯৪৪ সনে কলিকাতা বিশ্ববিদ্যালয়-প্রকাশিত ‘বঙ্গসাহিত্যের সংক্ষিপ্ত পরিচয়,’ পৃ. ১২)

গ্রন্থকারের জীবনী : ১৮৪০ খ্রীষ্টাব্দের প্রারম্ভে কলিকাতার এক ধনী জমিদার-বংশে কালীপ্রসন্ন সিংহের জন্ম হয়। বঙ্কিমচন্দ্রের দুই বৎসর পরে জন্মগ্রহণ করিয়া ১৮৭০ খ্রীষ্টাব্দের ২৪এ জুলাই, মাত্র ৩০ বৎসর বয়সে, যখন তিনি পরলোকগমন করেন, বঙ্কিমচন্দ্র তখন ‘ললিতা ও মানসে’র কাব্যবিলাস এবং বৈদেশিক বাণীসাধনা ত্যাগ করিয়া মাত্র ‘হর্গেশনন্দিনী,’ ‘কপালকুণ্ডলা’ ও ‘মৃগালিনী’ রচনা শেষ করিয়াছেন। কিন্তু কালীপ্রসন্ন সেই বয়সকালের জীবনেই সমাজে, রাষ্ট্রে এবং সাহিত্যে এমন সকল কীর্তি স্থাপন করিতে সক্ষম হইয়াছেন, যাহার আলোচনা ও বিবৃতি এ-বুগেও আমাদের অপরিমিত বিশ্বাসের উদ্বেক করে। তাঁহার বিচিত্র জীবনকথা বঙ্গীয়-সাহিত্য-পরিষৎ কর্তৃক প্রকাশিত “সাহিত্য-সাধক-চরিতমালা”র প্রথম গ্রন্থ ‘কালীপ্রসন্ন সিংহে’ বিবৃত হইয়াছে।

বর্তমান সংস্করণের পাঠ : গ্রন্থকারের জীবনকথায় ‘হতোম প্যাচার নকশা,’ ১ম ভাগের আর একটি সংস্করণ হয়—১৫ অক্টোবর ১৮৬৮ তারিখে। সঙ্গে সঙ্গে ১ম ভাগ (২য় সং) ও ২য় ভাগ একত্রে বাঁধাইয়া (পৃ. ১৩৮ + ৫৪) প্রচারেরও ব্যবস্থা হইয়াছিল। দ্বিতীয় সংস্করণের ‘হতোমে’ (১ম ভাগ) বহু পরিবর্তন লক্ষিত হয়। দৃষ্টান্তস্বরূপ বলা যাইতে পারে, বর্তমান সংস্করণে প্রথম ভাগের প্রারম্ভে টপ্পা গানের যে দুই পংক্তি উদ্ধৃত হইয়াছে, তাৎপরিবর্তে ১ম সংস্করণের পুস্তকে মধুসূদনের অসুসরণে অমিত্রাকর ছন্দে এই কবিতাটি ছিল :—

হে শারদে ! কোন্ দোষে ছুঁষি দাসী ও চরণতলে ?
কোন্ অপরাধে ছলিলে দাসীরে দিগে এ সন্তান ?
এ কুৎসিতে ! কোন্ লাজে সপত্নী সমাজে পাঠাইব,
হেরিলে মা এ কুরূপে—দুর্ষিবে জগৎ—হাঁসিবে
সতিনী পোড়া ; অপমানে উত্তরারে কাঁদিবে
কুমার—সে সময় মনে ব্যান থাকে ; চির অসুগত লেখনীরে !

আমরা ১৮৬৮ সনে গ্রন্থকারের জীবনকথায় প্রকাশিত শেষ সংস্করণকেই মূল আদর্শ ধরিয়া পুস্তক মুদ্রণ করিয়াছি ; কারণ, গ্রন্থকার জীবিত থাকিয়া যে পরিবর্তন সাধন করিয়াছেন, তাহা মানিয়া লইতে আমরা বাধ্য। তবে এই সংস্করণের যে যে স্থলে শব্দ ও পংক্তি পরিষ্কার হইয়াছে, প্রথম সংস্করণের পাঠ বহিরা তাহা সংশোধন করিয়া লইয়াছি।

সামাজিক নকশার দিক্ হইতে গ্রন্থটিকে সম্পূর্ণতা দিবার জন্য হতোমের রচনার সঙ্গে 'সমাজ কুচিত্র' ও 'পল্লীগ্রামস্থ বাবুদের দুর্গোৎসব' সন্নিবিষ্ট হইল ; এগুলি হতোমের রচনা না হইলেও হতোমামুক্যরী দুই জন শক্তিশালী লেখকের রচনা ।

‘সমাজ কুচিত্র’

১৮৬৫ সনের জাহুয়ারি মাসে নিশাচর-প্রণীত ‘সমাজ কুচিত্র’ প্রকাশিত হয় । পুস্তকের পৃষ্ঠা-সংখ্যা ৬৮ ; আখ্যা-পত্রটি এইরূপ :—

THE EVILS OF OUR SOCIETY. In Bengals. For Drawing attention of the young Bengals over their mother county. By A Midnight-Traveller, Published by B. Mook. Pen and Co.

সমাজ কুচিত্র। মাছুমির প্রতি বঙ্গীয় যুবকগণের চিন্তাকর্ষণের নিমিত্ত নিশাচর প্রণীত অমরাবতী সম্ভাবনীয়ত্ব । ১৮৬৫ সাল । মূল্য ১০ আট আনা ।

প্রথম সংস্করণ প্রকাশের ২৩ বৎসর পরে—১৮৮৯ সনের জাহুয়ারি মাসে এই পুস্তক পুনর্মুদ্রিত হয় ; প্রকাশক—ধুলিয়ান-নিবাসী অমুকুলচন্দ্র চট্টোপাধ্যায় “গ্রন্থকারমহাশয়ের অভিমত গ্রহণপূর্বক উপযুক্ত স্থলবিশেষে কতক কতক সংযোজন এবং কোন কোন অংশ পরিত্যাগ করিয়া। এই দ্বিতীয় সংস্করণ [পৃ. ৭২] প্রকাশ” করেন । আমরা গ্রন্থকারের মূল সংস্করণের পাঠই অনুসরণ করিয়াছি ।

✓ ‘সমাজ কুচিত্রের’ লেখক “নিশাচর” কে, এ সম্বন্ধে স্বতঃই কোতূহল হইতে পারে । তিনি সে কালের সুপ্রসিদ্ধ সাহিত্যিক ভুবনচন্দ্র মুখোপাধ্যায় । উল্লিখিত অমুকুলচন্দ্র চট্টোপাধ্যায় তাঁহার একমাত্র জামাতা, সে কালের সব-রেজিষ্টার ও ‘রেজিষ্টারী দর্পণ’ প্রভৃতি গ্রন্থপ্রণেতা (‘জন্মভূমি,’ পৌষ ১৩০৩, পৃ. ১৬-১৭) । ‘সমাজ কুচিত্রের’ আখ্যাপত্রে আছে : “Published by B. Mook. Pen and Co” এই “B. Mook.” “ভুবনচন্দ্র মুখোপাধ্যায়” নামেরই সংক্ষিপ্ত রূপ । ভুবনচন্দ্রই যে ‘সমাজ কুচিত্রের’ লেখক, তাহার স্পষ্ট উল্লেখও আমরা পাইয়াছি । “স্বয়ং ভুবনচন্দ্রের মুখে সকল বৃত্তান্ত শ্রবণ” করিয়া, তাঁহারই জীবিতকালে যতীন্দ্রনাথ দত্ত তৎসম্পাদিত ‘জন্মভূমি’তে (ভাদ্র ১৩১০) তাঁহার যে জীবনী প্রকাশ করেন, তাহাতে প্রকাশ :—১৮৭০-৭১ সনে বংশঃ প্রকাশিত “[এই এক নূতন : আমার] গুণকথা লিখিবার অগ্রে সমাজ কুচিত্র নামে তিনি একখানি সামাজিক নক্সা প্রণয়ন করেন, সেখানি হতোমের ভাষার অনুকরণ, বিজ্ঞ লোকে তাহা পাঠ করিয়া প্রকৃত চিত্র বলেন, হতোম নিজেও প্রশংসা করিয়াছিলেন ।” যতীন্দ্রনাথ পরবর্তী কালে বর্দ্ধিতাকারে ভুবনচন্দ্রের যে জীবনকাহিনী প্রচার করিয়াছিলেন (‘প্রবর্তক,’ ভাদ্র ১৩৪৩), তাহাতেও ‘সমাজ কুচিত্রের’ রচয়িতা সম্বন্ধে অল্পরূপ উক্তি আছে ।

২০ জুলাই ১৮৪২ (৬ শ্রাবণ ১২৪২) তারিখে ভুবনচন্দ্রের জন্ম হয় । ২৪-পরমপায়

অতর্কিত দক্ষিণ-বাংলায় গৃহস্থিত শাসন গ্রামে তাঁহার মাতামহাশ্রম। ঠেপকাববি মাতৃভাবার তাঁহার নতীর অহুরাগ ছিল। ১৮৬১ সনের জুলাই মাসে অগম্মোহন তর্কালকার ও মননগোপাল গোস্বামীর সম্পাদনায় দৈনিক 'পরিদর্শক' প্রকাশিত হইলে ভুবনচন্দ্র তাহাতে কবিতা লিখিতেন। পর-বৎসর ১৮৬২ নবেম্বর কালীপ্রসন্ন সিংহ 'পরিদর্শক'র সম্পাদক ও বহাধিকারী হন; তিনি অগম্মোহন তর্কালকার ও তাঁহার সুপারিশে ভুবনচন্দ্রকে সহকারী-রূপে গ্রহণ করেন। 'পরিদর্শক' তিন মাস সগৌরবে চলিয়া লুপ্ত হয়। ভুবনচন্দ্র কালীপ্রসন্নের সুনজরে পড়িয়াছিলেন; 'পরিদর্শক' লুপ্ত হইলেও সদাশয় কালীপ্রসন্ন তাঁহাকে নিকটেই রাখিয়াছিলেন। এই সময়ে হারকানাথ বিজ্ঞানভূষণ 'সোমপ্রকাশ'র অস্ত্র এক জন বোগ্য সহকারীর সন্ধান করিতেছিলেন। ভুবনচন্দ্র সেই পদের প্রার্থী হন। দেড় বৎসর 'সোমপ্রকাশ'র সম্পাদকীয়-বিভাগে কার্য্য করিবার পর তিনি রাঘচন্দ্র গুপ্তের অধীনে 'সংবাদ প্রভাকরে'র সহকারী সম্পাদক হন এবং এই পদে সুদীর্ঘ ২২ বৎসর নিযুক্ত ছিলেন। 'সংবাদ প্রভাকরে' কার্য্যকালে তিনি ছুইখানি মাসিকপত্র পরিচালন করিয়াছিলেন; উহার একখানি—১২৭৭ সালের অগ্রহারণ (১ ডিসেম্বর ১৮৭০) মাসে প্রকাশিত রহস্য-পত্রিকা 'বিদূষক,' অপরখানি—১৮৭৩ সনের নবেম্বর মাসে প্রকাশিত 'পূর্ণশনী'। ১৩০৩ সালের ২৫এ শ্রাবণ, শনিবার (৮ আগস্ট ১৮২৬) সাপ্তাহিক 'বসুমতী' প্রকাশিত হইলে প্রতিষ্ঠাতা উপেন্দ্রনাথ মুখোপাধ্যায়ের আগ্রহে ভুবনচন্দ্র সম্পাদকীয় বিভাগে যোগদান করিতে স্বীকৃত হন। তাঁহার লিখিত অনেক গ্রন্থ বসুমতী-কার্য্যালয় হইতে প্রকাশিত হইয়াছিল। ১৩০৭ সালে প্রকাশিত নবপর্যায় (২য় ভাগ) 'জন্মভূমি'র সহিত তিনি গুতপ্রোত ছিলেন। তাঁহার বহু রচনা—কবিতা, গল্প, প্রবন্ধাদি 'জন্মভূমি'তে প্রকাশিত হইয়াছে। ইহার ১১শ ভাগের (১৩০৯) প্রথম কয়েক সংখ্যার সম্পাদক-রূপে তাঁহার নাম বেঙ্গল লাইব্রেরির তালিকায় মুদ্রিত হইয়াছে। 'জন্মভূমি'র দস্ত-পরিবারের সহিত তাঁহার অকৃত্রিম সৌহার্দ্য ছিল। গঙ্গান্নানের সুবিধা হইবে বলিয়া ১৩০৩ সাল হইতে মৃত্যুর দুই মাস পূর্ক পর্য্যন্ত তিনি দস্ত-পরিবারেই অবস্থান করিয়াছিলেন। প্রৌঢ়াবস্থার পূর্কেই তাঁহার পত্নীবিয়োগ হইয়াছিল।

ভুবনচন্দ্রের গ্রন্থের সংখ্যা বড় অল্প নহে। তিনি কাব্য, উপন্যাস, সামাজিক নকশা, প্রহসন, ইতিহাস, জীবনী, ভ্রমণকাহিনী—এক কথার বাংলা-সাহিত্যের সকল বিভাগেই গ্রন্থ রচনা করিয়া গিয়াছেন। তাঁহাকে দ্বিতীয় রাজকৃষ্ণ রায় বলা চলে। তিনি অহুবাদে সিদ্ধহস্ত ছিলেন; বেনল্ডসের জোসেফ উইলমট্, মারি কোরেলীর *Sorrows of Satan* ('সন্তপ্ত সমতান'), গালিভাস ট্রাভ্‌ল্‌স্ প্রভৃতি স্থলমিত বাংলায় অহুবাদ করিয়াছিলেন। তাঁহার লিখিত 'এই এক নূতন : আমার গুপ্তকথা' বা 'হরিদাসের গুপ্তকথা' (মে ১৮৭৩) আশাদের নিকট সমধিক পরিচিত।

ভুবনচন্দ্র নামের কাঙাল ছিলেন না। তাঁহার লিখিত অনেক পুস্তকে গ্রন্থকার-হিসাবে তাঁহার নাম মুদ্রিত হয় নাই। উদীয়মান লেখকগণের উৎসাহদাতা-রূপে তিনি অনেকের

রচনা সংস্কার করিয়া দিয়াছেন। “কুষ্টিয়া-নিবাসী সৈয়দ নীর মশারূরক হোসেন নামক এক মুসলমান যুবক ছইখানি বাজালা পুস্তক লিখিয়া তাঁহাকে দেখাইতে আসেন, তিনি তাহা উত্তমরূপে শোধন করিয়া বিস্তৃত বঙ্গভাষায় সজ্জিত করেন, একখানির নাম ‘বসন্তকুমারী,’ দ্বিতীয়খানির নাম ‘বিষাদসিদ্ধ’।” (‘জগন্মুনি,’ ভাঙ্গ ১৩১০, পৃ. ৩১)

১৮ জুলাই ১৯১৬ (২ শ্রাবণ ১৩২৩) তারিখে, ৭৪ বৎসর বয়সে, ভুবনচন্দ্র পরলোকগমন করেন। তাঁহার মৃত্যুতে পাঁচকড়ি বন্দ্যোপাধ্যায় ভৎসম্পাদিত ‘নায়কে’ (২০ ভাঙ্গ) লিখিয়াছিলেন :—

“আলালের সময় হইতে যিনি বাজালার গল্প পছন্দ লেখক, মাইকেলের সহচর, বাহার লিখিত পুস্তকরাশির সংখ্যা করা যায় না ; বাহার পাঠকগণেরও সংখ্যা হয় না—সেই সরল সোজা, দেশী বাজালা গল্পের লেখক ভুবনচন্দ্রের মতন অল্পবাদক বাজালার আর ছিল না—বোধ হয় আর হইবে না। আর...তুমি ভুবনচন্দ্রের মনীষা বেচিয়া এত অর্থ পাইয়াছ, তুমি সেই বুড়ার মরণে কি করিলে ? কি করিবে ? নাটুকে রামনারায়ণের সময় হইতে যে ভুবনচন্দ্রের প্রতিভা একটানা গজাশ্রোতের মত সমানভাবে ষাট বৎসরকাল বাজালা সাহিত্যক্ষেত্রে বহিয়া গিয়াছে, সেই ভুবনবাবুর দলের একজন ছিল না বলিয়া আজ বিশ্বত্বিসাগরে ডুবিল।”

‘পল্লীগ্রামস্থ বাবুদের দুর্গোৎসব’

১২৭৫ সালে (ইং ১৮৬৮) এই পুস্তিকাখানি প্রকাশিত হয়। ইহার পৃষ্ঠা-সংখ্যা ১০ ; আখ্যা-পত্রটি এইরূপ :—

আস্মানের নক্সা। পল্লীগ্রামস্থ বাবুদের দুর্গোৎসব। যশীর বোধন হইতে মহা-নবমীর কাদা পর্য্যন্ত। ত্রীযুক্ত দশ অবতারের এক অবতার কর্তৃক প্রণীত।

“————— ভূধর-দয়ী-লীনা মুনীনাং গিরঃ,
স্বচ্ছং স্নেচ্ছ-মতং জনাস্তদমুগাঃ কা নাম ধর্ম্ম্যাঃ ক্রিয়াঃ।
মম্বং স্তম্বমতীব।—————”

প্রেমচন্দ্র তর্কবাগীশ।

কলিকাতা। ত্রীযুক্ত ঈশ্বরচন্দ্র বসু কোং বহুবাজারস্থ ১৭২ সংখ্যক ভবনে ষ্ট্যান্‌হোপ্‌ বস্ত্রে মুদ্রিত। সন ১২৭৫ শাল।

পুস্তিকার লেখক আত্মগোপন করিয়া নিজকে “ত্রীযুক্ত দশ অবতারের এক অবতার”-রূপে পরিচয় দিয়াছেন। বেঙ্গল লাইব্রেরি-সঙ্কলিত মুদ্রিত-পুস্তকাদির তালিকায় তাঁহার আসল নাম “রামসর্কস্ব বিদ্যাতুষণ” এবং পুস্তিকার প্রকাশকাল “১৬ ডিসেম্বর ১৮৬৮” পাওয়া যাইতেছে।

১২৬০ সালে (ইং ১৮৪৩) ২৪-পরগণার অন্তর্গত কোদালিয়া গ্রামে রামসর্কস্বের জন্ম হয়। তাঁহার পিতার নাম—রামগোপাল বিদ্যাবাগীশ। দাক্ষিণাত্য বৈদিক ব্রাহ্মণদিগের

বৈদ্য বাগদান-প্রথা প্রচলিত থাকার বাল্যকালেই রামসর্কস্বয়ং পরিণয়-কার্য সম্পন্ন হইয়াছিল ; তিনি কবিবর ভীমাধ্বের কবিরত্নের ভগিনীকে বিবাহ করেন ।

রামসর্কস্বয়ং সংস্কৃত কলেজে ব্যাকরণ, অলঙ্কার, কাব্য, সাহিত্যাদি অধ্যয়ন করিয়া “বিজ্ঞানভূষণ” উপাধি লাভ করেন । তাঁহার ছাত্র-জীবন কতিপয়ে সমুজ্জ্বল । সংস্কৃত কলেজ হইতে বহির্গত হইয়া তিনি পটোলডাঙ্গা ট্রেনিং ইনষ্টিটিউশনের পণ্ডিত হন । অন্তঃপর তিনি বিভাগাগর-প্রতিষ্ঠিত মেট্রোপলিটান কলেজ ও বউবাজার শাখা-বিদ্যালয়ে দীর্ঘকাল অধ্যাপনা করিয়াছিলেন । ১৯০৩ সনে প্রকাশিত ‘সংস্কৃত ব্যাকরণপ্রবেশিকা’র বিজ্ঞাপনে তিনি লিখিয়াছেন :—“প্রায় ষাট বৎসর অতীত হইল, তৎকালে আমি প্রায় বিশ বৎসর ধরিয়া বিভাগাগর মহাশয়ের বিদ্যালয়ে ও তাঁহার নিজের কার্যে নিযুক্ত ছিলাম । তিনিও আমাকে পুত্রাধিক স্নেহ করিতেন ।” বিভাগাগরের মৃত্যুর (ইং ১৮৯১) পর রামসর্কস্বয়ং পাঁচ বৎসর বঙ্গবাসী কলেজে ও ১৫ বৎসর রিপন কলেজে অধ্যাপনা করিয়া ১৩১৭ সালে অবসর গ্রহণ করেন ।

রামসর্কস্বয়ং অমায়িকপ্রকৃতি, আমোদপ্রিয় ও সুরসিক ছিলেন । সাধারণের নিকট তাঁহার নাম রবীন্দ্রনাথের সংস্কৃত-শিক্ষক হিসাবেই সমধিক পরিচিত । কিন্তু তিনি যে সে কালের একজন প্রতিষ্ঠাবান্ সাহিত্যিক ছিলেন, ইহা আজ অনেকেরই নিকট অবিদিত । ১৮৬৮ সনের ২৮এ ডিসেম্বর ‘কল্পিতিকা’ নামে পাক্ষিক পত্রিকা তাঁহার সম্পাদনার প্রকাশিত হয়, নন্দীর উদ্ধৃত করিতেছি :—

কল্পিতিকা । এখানি পাক্ষিক পত্রিকা । শ্রীযুক্ত রামসর্কস্বয়ং ভট্টাচার্য্য ইহার সম্পাদক ও প্রকাশক । ১৫ই পৌষ অবধি নূতন বাঙ্গালা যন্ত্র হইতে প্রকাশিত হইতেছে, মাসিক মূল্য চারি আনা । (‘সংবাদ প্রভাকর,’ ২৩ পৌষ ১২৭৫)

কল্পিতিকা । এখানি পাক্ষিক পত্রিকা । পটোলডাঙ্গা ট্রেনিং ইনষ্টিটিউশনের পণ্ডিত শ্রীযুক্ত রামসর্কস্বয়ং বিজ্ঞানভূষণ ইহার প্রণয়ন করিতেছেন । ইহার দুই সংখ্যা দেখিয়া বোধ হইতেছে... । (‘সোমপ্রকাশ,’ ২০ মাঘ ১২৭৫)

১২৮২ সালের বৈশাখ (ইং ১৮৭৫) মাসে রামসর্কস্বয়ং ‘প্রতিবিম্ব’ নামে একখানি মাসিক পত্রিকা প্রকাশ করেন । ইহার প্রথম সংখ্যার সমালোচনা-প্রসঙ্গে ‘তত্ত্ববোধিনী পত্রিকা’ (ভাদ্র ১৭২৭ শক) লিখিয়াছিলেন :—

প্রতিবিম্ব । সাহিত্য, বিজ্ঞান, দর্শন, ইতিহাস, শিল্প, পুরাবৃত্ত, বার্তাশাস্ত্র, জীবনবৃত্ত, শব্দশাস্ত্র ও সঙ্গীতাদি বিষয়ক মাসিক পত্র ও সমালোচন । শ্রীরামসর্কস্বয়ং বিজ্ঞানভূষণ কর্তৃক সম্পাদিত । কলিকাতা, তিষ্ঠোরিয়া ষত্রে মুদ্রিত, ১২৮২ । এই সংখ্যার নিম্নলিখিত প্রস্তাবগুলি প্রকাশিত হইয়াছে । ১ম নৃচনা, ২য় মনু ও তাঁহার রাজনীতি, ৩য় উদাসীন যোগী বেশে সাজারে আনার, ৪র্থ বিজ্ঞান, ৫ম আলঙ্কারিক শিল্প, ৬ষ্ঠ প্রকৃতির খেদ, ৭ম পৌরাণিক কু-বৃত্তান্ত, ৮ম আয়ুর্বেদ । খীর লেখকগণের নাম ঘোষণা বিষয়ে

প্রতিবিশ্বের কোন আত্মকর নাই কিন্তু আমরা তুলিতে গাই এই মানিক পত্র প্রণ
 কার্যে উত্তম উত্তম লেখক ত্রুতী আছেন। “আলম্কারিক শিল্পে”র জ্ঞান গভীর প্রভাব
 “প্রকৃতির খেদে”র জ্ঞান কবিতা যে পত্রিকায় প্রকাশিত হয়, তাহা সাধারণ
 সমাদরভাজন না হইয়া কখনই থাকিতে পারে না। আমরা তুলিলাম পরলোক
 শ্রীমানি মহাশয় আলম্কারিক শিল্প ও পৌরাণিক ভূ-বৃত্তান্ত এই প্রস্তাব
 লিখিয়াছেন। তাঁহার জ্ঞান ধীর, অমানিক, শিল্পাভিজ ব্যক্তি অল্পই পাওয়া যায়।

“প্রকৃতির খেদ” রবীন্দ্রনাথের রচনা। ‘প্রতিবিশ্ব’র ২য় সংখ্যা (জ্যৈষ্ঠ ১২৮২) হই
 বিবেচনাধের লিখিত “পাতঞ্জলের যোগশাস্ত্র” ধারাবাহিক ভাবে প্রকাশিত হইতে থাকে
 ১২৮২ সালের অগ্রহায়ণ মাস হইতে পত্রিকাখানি ‘জ্ঞানাকুরে’র সহিত সম্মিলিত হই
 ‘জ্ঞানাকুর ও প্রতিবিশ্ব’ নাম ধারণ করে।

২৪ জুন ১৯১২ (১০ আষাঢ় ১৩১৯) তারিখে, ৬৯ বৎসর বয়সে, পণ্ডিত রামসব
 বিজ্ঞানভূষণ পরলোকগমন করিয়াছেন (‘গৃহস্থ,’ কার্তিক ১৩১৯ দ্রষ্টব্য)।

সূচীপত্র

'ছতোম,' ১ম ভাগ

প্রকরণ	পৃষ্ঠা
চড়ক	১
বারোইয়ারি	১৪
হজুক	৪৮
ছেলে ধরা	৪৮
প্রতাপচাঁদ	৪৮
মহাপুরুষ	৪৯
লালা রাজাদের বাড়ি দালা	৫২
কুশানি হজুক	৫৩
মিউটিনি	৫৪
মরাফেরা	৫৬
আমাদের জাতি ও নিম্নুকেরা	৫৯
নানা সাহেব	৬০
সাতপেয়ে গরু	৬০
দরিয়াই ষোড়া	৬০
লক্কোরের বাদসা	৬১
শিবকক বন্দ্যোপাধ্যায়	৬২
ছাঁচোর ছেলে বুঁচো	৬২
জটিসু ওয়েল্‌সু	৬৩
টেক্টাদের পিসী	৬৪
পাত্রি লং ও নীলদর্পণ	৬৪
রমাপ্রসাদ রায়	৬৬
রসরাজ ও বেমন কর্ন তেমনি কল	৭২
বুজুকি	৭৪
হোসেন ষাঁ	৭৪
ছুত মাবানো	৭৫
নাককাটা বহ	৭৬

শ্রেণী	পৃষ্ঠা
বাবু পদ্মলোচন দত্ত	
ওরফে হঠাৎ অবতার	৮৪
স্নানযাত্রা	৯৮
‘হতোম,’ ২য় ভাগ	
রথ	১১১
দুর্গোৎসব	১১৩
রামলীলা	১২৩
রেলওয়ে	১৩০
‘সমাজ কুচিত্র’	১৪৫-২১
‘পল্লীগ্রামস্থ বাবুদের দুর্গোৎসব’	১২৩-২০৪

হাটম প্যাটার নকশা
প্রথম ভাগ

সহদয় কুলচূড় শ্রীল শ্রীযুক্ত মূলক চাঁদ শর্মা
বঙ্গালী সাহিত্য ও সমাজের প্রিয়চিকীর্গা নিবন্ধন
বিনয়ানত

শ্রীহতোম প্যাঁচা কর্তৃক
(তাহার এই প্রথম রচনাকুম্ম)
শ্রীচরণে
অঞ্জলি প্রদত্ত হইল ।

ভূমিকা উপলক্ষে একটা কথা

আজকাল বাঙ্গালী ভাষা আমাদের মত মূর্ত্তমান কবিদের অনেকেরই উপজীব্য হয়েছে, বেওয়ারিস লুচির ময়দা বা তইরি কাদা পেলে যেমন নিকশা ছেলেমাত্রেই একটা না একটা পুতুল তইরি করে খালা করে, তেমনি বেওয়ারিস বাঙ্গালী ভাষাতে অনেকে যা মনে যার কচ্চেন ; যদি এর কেও ওয়ারিসান্ থাকতো, তা হলে ইন্সুলবর ও আমাদের মত গাধাদের ঘারা নাস্তা নাবুদ হতে পেতো না—তা হলে হয় ত এত দিন কত গ্রহকার কাঁদি যেতেন, কেউ বা কয়েদ থাকতেন, সুতরাং এই নজিরেই আমাদের বাঙ্গালী ভাষা দখল করা হয় । কিন্তু এমন নতুন জিনিস নাই যে, আমরা তাতেই লাগি—সকলেই সকল রকম নিয়ে ছুড়ে বসেচেন—বেশির ভাগই অ্যাকচেটে, কাজে কাজেই এই নকশাই আমাদের অবলম্বন হয়ে পড়লো । কথায় বলে “এক জন বড়মামুষ, তাঁরে প্রত্যহ নতুন নতুন মস্করামো জাখাবার জন্ত এক জন ভাঁড় চাকর রেখেছিলেন, সে প্রত্যহ নতুন নতুন ভাঁড়ামো করে বড়মামুষ মশায়ের মনোরঞ্জন কস্তো, কিছু দিন যায়, অ্যাক দিন সে আর নতুন ভাঁড়ামো খুঁজে পায় না, শেষে ঠাউরে ঠাউরে এক কাঁকামুটে ভাঁড়া করে বড়মামুষ বাবুর কাছে উপস্থিত, বড়মামুষ বাবু তাঁর ভাঁড়কে কাঁকামুটের ওপর বসে আসতে দেখে বলেন, ভাঁড় ! এ কি হে ? ভাঁড় বলে, “ধর্ম্মাবতার, আজকের এই এক নতুন !” আমরাও এই নকশাটি পাঠকদের উপহার দিয়ে এই এক নতুন বলে দাঁড়ালেম—এখন আপনাদের স্বেচ্ছামত তিরস্কার বা পুরস্কার করুন ।

কি অভিপ্রায়ে এই নকশা প্রচারিত হলো, নকশাখানির ছ পাত দেখলেই সন্দেহ মাত্রেই তা অমূল্যব কস্তে সমর্থ হবেন, কারণ এই নকশায় একটা কথা অলীক বা অমূল্য ব্যবহার করা হয় নাই—সত্য বটে অনেকে নকশাখানিতে আপনারে আপনি দেখতে পেলেও পেতে পারেন, কিন্তু বাস্তবিক সেটি যে তিনি মন তা বলা বাহুল্য, তবে কেবল এই মাত্র বলতে পারি যে, আমি কারেও লক্ষ্য করি নাই অথচ সকলেরেই লক্ষ্য করিচি, এমন কি স্বয়ংও নকশার মধ্যে থাকিতে ভুলি নাই ।

নকশাখানিকে আমি এক দিন আরসি বলে পেশ করেও কস্তে পাঠেম, কারণ পূর্বে আমি ছিল যে, দর্পণে আপনার মুখ কদর্য দেখে কোন বুদ্ধিমানই আরসিখানি তেলে কেলেন না, বরং যাতে ক্রমে ভালো দেখায় তারই তথির করে থাকেন, কিন্তু নীলদর্পণের হাজার দেখে শুনে—ভয়ানক আনোয়ারদের মুখের কাছে তরঙ্গা বেঁধে আরসি ধস্তে আর সাহস

হয় না, সুতরাং বুড়ো বয়সে সং সেজে রং কত্তে হলো—পুণ্ডরীক পাঠকগণ বোঝাবি বাক্
করেন ।

আশ্রয় }
১৭৮৪ শকাব্দা }

দ্বিতীয় বারের গৌরচন্দ্রিকা

পাঠক ! হতোমের নক্শার প্রথম ভাগ দ্বিতীয় বার মুদ্রিত ও প্রচারিত হলো । যে সময় এই বইখানি বাহির হয়, সে সময় লেখক একবার বন্ধেও প্রত্যাশা করেন নাই যে, এখানি বাঙ্গালী সমাজে সমাদৃত হবে ও দেশের প্রায় সমস্ত লোকে (কেউ লুকিয়ে কেউ প্রকাশে) পড়বেন । ধারা সম্বন্ধে, সর্ব সময়ে দেশের প্রিয় কামনা করে থাকেন ও হতভাগ্য বাঙ্গালী সমাজের উন্নতির নিমিত্ত কামনা করেন, তাঁরা হতোমের নক্শা আদর করে পড়ে সর্বদাই অবকাশ রঞ্জন করেন । যেগুলো হতভাগা, হতোমের লক্ষ্য, লক্ষীর বয়যাত্র, পালীর টেকা ও বজ্রাতের বাদুশা, তারা “দেখি হতোম আমার গাল দিয়েছে কি না ? কিভাবে কি গাল দিয়েছে” বলেও অন্তত লুকিয়ে পড়েছে ; সুস্থ পড়া কি,—অনেকে সুদূরেচেন, সমাজের উন্নতি হয়েছে ও প্রকাশে বেলেলাগিরি বদমাইশি ও বজ্রাতের অনেক লাভ হয়েছে । এ কথা বলাতে আমাদের আপনা আপনি বড়াই করা হয় বটে, কিন্তু এটি সাধারণের ঘরকন্নার কথা *Household words*.

পাঠক ! কতকগুলি আনাড়িতে রটান, হতোমের নক্শা অতি কদর্য্য বই, কেবল পরনিষ্ঠা পরচর্চা খেঁউড় ও পচালে পোরা ও শুদ্ধ গায়ের আলা নিবারণার্থ কতিপয় ভুল্ললোককে গাল দেওয়া হয়েছে । এটি বাস্তবিক ঐ মহাপুরুষদের ভ্রম ; অ্যাকবার ক্যান, শতক বার মুক্ত কর্তে বলবো—ভ্রম ! হতোমের তা উদ্দেশ্য নয়, তা অভিসন্ধি নয়, হতোম তত দূর নীচ নয় যে, দাদ তোলা কি গাল দেবার জন্ত কলম ধরেন । জগদীশ্বরের প্রসাদে যে কলমে হতোমের নক্শা প্রসব করেছে, সেই কলম ভারতবর্ষের প্রধান ধর্ম ও নীতি শাস্ত্রের উৎকৃষ্ট ইতিহাসের ও বিচিত্র চিত্তোৎকর্ষবিধায়ক মুমুকু সংসারী, বিরাগী ও রাজার অনন্ত-অবলম্বন-স্বরূপ গ্রন্থের অনুবাদক ; সুতরাং এটা আপনি বিলক্ষণ জানবেন যে, অজাগর মুদ্রিত হলে আরম্মলা ধায় না ও গায়ে পিপড়ে কামড়ালে ডক ধরে না । হতোমে বর্ণিত বদমাইশ ও বাজে দলের সঙ্গে গ্রন্থকারেরও সেই সম্পর্ক ।

তবে বলতে পারেন, ক্যানই বা কলকেতার কতিপয় বাবু হতোমের লক্ষ্যান্তবর্তী হলেন, কি দোষে বাগাধর বাবুরে প্যালানাথকে পল্ললোচনকে মজলিসে আনা হলো, ক্যানই বা ছুঁচো শীল, প্যাঁচা মল্লিকের নাম করে, কোন্ দোষে অজনারঞ্জন বাহাদুর ও বর্ধমানের হজুর আলী আর পাঁচটা রাজা রাজ্‌ড়া থাকতে আসরে এলেন ? তার উত্তর এই যে, হতোমের নক্শা বলসাহিত্যের নূতন গহনা, ও সমাজের পক্ষে নূতন হেঁয়ালি ; যদি ভাল করে চ'কে আঙুল দিয়ে বুঝিয়ে দেওয়া না হয়, তা হলে সাধারণে এর মর্ম বহন কতে পারেন না ও হতোমের উদ্দেশ্য বিকল হতো । অ্যামস কি, এত ঘরখ্যাখা করে এনেও অনেকে আপনারে বা আপনার চিরপরিচিত বন্ধুরে নক্শার চিন্তে পারেন না ও কি জন্ত কোন্ জণে তাঁদের মজলিসে আনা হলো, পাঠ করবার সময় তাঁদের সেই জণ ও দোষগুলি বোঝার বিশ্বস্ত হয়ে যান ।

ময়ূরভঞ্জন মহারাজার মোক্তার মহাশয়ের সঙ্গে নেহোবাজার হতে উৎকৃষ্ট জড়ির লপেটা জুতো পাঠান, মহারাজ চিরকাল উড়ে জুতো পারে দিয়ে এসেছেন, লপেটা পেয়ে মনে কল্লেন, সেটি পাগড়ির কলগী ও জন্মতিথির দিন মহা সমারোহ করে ঐ লপেটা পাগড়ির ওপর বেঁধে মজলিসে বার দিলেন। সুতরাং পাছে স্বকপোলকল্পিত নারক হত্যোমের পাঠকের নিতান্ত অপরিচিত হন, এই ভয়ে সমাজের আত্মীয় অন্তরঙ্গ নিয়ে ও স্বয়ং সংসেজে মজলিসে হাজির হওয়া হয়। বিশেষত “বিদেশে চণ্ডীর কৃপা দেশে ক্যান নাই?” বাঙ্গালী সমাজে বিশেষত সহরে য্যামন কতকগুলি পাওয়া যায়; কল্পনার অনিয়ত সেবা করে সরস্বতীরও শক্তি নাই যে, তাঁদের হতে উৎকৃষ্ট জীবের বর্ণন করেন।

হত্যোমের নক্শার অঙ্করণ করে বটুভলার ছাপাখানাওয়ালারা প্রায় দুই শত রকমারি চটা বই ছাপান, ও অনেকে হত্যোমের উত্তোর বলে “আপনার মুখ আপনি দেখেন ও আখান”। হুম্মান লঙ্কা দখ করে সাগরবারিতে আপনার মুখ আপনি দেখে জাতিমাত্রেয়ই যাতে এরূপ হয়, তার বর প্রার্থনা করেছিলেন, উল্লিখিত গ্রন্থকারও সেই দশা ও দরের লোক। কিন্তু কত দূর সফল হলেন, তার ভার পাঠক! তোমার বিবেচনার ওপর নির্ভর করে। তবে এটা বলা উচিত যে, পত্রদ্বারা দ্বারে দ্বারে ভিক্ষা করে পরপরিবাদ ও পরনিন্দা প্রকাশ করা ভদ্রলোকের কর্তব্য নয়।

ফলে “আপনার মুখ আপনি দেখ” গ্রন্থকার হত্যোমের বমন অপহরণ করে বামনের চন্দ্র গ্রহণের স্থায় হত্যোমের নক্শার উত্তর দিতে উত্তত হন ও বই ছাপিয়ে ঐ বই হত্যোমের উত্তর বলে কতকগুলি ভদ্রলোকের চক্ষে ধুলি দিয়ে ব্যাচেন। কিন্তু দুঃখের বিষয়, বহু দিন ঐ ব্যাবসা চলো না। সাত পেয়ে গরু, দরিয়াই ঘোড়া ও হোসেন খাঁর জিনির মত সন্দদয় সমাজে জানতে পাল্লেন যে, গ্রন্থকারের অভিসন্ধি কি? এমন কি, ঐ গ্রন্থকার খোদ হত্যোমকেই তাঁরে সাহায্য কত্তে ও কিঞ্চিৎ ভিক্ষা দিতে প্রার্থনা করেন, সে পত্র এই—

জগদীশ্বরের নমঃ।—

মহাশয়! “আপনার মুখ আপনি দেখ” পুস্তকের প্রথম খণ্ড প্রকাশিত করিয়া পাঠক-সমাজে যে তাহা গ্রহণীয় এবং আদরণীয় হইবেক পূর্বে এমত ভরসা করি নাই। এক্ষণে জগদীশ্বরের কৃপায় অনেকানেক পাঠক মহাশয়েরা উক্ত পুস্তকখানি পাঠ করিয়া “দেশাচার সংশোধন পক্ষে পুস্তকখানি উত্তম হইয়াছে” এমত অনেকেই বলিয়াছেন; তাহাতেই শ্রম সফল এবং পরম লাভ বিবেচনা করা হইয়াছে।—

প্রথম খণ্ডে “দ্বিতীয় খণ্ড আপনার মুখ আপনি দেখ” প্রকাশিত হইবেক এমত লিখিত হওয়ার অনেকেই ‘তদর্শনে অতিলবিত হইয়াছেন (তাহারা পাঠক এবং গ্রাহক সাম্প্রদায়িক এই মাত্র)। উপস্থিত মহৎকার্য্য পরিশ্রম অর্ধব্যয় এবং দেশহিতৈষী পরহিতপরায়ণ মহাশয় মহোদয়স্বিগের উৎসাহ এবং সাহায্য প্রদান ব্যতীত কোমরতে সম্পাদিত হইতে পারে না। আপনার নিঃস্ব ভাব, ধনব্যয় করিবার কন্যতা নাই, এ

কারণ এই মহৎকার্য মহাজ্ঞানের কৃপাবশ্বে না দণ্ডায়মান হইলে কোনক্রমেই এ বিষয় সমাধা হইবেক না। আর সাধারণ লোকের আশ্রয় গ্রহণ না করিলে এ বিষয় সমাধা হইবার নহে। ধনী, ধীর, স্বদেশীয় ভাষার শ্রীবুদ্ধিকারক এবং দেশের হিতৈষীকই এই মহৎ কার্যে উৎসাহদাতা এ বিষয় মহাশয় ব্যতীত এ বিষয়ের সাহায্য আর কেহই হইতে পারেন না। আপনার দাতৃত্বতা পরোপকারিত্বতা ও কৃতজ্ঞতা প্রকৃতির সুবশ সৌরভ গৌরবে ধরণী সৌরভিনী হইয়াছে, ভারত আপনার যশরূপ যশ ধারণ করিয়াছে। দেশাচার সংশোধন পক্ষে মহাশয় বালালা ভাবার প্রথম গ্রন্থকর্তা, বর্তমানে মহাশয়ের মতামুসারে সকলেরই গ্রন্থ লেখা কর্তব্য বিবেচনা করিয়া আপনার কৃপাবশ্বে দণ্ডায়মান হইয়া নিবেদন করিলাম মহাশয় কিঞ্চিৎ কৃপানেত্রে চাহিয়া সাহায্য প্রদান করিলে সঙ্করেই দ্বিতীয় খণ্ড “আপনার মুখ আপনি দেখ” পুস্তক প্রকাশ করিতে পারি। নিবেদন ইতি সন ১২৭৪ সাল তারিখ—২০ জ্যৈষ্ঠ—

পু

লিপিখানিতে, ডাক ষ্ট্যাম্প দিয়া প্রদান করা বিধেয় বিবেচনা করিলাম না। না দেওয়ার অপরাধ মার্জনা করিবেন।

দ্বিতীয়তঃ। অমুজ্জার আশাপথ নিরীক্ষণ করিয়া রহিলাম কৃপাবলোকন যে রূপ অমুজ্জা হইবেক লিখিয়া বাধিত করিবেন।—

কা, যা রূপ কারাবাসে : কা, লে কালে আয়ু নাশে : ভো, লা মন ভাবে না ভুলিয়ে।

ব লি, তারে সুবচনে : চ লি, তে সুজন সনে : হে লা, করে খেলায় মাতিয়ে ॥

সদ প্র, মদেতে মত্ত : ত্যজি প্র, সঙ্গের তত্ত্ব : নিত্য না, চে কুসঙ্গের সনে।

তত্ত্ব র স, পরিহরি : বুধা র স, পান করি : মনম থ, অমুক্ষণ মনে ॥

ভারতে ত ন, তা করি : অভেদ ভি ন, তা হরি : দেখাইছে যু, জির সোপান।

মন যদি ব সি, ভায় : ত্যজে পাপ য সি, হায় : শুনি মুনি যু খো, গুণ গান ॥

ভারত বেদের অ ং, শ : শ্রবণে কনুস ধ্ব ং, স : ভারতে ভারত পা, প হরে।

হরিগুণ সদত্ ক হ, ভারত লইয়া র .হ, ভাগবতে কর আ ধ্যা, নরে ॥

হতোমের চিরপরিচিত রীত্যুসারে এই ভিক্ষুকের পত্রখানি অপ্ৰচারিত রাখা কর্তব্য ছিল, কিন্তু কতকগুলি স্থলবয় ও আনাড়িতে বাস্তবিকই স্থির করে রেখেচেন যে, “আপনার মুখ আপনি দেখ” বইখানি হতোমের প্রকৃত উত্তর, ও বটতলার পাইকেররাও ঐ কথা বলে হতোমের নকশার সঙ্গে ঐ বিচিত্র বইখানি বিক্রী করেন বলিয়াই ঐ হতভাগ্য ভিক্ষুকের পত্রখানি অবিকল ছাপান গেল।—এখন পাঠক! তুমি ঐ পত্রখানিই পাঠ করে জানতে পারবে, হতোমের নকশার সঙ্গে “আপনার মুখ আপনি দেখ” গ্রন্থকারের কিরূপ সম্পর্ক।

শঙ্করপুর

১লা এপ্রেল

শ্রীভালা হুন্ র্যাক-ইয়ার।

প্রকাশক।

কলিকাতার চড়কপার্কণ

“কহই টুনোয়া—

সহর সিখাওরে কোতোয়ালী”—টুনোয়ার টমা ।

কলিকাতা সহরের চার দিকেই ঢাকের বাজনা শোনা যাচ্ছে, চড়কীর পিঠ সড় সড় কছে, কামারেরা বাণ, দশলকি, কাঁটা ও বাঁটি প্রস্তুত কছে ; সর্ব্বাঙ্গে গয়না, পায়ে নূপুর, মাতায় জরির টুপি, কোমোরে চন্দ্রহার, সিপাই পেড়ে ঢাকাই সাড়ি মালকোচা করে পরা, তারকেখরে ছোবান গামছা হাতে, বিশ্বপত্র বাঁদা সূতা গলায় যত ছুতর, গয়লা, গন্ধবেণে ও কাঁসারীর আনন্দের সীমা নাই—“আমাদের বাবুদের বাড়ি গাজেন !”

কোম্পানির বাংলা দখলের কিছু পরে, নন্দকুমারের কাঁসি হবার কিছু পূর্বে আমাদের বাবুর প্রপিতামহ নিমকের দাওয়ান ছিলেন, সে কালে নিম্কীর দাওয়ানীতে বিলক্ষণ দশ টাকা উপায় ছিল ; সুতরাং বাবুর প্রপিতামহ পাঁচ বৎসর কর্ম্ম করে মৃত্যুকালে প্রায় বিশ লক্ষ টাকা রেখে যান—সেই অবধি বাবুরা বনেদী বড় মানুষ হয়ে পড়েন । বনেদী বড় মানুষ কব্লাতে গেলে বাঙ্গালী সমাজে যে সরঞ্জামগুলি আবশ্যিক, আমাদের বাবুদের তা সমস্তই সংগ্রহ করা হয়েছে—বাবুদের নিজের একটি দল আছে, কতকগুলি ব্রাহ্মণ পণ্ডিত, কুলীনের ছেলে, বংশজ, শ্রোত্রিয়, কায়স্থ, বৈষ্ণ, তেলী, গন্ধবেণে আর কাঁসারী ও ঢাকাই কামার নিতান্ত অনুগত—বাড়িতে ক্রিয়েকর্ম্ম ফাঁক যায় না, বাৎসরিক কর্ম্মেও দলস্থ ব্রাহ্মণদের বিলক্ষণ প্রাপ্তি আছে ; আর ভদ্রাসনে এক বিগ্রহ, শালগ্রামশিলে ও আকবরী মোহর পোরা লক্ষ্মীর খুঁচির নিত্যসেবা হয়ে থাকে ।

এদিকে ছলে বেয়ারা, হাড়ি ও কাওয়ারা নূপুর পায়ে উত্তরি সূতা গলায় দিয়ে নিজ নিজ বীরভ্রতের ও মহত্বের স্তম্ভস্বরূপ বাণ ও দশলকি হাতে করে প্রত্যেক মদের দোকানে বেঞ্জালয়ে ও লোকের উঠানে ঢাকের সঙ্গতে নেচে ব্যাড়াচ্ছে । ঢাকীরা ঢাকের টোয়েতে চামর, পাখির পালক, ঘণ্টা ও ঘুড়ুর বেঁধে পাড়ায় পাড়ায় ঢাক বাজিয়ে সন্ন্যাসী সংগ্রহ কছে ; গুরু মশায়ের পাঠশাল বন্দ হয়ে গিয়েছে—ছেলেরা গাজনতলাই বাড়ি করে তুলেছে ; আহার নাই, নিদ্রা নাই ; ঢাকের পেচোনে পেচোনে রুস্টে রুস্টে ব্যাড়াচ্ছে ; কখন “বলে ভদ্রেশ্বরে শিখো মহাদেব” চীৎকারের

সঙ্গে যোগ দিচ্ছে, কখন ঢাকের টোয়ের চামর ছিঁড়ছে, কখন ঢাকের পেছনটা ছুঁ ছুঁ করে বাজাচ্ছে—বাপ মা শশব্যস্ত, একটা না ব্যায়রাম কল্পে হয়।

ক্রমে দিন ঘুনিয়ে এলো, আজ বৈকালে কাঁটাঝাঁপ! আমাদের বাবুর চার পুরুষের বুড়ো মূল সন্ন্যাসী কাণে বিষপত্র গুঁজে, হাতে এক মুটো বিষপত্র নিয়ে, ধুকতে ধুকতে বৈঠকখানায় উপস্থিত হলো; সে নিজে কাওরা হলেও আজ শিবঘ পেয়েচে, স্মতরাং বাবু তারে নমস্কার কল্পেন; মূল সন্ন্যাসী এক পা কাদা শুদ্ধ খোব ফরাশের উপর দিয়ে বাবুর মাতায় আশীর্বাদী ফুল ছোঁয়ালেন,—বাবু তটস্থ!

বৈঠকখানার মেকাবি ক্লাকে টাং টাং টাং করে পাঁচটা বাজলো, সূর্যের উত্তাপের ছাস হয়ে আসতে লাগলো। সহরের বাবুরা ফেটিং, সেল্ফ ড্রাইভীং, বগি ও ব্রাউহামে করে অবস্থাগত ফ্রেণ্ড, ভদ্র লোক, বা মোসাহেব সঙ্গে নিয়ে বেড়াতে বেরলেন, কেউ বাগানে চললেন—তুই চার জন সহদয় ছাড়া অনেকেরি পিছনে মালভরা মোদাগাড়ি চল্লো, পাছে লোকে জানতে পারে এই ভয়ে কেউ সে গাড়ির সইস কোচম্যানকে তক্মা নিতে বারণ করে দেচেন—কেউ লোকাপবাদ তৃণজ্ঞান, বেঞ্জাবাজী বাহাছরির কাজ মনে করেন; বিবিজানের সঙ্গে একত্রে বসেই চলেচেন, খাতির নদারৎ!—কুঠিওয়ালারা গহনার ছকড়ের ভিতর থেকে উকি মেরে দেখে চক্ষু সার্থক কচেন।

এদিকে আমাদের বাবুদের গাজনতলা লোকারণ্য হয়ে উঠলো, ঢাক বাজতে লাগলো, শিবের কাছে মাথা চালা আরম্ভ হলো, সন্ন্যাসীরা উবু হয়ে বসে মাথা ঘোরাচ্ছে, কেহ ভক্তিয়োগে হাঁটু গেড়ে উপুড় হয়ে পড়েচে—শিবের বামুন কেবল গঙ্গাজল ছিটুচ্ছে, প্রায় আধ ঘণ্টা মাথা চালা হলো, তবু ফুল আর পড়ে না; কি হবে! বাড়ির ভিতরে খবর গেলো; গিল্লিরা পরস্পর বিষন্ন বদনে “কোন অপরাধ হয়ে থাকবে” বলে একেবাবে মাথায় হাত দিয়ে বসে পড়লেন—উপস্থিত দর্শকেরা “বোধ হয়, মূল সন্ন্যাসী কিছু খেয়ে থাকবে, সন্ন্যাসীর দোষেই এই সব হয়”; এই বলে নানাবিধ তর্ক বিতর্ক আরম্ভ কল্পে; অবশেষে গুরু পুরুত, ও গিল্লির ঐক্য মতে বাড়ির কর্তাবাবুকে বাঁধাই স্থির হলো। এক জন আমুদে ব্রাহ্মণ ও চার পাঁচ জন সন্ন্যাসী দৌড়ে গিয়ে বাবুর কাছে উপস্থিত হয়ে বল্পে—“মোশায়কে একবার গা ছুলে শিবতলায় যেতে হবে,” “ফুল ত পড়ে না!” সঙ্ক্যা হয়—বাবুর কিটনু প্রস্তুত, পোশাক পরা, রুমালে বোকো মেখে বেরুচ্ছিলেন—ওনেই অজ্ঞান! কিন্তু কি করেন, সাত পুরুষের ক্রিয়েকাণ্ড বন্দ করা হয় না, অগত্যা পায়নাপেলের চাপুকান পরে, সাজগোজ সমেতই গাজনতলায় চল্লেন—বাবুকে আসতে দেখে

কলিকাতার চড়কশাৰ্ঙ্গ

দেউড়ির দরওয়ানেরা আগে আগে সার গাঁতে চলো ; মোসাহেবেরা বাবুর সমূহ বিপদ মনে করে বিষম বদনে বাবুর পেচোনে পেচোনে বেতে লাগলো ।

গাজনতলায় সজোরে ঢাক ঢোল বেজে উঠলো, সকলে উচ্চস্বরে “ভদ্রেধরে শিবো মহাদেব” বলে চীৎকার করতে লাগলো ; বাবু শিবের সম্মুখে ভূমিষ্ঠ হয়ে প্রণাম করলেন ।—বড় বড় হাতপাখা ছুপাশে চলতে লাগলো, বিশেষ কারণ না জানলে অনেকে বোধ কস্তে পারতো যে, আজ্ বৃষ্টি নরবলি হবেন । অবশেষে বাবুর ছহাত একত্র করে ফুলের মালা জড়িয়ে দেওয়া হলো, বাবু কঁাদ কঁাদ মুখ করে রেশমি কুমাল গলায় দিয়ে এক ধারে দাঁড়িয়ে রইলেন, পুরোহিত শিবের কাছে “বাবা ফুল দাও,” “ফুল দাও,” বারংবার বলতে লাগলো, বাবুর কল্যাণে এক ঘটি গঙ্গাজল পুনরায় শিবের মাতায় ঢালা হলো, সম্ম্যাসীরা সজোরে মাতা ঘুরতে লাগলো, আধ ঘণ্টা এইরূপ কষ্টের পর শিবের মাতা থেকে এক বোঝা বিঘপত্র সরে পড়লো ! সকলের আনন্দের সীমা নাই “বলে ভদ্রেধরে শিবো” বলে চীৎকার হতে লাগলো, সকলেই বলে উঠলো, না হবে কেন—কেমন বংশ !

ঢাকের তাল ফিরে গেলো । সম্ম্যাসীরা নাচতে নাচতে কাছের পুকুর থেকে পরশু দিনের ফ্যালা কতকগুলি বঁইচির ডাল তুলে আনলে । গাজনতলায় বিশ আঁটি বিচালি বিছানো ছিল, কাঁটার ডালগুলো তার উপর রেখে বেতের বাড়ি ঠাঙ্গান হলো, ক্রমে সব কাঁটাগুলি মুখে মুখে বসে গেলো পর পুরুত তার উপর গঙ্গাজল ছড়িয়ে দিলেন, দুজন সম্ম্যাসী ডবল গামছা বেঁদে তার ছদিকে টানা ধলে,— সম্ম্যাসীরা ক্রমান্বয়ে তার উপর কাঁপ খেয়ে পড়তে লাগলো ; উঃ ! “শিবের কি মাহাত্ম্য !” কাঁটা ফুটলে বলবার যো নাই ! এদিকে বাজে দর্শকের মধ্যে ছ এক জন কুটেল চোরা গোপ্তা মাচেন । অনেকে দেবতাদের মত অন্তরীক্ষে রয়েছেন, মনে কচেন বাজে আদায়ে দেখে নিলুম, কেউ জানতে পাল্লে না । ক্রমে সকলের কাঁপ খাওয়া ফুললো ; এক জন আপনার বিক্রম জানাবার জন্ত চিৎ হয়ে উল্টো কাঁপ খেলে ; সজোরে ঢাক বেজে উঠলো । দর্শকেরা কাঁটা নিয়ে টানাটানি কস্তে লাগলেন—“গিম্বিরা বলে দিয়েছেন, কাঁপের কাঁটার এমনি গুণ, যে, ঘরে রাখলে এম্মে বিছানার ছারপোকা হবে না !”

এদিকে সহরে সঙ্ক্যান্চক কাঁসোর ঘণ্টার শব্দ থামলো । সকল পথের সমুদায় আলো জ্বালা হয়েছে । “বেলফুল !” “বরফ !” “মালাই !” চীৎকার শুনা যাচ্ছে । আবগারীর আইন অনুসারে মদের দোকানের সদর দরজা বন্ধ হয়েছে অথচ খন্দের ফিচ্ছে না—ক্রমে অন্ধকার গাঢ়াকা হয়ে এলো ; এ সময় ইংরাজী

জুতো, শান্তিপুর্বে ছুরে উড়ুনি আর সিমলের ধুতির কল্যাণে রাস্তার ছোট লোক উদর লোক আর চেন্বার যো নাই। তুখোড় ইয়ারের দল হাসির গব্বা ও ইংরাজী কথার ফব্বার সঙ্গে খাতায় খাতায় এর দরজায়, তার দরজায় চু মেরে মেরে বেড়াচ্ছেন—এঁরা সন্ধ্যা জ্বালা দেখে বেকলেন আবার ময়দা পেয়া দেখে বাড়ি ফিব্বেন। মেছোবাজারের হাঁড়িহাটা—চোরবাগানের মোড়, যোড়াসাঁকোর পোদ্দারের দোকান, নতুন বাজার, বটতলা, সোনাগাজীর গলি ও আহিরিটোলার চৌমাথা লোকারণ্য—কেউ মুখে মাথায় চাদর জড়িয়ে মনে কচ্ছেন কেউ তাঁরে চিন্তে পারবে না ; আবার অনেকে চেষ্টিয়ে কথা করে, কেশে, হেঁচে, লোককে জানান দিচ্ছেন যে, “তিনি সন্ধ্যার পর ছু দণ্ড আয়েস করে থাকেন !”

সৌখীন কুঠিওয়ালা মুখে হাতে জল দিয়ে জলযোগ করে সেতারটি নিয়ে বসেছেন। পাশের ঘরে ছোট ছোট ছেলেরা চীৎকার করে বিদ্বেষাগরের বর্ণপরিচয় পড়্চে। পীল ইয়ার ছোকরারা উড়ুতে শিখ্চে। স্মাকরারা দুর্গাপ্রদীপ সামনে নিয়ে রাংঝাল দিবার উপক্রম করেছে। রাস্তার ধারের ছুই একখানা কাপড়, কাঠ কাটরা ও বাসনের দোকান বন্ধ হয়েছে, রোকোড়ের দোকানদার পোদ্দার ও সোনারবেণেরা তহবিল মিলিয়ে কৈফিয়ৎ কাট্চে। শোভাবাজারে রাজাদের ভাজা বাজারে মেচুনীরা প্রদীপ হাতে করে ওঁচা পচা মাচ ও লোনা ইলিস নিয়ে ক্রেতাদের—“ও গামচাকাদে, ভালো মাচ নিবি ?” “ও খেংরাগুঁপো মিন্‌সে, চার আনা দিবি” বলে আদর কচ্ছে—মধ্যে মধ্যে ছুই এক জন রসিকতা জানাবার জন্য মেচুনী ঘেঁটিয়ে বাপাস্ত খাচ্ছেন। রেস্তহীন গুলিখোর, গেঁজেল ও মাতালরা লাটি হাতে করে কানা সেজে “অন্ধ ব্রাহ্মণকে কিছু দান কর দাতাগণ” বলে ভিক্ষা করে মোতাভের সম্বল কচ্ছে ; এমন সময় বাবুদের গাজনতলায় সজোরে ঢাক বেজে উঠলো, “বলে ভদ্দেধরে শিবো” চীৎকার হতে লাগলো ; গোল উঠলো, এবারে বুল সন্ন্যাস। বাড়ির সামনের মাঠে ভারী টারা বাঁধা শেষ হয়েছে ; বাড়ির ক্ষুদে ক্ষুদে হবু ছুজুরেরা দরওয়ান, চাকর ও চাকরাণীর হাত ধরে গাজনতলায় ঘুর ঘুর কচ্ছেন। ক্রমে সন্ন্যাসীরা খড়ে আগুন জ্বলে ভারার নীচে ধলে—এক জনকে তার উপর পানে পা করে বুলিয়ে দিয়ে তার মুখের কাছে আগুনের উপর গুড় খুনো কেলাতে লাগলো, ক্রমে একে একে ঐ রকম করে ধলে, বুল সন্ন্যাস সমাপন হলো ; আধ ঘণ্টার মধ্যে আবার সহর জুড়ুলো, পূর্বের মত সেতার বাজতে লাগলো, “বেলফুল” “বরফ” “মালাই” ও যথামত বিক্রী করবার অবসর পেলে, শুক্রবারের রাস্তায় এই রকমে কেটে গ্যারো।

আজ নীলের রাস্তির ! তাতে আবার শনিবার ; শনিবারের রাস্তিরে সহর বড় গুল্জার থাকে—পানের খিলির দোকানে বেল-লঠন আর দেওয়ালগিরি জলচে । ফুরফুরে হাওয়ার সঙ্গে বেলফুলের গন্ধ ভুর ভুর করে বেরিয়ে যেন সহর রাস্তিরে তুল্চে । রাস্তার ধারের ছুই একটা বাড়িতে খ্যামটা নাচের তালিম হচ্ছে, অনেকে রাস্তায় হাঁ করে দাঁড়িয়ে ঘুমুর ও মন্দিরার কনু কনু শব্দ শুনে স্বর্গস্থ উপভোগ কচ্ছেন । কোথাও একটা দাঙ্গা হচ্ছে । কোথাও পাহারাওয়াল এক জন চোর ধরে বেঁদে নে যাচ্ছে—তার চারি দিকে চার পাঁচ জন চোর হাসচে আর মজা দেখ্চে এবং আপনাদের সাবধানতার প্রশংসা কচ্ছে ; তারা যে এক দিন ঐ রকম দশায় পড়বে তায় আক্ষেপ নাই ।

আজ অমুকের গাজোনতলায় চিংপুরের হর । ওদের মাটে সিংগির বাগানের প্যালা । ওদের পাড়ায় মেয়ে পাঁচালি । আজ সহরের গাজোনতলায় ভারি ধুম,—চৌমাথার চৌকিদারদের পোহাবারো ! মদের দোকান খোলা না থাকলেও সমস্ত রাস্তির মদ বিক্রি হবে, গাঁজা অনবরত উড়বে, কেবল কাল সকালে শুনবেন যে—“ঘোষেরা পাতকোতলার বড় পেতলের ঘটিটি পাচ্ছে না,” “পালেদের একধামা পেতলের বাগন গ্যাচে ও গন্ধবেগেদের সর্বনাশ হয়েছে” ! আজ কার সাধ্য নিজা যায়—থেকে থেকে কেবল ঢাকের বাজি, সন্ন্যাসীর হোররা ও “বলে ভদেধরে শিবো মহাদেব” চীৎকার ।

এদিকে গির্জার ঘড়িতে টুং টাং চং, টুং টাং চং করে রাত চারটে বেজে গ্যালো—বারফটকা বাবুরা ঘরমুখো হয়েছে । উড়ে বামুনরা ময়রার দোকানে ময়দা পিষ্তে আরম্ভ করেছে । রাস্তার আলোর আর তক্ত তেজ নাই । ফুরফুরে হাওয়া উঠেছে । বেস্তালয়ের বারাণ্ডার কোকিলেরা ডাকতে আরম্ভ করেছে ; ছ এক বার কাকের ডাক, কোকিলের আওয়াজ ও রাস্তার বেকার কুকুরগুলোর খেউ খেউ রব ভিন্ন এখনও এই মহানগর যেন লোকশূন্য । ক্রমে দেখুন—“রামের মা চলতে পারে না” “ওদের ন বৌটা কি বজ্জাত মা,” “মাগি যে জকী” প্রভৃতি নানা কথার আন্দোলনে ছুই এক দল মেয়েমানুষ গজান্নান কস্তে বেরিয়েছেন । চিংপুরের কসাইরা মটন চাপের স্তার নিয়ে চলেছে । পুলিশের সার্জন, দারোগা, জমাদার, প্রভৃতি গরিবের ঘরেরা রোঁদ সেরে মস্ মস্ করে থানায় ফিরে যাচ্ছেন ; সকলেরই সিকি, আঁখুলি, পয়সা ও টাকায় ট্যাক ও পকেট পরিপূর্ণ—হজুরদের কাছে চ্যালা কাঠখানা, জামাক ছিলিমটে ও পানের খিলিটে ফেরে না, অনেকের মনের মত হয় নাই বলে সহরের উপর চটেছেন, রাগে গা গস্ গস্ কচ্ছে, মনে মনে নতুন ফিকির

আঁটতে আঁটতে চলেচেন, কাল সকালেই এক জন নিরীহ উদ্ভ সন্তানের প্রতি কার্দানি ও ক্যারামত জাহির করবেন—সুপারিন্টেন্ডেন্ট সাহেব সাদা লোক, কোর কাপ বোঝেন না, চার পাঁচ জন ফ্রেণ্ড নিয়তই কাছে থাকে, “হারমোনিয়ম” ও “পিয়ানো” বাজিয়ে ও কুকুর নিয়ে খেলা করেই কাল কাটান—সুতরাং ইনস্পেক্টর মহলে একাদশ বৃহস্পতি !!!

গুপ্ত করে তোপ পড়ে গ্যালো! কাকগুলো “কা কা” করে বাসা ছেড়ে উড়বার উজ্জ্বল কল্লো। দোকানীরা দোকানের ঝাপতাড়া খুলে গন্ধেখরীকে প্রণাম করে দোকানে গঙ্গাজলের ছড়া দিয়ে হাঁকোর জল ফিরিয়ে তামাক খাবার উজ্জ্বল কল্লো। ক্রমে ফরসা হয়ে এলো—মাচের ভারিরা দৌড়ে আসতে লেগেচে—মেচুনীরা ঝকড়া কত্তে কত্তে তার পেচু পেচু দৌড়েচে। বদ্বিবাটীর আলু, হাসনানের বেগুন, বাজরা বাজরা আসচে। দিশি বিলিতী যমেরা অবস্থা ও রেস্তমত গাড়ি পাল্কি চড়ে ভিজিতে বেরিয়েচেন—জ্বর বিকার ওলাউঠোর প্রাতুর্ভাব না পড়লে এদের মুখে হাসি দেখা যায় না—উলো অঞ্চলে মড়ক হওয়াতে অনেক গো-দাগাও বিলক্ষণ সঙ্গতি করে নেছেন; কলিকাতা সহরেও ছুচার গো-দাগাকে প্রাক্টিস কত্তে দেখা যায়, এদের অমুখ চমৎকার, কেউ বলদের মতন রোগীর নাক ফুঁড়ে আরাম করেন; কেউ শুদ্ধ জল খাইয়ে সারেন। সহরে কবিরাজরা আবার এদের হতে এক কাটি সরেশ, সকল রকম রোগেই “সত্ত মৃত্যুখর” ব্যবস্থা করে থাকেন—অনেকে চাঞ্চ্য শ্লোক ও দাতাকর্ণের পুঁথি পড়েই চিকিৎসা আরম্ভ করেচেন!

টুলো পুজুরি ভট্চাজিরে কাপড় বগলে করে স্নান কত্তে চলেচে, আজ তাদের বড় ছরা, যজ্ঞমানের বাড়ি সকাল সকাল যেতে হবে। আদবুড়া বেতোর মর্শিং-ওয়ারকে বেরুচেন। উড়ে বেহারারা দাঁতন হাতে করে স্নান কত্তে দৌড়েছে। ইংলিশম্যান, হরকরা, ফিনিয়, এক্সচেঞ্জ গেজেট, গ্রাহকদের দরজায় উপস্থিত হয়েছে। হরিণমাংসের মত কোন কোন বাজালা খবরের কাগজ বাসি না হলে গ্রাহকরা পান না—ইংরাজি কাগজের সে রকম নয়, গরম গরম ব্রেকফাস্টের সময় গরম গরম কাগজ পড়াই আবশ্যিক। ক্রমে সূর্য উদয় হলেন।

সেক্সন-লেখা কেরাণীর মত কলুর ঘানির বলদ বদলি হলে—পাগড়িবাধা দলের প্রথম ইন্সটলমেন্টে—সিপ্‌সরকার ও বুকিংকার্ক দেখা দিলেন। কিছু পরেই পরামাণিক ও রিপুকর্ষ বেরুলেন। আজ গবর্মেণ্টের আপিস বন্ধ, সুতরাং আমরা ক্লার্ক, ক্যারানী, বুক্টিপার ও হেড রাইটরদিগকে দেখতে পেলাম না।

আজকাল ইংরাজি লেখা পড়ার আধিক্যে অনেকে নানা রকম বেশ ধরে আফিসে যান—পাগড়ি প্রায় উঠে গ্যাল—ছুই এক জন সেকলে কেয়াগীরাই চিরপরিচিত পাগড়ির মান রেখেছেন, তাঁরা পেলন নিলেই আমরা আর কুঠিওয়াল বাবুদের মাথায় পাগড়ি দেখতে পাবো না ; পাগড়ি মাথায় দিলে আলবার্ডফেসানের খাঁকা সিতেটি ঢাকা পড়ে এই এক প্রধান দোষ। রিপুকর্ষ ও পরামাণিকদের পাগড়ি প্রায় থাকে না থাকে হয়েছে।

দালালের কখনই অব্যাহতি নাই। দালাল সকালে না খেয়েই বেরিয়েচে, হাতে কাজ কিছুই নাই, অথচ যে রকমে হক না চোটাখোর বেণের ঘরে ও টাকা-ওয়াল বাবুদের বাড়িতে একবার যেতেই হবে—“কার বাড়ি বিক্রি হবে,” “কার বাগানের দরকার,” “কে টাকা ধার করবে,” তাহারই খবর রাখা দালালের প্রধান কাজ, অনেক চোটাখোর বেণে ও ব্যাভার বেণে সহরে বাবুরা দালাল চাকর রেখে থাকেন, দালালেরা শিকার ধরে আনে—বাবু আড়ে গেলেন।

দালালি কাজটা ভাল, “নেপো মারে দইয়ের মতন” এতে বিলক্ষণ গুড় আছে। অনেক ভদ্র লোকের ছেলেকে গাড়িঘোড়ায় চড়ে দালালি কস্তে দেখা যায়, অনেক “রেশ্তহীন মুচ্ছদী” “চার বার ইন্সাল্ভেন্ট” হয়ে এখন দালালি ধরেছেন। অনেক পদ্মলোচন দালালির দৌলতে “কলাগেছে থাম” কেঁদে ফেলেন—এঁরা বর্ণচোরা আঁব, এঁদের চেনা ভার, না পারেন হেন কর্মই নাই। পেশাদার চোটাখোর বেণে—ও ব্যাভার বেণে বড় মানুষের ছলনারূপ নদীতে বেঁউতি জাল পাতা থাকে, দালাল বিশ্বাসের কলসী ধরে গা ভাসান দে জল তাড়া দেন, সুতরাং মনের মতন কটাল হলে চুনোপুঁটিও এড়ায় না।

ক্রমে গির্জের ঘড়িতে ঢং ঢং করে সাতটা বেজে গ্যাল। সহরে কান পাতা ভার। রাস্তায় লোকারণ্য, চার দিকে ঢাকের বাজি, ধূনোর ধোঁা, আর মদের ছর্গক। সন্ন্যাসীরা বাণ, দশলকি, সুতোশোন, সাপ, ছিপ ও বাঁশ ফুড়ে একবারে মরিয়া হয়ে নাচতে নাচতে কালীঘাট থেকে আসচে। বেণ্ডালয়ের বারাণ্ডা ইয়ারগোচের ভদ্র লোকে পরিপূর্ণ, সকের দলের পাঁচালি ও হাপ্ আখড়ায়ের দোয়ার, গুলগার্ডেনের মেসুরই অধিক,—এঁরা গাজোন জাখবার জন্ত ভোরের ব্যালা এসে জমেছেন।

এদিকে রকমারি বাবু বুঝে বড় মানুষদের বৈঠকখানা সরগরম হচ্ছে। কেউ সিভিলিজেসনের অগুরোধে চড়কহেঁট করেন। কেউ কেউ নিজে ব্রাহ্ম হয়েও—“স্বাত পুরুষের ক্রিয়াকাণ্ড” বলেই চড়কে আমোদ করেন ; বাস্তবিক তিনি এতে

বড় চটা, কি করেন, বড় দাদা, সেজো, পিসে বর্ষমান—আবার ঠাকুরমার এখনো কাশীপ্রাপ্তি হয় নাই।

অনেকে চড়ক, বাগফোঁড়া, তরওয়াল ফোঁড়া দেখতে ভালবাসেন; প্রতিমা বিসর্জনের দিন পৌস্তুর, ছোট ছেলে ও কোলের মেয়েটিকে সঙ্গে নিয়ে ভাসান দেখতে বেরোন। অনেকে বুড়ো মিনুসে হয়েও হীরে বসান টুপি, বুকে জরির কারচোপের কর্ম করা কাবা ও গলায় মুক্তার মালা, হীরের কঠি, হুহাতে দশটা আংটি পরে “খোকা” সেজে বেরুতে লজ্জিত হন না; হয় ত তাঁর প্রথম পক্ষের ছেলের বয়স ষাট বৎসর—ভাগ্নের চুল পেকে গ্যাছে।

অনেক পাড়ার্গেয়ে জমিদার ও রাজারা মধ্যে মধ্যে কলিকাতায় পদার্পণ করে থাকেন। নেজামত আদালতে নস্বরওয়ারী ও মোৎফরেকার তদ্বির কস্তে হলে ভবানীপুরেই বাসার ঠিকানা হয়। কলিকাতার হাওয়া পাড়ার্গেয়ের পক্ষে বড় গরম। পূর্বে পাড়ার্গেয়ে কলিকাতায় এলে লোনা লাগত, এখন লোনা লাগার বদলে আর একটি বড় জিনিষ লেগে থাকে—অনেকে তার দরুণ একবারে ঐংকে পড়েন—ঘাগিগোচের পাল্লায় পড়ে শেষ সর্বস্বান্ত হয়ে বাড়ি যেতে হয়। পাড়ার্গেয়ে দুই এক জন জমিদার প্রায় বারো মাস এখানেই কাটান। ছকুরব্যালা ফেটিং গাড়ী চড়া, পাঁচালি বা চণ্ডীর গানের পেলদের মতন চেহারা, মাথায় ফ্রেপের চাদর জড়ানো, জন দশ বারো মোসাহেব সঙ্গে, বাইজ্ঞানের ভেড়ুয়ার মত পোষাক, গলায় মুক্তার মালা—দেখলেই চেনা যায় যে, ইনি এক জন বনগাঁর শিয়াল রাজা, বুদ্ধিতে কাশ্মীরী গাধার বেহন্দ—বিজ্ঞায় মূর্ত্তিমান্ মা। বিসর্জন, বারোইয়ারী, খ্যামটা নাচ আর কুমুরের প্রধান ভক্ত—মধ্যে মধ্যে খুনী মামলার গ্রেপ্তারী ও মহাজনের ডিক্রীর দরুণ গা ঢাকা দেন। রবিবার, পালপার্বণ বিসর্জন আর স্নানযাত্রায় সেজে গুজে গাড়ি চড়ে বেরোন!

পাড়ার্গেয়ে হলেই যে এই রকম উনপাঁজুরে হবে, এমন কোন কথা নাই। কারণ, দুই এক জন জমিদার মধ্যে মধ্যে কলিকাতায় এসে বিলক্ষণ প্রতিষ্ঠা ও প্রশংসা নিয়ে যান। তাঁরা সোনাগাজীতে বাসা করেও সে রকমে বিভ্রত হন না; বরং তাঁদের চালচুল দেখে অনেক সহরে তাক্ হয়ে থাকেন। আবার কেউ কাশীপুর, বোড়স্থা, ভবানীপুর ও কাশীঘাটে বাসা করে, চব্বিশ ঘণ্টা সোনাগাজীতেই কাটান, লোকের বাড়ি চড়োয়া হয়ে দাজা করেন; তার পরদিন প্রিয়তমার হাত ধরে যুগলবেশে জ্যাটা খুড়া বারান্দা সঙ্গে পুলিসে হাজির হন, ধারে হাতী

কেন্দ্র।* পেমেন্টের সময় ঠ্যাংগাঠেজি উপস্থিত হই—পেড়াপেড়ি হলে দেশে সরে পড়েন,—সেখায় রামরাজ্য!

আহাজ থেকে নতুন সেলার নামলেই যেমন পাইকেরে হেঁকে ধরে সেই রকম পাড়ার্গেয়ে বড় মানুষ সহরে এলেই প্রথমে দালাল পেশ হন। দালাল, বাবুর সদয় মোস্তারের অঙ্গুগ্রহে বাড়ি ভাড়া করা, গাড়ির যোগাড় করা, খ্যাম্টা নাচের বায়না করা প্রভৃতি রকমওয়ারি কাজের ভার পান ও পলিটিকেল এজেন্টের কাজ করেন। সাতপুকুরের বাগান, এসিয়াটিক সোসাইটির মিউজিয়াম—বালির ত্রিভ, —বাগবাজারের খালের কলের দরজা—রকমওয়ারি বাবুর সাজান বৈঠকখানা,— ও ছুই এক নামজাদা বেণ্ডার বাড়ি নিয়ে বেড়ান। কোপ বুঝে কোপ ফেলতে পারলে দালালের বাবুর কাছে বিলক্ষণ প্রতিপত্তি হয়ে পড়ে। কিছুকাল বড় আমোদে যায়, শেষে বাবু টাকার টানাটানিতে বা কর্মান্তরে দেশে গেলে দালাল এজেন্টি কর্মে মকরর হন।

আজকাল সহরের ইংরাজি কেতার বাবুরা দুটি দল হয়েছেন, প্রথম দল 'উচুকেতা সাহেবের গোবরের বষ্ট'। দ্বিতীয় 'ফিরিজীর জঘন্ত প্রতিরূপ'। প্রথম দলের সকলি ইংরাজি কেতা, টেবিল চেয়ারের মজলিশ, পেয়ালা করা চা, চুরট, জগে করা জল, ডিকার্টেরে ব্রাণ্ডী ও কাচের গ্লাসে সোলার টাকনি, সালু মোড়া,—হরকরা, ইংলিশম্যান ও ফিনিক্স সামনে থাকে, পোলিটিক্স ও বেট নিউস অব দি ডে নিয়েই সর্বদা আন্দোলন। টেবিলে খান, কমোডে হাগেন এবং কাগজে পৌদ পৌচেন। এঁরা সহৃদয়তা, দয়া, পরোপকার, নম্রতা প্রভৃতি বিবিধ সদৃশণে ভূষিত, কেবল সর্বদাই রোগ, মদ খেয়ে খেয়ে জুজু, স্ত্রীর দাস,—উৎসাহ, একতা, উন্নতীচ্ছা একবারে হৃদয় হতে নির্বাসিত হয়েছে; এঁরাই ওন্ড ক্লাস!

দ্বিতীয়ের মধ্যে—বাগান্ধর মিত্র প্রভৃতি, সাপ হতেও ভয়ানক, বাঘের চেয়ে হিংস্র; বলতে গেলে এঁরা এক রকম ভয়ানক জানোয়ার। চোরেরা যেমন চুরি করতে গেলে মদ ঠোঁটে দিয়ে গন্ধ করে মাতাল সেজে যায়, এঁরা সেইরূপ কেবল স্বার্থ সাধনার্থ স্বদেশের ভাল চেষ্টা করেন। 'ক্যামন করে আপনি বড় লোক হব,' 'ক্যামন করে সকলে পায়ের নীচে থাকবে,' এই এঁদের নিয়ত চেষ্টা—পরের মাথার কাঁটাল ভেঙ্গে আপনার গোঁপে তেল দেওয়াই এঁদের পলিনী, এঁদের কাছে দাতব্য দূরপরিহার—চার আনার বেশী দান নাই।

সকাল বেলা সহরের বড় মানুষদের বৈঠকখানা বড় সরগরম থাকে। কোথাও উকীলের বাড়ির হেড কেরাণী তীর্থে কাকের মত বসে আছেন। তিন চারটি

“ইকুটি,” ছুটি “কমন্ লা” আদালতে বুলচে। কোথাও পাওনার, বিলসহকার, উটনোওয়াল মাহাজন খাতা, বিল ও হাতচিঠে নিয়ে তিন মাস হাঁটচে, দেওয়ানজী কেবল আজ না কাল কচ্চেন। “শমন,” “ওয়্যারিন,” “উকীলের চিঠি” ও “সকিনে” বাবুর অলঙ্কার হয়েছে। নিন্দা, অপমান ভূষণ। প্রত্যেক লোকের চাতুরী, হলনা, মনে করে অন্তর্দাহ কচে “য়্যায়সা দিন নেহি রহেগা,” অঙ্কিত আংটি আকুলে পরেচেন ; কিন্তু কিছুতেই শাস্তি লাভ কস্তে পাচ্চেন না।

কোথাও এক জন বড় মানুষের ছেলে অল্প বয়সে বিষয় পেয়ে কাম্বে-খেকো খুঁড়ির মত খুচ্চেন। পরশু দিন “বউ বউ” “লুকোচুরি” “ঘোড়া ঘোড়া” খেলেচেন, আজ তাঁকে দাওয়ানজীর কুটকচালে খতেনের গৌজা মিলন ধস্তে হবে, উকীলের বাড়ির বাবুর পাকা চালে নজর রেখে সরে বসতে হবে, নইলে ওঠসার কিস্তিতেই মাৎ ! ছেলের হাতে ফল দেখলে কাকেরাও ছৌ মারে, মানুষ তো কোন্ ছার,—কেউ “স্বর্গীয় কর্তার পরম বন্ধু,” কেউ স্বর্গীয় কর্তার “মেজো পিসের মামার খুড়োর পিসুভুতো ভেয়ের মামাতো ভাই” পরিচয় দিয়ে পেশ হচ্চেন, “উমেদার” “কশ্বাদায়” (হয় ত “কশ্বাদায়ের” বিবাহ হয় নাই) নানা রকম লোক এসে জুট্চেন ; আসল মতলব ছেপায়ন হুদে ডোবান রয়েছে—সময়ে আমলে আসবে।

ক্রমে রাস্তায় লোকারণ্য হয়েছে। চৌমাথার বেণের দোকান লোকে পুরে গ্যাছে। নানা রকম রকম বেশ—কারুর কফ্ ও কলারওয়াল কামিজ, কপোর বগলস আঁটা শাইনিং লেদর, কারো ইণ্ডিয়া রবর আর চায়না কোট, হাতে ইষ্টিক, ক্রেপের চাদর, চুলের গাড চেন গলায়, আলবার্ট ক্যাশানে চুল ফেরানো। কলিকাতা সহর রত্নাকরবিশেষ, না মেলে এমন জানোয়ারই নাই ; রাস্তার দু পাশে অনেক আমোদ গৈঁড়ে মহাশয়েরা দাঁড়িয়েচেন ; ছোট আদালতের উকীল, সেক্সন রাইটর, টাকাওয়াল গন্ধবেণে, তেলী, ঢাকাই কামার আর ফলারে যজ্ঞমেনে বাবুনই অধিক—কারু কোলে ছুটি মেয়ে—কারু তিনটে ছেলে।

কোথাও পাদরি সাহেব বুড়ি বুড়ি বাইবেল বিলুচ্চেন—কাচে ক্যাটিকুট ভায়া—সুবর্ষন চৌকিদারের মত পোশাক—পেনটুলন ট্যাংট্যাঙে চাপকান, মাথায় কাল রঙের চৌজাকাটা টুপি। আদালতী সুরে হাত মুখ নেড়ে খ্রীষ্টধর্মের মাহাত্ম্য ব্যক্ত কচ্চেন—হঠাৎ দেখলে বোধ হয় যেন পুতুলনাচের নকীব। কতকগুলো কাঁকাওয়াল মুটে, পাঠশালের ছেলে ও খ্রিওয়াল একমনে ঘিরে দাঁড়িয়ে রয়েছে। ক্যাটিকুট কি বলচেন কিছুই বুঝতে পাচে না ! পূর্বে বওয়াটে ছেলেরা বাপ ঋার সঙ্গে বকড়া করে পশ্চিম পালিয়ে যেতো, না হয় খ্রীষ্টান হতো, কিন্তু রেলগাড়ের

ইন্ডিয়াতে পশ্চিমে পালাবার বড় ব্যাধাত হয়েছে—আর দিল্লী ব্রিটানদের চুক্কা দেখে ব্রিটান হতেও ভয় হয় !

চিংপুরের বড় রাস্তা মেঘ করে কাদা হয়—ধুলোর ধুলো, তার মধ্যে ঢাকের গটরার সঙ্গে গাজন বেরিয়েচে । প্রথমে ছুটো মুটে একটা বড় পেতলের পেটা বড়ি বাঁশে বেঁধে কাঁদে করেচে—কতকগুলো ছেলে সুগুরের বাড়ি বাজাতে বাজাতে চলেচে—তার পেচোনে এলোমেলো নিসেনের জ্রেণী । মধ্যে হাড়িরা দল বেঁধে ঢোলের সঙ্গে “ভোলা বোম্ ভোলা বড় রঞ্জিলা লেংটা ত্রিপুরারি শিরে জটাধারী ভোলার গলে দোলে হাড়ের মালা,” ভজন গাইতে গাইতে চলেচে । তার পেচনে বাবুর অবস্থামত তকমাওয়ালা দরওয়ান, হরকরা, সেপাই । মধ্যে সর্বাঙ্গে ছাই ও খড়ি মাখা, টিনের সাপের ফণার টুপি মাথায় শিব ও পার্বতী সাজা সং । তার পেচনে কতকগুলো সন্ন্যাসী দশলকী ফুঁড়ে ধুনো পোড়াতে পোড়াতে নাচতে নাচতে চলেচে । পাশে বেণোরা জিবে হাতে বাণ ফুঁড়ে চলেচে । লম্বা লম্বা ছিপ্, উপরে শোলার চিংড়িমাছ বাঁধা । সেটকে সেট ঢাকে ড্যানাক্ ড্যানাক্ করে রং বাজাচ্ছে । পেচনে বাবুর ভাগনে, ছোট ভাই বা পিসতুতো ভেয়েরা গাড়ী চড়ে চলেচেন—তাঁরা রাত্রি তিনটের সময় উঠেচেন, চোক লাল টক্ টক্ কছে, মাথা ভবানীপুরে ও কালীঘেটে ধুলোয় ভরে গিয়েছে । দর্শকেরা হাঁ করে গাজন দেখচেন, মধ্যে বাজনার শব্দে ঘোড়া খেপেচে—ছড়মুড় করে কেউ দোকানে কেউ খানার উপর পড়চেন, রোজে মাথা ফেটে যাচ্ছে—তথাপি নড়চেন না ।

ক্রমে পুলিশের ছকুম মত সব গাজন ফিরে গেল । সুপারিন্টেণ্ডেণ্ট রাস্তায় ঘোড়া চড়ে বেড়াচ্ছিলেন, পকেটঘড়ি খুলে দেখলেন, সময় উতরে গ্যাচে ; অমনি মার্শল ল জারি হলো, ঢাক বাজালে খানার ধরে নিয়ে যাবে । ক্রমে ছই একটা ঢাকে জমাদারের হেতে কোঁংকা পড়বামাত্রই সহর নিস্তক্ক হলো । অনেকে ঢাক ঘাড়ে করে চুপে চুপে বাড়ি এলেন—দর্শকেরা কুইনের রাজ্যে অভিসম্পাত কস্তে কস্তে বাড়ি ফিরে গেলেন ।

সহরটা কিছুকালের মত জুড়ুলো । বেণোরা বাণ খুলে মদের দোকানে ঢুকলো । সন্ন্যাসীরা ক্লাস্ত হয়ে ঘরে গিয়ে হাতপাখায় বাতাস ও হাঁড়ি হাঁড়ি আমানি খেয়ে কেলে । গাজনতলায় শিবের ঘর বন্ধ হলো—এ বছরের মত বাণকোড়ার আমোদও ফুরুলে । এই রকমে রবিবারটা দেখতে দেখতে গ্যালো ।

আজ বৎসরের শেষ দিন । সুবহু কালের এক বৎসর গ্যালো দেখে সুবক

যুবতীরা বিব্রত হলেন। হতভাগ্য কয়েদীর নির্দিষ্ট কালের এক বৎসর কেটে গ্যাল দেখে আত্মাদের পরিসীমা রইল না। আজ বুড়োটি বিদেয় নিলেন, কাল যুঁচি আমাদের উপর প্রভাত হবেন। বুড়ো বৎসরের অধীনে আমরা যে সব কষ্ট ভোগ করেছি, যে সব ক্ষতি স্বীকার করেছি—আগামীর মুখ চেয়ে, আশার মন্ত্রণায় আমরা সে সব মনে থেকে তাঁরই সঙ্গে বিসর্জন দিলাম। ভূত কাল যেন আমাদের জ্যাংচাতে জ্যাংচাতে চলে গেলেন—বর্তমান বৎসর স্কুল মাষ্টারের মত গভীর ভাবে এসে পড়লেন—আমরা ভয়ে হর্ষে তটস্থ ও বিস্মিত। জেলার পুরাণ হাকিম বদলি হলে নীল প্রজাদের মন যেমন ধুকপুক করে, স্কুলে নতুন ক্র্যাসে উঠলে নতুন মাষ্টারের মুখ দেখে ছেলেদের বুক যেমন গুরু গুরু করে—মড়ুকে পোয়াতীর বুড়ো বয়েসে ছেলে হলে মনে যেমন মহান্ সংশয় উপস্থিত হয়, পুরাণর যাওয়াতে নতুনের আসাতে আজ সংসার তেমনি অবস্থায় পড়লেন।

ইংরেজরা নিউ ইয়ারের বড় আমোদ করেন। আগামীকে দাড়াওয়া পান দিয়ে বরণ করে স্থান—নেশার খোঁয়ারির সঙ্গে পুরাণকে বিদায় দেন। বাজালিরা বছরটি ভাল রকমেই যাক আর খারাবেই শেষ হক, সঙ্গে খাড়া চিবিয়ে ঢাকের বাদি আর রাস্তার ধুলো দিয়ে পুরাণকে বিদায় স্থান। কেবল কলসী উচ্ছুগুণ কর্তারা আর নতুন খাতাওয়ালারাই নতুন বৎসরের মান রাখেন।

আজ চড়ক। সকালে ব্রাহ্মসমাজে ব্রাহ্মরা একমেবাদ্বিতীয় ঈশ্বরের বিধিপূর্বক উপাসনা করেছেন—আবার অনেক ব্রাহ্ম কলসী উচ্ছুগুণ করবেন। এবারে উক্ত সমাজের কোন উপাচার্য্য বড় ধুম করে কালীপূজা করেছিলেন ও বিধবাবিবাহে যাবার প্রায়শ্চিত্ত উপলক্ষে জমিদারের বাড়ি শ্রীবিষ্ণু স্মরণ করে গোবর খেতেও ক্রটি করেন নি। আজকাল ব্রাহ্মধর্মের মর্শ্ব বোঝা ভার, বাড়িতে ছুর্গোৎসবও হবে আবার ফি বৃষবারে সমাজে গিয়ে চক্ষু মুদ্রিত করে মড়াকান্না কাঁদতেও হবে। পরমেশ্বর কি খোঁটা না মহারাষ্ট্র ব্রাহ্মণ? যে বেদভাঙ্গা সংস্কৃত পদ তিন অশ্রু ভাষায় তাঁরে ডাকলে তিনি বুজতে পারবেন না—আজ্ঞা থেকে না ডাকলে শুনতে পারবেন না; ক্রমে কুশচানী ও ব্রাহ্মধর্মের আড়ম্বর এক হবে, তারি যোগাড় হচ্ছে।

চড়কগাছ পুকুর থেকে তুলে মোচ বেন্ধে মাখায় ঘি কলা দিয়ে খাড়া করা হয়েছে। ক্রমে রোদ্দুরের তেজ পড়ে এলে চড়কতলা লোকারণ্য হয়ে উঠলো। মহাকেশব বাবুরা বড় বড় জুড়ি, কেটিং ও ষ্টেট ক্যারোজে নানা রকম পোশাক পরে চড়ক দেখতে বেরিয়েছেন, কেউ কাঁসারীদের সংয়ের মত পালকি গাড়ীর হাতের উপর মনে চলেছেন—হোট লোক, বড় মানুষ ও হঠাৎ বাবুই অধিক।

অ্যাং য়ার, ব্যাং য়ার, বলসে বলে আমিও যাই—বায়ুন কারেত্তরা ক্রমে সজ্য হয়ে উঠলো দেখে সহরের নবশাক, হাড়িশাক, মুচিশাক মহাশয়রাও হামা দিতে আরম্ভ করেন, ক্রমে ছোট ভেড়ের মধ্যেও দ্বিতীয় রামমোহন রায়, দেবেন্দ্রনাথ ঠাকুর, বিদ্যেসাগর ও কেশব সেন জন্মাতে লাগলো—সন্ধ্যার পর ছগাহী আটা ও একটু শ্চাব্‌ড়ানের বদলে—ফাউলকরী ও রোল্‌ কুটি ইন্ট্র ডিউস হলো। খসখস-বাড়ি আহাৰ করা, মেয়েদের বাঁ নাক বেঁধান চলিত হলো, দেখে বোতলের দোকান, কড়িগণা, মাকুঠেলা ও ভালুকের লোম ব্যাচা কল্‌কেতায় থাকতে লজ্জিত হতে লাগলো। ধরকামান চৈতন্য ফকীর জায়গায় আলবার্ট ফ্যাশান ভর্তি হলেন। চাবির থলো কাঁদে করে টেনা ধুতি পরে দোকানে যাওয়া আর ভাল দেখায় না, স্মুতরাং অবস্থাগত জুড়ি, বগি ও ব্রাউহাম্‌ বরাফ হলো। এই সঙ্গে সঙ্গে বেকার ও উমেদারী হালোতের ছ এক জন উদ্ভ লোক মোসাহেব, তকমা আরদলী ও হরকরা দেখা যেতে লাগলো। ক্রমে কলে, কোশলে, বেণেতী বেসাতে, টাকা খাটিয়ে অতি অল্পদিন মধ্যে কলিকাতা সহরে কতকগুলি ছোট লোক বড় মানুষ হন। রামলীলে, স্নানযাত্রা, চড়ক, বেলুন ওড়া, বাজি ও বোড়ার নাচ এঁরাই রেখেচেন—প্রায় অনেকেরই এক একটি পোষা পাশ বালিস আছে—“যে আছে” ও “হজুর আপনি যা বল্‌চেন, তাই ঠিক” বলবার জন্তে দুই এক গণ্ডমূৰ্খ বরাধুরে উদ্ভসন্তান মাইনে করা নিষ্কৃত রয়েছে। শুভ কৰ্ম্মে দানের দফায় নবউদ্ধা! কিন্তু প্রতি বৎসরের গার্ডেন ফিস্টের খরচে চার পাঁচটা ইউনিভারসিটি ফাউণ্ড হয়।

কলকাতা সহরের আমোদ শিগ্‌গির ফুরায় না, বারোইয়ারি পূজোর প্রতিমা পূজো শেষ হলেও বারো দিন ক্যালা হয় না। চড়কও বাসী, পচা, গলা ও ধসা হয়ে থাকে—সে সব বলতে গেলে পুঁথি বেড়ে যায় ও ক্রমে তেতো হয়ে পড়ে, স্মুতরাং টাট্‌কা চড়ক টাট্‌কা টাট্‌কাই শেষ করা গেল।

এদিকে চড়কতলার টিনের ঘুরঘুরি, টিনের মুহুরি দেওয়া তলতা বাঁশের বাঁশী, হলদে রং করা বাঁখারির চড়কগাছ, হেঁড়া শ্যাকড়ার তৈরি গুরিয়া পুতুল, শোলার নানা প্রকার খেলনা, পেলাদে পুতুল, চিন্তির করা হাঁড়ি বিক্রি কস্তে বসেচে, “ড্যানাক ড্যানাক ড্যাভাং ড্যাং চিলিড়ি মাছের ছুটো ঠ্যাং” ঢাকের বোল বাজে, গোলাপি খিলির দোনা বিক্রি হচ্ছে। এক জন চড়কী পিঠে কাঁটা কুঁড়ে নাচতে নাচতে এসে চড়কগাছের সঙ্গে কোলাকুলি করে—মইয়ে করে তাকে উপরে তুলে পাক দেওয়া হতে লাগলো। সকলেই আকাশ পানে চড়কীর পিঠের দিকে চেয়ে রইলেন। চড়কী প্রাণপণে কড়ি ধরে কখন ছেড়ে, প্যা নেড়ে খুস্তে লাগলো।

কেবল “দে পাক দে পাক” শব্দ। কার সর্বনাশ, কার পৌষ মাস! এক জনের পিঠ ফুঁড়ে ঘোরান হচ্ছে, হাজার লোকে মজা দেখছেন।

পাঠক! চড়কের যথাকথকিৎ নকশার সঙ্গে কলিকাতার বর্তমান সমাজের ইনলাইট জান্নলে, ক্রমে আমাদের সঙ্গে যত পরিচিত হবে, ততই তোমার বহুজ্ঞতার বৃদ্ধি হবে, তাতেই প্রথমে কোট করা হয়েছে, “সহর সিখাওয়ে কোভোয়ালী”।

কলিকাতার বারোইয়ারি পূজা

“And these what name or title e'er they bear,
——I speak of all——”

Beggars Bush.

সৌখীন চড়কপার্করণ শেষ হলো বলেই যেন ছুখে সজ্জনে খাড়া কেটে গেলেন। রাস্তার ধুলো ও কাঁকরেরা অস্থির হয়ে বেড়াতে লাগলো। ঢাকীরা ঢাক ফেলে জুতো গড়তে আরম্ভ করলে। বাজারে ছুদ সস্তা হলো (এত দিন গয়লাদের জল মেশাবার অবকাশ ছিল না), গন্ধবেগে ভালুকের রোঁ বেচতে বসে গেলেন। ছুতরেরা গুলদার ঢাকাই উড়ুনিতে কাঠের কুচো বাঁদতে আরম্ভ করলে। জগন্নাথের যজ্ঞমেনে বায়ুনেরা আত্মশ্রদ্ধ, বাৎসরিক সপিণ্ডীকরণ টাঁকতে লাগলেন—তাই দেখে গরমি আর থাকতে পারলেন না, “ঘরে আগুন” “জলে ডোবা” ও “ওলাউঠা” প্রভৃতি নানা রকম বেশ ধরে চার দিকে ছড়িয়ে পড়লেন।

রাস্তার ধারের ফোড়ের দোকান, পচা নিচু ও আঁবে ভরে গ্যালো। কোথাও একটা কাঁটালের ভুঁত ড়ির উপর মাচি ভ্যান ভ্যান কচে, কোথাও কতকগুলো আঁবের আঁটি ছড়ান রয়েছে, ছেলেরা আঁটি ঘসে ভেঁপু করে বাজাচ্ছে। মধ্যে এক পসলা বিষ্টি হয়ে যাওয়ায় চিংপুরের বড় রাস্তা কলারের পাতের মত ছাখাচ্ছে,—কুটিওয়ালারা জুতো হাতে করে বেশালয়ের বারাণ্ডার নীচে আর রাস্তার ধারের বেগের দোকানে দাঁড়িয়ে আছেন,—আজ ছকড় মহলে পোহাবারো।

কলকাতার কেরাফি গাড়ি বেতো রোগীর পক্ষে বড় উপকারক, (গ্যালব্যানিক শকের) কাজ করে। সেকলে আসমানি দোলদার ছকড় যেন হিন্দুধর্মের সঙ্গে সঙ্গীতই কলকাতা থেকে গাঢ়কা হয়েছে—কেবল ছই একখানা আজও খিদিরপুর,

তবানীপুর, কালীঘাট আর কানাইধার মারা ভ্যাগ কত্তে পারে নি বলেই আমরা কখন কখন দেখতে পাই।

“চার আনা!” “চার আনা!” “লালদিকি!” “ভেরজুরী!” “এসো গো বাবু ছোট আদালত!” বলে গাড়োয়ানরা সৌখীন সুরে চীৎকার কতে,—নবজাগমনের বউয়ের মত দুই এক কুটিওয়ালা গাড়ির ভিতর বসে আছেন—সঙ্গী জুটচে না। দুই এক জন গবর্নেন্ট আপিসের ক্যারাগী গাড়োয়ানদের সঙ্গে দরের কসাকসি কছেন। অনেকে চটে হেঁটেই চলেচেন,—গাড়োয়ানরা হাসি টিটকিরির সঙ্গে “তবে কাঁকা মুটেয় বাও, তোমাদের গাড়ি চড়া কর্ম নয়!” কমপ্লিমেন্ট দিচ্ছে!

দশটা বেজে গ্যাচে। ছেলেরা বই হাতে করে রাস্তায় হো হো কত্তে কত্তে স্কুলে চলেচে। মোতাতি বড়োরা তেল মেখে গামছা কাঁদে করে আফিমের দোকান ও গুলির আড্ডায় জম্চেন। হেটো ব্যাপারীয়ে বাজারে ব্যাচা কেনা শেষ করে খালি বাজরা নিয়ে ফিরে যাচ্ছে। কলকাতা সহর বড়ই গুল্জার,—গাড়ির হব্বা, সহিসের পয়িস পয়িস শব্দ, কেঁদো কেঁদো ওয়েলার ও নরম্যাণ্ডির টাপেতে রাস্তা কেঁপে উঠ্চে—বিনা ব্যাঘাতে রাস্তায় চলা বড় সোজা কথা নয়।

বীরকৃষ্ণ দাঁর ম্যানেজার কানাইধন দত্ত এক নিমখাসা রকমের ছকড় ভাড়া করে বারোইয়ারী পূজার বার্ষিক সাদতে বেরিয়েচেন।

বীরকৃষ্ণ দাঁ কেবলচাঁদ দাঁর পুষ্টিপুতুর, হাটখোলায় গদি; দশ বারোটা খন্দ মালের আড়ত, বেলেঘাটার কাটের ও চূণের পাঁচখান গোলা, নগদ দশ বারো লাক টাকা দাদন ও চোটায় খাটে! কোম্পানির কাগজেরও মধ্যে মধ্যে লেন দেন হয়ে থাকে, বারো মাস প্রায় সহরেই বাস, কেবল পূজোর সময় দশ বারো দিনের জন্ত বাড়ি যেতে হয়; একখানি বগি, একটি লাল ওয়েলার, একটি রাঁড়, দুটি তেলি মোসাহেব, গড়পারে বাগান ও ছ-ডেঁড়ে এক ভাউলে ব্যাভ্যার, আয়েস ও উপাসনার জন্তে নিয়ত হাজির!

বীরকৃষ্ণ দাঁ শ্রামবর্ণ, কেঁটে কেঁটে রকমের মানুষ, নেয়াপাতি রকমের ভুঁড়ি, হাতে সোনার তাগা, কোমরে মোটা সোনার গোট, গলায় এক ছড়া সোনার ছ-নর হার, আফিকের সময় খ্যাল্‌বার তাসের মত চ্যাটালো সোনার ইষ্টিকবচ পরে থাকেন, গজান্নানটি প্রত্যহ হয়ে থাকে, কপালে কণ্ঠায় ও কাণে কোটাও কাঁক বায় না। দাঁ মহাশয় বাঙলা ও ইংরাজি নাম সহই কত্তে পারেন ও ইংরেজ খদ্দেরের আসা যাওয়ার ও ছ চার ইংরাজি কোম্পানির কন্ট্রোলই “কম” আইস, “গো” বাও

প্রকৃতি ছুই এক ইংরাজি কথাও আসে, কিন্তু দাঁ মহাশয়কে বড় কাজকর্ম দেখতে হতো না, কানাইধন দস্তই তাঁর সব কাজকর্ম দেখতেন, দাঁ মশায় চীনা পাখার বাতাস খেয়ে, বগি চড়ে, আর এসরাজ বাজিয়েই কাল কাটান।

বারো জনে একত্র হয়ে কালী বা অশু দেবতার পূজা করার প্রথা মরক হতেই সৃষ্টি হয়—ক্রমে সেই অবধি “মা” ভক্তি ও শ্রদ্ধার অনুরোধে ইয়ারদলে গিয়ে পড়েন। মহাজন, গোলদার, দোকানদার ও হেটোরাই বারোইয়ারি পূজার প্রধান উদ্ভোগী। সম্বৎসর যার যত মাল বিক্রী ও চালান হয়, মণ পিছু এক কড়া, দু কড়া ও পাঁচ কড়ার হিসাবে বারোইয়ারি খাতে জমা হয়ে থাকে, ক্রমে ছুই এক বৎসরের দস্তুরি বারোইয়ারি খাতে জমলে মহাজনদের মধ্যে বর্কিসু ও ইয়ারগোচের সৌখীন লোকের কাছেই ঐ টাকা জমা হয়, তিনি বারোইয়ারি পূজার অধ্যক্ষ হন—অশু চাঁদা আদায় করা, চাঁদার জন্ত ঘোরা ও বারোইয়ারি সং ও রংতামাসার বন্দোবস্ত করাই তাঁর ভার হয়।

এবার ঢাকার বীরকৃষ্ণ দাঁই বারোইয়ারির অধ্যক্ষ হয়েছিলেন, সুতরাং দাঁ মহাশয়ের আমমোক্তার কানাইধন দস্তই বারোইয়ারির বার্ষিক সাদা ও আর আর কাজের ভার পেয়েছিলেন।

দস্ত বাবুর গাড়ি রুহু রুহু ছুহু ছুহু করে হুড়িঘাটা লেনের এক কায়েদ বড় মানুষের বাড়ির দরজায় লাগলো। দস্ত বাবু তড়াক করে গাড়ি থেকে লাগিয়ে গড়ে দরওয়ানদের কাছে উপস্থিত হলেন। সহরের বড় মানুষের বাড়ির দরওয়ানরা খোদ হুজুর ভিন্ন নদের রাজা এলেও খবর নদারক! “হোরির বকসিসু” “হুর্গোৎসবের পার্বণী” “রাধি পূর্ণিমার প্রণামী” দিয়েও মন পাওয়া ভার! দস্ত বাবু অনেক ক্রেশের পর চার আনা কবলে এক জন দরওয়ানকে বাবুকে এংলা দিতে সম্মত করলেন। সহরের অনেক বড় মানুষের কাছে “কর্জ দেওয়া টাকার সুদ” বা তাঁর “পৈতৃক জমিদারী” কিন্তে গেলেও বাবুর কাছে এংলা হলে, হুজুরের হুকুম হলে লোক যেতে পায়; কেবল ছুই এক জায়গায় অব্যাহত ঘর! এতে বড় মানুষদেরো বড় দোষ নাই, “ব্রাহ্মণ পণ্ডিত” “উমেদার” “কল্লাদায়” “আইবুড়ে” ও “বিদেশী ব্রাহ্মণ” ভিক্কদের আলায় সহরে বড় মানুষদের স্থির হওয়া ভার। এঁদের মধ্যে কে মৌতাতের চীনাটানির আলায় বিব্রত, কে যথার্থ দায়গ্রস্ত, এপিডেপিট কলেও বিশ্বাস হয় না! দস্ত বাবু আধ ঘণ্টা দরজায় দাঁড়িয়ে রইলেন, এর মধ্যে দশ বারো জনকে পরিচয় দিতে হলো, তিনি কিসের জন্তে চুহুরে এসেছেন—ও ছুই একটা বেয়াড়া রকমের দরওয়ানি ঠাট্টা খেয়ে গরম

হচ্ছিলেন, এমন সময় তাঁর চার আনা দাছনে দরওয়ান চিকুতে চিকুতে এসে তাঁরে সঙ্গে করে নিয়ে হজুরে পেশ করে।

পাঠক! বড় মানুষের বাড়ির দরওয়ানের কথায় এইখানে আমাদের একটি গল্প মনে পড়ে গ্যালো, সেটি না বলেও থাকি যায় না।

বছর দশ বারো হলো, এই সহরের বাগবাজার অঞ্চলের এক জন ডাঙা লোক তাঁর জন্মতিথি উপলক্ষে গুটিকতক ফ্রেগকে মধ্যাহ্ন ভোজনের নিমন্ত্ৰণ করেন। জন্মতিথিতে আমোদ করা হিন্দুদের ইংরেজদের কাপি করা প্রথা নয়, আমরা পুরুষপরম্পরা জন্মতিথিতে গুড় দুধ খেয়ে, তিল বুনে, মাছ ছেড়ে, (যার বেতন প্রথা) নতুন কাপড় পরে, প্রদীপ জ্বলে, শাঁখ বাজিয়ে, আইবুড় ভাত খাবার মত—কুটুম্ব বন্ধুবান্ধবকে সঙ্গে নিয়ে ভোজন করে থাকি। তবে আজ কাল সহরের কেউ কেউ জন্মতিথিতে বেতরগোছের আমোদ করে থাকেন। কেউ যেটের কোলে মাট বৎসরে পদার্পণ করে আপনার জন্মতিথির দিন গ্যাসের আলোর গেট, নাচ ও ইংরেজদের খানা দিয়ে চোহেলের একশেষ করেন; অভিপ্রায় আপনারা আশীর্ব্বাদ করুন, তিনি আর ষাট বছর এমনি করে আমোদ কস্তে থাকুন, চুলে ও গোঁপে কলপ দিয়ে জরির জামা ও হীরের কণ্ঠি পরে নাচ দেখতে বসুন,—প্রতিমে বিসজ্জন—স্নানযাত্রা ও রথে বাহার দিন। অনেকের জন্মতিথিতে বাগান টের পান যে, আজ বাবুর জন্মতিথি, নেমন্ত্ৰণের গা সার্বতে আপিসে এক হপ্তা ছুটি নিতে হয়। আমাদের বাগবাজারের বাবু সে রকমের কোন দিকেই যান নি, কেবল গুটিকতক ফ্রেগকে ভাল করে খাওয়াবেন, এই তাঁর মতলব ছিল। এদিকে ভোজের দিন নেমন্ত্ৰণেরা এসে একে একে জুটলেন, খাবার দাবার সকলি প্রস্তুত হয়েছিল, কিন্তু সে দিন সকালে বাদলা হওয়ায় মাছ পাওয়া যায় নি। বাজালিদের মাছটা প্রধান খাওয়া, সুতরাং কর্ম্মকর্ত্তা মাছের জন্ত বড়ই উদ্বিগ্ন হতে লাগলেন; নানা স্থানে মাছের সন্ধানে লোক পাঠিয়ে দিলেন—কিন্তু কোন রকমেই মাছ পাওয়া গেল না—শেষ এক জন জেলে একটা সের দশ বারো ওজনের রুইমাছ নিয়ে উপস্থিত হলো। মাছ দেখে কর্ম্মকর্ত্তার খুসির আর সীমা রইলো না। জেলে যে দাম বলবে, তাই দিয়ে মাছটি নেওয়া যাবে মনে করে জেলেকে জিজ্ঞাসা করেন, “বাপু, এটির দাম কি নেবে? ঠিক বল, তাই দেওয়া যাবে।” জেলে বলে, “মশাই! এর দাম বিশ ঘা জুতো!” কর্ম্মকর্ত্তা “বিশ ঘা জুতো!” শুনে অবাক হয়ে রইলেন, মনে করলেন, জেলে বাদলা পেয়ে মদ খেয়ে মাতাল হয়েছে, না হয় ত পাগল, কিন্তু জেলে কোন ক্রমেই বিশ ঘা জুতো ভিন্ন মাছটি দেবে না, এই তাঁর পণ

হলো। নিমন্ত্রণে বাড়ির কর্তা ও চাকরবাকরেরা জেলের এ আশ্চর্য্য দাম শুনে তারে কেউ পাগল কেউ মাতাল বলে ঠাট্টা মস্করা কতে লাগলো, কিন্তু কোন রকমেই জেলের গৌঁ ঘুচলো না। শেষে কর্তাকর্তা কি করেন, মাছটি নিতেই হবে, আন্তে আন্তে জেলেকে বিশ ঘা জুতো মাতে রাঙ্গি হলেন, জেলেও অগ্নান বদনে পিঠ পেতে দিলে। দশ ঘা জুতো জেলের পিটে পড়বামাত্র, জেলে “মশাই! একটু থামুন, আমার এক জন অংশীদার আছে, বাকি দশ ঘা সেই খাবে, সে আপনার দরওয়ান দরজায় বসে আছে, তারে ডেকে পাঠান, আমি যখন বাড়ীর ভিতর মাছ নিয়ে আসছিলাম, তখন মাছের অদ্দেক দাম না দিলে আমারে ঢুকতে দেবে না বলেছিল, সুতরাং আমিও অদ্দেক বকরা দিতে রাঙ্গি হয়েছিলাম।” কর্তাকর্তা তখন বুঝতে পারলেন, জেলে কি জন্তু মাছের দমে বিশ ঘা জুতো চেয়েছিল। দরওয়ানজীকে দরজায় বসে আর অধিকরণ জেলের দামের বকরার জন্তু প্রতীক্কে করে থাকতে হলো না; কর্তাকর্তা তখন দরওয়ানজীকে জেলের বিশ ঘা অংশ দিলেন। পাঠক বড় মানুষেরা! এই উপন্যাসটি মনে রাখবেন।

হজুর দেড় হাত উঁচু গদির উপরে তাকিয়ে ঠেস্ দিয়ে বসে আছেন, গা আছড়! পাশে মুন্সি মশায় চস্মা চোকে দিয়ে পেস্কারের সঙ্গে পরামর্শ কচ্ছেন—সামনে কতকগুলো খোলা খাতা ও এক বুড়ি চোতা কাগজ, আর এক দিকে চার পাঁচ জন ব্রাহ্মণ পণ্ডিত বাবুকে “কণজন্মা” “যোগব্রহ্ম” বলে তুষ্ট করবার অবসর খুঁজছেন। গদির বিশ হাত অন্তরে ছ জন বেকার “উমেদার” ও এক জন বৃদ্ধ “কণ্ঠাদায়” কাঁদ কাঁদ মুখ করে ঠিক “বেকার” ও “কণ্ঠাদায়” হালতের পরিচয় দিচ্ছেন। মোসাহেবরা খালি গায়ে ঘুরঘুর কচ্ছেন, কেউ হজুরের কাণে কাণে ছচার কথা কচ্ছেন—হজুর ময়ূরহীন কার্ত্তিকের মত আড়ষ্ট হয়ে বসে রয়েছেন। দস্ত বাবু গিয়ে নমস্কার কল্লেন।

হজুর বারোইয়ারি পূজোর বড় ভক্ত, পূজোর কদিন দিবারাত্রি বারোইয়ারি-ভক্তিতেই কাটান, ভাগনে, মোসাহেব, জামাই ও ভগিনীপতিরা বারোইয়ারির জন্তু দিনরাত শশব্যস্ত থাকেন।

দস্ত বাবু বারোইয়ারি বিষয়ক নানা কথা করে হজুরি সবিস্ক্রিপশন হাজার টাকা নিয়ে বিদেয় নিলেন, পেয়েগেটের সময় দাওয়ানজী শতকরা ছ টাকার হিসাবে দস্তুরি কেটে স্থান, দস্তজা ঘরপোড়া কাটের হিসাবে ও দাওয়ানজীকে খুসি রাখবার জন্তু তাতে আর কথা কইলেন না। এদিকে বাবু বারোইয়ারি পূজোর ক রাত্রির কোন্ কোন্ রকম পোশাক পরবেন, তারই বিবেচনার বিভ্রত হলেন।

কোনাই বাবু বারোইয়ারি বই নিয়ে না খেয়ে বেলা দুটো অবধি নানা স্বাদে ঘুরলেন, কোথাও কিছু পেলেন, কোথাও মস্ত টাকা সহই মাত্র হলো (আদায় হবে না, তার ভয় নাই), কোথাও গলা ধাকা, তামাশা ও ঠোনাটা ঠানাটাও সহিতে হলো ।

বিশ বছর পূর্বে কলকাতার বারোইয়ারি চাঁদা সাদারা প্রায় দ্বিতীয় অষ্টমের পেরাদা ছিলেন—ব্রহ্মোত্তর জমির খাজনা সাদার মত লোকের উনোনে পা দিয়ে টাকা আদায় কতেন—অনেকে চোটের কথা করে বড় মানুষদের ভুট করে টাকা আদায় কতেন ।

একবার এক দল বারোইয়ারি একচক্কু কাণা এক সোনারবেণের কাছে চাঁদা আদায় কতেন যান । বেণে বাবু বড়ই কৃপণ ছিলেন, “বাবার পরিবারকে” (অর্থাৎ মাকে) ভাত দিতেও কষ্ট বোধ কতেন, তামাক খাবার পাতের শুকনো নলগুলি জমিয়ে রাখতেন, এক বৎসরের হলে ধোবাকে বিক্রি কতেন, তাতেই পরিবারের কাপড় কাচার দাম উশুল হতো । বারোইয়ারির অধ্যক্ষেরা বেণে বাবুর কাছে চাঁদার বই ধলে তিনি বড়ই রেগে উঠলেন ও কোন মতে এক পয়সাও বারোইয়ারিতে বেজায় খরচ কতেন রাজি হলেন না, বারোইয়ারির অধ্যক্ষেরা অনেক ক্ষণ ঠাউরে ঠাউরে দেখলেন, কিন্তু বাবুর বেজায় খরচের কিছুই নিদর্শন পেলেন না—তামাক গুলি পাকিয়ে কোম্পানির কাগজের সঙ্গে বাস্তমধ্যে রাখা হয়—বালিসের ওয়াড়, ছেলেদের পোশাক, বেণে বাবু অবকাশমত স্বহস্তেই সেলাই করেন—চাকরদের কাছে (এক জন বুড়ো উড়ে মাত্র) তামাকের গুল, মুড়ো খেঁরার দিনে ছবার নিকেশ নেওয়া হয়—ধুতি পুরণো হলে বদল দিয়ে বাসন কিনে থাকেন—বেণে বাবুর ত্রিশ লক্ষ টাকার কোম্পানির কাগজ ছিল, এ সওয়ায় তার সুদ ও চোটার বিলক্ষণ দশ টাকা আসতো, কিন্তু তার এক পয়সা খরচ কতেন না । (পৈতৃক পেশা) খাঁটি টাকায় মাকু চালিয়ে যা রোজগার কতেন, তাতেই সংসার নির্বাহ হতো ; কেবল বাজে খরচের মধ্যে একটা চক্কু, কিন্তু চসমায় দুখানি পরকোলা বসান ; তাই দেখে বারোইয়ারির অধ্যক্ষেরা ধরে বসলেন, “মশাই ! আপনার বাজে খরচ ধরা পড়েছে, হয় চসমাখানির একখানি পরকোলা খুলে ফেলুন. নয় আমাদের কিছু দিন ।” বেণে বাবু এ কথায় খুসি হলেন, শেষে অনেক কষ্টে দুটি সিকি পর্যন্ত দিতে সম্মত হয়েছিলেন ।

আর একবার এক দল বারোইয়ারি পুজোর অধ্যক্ষ সহরের সিংগি বাবুদের বাড়ী গিয়ে উপস্থিত, সিংগি বাবু সে সময় আপিসে বেরুচ্ছিলেন, অধ্যক্ষেরা চার

পাঁচ জনে তাঁকে ঘিরে ধরে “ধরেছি” “ধরেছি” বলে চেঁচাতে লাগলেন। রাস্তায় লোক জমে গ্যালো। সিংগি বাবু অবাক—ব্যাপারখানা কি? তখন এক জন অধ্যক্ষ বল্লেন, “মহাশয়! আমাদের অমুক জায়গার বারোইয়ারি পূজোয় মা ভগবতী সিংগির উপর চড়ে কৈলাস থেকে আসছিলেন, পথে সিংগির পা ভেঙ্গে গ্যাছে; সুতরাং তিনি আর আসতে পাচ্ছেন না, সেইখানেই রয়েছেন; আমাদের স্বপ্ন দিয়েছেন যে, যদি আর কোন সিংগির যোগাড় করতে পার, তা হলেই আমি যেতে পারি। কিন্তু মহাশয়! আমরা আজ এক মাস নানা স্থানে ঘুরে বেড়াচ্ছি, কোথাও আর সিংগির দেখা পেলাম না; আজ ভাগ্যক্রমে আপনার দেখা পেয়েছি, কোন মতে ছেড়ে দেবো না—চলুন! যাতে মার আসা হয়, তারই তদ্বির করবেন।” সিংগি বাবু অধ্যক্ষদের কথা শুনে সন্তুষ্ট হয়ে বারোইয়ারি চাঁদায় বিলক্ষণ দশ টাকা সাহায্য করলেন।

এ ভিন্ন বারোইয়ারি চাঁদা সাধারণ বিষয়ে নানা উদ্ভট কথা আছে, কিন্তু এখানে সে সকল উত্থাপন নিষ্প্রয়োজন। পূর্বে চুঁচড়োর মত বারোইয়ারি পূজো আর কোথাও হতো না, “আচাভো” “বোম্বাচাক” প্রভৃতি সং প্রস্তুত হতো; সহরের ও নানা স্থানের বাবুর বোট, বজ্রা, পিনেস ও ভাউলে ভাড়া করে সং দেখতে যেতেন; লোকের এত জনতা হতো যে, কলাপাত এক টাকায় একখানি বিক্রি হয়েছিলো, চোরেরা আঙুল হয়ে গিয়েছিলো, কিন্তু গরিব দুঃখী গেরস্তোর হাঁড়ি চড়ে নি। গুপ্তিপাড়া, কাঁচড়াপাড়া, শান্তিপুর, উলো প্রভৃতি কলকাতার নিকটবর্তী পল্লীগ্রামে ক বার বড় ধুম করে বারোইয়ারি পূজো হয়েছিলো। এতে টকরাটকরিও বিলক্ষণ চলেছিলো। একবার শান্তিপুরওয়ালারা পাঁচ লক্ষ টাকা খরচ করে এক বারোইয়ারি পূজো করেন; সাত বৎসর ধরে তার উজ্জ্বল হয়, প্রতিমেখানি ষাট হাত উঁচু হয়েছিল, শেষে বিসর্জনের দিনে প্রত্যেক পুতুল কেটে কেটে বিসর্জন করতে হয়। তাতেই গুপ্তিপাড়াওয়ালারা “মার” অপঘাত মৃত্যু উপলক্ষে গণেশের গলায় কাচা বেঁদে এক বারোইয়ারি পূজো করেন, তাতেও বিস্তর টাকা ব্যয় হয়।

এখন আর সে কাল নাই; বাঙ্গালি বড় মানুষদের মধ্যে অনেকে সভ্য হয়েছেন। গোলাপজল দিয়ে জলশৌচ, ঢাকাই কাপড়ের পাড় ছিঁড়ে পরা, মুক্তভস্মের চূর্ণ দিয়ে পান খাওয়া আর শোনা যায় না। কুকুরের বিয়েয় লাক টাকা খরচ, যাত্রায় মোট প্যালা, তেল মেখে চার ঘোড়ার গাড়ী চড়ে ভেঁপু বাজিয়ে স্নান করতে যাওয়া সহরে অতি কম হয়ে পড়েছে। আজ্ঞা হজুর, উঁচুগতি, কার্তিকের মত বাউরি চুল,

এক পাল বরাথুরে মোসাহেব, রক্ষিত বেণ্ডা আর পাকান কাছা—কলকাতার আরে ভূমিকম্পোর মত “কখনোর” পাল্লায় পড়েছে !

কালকাতা ব্রাহ্মণ বড় মানুষ (পাড়ারগেয়ে ভূতেরা ছাড়া) প্রায় মাইনে করা মোসাহেব রাখেন না ; কেবল সহরে ছ চার বেণে বড় মানুষই মোসাহেবদের ভাগ্যে স্ত্রীসম্ম। বুক ফোলান, বাঁকা সিঁতি, পইতের গোচ্ছা গলায়, কুঁচের মত চক্ষু লাল, কাণে তুলোয় করা আতর, (লেখা পড়া সকল রকমই জানেন, কেবল বিশ্বৃতিক্রমে বর্ণপরিচয়টি হয় নাই) আমরা খালি সোনারবেণে বড় মানুষ বাবুদের মজলিশে দেখতে পাই ।

মোসাহেবী পেশা উঠে গেলেই, “বারোইয়ারি” “খ্যামটা” “চোহেল” ও “ফররার” লাঘব হবে সন্দেহ নাই !

সন্ধ্যা হয় হয় হয়েছে—গয়লারা ছদের হাঁড়া কাঁদে করে দোকানে যাচ্ছে । মেচুনীরে আপনাদের পাটা, বাঁটি ও চুবড়ি ধুয়ে প্রদীপ সাজাচ্ছে । গ্যাসের আলো জ্বালা মুটেরা মই কাঁদে করে দৌড়ুচ্ছে—খানার সামনে পাহারাওলাদের প্যারেড (এঁরা লড়াই করবেন, কিন্তু মাতাল দেখে ভয় পান) হয়ে গিয়েছে । ব্যাঙ্কের ভেটো কেরাণীরে ছুটি পেয়েচেন । আজ এ সময় বীরকৃষ্ণ দাঁর গদিতে বড় ধুম—অধ্যক্ষেরা একত্র হয়ে কোন্ কোন্ রকম সং হবে, কুমোরকে তারই নমুনো দেখাবেন ; কুমোর নমুনো মত সং তৈয়ের করবে ; দাঁ মহাশয় ও ম্যানেজার কানাইধন দত্তজা নমুনোর মুখপাত !

ফৌজদারী বালাখানা থেকে ভাড়া করে এনে কুড়িটি বেল লান্ঠন (রং বেরং—সাদা, গ্রিন, লাল) টাঙ্গান হয়েছে । উঠোনে প্রথমে খড়, তার উপর দরমা, তার উপর মাদ্রাজী খেরোর জাজিম হাটুচে । দাঁড়িপাল্লা, চ্যাটা, কুলো ও চালুনীরে, গণি ব্যাগ ও ছেঁড়া চটের আশপাশ থেকে উকিঝুকি নাচে—আজ তারা ধরজামাই ও অন্নদাস ভাগ্নেদের দলে গণ্য !

বীরকৃষ্ণ বাবু .ধূপছায়া চেলীর জোড় ও কলার কপ ও প্লেটওয়াল (ঝাড়ের গোলাপের মত) কামিজ ও ঢাকাই ট্যারচা কাজের চাদরে শোভা পাচ্ছেন, কুমালটি কোমরে বাঁদা আছে—সোনার চাবির শিকলী কোঁচা কামিজের উপর ঘড়ির চেনের অকিসিয়েটিং হয়েছে !

পাঠক ! নবাবী আমল শীতকালের সূর্যের মত অস্ত গ্যালো । মেঘাস্তের রৌদ্রের মত ইংরাজদের প্রতাপ বেড়ে উঠলো । বড় বড় বাঁশঝাড় সমূলে উচ্ছন্ন হলো । ককিতে বংশলোচন জন্মাতে লাগলো । নবো মুম্বসি, ছিরে বেণে, ও

পুঁটে তেলি রাজা হলো। সেপাই পাহারা, আসা সোটা ও রাজা খেতাব, ইতিরা রবরের জুতো ও শান্তিপুরের ডুরে উড়ুনির মত, রাস্তায় পাদাড়ে ও ভাগাড়ে গড়াগড়ি যেতে লাগলো। কৃষ্ণচন্দ্র, রাজবল্লভ, মানসিংহ, নন্দকুমার, জগৎশেঠ প্রভৃতি বড় বড় ঘর উৎসন্ন যেতে লাগলো, তাই দেখে হিন্দুধর্ম, কবির মান, বিজ্ঞার উৎসাহ, পরোপকার ও নাটকের অভিনয় দেশ থেকে ছুটে পালালো। হাফ আখড়াই, ফুল আখড়াই, পাঁচালি ও যাত্রার দলেরা জন্মগ্রহণ কল্লে। সহরের বুকদল গোখুরী, ঝকমারী ও পক্ষীর দলে বিভক্ত হলেন। টাকা বংশগোরখ ছাপিয়ে উঠলেন। রামা মুদ্দফরাস, কেঠা বাগদী, পেঁচো মল্লিক ও ছুঁচো শীল কল্কেতার কায়েত বামুনের মুকুব্বী ও সহরের প্রধান হয়ে উঠলো। এই সময়ে হাফ আখড়াই ও ফুল আখড়াই সৃষ্টি হয় ও সেই অবধি সহরের বড় মানুষরা হাফ আখড়াইয়ে আমোদ কস্তে লাগলেন। শামবাজার, রামবাজার, চক ও সাঁকোর বড় বড় নিফর্মা বাবুরো এক এক হাফ আখড়াই দলের মুকুব্বী হলেন। মোসাহেব, উমেদার, পাড়া ও দলস্থ গেরস্তগোছ হাড়হাবাতেরা সৌখীন দোহরের দলে মিশলেন। অনেকের হাফ আখড়াইয়ের পুণ্যে চাকরি জুটে গ্যালো। অনেকে পুজুরী দাদাঠাকুরের অবস্থা হতে একেবারে আমীর হয়ে পড়লেন—কিছু দিনের মধ্যে তক্মা, বাগান, জুড়ি ও বালাখানা বনে গ্যালো।

আমরা পূর্বে পাঠকদের যে বারোইয়ারি পূজোর কথা বলে এসেছি, বীরকৃষ্ণ দার উজ্জুগে প্রথম রাত্রির বারোইয়ারিতলায় হাফ আখড়াই হবে, তবে উজ্জুগ হচ্ছে।

ধোপাপুকুর লেনের ছুইয়ের নম্বর বাড়ীটিতে হাফ আখড়াইয়ের দল বসেচে—বীরকৃষ্ণ বাবু বগি চড়ে প্রত্যহ আড্ডায় এসে থাকেন—দোয়াররা কুটী থেকে এসে হাত মুখ ধুয়ে জলযোগ করে রাত্রির দশটার পর একত্রে জমেয়াৎ হন—ঢাকাই কামার, চাষা ধোপা, পুঁটে তেলি ও ফলারে বামুনই অধিক। মুখ্যেদের ছোট বাবু অধ্যক্ষ! ছোট বাবু ইয়ারের টেকা, বেশার কাছে চিড়িয়ার গোলাম ও নেশায় শিবের বাবা! শরীর ডিগডিকে, পইতে গোচ্ছা করে গলায়, দাঁতে মিশি, প্রায় আধ হাত চেটালো কালা ও লালপেড়ে চক্রবেড়ের ধুতি পরে থাকেন। ডেড় ভরি আফিম, ডেড় শ হিলিম গাঁজা ও এক জালা তাড়ি রোজ্কা মোতান্তের উটনো বন্দোবস্ত। পালপার্বণে ও শনিবারে বেশী মাত্রায় চড়ান।

অমাবস্তার রাত্রির—অন্ধকারে ঘুরঘুড়ি—গুড় গুড় করে মেঘ ডাকচে—থেকে থেকে বিছ্যাৎ নলপাচ্ছে—গাছের পাতাটি নড়্চে না—মাটি থেকে যেন আগুনের তাপ বেরুচ্ছে—পথিকেরা এক একবার আকাশ পানে চাছেন, আর হনু হনু করে

চলেছেন। কুকুরগুলো খেঁট খেঁট কচে—দোকানীয়ে ঝাঁপতাকা বন্ধ করে ঘরে যাবার উদ্দেশ্যে কচে ;—গুড়ুম করে নটার তোপ পড়ে গ্যালো। ধোপাপুকুর লেনের ছইয়ের নগরের বাড়ীতে আজ বড়ই ধুম। ঢাকার বীরকৃষ্ণ বাবু, চক বাজারের প্যালানাথ বাবু, দলপতি বাবুরো ও ছচার গাইয়ে বাজিয়ে ওস্তাদরাও আসবেন। গাওনার সুর বড় চমৎকার হয়েছে—দোয়াররাও মিল ও তাল-দোরস্ত।

সময় কাকরই হাত ধরা নয়—নদীর স্রোতের মত—বেস্তার যৌবনের মত ও জীবের পরমাযুর মত কাকরই অপেক্ষা করে না। গির্জের ঘড়িতে চং চং চং করে দশটা বেজে গ্যালো, সোঁ সোঁ করে একটা বড় ঝড় উঠলো—রাস্তার ধূলা উড়ে যেন অন্ধকার আরো বাড়িয়ে দিলে—মেঘের কড়মড় কড়মড় ডাক ও বিহ্যুতের চকমকিতে ক্ষুদে ক্ষুদে ছেলেরা মার কোলে কুণ্ডলী পাকাতে আরম্ভ করে—যুধলের ধারে ভারী এক পসলা বিষ্টি এলো।

এদিকে ছইয়ের নগরের বাড়ীতে অনেকে এসে জমতে লাগলেন। অনেকে সখের অমুরোধে ভিজে চ্যাপচ্যাপে হয়ে এলেন। চারডেলে দিয়ালগিরিতে বাতি জলচে—মজলিশ জক্ জক্ কচে—পান, কলাপাতের এঁটো নল ও খেলো ছঁকোর কুক্কেশ্বর! মুখুয্যেদের ছোট বাবু লোকের খাতির কছেন—“ওরে” “ওরে” করে তাঁর গলা চিরে গ্যাচে। তেলি, ঢাকাই কাগার ও চাষা ধোপা দোয়ারেরা এক পেট ফির্নি, মেটো, ঘণ্টো ও আটা নেব্‌ড়ান লুসে ফরসা ধূতি চাদরে ফিট হয়ে বসে আছেন—অনেকের চক্ষু বুজে এসেচে—বাতির আলো জোনাকি পোকায় মত দেখ্‌ছেন ও এক একবার ঝিমকিনি ভাংলে মনে কছেন যেন উড়্‌চি! ঘরটা লোকারণ্য—খাতায় খাতায় ঘিরে বসে আছেন—থেকে থেকে ফকুড়িতে টম্‌টা চল্‌চে—অনেক সেয়ানা ফরমেসে জুতোজোড়াটি হয় পকেটে নয় পার নীচে রেখে চেপে বসেছেন—জুতো এমন জিনিষ যে, দোয়ার দলের পরম্পরে বিশ্বাস নাই! চকবাজারের প্যালানাথ বাবুর অপেক্ষাতেই গাওনা বন্দ রয়েছে, তিনি এলেই গাওনা আরম্ভ হবে। হু এক জন ধবৃত্তা দোয়ার প্যালানাথ বাবুর আসবার অপেক্ষায় থাকতে বেজার হছেন—হু এক জন “তাই ত” বলে দাদার বোলে বোল দিছেন ; কিন্তু প্যালানাথ বাবু বারোইয়ারির এক জন প্রধান ম্যানেজার, সৌখীন ও খোসপোশাকীর হদ্দ ও ইয়ারের প্রাণ! স্তুরাং কিছুক্ষণ তাঁর অপেক্ষা না করে তাঁরে অপমান করা হয়—বড়ই হোক, বজ্রাঘাতই হোক, আর পৃথিবী কেন রসাতলে থাক না, তাঁর এসব বিষয়ে এমনি সখ যে, তিনি অবশুই আসবেন।

ধবৃত্তা দোয়ার গোবিন্দ বাবু বিরক্ত হয়ে নাকী-সুরে “মনালে বঁদিয়া” তিকুর

টপ্পা ধরেচেন—গাঁজার ছাঁকো একবার এ থাকের পাশ মেরে ও থাকে গ্যালো। ঘরের এক কোণে ছাঁকো থেকে আগুন পড়ে যাওয়ার সে দিকের থাকেরা রক্ষা করে উঠে দাঁড়িয়ে কোঁচা ও কাপড় ঝাড়চেন ও কেমন করে পড়লো প্রত্যেকে তারই পঞ্চাশ রকম ডিপোজিসন দিচ্ছেন—এমন সময় একখান গাড়ী গড়্ গড়্ করে এসে দরজায় লাগলো। মুখ্যোদের ছোট বাবু মজলিস থেকে তড়াক্ করে লাপিয়ে উঠে বারাণ্ডায় গিয়ে “প্যালানাথ বাবু! প্যালানাথ বাবু এলেন” বলে চৈচিয়ে উঠলেন—দোয়ারদলে ছব্বরে ও রৈ রৈ পড়ে গ্যালো—তোলে রং বেজে উঠলো। প্যালানাথ বাবু উপরে এলেন—শেকছাও, গুড্ ইভনীং ও নমস্কারের ভিড় চুকতে আদ ঘণ্টা লাগলো।

চকবাজারের বাবু প্যালানাথ একহারা বেঁটেখঁটে মানুষ, গত বৎসর পঞ্চাশ পেরিয়েচেন; বাবু বড় হিন্দু—একাদশী, হরিবাসর ও রাধাষ্টমীতে উপোস ও উখান ও শয়নে নিজ্জলা করে থাকেন, বাবুর মেজাজ গরিব! সৌখীনের রাজা! ১২১৯ সালে সারবর্ন সাহেবের নিকটে তিন মাস মাত্র ইংরিজি লেখাপড়া শিখেছিলেন, সেই সম্বলেই এত দিন চল্চে—সর্বদা পোশাক ও টুপি পরে থাকেন; (টুপিটি এমনি হেলিয়ে হেলিয়ে পরা হয়ে থাকে যে, বাবুর ডান কাণ আছে কি না হঠাৎ সন্দেহ উপস্থিত হয়) লঙ্কো ফ্যাশানে (বাইয়ের ভেড়ুয়ার মত) চুড়িদার পায়জামা, রামজামা, কোমরে দোপাটা ও বাঁকা টুপি তাঁর মনোমত পোশাক। প্যালানাথ বাবুর বাই ও খ্যামটা মহলে বড় মান! তাদের কোন দায় দফা পড়লে বাবু আড় হয়ে পড়ে আফোতের তামাম করেন ও বাইয়ের অকুরোধে হিন্দুয়ানি মাথায় রেখে কাছা খুলে ফয়তা দেন ও বারোইয়ারের নামে তসবি পড়েন। মোসলমান মহলেও বাবুর বিলক্ষণ প্রতিপত্তি। অনেক লঙ্কোয়ে পাতি ও ইরানী চাঁপদাড়ি বাবুর বৃজ্জকি ও কেরামতের অনিয়ত এনসাফ্ করে থাকেন! ইংরিজি কেতা বাবুর ভাল লাগে না; মনে করেন, ইংরিজি লেখাপড়া শেখা শুদ্ধ্ কাজ চালাবার জন্ত। মোসলমান সহবাসে প্রায় দিবা রাত্রির থেকে ঐ কেতাই এঁর বড় পচন্দ! সর্বদাই নবাবী আমলের জাঁকজমক, নবাবী আমিরী ও নবাবী মেজাজের কথা নিয়ে নাড়াচাড়া হয়।

এদিকে দোয়াররা নতুন সুরের গান ধল্লেন। ধোপাপুকুর রন্ রন্ কন্ডে লাগলো—ঘুমন্ত ছেলেরা মার কোলে চম্কে উঠলো—কুকুরগুলো খেউ খেউ করে উঠলো—বোধ হতে লাগলো যেন হাড়ীয়ে গোটাকতক গুয়ার ঠেসিয়ে মারচে। গাওনার নতুন সুর শুনে সকলেই বড় খুসি হয়ে সাবাস! বাহবা!

ও শোভাস্বরীর বৃষ্টি কস্তে লাগলেন—দোরাররা উৎসাহ পেয়ে বিত্ত
চৌচৌতে লাগলো, সমস্ত দিন পরিশ্রম করে ধোপারা অঘোরে সুস্থিলো,
গাওনার বেতরো আওয়ারে চমকে উঠে খোঁটা ও দড়ি নিয়ে দৌড়লো। রাত্তির
ছটো পর্যন্ত গাওনা হয়ে শেষে সে রাত্তিরের মত বেদব্যাস বিজ্ঞান পোষেন—
দোয়ার, সৌখীন বাবু ও অধ্যক্ষরা অঙ্ককারে অতি কষ্টে বাড়ি গিরে বিজ্ঞানায়
আড় হলেন !

এদিকে বারোইয়ারিতলায় সং গড়া শেষ হয়েছে। এক মাস মহাভারতের
কথা হচ্ছিলো, কাল তাও শেষ হবে ; কথক বেদীর উপর বসে বুঝোৎসর্গের
বাঁড়ের মত ও বলিদানের মহিষের মত মাথায় ফুলের মালা জড়িয়ে বলিকাতার
একশেষ কছেন, মূল পুঁথির পানে চাওয়া মাত্র হচ্ছে, বস্তুত যা বলছেন, সকলি
কাশীরাম খুড়োর উচ্ছিষ্ট ও কোনটা বা স্বপাক। কথকতা পেশাটা ভাল—দিব্য
জলখাবার, দিব্য হাতপাখার বাতাস, কেবল মধ্যে মধ্যে কোন কোন স্থলে আহার
বিহারের আনুষঙ্গিক প্রহারটা সহিতে হয়, সেইটেই মহানু কষ্ট। পূর্বে গদাধর
শিরোমণি, রামধন তর্কবাগীশ, হলধর পঞ্চানন প্রভৃতি প্রধান প্রধান কথক ছিলেন ;
শ্রীধর অল্প বয়সে বিলক্ষণ খ্যাত হন। বর্তমান দলে শাস্ত্রজ্ঞানের অপেক্ষা করেন
না, গলাটা সাধা, চাণক্যলোকের দু আঁধর পাঠ, কীর্তন অঙ্গের ছটো পদাংগী
মুখস্থ করেই মজুরা কস্তে বেরোন ও বেদীতে বসে ব্যাস বধ করেন। কথা
শোনবার ও সং জাখবার জন্তে লোকের অসম্ভব ভিড় হয়েছে—কুমোর, ডাকওয়ারা
ও অধ্যক্ষরা খেলো ছাঁকোর তামাক খেয়ে ঘুরে বেড়াচ্ছেন ও মিছেমিছি চৌচৌয়ে
গলা ভাংছেন ! বাজে লোকের মধ্যে ছ এক জন আপনার আপনার কর্তৃক
জাখবার জন্তে “তফাৎ তফাৎ” কছে, অনেকে গোছালো গোছের মেয়েমানুষ দেখে
সঙের তরজমা করে বোঝাচ্ছেন ! সংগুলি বর্ধমানের রাজার বাংলা মহাভারতের
মত, বুঝিয়ে না দিলে মর্ষ গ্রহণ করা ভার !

কোথাও ভীষ শরশয্যায় পড়েছেন—অর্জুন পাতালে বাণ মেরে ভোগবতীর
জল তুলে খাওয়াচ্ছেন। জ্ঞাতির পরাক্রম দেখে হুর্ষোধন ক্যাল ক্যাল করে চেয়ে
রয়েছেন। সঙেদের মুখের ছাঁচ ও পোশাক সকলেরই একরকম, কেবল ভীষ
হুদের মত সাদা, অর্জুন ডেমার্টিনের মত কালো ও হুর্ষোধন গ্রীন।

কোথাও নবরত্নের সভা—বিক্রমাদিত্য বক্রিশ পুতুলের সিংহাসনের উপর
আফিমের দালালের মত পোশাক পরে বসে আছেন। কালিদাস, ঘটকর্ণর,
বরাহমিহির প্রভৃতি নবরত্নেরা চার দিকে ঘিরে দাঁড়িয়ে রয়েছেন—রত্নদের সকলেরই

এক রকম ধূতি, চাদর ও টিকি ; হঠাৎ দেখলে বোধ হয় যেন এক দল অগ্রদানী ক্রিন্সাবাড়ি ঢোকবার জন্ত দরওয়ানের উপাসনা কচ্ছে !

কোথাও শ্রীমন্ত দক্ষিণ মশানে চৌত্রিশ অক্ষরে ভগবতীর স্তব কছেন, কোটালরা ঘিরে দাঁড়িয়ে রয়েছে—শ্রীমন্তের মাথায় শালের শামলা হাক ইংরিজি গোছের চাপকান ও পায়জামা পরা ; ঠিক যেন এক জন হাইকোর্টের স্নিডার স্নিড কছেন !

এক জায়গায় রাজপুত্র যজ্ঞ হচ্ছে—দেশ দেশান্তরের রাজারা চার দিকে ঘিরে বসেছেন—মধ্যে ট্যানা পরা হোতা পোতা বামুনরা অগ্নিকুণ্ডের চার দিকে বসে হোম কছেন, রাজাদের পোশাক ও চেহারা দেখলে হঠাৎ বোধ হয় যেন, এক দল দরওয়ান স্ত্রাকরার দোকানে পাহারা দিচ্ছে !

কোনখানে রাম রাজা হয়েছেন—বিভীষণ, জাম্বুবানু, হনুমানু ও সুগ্রীব প্রভৃতি বানরেরা সহরে মুচ্ছুদী বাবুদের মত পোশাক পরে চার দিকে দাঁড়িয়ে আছেন। লক্ষ্মণ ছাতা ধরেছেন—শক্রস্ব ও ভরত চামর কছেন—রামের বাঁ দিকে সীতে দেবী ; সীতের ট্যাড়চা সাড়ী, কাঁপটা ও ফিরিজি খোঁপার বেহন্দ বাহার বেরিয়েছে !

“বাইরে কোঁচার পত্তন ভিতরে ছুঁচোর কেত্তন” সং বড় চমৎকার !—বাবুর ট্যাস্‌ল দেওয়া টুপি, পাইনাপেলের চাপকান, পেটি ও সিঙ্কের ক্রমাল, গলায় চুলের গার্ডচেন অথচ থাকবার ঘর নাই, মাসীর বাড়ি অল্প লুসেন, ঠাকুরবাড়ি শোন, আর সেনেদের বাড়ি বসবার আঁডা। পেট জুরে জল খাবার পয়সা নাই, অথচ দেশের রিকর্শেশনের জন্তে রাস্তিরে ঘুম হয় না। (মশারির অভাবও ঘুম না হবার একটি প্রধান কারণ)। পুলিশ, বড় আদালত, টালার নিলেম, ছোট আদালতে দিনের ব্যালা ঘুরে বেড়ান, সন্ধ্যে ব্যালা ব্রহ্মসভায় মিটিং ও রুবে হাঁক ছাড়েন—গোয়েন্দাগিরি, দালালি, খোসামুদি ও ঠিকে রাইটরি করে যা পান, ট্যাস্‌লওয়ালা টুপি ও পাইনাপেলের চাপকান রিপু কস্তে ও জুতো বুরুসেই সব ফুরিয়ে যায় ! সূতরাং মিনি মাইনের স্কুলমাষ্টারি কখন কখন স্বীকার কস্তে হয় !

কোথাও “অসৈরণ সৈতে নারি শিকের বসে বুলে মরি” সং—অসৈরণ সহিতে মারি মহাশয়, ইয়ং বাঙ্গালদের টেবিলে খাওয়া, পেটুলন ও (ভয়ানক গরমিতেও) বনাভের বিলাতী কট্ চাপকান পরা ! (বিলক্ষণ দেখতে পান) অথচ নাকে চসমা ! রাস্তিরে খানায় পড়ে ছুঁচো ধরে খান ! দিনের ব্যালা রিকর্শেশনের স্পিচ্ করেন মেখে—শিকের বুল্‌চেন !

এ জায়গায় বারোইয়ারিভলায় “ভাল কস্তে পারবো না মন্দ করবো কি দিবি

তা দে” “বুক ফেটে দরোজা” “বুঁটে পোড়ে গোবর হাসে” “খাঁদা পুতের নাম পজলোচন” “মদ খাওয়া বড় দায় জাত থাকার কি উপায়” “হাড় হাবাতে মিহরির ছুরি” প্রভৃতি নানাবিধ সং হয়েছে ; সে সব আর এখানে উত্থাপন করার আবশ্যক নাই। কিন্তু প্রতিমের ছু পাশে “বকা ধার্মিক ও ক্ষুদ্র নবাবে”র সং বড় চমৎকার হয়েছে। বকা ধার্মিকের শরীরটি মুচির কুকুরের মত হুছুর নাছুর—ভুঁড়িটি বিলাতী কুমড়োর মত—মাতায় কামান চৈতন্যককা বুঁটি করে খাঁদা—গলায় মালা ও ছোট ঢাকের মত গুটিকতক সোনার মাছলি—হাতে ইষ্টিকবচ—চুলে ও মৌপে কলপ দেওয়া—কালাপেড়ে ধুতি, রামজামা ও জরির বাঁকা তাজ—গত বৎসর আশী পেরিয়েছেন—অঙ্গ স্ত্রিতঙ্গ ! কিন্তু প্রাণ হামাগুড়ি দিচ্ছে ! গেরস্তগোচের স্ত্র-লোকের মেয়েছেলের পানে আড়চক্ষে চাচ্ছেন—হরিনামের মালার ঝুলিটি ঘুরুচ্ছেন। ঝুলির ভিতর থেকে গুটিকতক টাকা বেমালুম আওয়াজে লোভ দেখাচ্ছে।

ক্ষুদ্র নবাব—ক্ষুদ্র নবাব দিব্যি দেখতে—ছদে আলতার মত রং—আলবট ফ্যাশানে চুল ফেরানো—চীনের শুয়ারের মত—শরীরটি ঘাড়ে গদদানে—হাতে লাল রুমাল ও পিচের ইষ্টিক—সিমুলের ফিনফিনে ধুতি মালকোচা করে পরা, হঠাৎ দেখলে বোধ হয় রাজারাজড়ার পৌতুর, কিন্তু পরিচয়ে বেরোবে “হিদে জোলার নাতি” !

বারোইয়ারি প্রতিমেশানি প্রায় বিশ হাত উঁচু—ঘোড়ায় চড়া হাইল্যাণ্ডের গোরা, বিবি, পরী ও নানাবিধ চিড়িয়া সোলার ফুল ও পদ্ম দিয়ে সাজানো—মধ্যে মা ভগবতী জগদ্ধাত্রীমূর্তি—সিংগির গা রূপলী গিল্টি ও হাতী সবুজ মথমল দিয়ে মোড়া। ঠাকুরেশের বিবিয়ানা মুখ—রং ও গড়ন আসল ইছদী ও আরমানী কেতা ; ব্রহ্মা, বিষ্ণু, মহেশ্বর ও ইন্দ্র দাঁড়িয়ে জোড়হাত করে স্তব কচ্ছেন। প্রতিমের উপরে ছোট ছোট বিলাতী পরীরা ভেঁপু বাজাচ্ছে—হাতে বাদশাই নিশেন ও মাঝে ঘোড়া সিংগিওয়াল কুইনের ইউনিকরনু ও ক্রেষ্ট !

আজ বারোইয়ারির প্রথম পূজা শনিবার—বীরকৃষ্ণ দাঁ, কানাই দত্ত, প্যালানাথ বাবু ও বীরকৃষ্ণ বাবুর ফ্রেণ্ড আহিরীটোলার রাখামাধব বাবুরো ব্যালা তিনটে পর্যন্ত বারোইয়ারিতলায় হামরাও হয়েছিলেন—তিনটে বড় বড় অর্পা মোষ, এক শ ভেড়া ও তিন শ পাঁটা বলিদান করা হয়েছে—মূল নৈবিষ্টির আগা তোলা মোণ্ডাটি ওজনে দেড় মণ। সহরের রাজা, সিংগি, ঘোষ, দে, মিত্র ও দত্ত প্রভৃতি বড় বড় দলহ কোঁটা, চেলায় জোড়, টিকি ও ভেলকথারী উর্দি ও তক্মাওয়াল বত ব্রাহ্মণ পণ্ডিতের বিদেয় হয়েছে—“সুপারিস্” “অনাহুতে” “বেদলে” ও “ফলারেরা”

নিমত্তার শকুনির মতো টেকে বসে আছেন—কাজালী, রেও, অগ্রদানী, জাট ও ককির বিস্তার জমেছিল—পাহারাওয়ালারাই তাঁদের বিদেয় দেন—অনেক গরীব প্রেস্তার হয়! শেষে গাঁট থেকে কিছু বার করে খানার দারোগা ও জমাদারের পুস্ত বিবেচনায় সে বারের মত রেহাই পায়।

ক্রমে সন্ধ্যা হয়ে এলো—বারোইয়ারিতলা লোকারণ্য। সহরের অনেক বাবু গাড়ি চড়ে সং দেখতে এসেছেন—সং ফেলে অনেকে তাঁদের দেখতে। ক্রমে মজলিশে দু এক ঝাড় জ্বলে দেওয়া হলো—সঙেদের মাথার উপর বেল ল্যান্ঠন বাহার দিতে লাগলো। অধ্যক্ষ বাবুরো একে একে জমেয়াৎ হতে লাগলেন, নল করা খেলো হাঁকো হাতে ও পান চিবুতে চিবুতে অনেকে চীৎকার ও “এটা কর” “ওটা কর” করে হুকুম দিচ্ছেন। আজ ধোপাপাড়ার ও চকের দলের লড়াই হবে। দেড় মণ গাঁজা, দুই মণ চরস, বড় বড় সাত গামলা দুধ ও বারোখানি বেণের দোকান খেঁটিয়ে ছোট বড় মাঝারি এলাচ, কপূর, দারুচিনি সংগ্রহ করা হয়েছে—মিটে, কড়া, ভ্যালসা, অনুরি ও ইরানী তামাকের গোবর্ধন হয়েছে! এ সওয়ায় বিস্তার অন্তঃশিলে সরঞ্জামও প্রস্তুত আছে। আবশ্যক হলে দেখা দেবে!

সহরে টি টি পড়ে গ্যাচে আজ রাত্তিরে অমুক জায়গায় বারোইয়ারি পূজায় হাফ আখড়াই হবে। কি ইয়ার গোচের স্কুল বয়, কি বাহাস্তুরে ইনভেলিড, সকলেই হাফ আখড়াই শুনতে পাগল! বাজার গরম হয়ে উঠলো। ধোপারা বিলক্ষণ রোজগার কস্তে লাগলো। কোঁচান ধুতি, ধোপদস্ত কামিজ ও ডুরে শান্তিপুয়ে উড়ুনির এক রাত্তিরের ভাড়া আট আনা চড়ে উঠলো! চারপুরুষে পাঁচপুরুষে ফ্রেপ্ ও নেটের চাদরেরা অকর্ষণ্য হয়ে নবাবী আমলে সিন্দুক আশ্রয় করে ছিলেন, আজ ভলটিয়র হয়ে মাথায় উঠলেন। কালো ফিতের ঘুন্সি ও চাবির শিকলি হঠাৎ বাবুর মত স্বস্থান পরিত্যাগ করে, ঘড়ির চেনের অফিশিয়েটিং হলো—জুতোরা বেস্তার মত নানা লোকের সেবা কস্তে লাগলো।

বারোইয়ারিতলা লোকারণ্য হয়ে উঠলো—এক দিকে কাঠগড়া ঘেরা মাটির সং—অন্য দিকে নানা রকম পোশাক পরা কাঠগড়ার ধারে ও মধ্যে জ্যান্ত সং। বড়-মাসুখরা ট্যাস্, লওয়াল। টুপি, চাপকান, পেটি ও ইষ্টিকে চাল। চক্রের অনুর হতেও ঘেরাড়া দেখাচ্ছেন। প্রধান অধ্যক্ষ বীরকৃষ্ণ বাবু লকাই লাটুর (লাটিম) মত ঘুরে বেড়াচ্ছেন, দু কশ দিয়ে পাজির ছবির রক্তদস্তী রাকসীর মত পানের সিক্ পড়িয়ে পড়তে—চাকর, হরকরা, সরকার ক্যারাণা ও ম্যানেজারদের নিখেল ক্যাল্ভার অবকাশ নাই।

চং চং করে গির্জার ঘড়িতে রাত্তির ছটো বেজে গ্যালো। খোপাপাড়ার দল ভরপুর নেশায় তেঁ। হয়ে টলতে টলতে আসরে নাবলেন। অনেকে আধড়া ঘরে (সাজঘরে) গুয়ে পড়লেন। বাঙ্গালির স্বভাবই এই, পরের জিনিষ পাতে পড়লে শীগগির হাত বন্ধ হয় না (পেট সেটি বোধে না বড় ছুঁধের বিষয় !) ডেড় ঘণ্টা জোল, বেহালা, কুলুট, মোচোং ও সেতারের রং ও সাজ বাজলো—গোঁড়ারা ছ শ বাহরা ও বেশ দিলেন—শেষে একটি ঠাকুরগণবিষয় গেয়ে (আমরা গানটি বুঝতে অনেক চেষ্টা করলাম, কিন্তু কোনমতে কৃতকার্য হতে পারলাম না) উঠে গেলে চকের দল আসরে নাবলেন।

চকের দলেরাও ঐ রকম করে গেয়ে শোভাস্বরী! সাবাস! ও বাহবা! নিয়ে উঠে গ্যালেন—এক ঘণ্টার জন্ত মজলিশ খালি রইলো; চায়নাকোট-ফ্রেপের, লেটের ও ডুরে ফুলদার ট্যারচা চাদরেরা—পিপড়ের ভাজা সারের মত ছড়িয়ে পড়লেন। পানের দোকান শূন্য হয়ে গ্যালো। চুরোট তামাক ও চরসের ধূঁয়ায় এমনি অন্ধকার হয়ে উঠলো যে, সে বারে “প্রোরেশনের উপলক্ষে বাজিতে” বা কি ধোঁ। হয়েছিল! বড় বড় রিভিউয়ের তোপেও ত ধোঁ। জন্মে না! আদ ঘণ্টা প্রতিমেখানি দেখা যায় নি ও পরস্পর চিনে নিতেও কষ্ট বোধ হয়েছিলো।

ক্রমে হঠাৎ বাবুর টাকার মত, বসন্তের কুয়াশার মত ও শরতের মেঘের মত ধোঁ। দেখতে দেখতে পরিষ্কার হয়ে গ্যালো! দর্শকেরা সুস্থির হয়ে দাঁড়ালেন, খোপাপুকুরের দল আসর নিয়ে বিরহ ধল্লেন। আদ ঘণ্টা বিরহ গেয়ে আসর হতে দলবল সমেত আবার উঠে গ্যালেন। চকবাজারেরা নাবলেন ও খোপাপুকুরের দলের বিরহের উত্তোর দিলেন। গোঁড়ারা রিভিউয়ের সোলজারদের মত দল বেঁধে ছ থাক হলো। মধ্যস্থরা গানের চোতা হাতে করে বিবেচনা কস্তে আরম্ভ করলেন—এক দলে মিস্তির খুড়ো আর এক দলে দাদাঠাকুর বাদন্দার।

বিরহের পর চাপা কাঁচা খেঁউড়; তাতেই হার জিতের বন্দোবস্ত, বিচার ও শেষ (মধুরেণ সমাপয়েৎ) মারামারিও বাকি থাকবে না।

তোপ পড়ে গিয়েচে, পূর্বদিক ফরসা হয়েচে, ফুরুরে হাওরা উঠেচে—খোপাপুকুরের দলেরা আসর নিয়ে খেঁউড় ধল্লেন, গোঁড়াদের “সাবাস”! “বাহবা”! “শোভাস্বরী”! “জিতা রও”! দিতে দিতে গলা চিরে গ্যালো; এরই ভাষা। দেখতে যেন সূর্য্যদেব তাড়াতাড়ি উদয় হলেন! বাঙ্গালির আত্মা এমন কুৎসিত আমোদে মত্ত হন বলেই যেন—ঈদ উজ্জসমাজে যুধ দেখাতে লজ্জিত হলেন!

কুমুদিনী মাতা হেঁট কল্লেন ! পাখীরা ছি ! ছি ! ছি ! করে চেঁচিয়ে উঠলো !
পাখীরা পাঁকের মধ্যে থেকে হাস্তে লাগলেন ! ধোপাপুকুরের দল আসর নিয়ে
খেঁউড় গাইলেন, স্তুরাং চকের দলকে তার উত্তোর দিতে হবে । ধোপাপুকুর-
ওয়ালারা দেড় ঘণ্টা প্রাণপণে চেঁচিয়ে খেঁউড়টি গেয়ে থামলে চকের দলেরা আসরে
নাবলেন, সাজ বাজতে লাগলো, ওদিকে আকড়াঘরে খেঁউড়ের উত্তোর প্রস্তুত
হচ্ছে, আধ ঘণ্টার মধ্যে উত্তোরের চোতা মজলিশে দেখা দিলেন—চকের দলেরা
ভেজের সহিত উত্তোর গাইলেন ! গৌড়ারা গরম হয়ে “আমাদের জিত !”
“আমাদের জিত !” করে ট্যাচাটেচি কস্তে লাগলেন—(হাতাহাতিও বাকি
রইলো না) এদিকে মধ্যস্থরাও চকের দলের জিত সাব্যস্ত কল্লেন । হুও ! হো !
হো ! হুরে ও হাততালিতে ধোপাপুকুরের দলেরা মাটির চেয়েও অধম হয়ে
গ্যালেন—নেশার খোঁয়ারি—রাত জাগবার ক্লেশ ও হারের লজ্জায়—মুখুযোদের
ছোট বাবু ও ছ চার ধবতা দোয়ার একেবারে এলিয়ে পড়লেন ।

চকের দলেরা ঢোল বেঁধে নিশেন তুলে গাইতে গাইতে ঘরে চল্লেন—কারু
শুধু পা—মোজা পায় ; জুতো কোথায় তার খোঁজ নাই । গৌড়ারা আমোদ
কস্তে কস্তে পেছু পেছু চল্লেন—ব্যালা দশটা বেজে গ্যালো, দর্শকরা হাফ
আখড়াইয়ের মজা ভরপুর লুটে বাড়িতে এসে স্তু, ঠাণ্ডাই জ্বোলাপ ও ডাক্তারের
ষোগাড় দেখতে লাগলেন । ভাড়া ও চেয়ে নেওয়া চায়নাকোট, ধুতি চাদর
জামা ও জুতোরাজ সেরে আপনার আপনার মনিববাড়ি ফিরে গ্যালো ।

আজ রবিবার । বারোইয়ারিতলায় পাঁচালি ও যাত্রা । রাত্রি দশটার পর
অধ্যক্ষেরা এসে জম্লেন ; এখনো অনেকের “চোঁয়া ঢেকুর” “মাতা ধরা” “গা মাটি
মাটি” সারে নি । পাঁচালি আরম্ভ হয়েছে—প্রথম দল ভক্তাভক্তিতরঙ্গিনী, দ্বিতীয়
দল মহীরাবণের পালা ধরেচেন, পাঁচালি ছোট কেতার হাফ আখড়াই, কেবল ছড়া
কাটানো বেশীর ভাগ, স্তুরাং রাস্তির একটার মধ্যে পাঁচালি শেষ হয়ে গ্যালো ।

যাত্রা । যাত্রার অধিকারীর বয়স ৭৬ বৎসর, বাবুরি চুল, উঁকী ও
কানে মাকড়ি । অধিকারী দূতী সেজে গুটিবারো বুড়ো বুড়ো ছেলে সখী
সাজিয়ে আসরে নাবলেন । প্রথমে কৃষ্ণ খোলের সঙ্গে নাচলেন,
তার পর বাসদেব ও মণিগৌসাই গান করে গ্যালেন । সকেট সখী ও দূতী
প্রাণপণে ভোর পর্য্যন্ত “কাল জল খাবো না !” “কাল মেঘ দেখবো না !”
(সামিয়ানা খাটাইয়ে দিমু) “কাল কাপড় পরবো না !” ইত্যাদি কথাবার্তায়
ও “নবীন বিদেশিনীর” গানে লোকের মনোরঞ্জন কল্লেন । খাল, গাড়ু, বড়া,

হেঁড়া কাপড়, পুরাণো বনাত ও শালের গাধী হয়ে গ্যালো। টাকা, আছলি, সিকি ও পয়সা পর্যন্ত প্যালা পেলেন। মধ্যে মধ্যে “বাবা দে আমার বিয়ে” ও “আমার নাম হুন্দুরে ফেলে, খরি মাহ বাউতি জালে” প্রভৃতি রকমওয়ারি সঙেরও অভাব ছিল না। ব্যালা আটটার সময় যাত্রা ভালো, এক জন বাবু মাতাল পাত্র টেনে বিলক্ষণ পেঁকে যাত্রা শুনছিলেন, যাত্রা ভেঙ্গে যাওয়াতে গলায় কাপড় দিয়ে প্রতিমে প্রণাম কস্তে গ্যালেন (প্রতিমে হিন্দুশাস্ত্রসম্মত জগদ্ধাত্রী-মূর্তি), কিন্তু প্রতিমার সিংগি হাতীকে কামড়াচে দেখে বাবু মহাশ্মার বড়ই রাগ হলো ও কিছুক্ষণ দাঁড়িয়ে থেকে করুণা মুরে—

“তারিণী গো মা কেন হাতীর উপর এত আড়ি।

মাহুঘ মেলে টেডটা পেতে তোমায় যেতে হতো হরিণবাড়ি।

শুরকি কুটে সারা হতে, তোমার মুকুট যেতো গড়াগড়ি।

পুলিসের বিচারে শেষে সঁপ্তো তোমায় গ্র্যানুয়ুড়ি।

সিঙ্গি মামা টেবুটা পেতেন ছুটেতে হতো উকীলবাড়ি ॥”

গান গেয়ে, প্রণাম করে চলে গ্যালেন।

সহরের ইতর মাতালদের (মাতালের বড় ইতরবিশেষ নাই; মাতাল হলে কি রাজা বাহাদুর, কি প্যালার বাপ গোবরা প্রায় এক মূর্তিই ধরে থাকেন) ঘরে ধরে রাখবার লোক নাই বলেই আমরা নর্দামায়, রাস্তায়, খানায়, গারদে ও মদের দোকানে মাতলামি কস্তে দেখতে পাই। সহরে বড়মাহুঘ মাতালও কম নাই, হুন্দুর ঘরে ধরে পুরে রাখবার লোক আছে বলেই তাঁরা বেরিয়ে মাতলামি কস্তে পান না। এঁদের মধ্যে অনেকে এমন মাতলামি করে থাকেন যে, অন্তরীক্ষ থেকে দেখলে পেটের ভেতর হাত পা সঁধিয়ে যায় ও বাঙ্গালি বড়মাহুঘদের উপর বিজাতীয় ঘৃণা উপস্থিত হয়। ছোটলোক মাতালের ভাগ্যে চারি আনা জরিমানা,—এক রাস্তির গারদে বাস—পাহারাওলাদের কোলায় শোয়ার হয়ে যাওয়া ও জমাদারের ছই এক কোঁৎকা মাত্র, কিন্তু বাঙ্গালি বড়মাহুঘ মাতালদের সকল বিষয়ে শ্রেষ্ঠ। পাকি হয়ে উড়তে গিয়ে ছাত থেকে পড়ে মরা—বাবার প্রতিষ্ঠিত পুকুরে ডোবা, প্রতিমের নকল সিংগি ভেঙ্গে ফেলে আসল সিংগি হয়ে বসা, ঢাকীরে মার সঙ্গে বিসর্জন দেওয়া, ক্যান্টনমেন্ট কোর্ট, রেলওয়ে এন্টেশন্ ও অক্সনে মদ খেয়ে মাতলামি করে চালান হওয়া। এ সওয়ার করুণা, গান, বকসিস ও বক্তৃতার বেহুদ ব্যাপার।

একবার সহরের শামবাজার অঞ্চলের এক রনিদী বড়মাহুঘের বাড়িতে

বিজ্ঞানসুন্দর যাত্রা হচ্ছিল, বাড়ির মেজো বাবু পাঁচো ইয়ার নিয়ে যাত্রা শুরুতে বসেছেন; সামনে মালিনী ও বিছে “মদন আশুন জল্চে বিগুণ করে কি গুণ ঐ বিদেশী” গান করে মুটো মুটো প্যালা পাঁচে—বছর বোল বরসের হুটো (ষ্টেড ব্রেড) ছোকরা সখী মেজে ঘুরে ঘুরে খ্যাম্টা নাচে। মজলিশে রূপোর স্যাসে ত্রাণ্ডি চল্চে—বাড়ির টিক্‌টিকি ও শালগ্রাম ঠাকুর পর্যন্ত নেশায় চুরচুরে ও তেঁ।। ক্রমে মিলনের মজ্জা, বিজ্ঞার গর্ভ, রাণীর তিরস্কার, চোর ধরা ও মালিনীর যজ্ঞার পালা এসে পড়লো; কোটাল মালিনীকে বেঁধে মাতে আরম্ভ করলে—মালিনী বাবুদের “দোহাই” দিয়ে কেঁদে বাড়ি সরগরম করে তুলে—বাবুর চমকা ভেঙ্গে গ্যালো; দেখলেন কোটাল মালিনীকে মাচে, মালিনী বাবুর দোহাই দিচ্ছে অথচ পার পাঁচে না। এতে বাবু বড় রাগত হলেন “কোন্ বেটার সাখি আমার কাছে থেকে মালিনীকে নিয়ে যায়” এই বলে সামনের রূপোর গেলাসটি কোটালের রগ ত্যেগে ছুড়ে মালেন—গেলাসটি কোটালের রগে লাগ্‌বামাত্র কোটাল “বাপ” বলে অমনি ঘুরে পড়লো, চারি দিক্ থেকে লোকেরা হাঁ! হাঁ! করে এসে কোটালকে ধরাধরি করে ঘরে নিয়ে গ্যালো—মুকে জলের ছিঁটে মারা হলো ও অশ্রু অশ্রু নানা তছির হলো, কিন্তু কিছুতেই কিছু হলো না—কোটালের পো এক ঘাতেই পঞ্চদ পেলেন।

আর একবার ঠন্থনের “র” ঘোষণা বাবুর বাড়িতে বিজ্ঞানসুন্দর যাত্রা হচ্ছিল, বাবু মদ খেয়ে প্যেকে মজলিশে আড় হয়ে শুয়ে নাক ডাকিয়ে যাত্রা শুন্ছিলেন। সমস্ত রাত বেছঁসেই কেটে গ্যালো, শেষে ভোর ভোর সময়ে দক্ষিণ মশানে কোটালের হাকামাতে বাবুর নিজা ভঙ্গ হলো—কিন্তু আসরে কেট্টোকে না দেখে বাবু বিরক্ত হয়ে “কেষ্ট ল্যাও, কেষ্ট ল্যাও” বলে ক্ষেপে উঠলেন। অশ্রু অশ্রু লোকে অনেক বুঝালেন যে, “ধর্ম অবতার! বিজ্ঞানসুন্দর যাত্রায় কেষ্ট নাই” কিন্তু বাবু কিছুতেই বুঝলেন না (কৃষ্ণ তাঁরে—নিভাস্ত নির্দয় হয়ে দেখা দিলেন না বিবেচনায়) শেষে ভেউ ভেউ করে কাঁদতে লাগলেন।

আর একবার এক গোশ্বামী এক মাতাল বাবুর কাছে বড় নাকাল হয়েছিলেন, সেটিও না বলে থাকা গেল না। পূর্বে এই সহরে বেণেটোলার ছিপ্‌টাদ গোশ্বামীর অনেকগুলি বড়মানুষ শিষ্য ছিল। বাবু সিমলের বোস বাবুরা প্রভুর প্রধান শিষ্য ছিলেন। এক দিন আমতার রামহরি বাবু বোস্‌জা বাবুরে এক পত্র লিখলেন যে, “ভেক নিতে তাঁর বড় ইচ্ছা, কিন্তু গুটিকতক প্রণ আছে, সেগুলি বড় দিন পূরণ না হলে, তত দিন শাক্‌ই থাকবেন।” বোস্‌জা মহাশয় পরম বৈষ্ণব; রামহরি

বাবুর পত্র পেয়ে বড় খুসি হলেন ও বৈকব ধর্মের উপদেশ ও প্রশ্ন পূরণ করবার জন্তে প্রভু নদেরচাঁদ গোস্বামী মহাশয়কে তাঁর কাছে পাঠিয়ে দিলেন।

রামহরি বাবুর সোনাগাজীতে বাসা। ছু চার ইয়ার ও গাইয়ে বাজিয়ে কাছে থাকে ; সন্ধ্যার পর বেড়াতে বেরোন—সকালে বাড়ি আসেন, মদও বিলক্ষণ চলে, ছু চার নিমগোচের দাঙ্গার দরুন পুলিসেও ছুই এক মোছলেকা হয়ে গিয়েচে। সন্ধ্যার পর সোনাগাজীর বড় জাঁক, প্রতি ঘরে ধূনার ধোঁ, শাঁকের শব্দ ও গঙ্গাজলের ছড়ার দরুন হিন্দুধর্ম যেন মূর্ত্তিমন্ত হয়ে সোনাগাজী পবিত্র করেন। নদেরচাঁদ গোস্বামী বোস বাবুর পত্র নিয়ে সন্ধ্যার পর সোনাগাজী চুকলেন। গোস্বামীর শরীরটি প্রকাণ্ড, মাথা নেড়া, মধ্যে তরমুজের বোটার মত চৈতন্যককা। সর্ব্বাঙ্গে হরিনামের ছাপা, নাকে তিলক ও অদৃষ্টে (কপালে) এক ধ্যাবড়া চন্দন, বোধ হয় যেন কাগে হেগে দিয়েচে! গোস্বামীর কল্কেতায় জন্ম, কিন্তু কখন সোনাগাজীতে ঢোকেন নাই (সহরের অনেক বেস্তা সিমুলের মা গৌসাইয়ের জুরিস্‌ডিঙ্কনের ভেতর)। গোস্বামী অনেক কষ্টে রামহরি বাবুর বাসায় উপস্থিত হলেন।

রামহরি বাবু কুটি থেকে এসে পাত্র টেনে গোলাপী রকম নেশায় তন্ হয়ে বসেছিলেন। এক মোসাহেব বাঁয়ার সঙ্গতে “অব্ হজরত জাতে লগুন কো” গাচ্ছেন, আর এক জন মাতায় চাদর দিয়ে বাইয়ানা নাচের উজ্জুগ বচ্ছেন ; এমন সময় বোস বাবুর পত্র নিয়ে গোস্বামী মশাই উপস্থিত হলেন। এমন আমোদের সময় একটা ব্রকদ গৌসাইকে দেখলে কার না রাগ হয় ? সকলেই মনে মনে বড় ব্যাজার হয়ে উঠলেন, বোসজার অনুরোধেই কেবল গোস্বামী সে যাত্রা প্রহার হতে পরিত্রাণ পান।

রামহরি বাবু বোসজার পত্র পড়ে গোস্বামী মহাশয়কে আদর করে বসালেন। রামা বামুনের হাঁকোর জল ফিরিয়ে তামাক দিলে। (হাঁকোটি বাস্তবিক ধাঁ সাহেবের)। মোসাহেবদের সঙ্গে চোক টেপাটেপি হয়ে গ্যালো। এক জন দৌড়ে কাছের দরজীর দোকান থেকে হয়ে এলেন। এদিকে গাওনা ও ইয়ারকি কিছু সময়ের জন্ত পোষ্টপন্ হলো—শাস্ত্রীয় তর্ক হবার উজ্জুগ হতে লাগলো। গোস্বামী মহাশয় তামাক খেয়ে হাঁকো রেখে নানাপ্রকার শিষ্টাচারী করেন ; রামহরি বাবুও তাতে বিলক্ষণ উদ্রতা করেছিলেন।

রামহরি বাবু গোস্বামীকে বলেন, “প্রভু! বষ্ট্র ম তন্ত্রের কটি বিষয়ে আমার বড় সন্দেহ আছে, আপনাকে যীমান্না করে দিতে হবে : প্রথম,

কেষ্টর সঙ্গে রাধিকার মামী-সম্পর্ক, তবে ক্যামন করে কেষ্ট রাধারে গ্রহণ করেন ?”

দ্বিতীয়, “এক জন মানুষ (ভাল, দেবতাই হলো) যে বোল শত জীব মনোরথ পূর্ণ করেন, এ বা কি কথা ?”

তৃতীয়, “শুনেচি, কেষ্ট দোলের সময় মেড়া পুড়িয়ে খেয়েছিলেন, তবে আমাদের মটন চাপ্ খেতে দোষ কি ? আর বষ্টুমদের মদ খেতে বিধি আছে ; দেখুন, বলরাম দিনরাত মদ খেতেন, কুকুও বিলক্ষণ মাতাল ছিলেন।” প্রশ্ন শুনেই গোস্বামীর পিলে চম্কে গ্যালো, পালাবার পথ দেখতে লাগলেন ; এদিকে বাবুর দলে মুচ্কে হাসি, ইসারা ও রূপোর গেলাসে দাওয়াই চলতে লাগলো। গোস্বামী মনের মত উত্তর দিতে পারলেন না বলে এক জন মোসাহেব বলে উঠলো, “হজুর ! কালীই বড় ; দেখুন—কালীতে ও কেষ্টতে ক পুরুষের অন্তর, কালীর ছেলে কার্তিক—তার বাহন ময়ূর—ময়ূরের যে ল্যাজ—তাই কেষ্টোর মাতার উপর, সুতরাং কালীই বড়।” এ কথায় হাসির তুফান উঠলো। গোস্বামী নিজ স্বভাবগুণে গৌয়ারতিমোয় গরম হয়ে পিট্টানের পথ দেখবেন কি, এমন সময় এক জন মোসাহেব গোস্বামীর গায়ে টলে পড়ে তিলক ও টিপ জিব দিয়ে চেটে ফেলেন, আর এক জন “কি কর ! কি কর !” বলে টিকিটি কেটে নিলেন। গোস্বামী ক্রমে শ্রদ্ধ গড়ায় দেখে জুতো ও হরিনামের থলি ফেলে চৌচা দৌড়ে রাস্তায় এসে হাঁপ ছাড়লেন ! রামহরি বাবু ও মোসাহেবদের খুসির সীমা রইলো না। অনেক বড়মানুষে এই রকম আমোদ বড় ভালবাসেন ও অনেক স্থানে প্রায়ই এইরূপ ঘটনা হয়।

কল্কেতা সহরে প্রতিদিন নতুন নতুন মাতলামি দেখা যায় ; সকলগুলি সৃষ্টিছাড়া ও অসুত ! চোরবাগানে দক্ষুর্গ মিস্তির বাবুর বাপ, গ্যাট ড্রাইব মন্কিসন্ কোম্পানির বাড়ির মুচ্ছুদী ছিলেন, এ সওয়ায় চোটা ও কোম্পানির কাগজেরও ব্যবসা কল্ডেন। দক্ষু বাবু কালেজে পড়েন, একজামিন্ পাস করেচেন, লেকচার শোমেন ও মধ্যে মধ্যে ইংরাজি কাগজে আর্টিকেল লেখেন। সহরের বাঙ্গালি বড়মানুষের ছেলেদের মধ্যে প্রায় অনেকে বিবেচনায় গাধার বেহন্দ ও বুদ্ধি এমনি সূক্ষ্ম যে, নেই বললেও বলা যায়, লেখাপড়া শিখতে আদবে ইচ্ছা নাই, প্রাণ কেবল ইয়ারকির দিকে দৌড়ায়, স্কুল যাওয়া কেবল বাপ মার ভয়ে শুধুদগেলাগোছ ! সুতরাং একজামিন্ পাস করবার পূর্বে দক্ষুর্গ বাবু চার ছেলের বাপ হয়েছিলেন ও প্রথম মেয়েটির বিবাহ পর্যন্ত হয়ে গিল্লো। দক্ষু

বাবুর ছু চার স্কুলফ্রেণ্ড সর্বদা আসতেন যেতেন, কখন কখন জুকিয়ে চুরিয়ে—চরসটা, মাজমের বরপীথানা, সিঁড়িতে আসটাও চলতো; ইচ্ছেখানা, এক আধ দিন শেরিতে, স্লামপিনটারও আখার নেওয়া হয়, কিন্তু কর্তা স্বকলমে রোজগার করে বড়মাসুখ হয়েছেন, সুতরাং সকল দিকে চোক রাখেন ও ছেলেদের উপরেও সর্বদা তাইস করে থাকেন, সেই দবদবাতেই ব্যাঘাত পড়েছিল!

সমরভেকেশনে কালেক বন্দ হয়েছে—স্কুলমাষ্টারেরা লোকের বাগানে বাগানে মাচ ধরে ও বাজার করে বেড়াচ্ছেন। পণ্ডিতরা দেশে গিয়ে লাঙ্গল ধরে চাষবাস আরম্ভ করেছেন (ইংরাজি স্কুলের পণ্ডিত প্রায় ঐ গোছেরি দেখা যায়)। দলু বাবু সন্ধ্যার পর ছুই চার স্কুলফ্রেণ্ড নিয়ে পড়বার ঘরে বসে আছেন; এমন সময় কালেকের প্যারী বাবু চাদরের ভিতর এক বোতল ত্রাণ্ডি ও একটা শেরি নিয়ে অতি সন্তুর্পণে ঘরের ভিতর ঢুকলেন। প্যারী বাবু ঘরে চোকবামাত্রই চার দিকের দোর, জান্না বন্দ হয়ে গ্যালো; প্রথমে বোতলটি অতি সাবধানে খুলে (বেরাল্পে চুরি করে ছুদ খাবার মত করে) অত্যন্ত সাবধানে চলতে লাগলো—ক্রমে ত্রাণ্ডি অস্তুর্জান হলেন। এদিকে বাবুদের মেজাজও গরম হয়ে উঠলো; দোর, জান্না খুলে দেওয়া হলো; চৌঁচিয়ে হাসি ও গব্বা চলতে লাগলো। শেষে শেরিও সমীপস্থ হলেন, সুতরাং ইংরাজি ইম্পিচ ও টেবিল চাপড়ানো চল্লো,—ভয় লজ্জা পেয়ে পালিয়ে গ্যালো। এদিকে দলু বাবুর বাপ চণ্ডীমণ্ডে বসে মালা ফিরোচ্ছিলেন, ছেলেদের ঘরের দিকে হঠাৎ চীৎকার ও রৈ রৈ শুনে গিয়ে দেখলেন, বাবুরা মদ খেয়ে মত্ত হয়ে চীৎকার ও হৈ হৈ কচ্ছেন, সুতরাং বড়ই ব্যাজার হয়ে উঠলেন ও দলু বাবুকে যাচ্ছেতাই বলে গালমন্দ দিতে লাগলেন। কর্তার গালাগালে এক জন ফ্রেণ্ড বড়ই চটে উঠলেন ও দলু তার সঙ্গে তেড়ে গিয়ে কর্তাকে একটা ঘুষি মাল্লেন। কর্তার বয়স অধিক হয়েছিল, বিশেষত ঘুষোটি ইয়ংবেঙ্গালি (বাঁছরের বাড়া), ঘুষি খেয়ে একেবারে ঘুরে পড়লেন। বাড়ির অল্প অল্প পরিবারেরা হাঁ! হাঁ! করে এসে পড়লো, গিন্নি বাড়ির ভেতর থেকে কাঁদতে কাঁদতে বেরিয়ে এলেন ও বাবুকে যথোচিত তিরস্কার কস্তে লাগলেন। তিরস্কার, কাল্লা ও গোলযোগের অবকাশে ফ্রেণ্ডরা পুলিসের ডয়ে সকলেই চম্পট দিলেন। এদিকে বাবুর করুণা উপস্থিত হলো ও মার কাছে গিয়ে বল্লেন, “মা, বিদ্দেশাগর বেঁচে থাক্! তোমার ডয় কি! ও ওল্ড কুল মরে যাক্ না কেন, ওকে আমরা চাই নি; এবারে মা এমন বাবা এনে দেবো যে, তুমি, বাবা ও আমি একত্রে

তিন জনে বসে হেল্‌থ [ড্রিঙ্ক] করবো, ও ওল্ড ফুল মরে যাক্, আমি কোরাইট রিকর্মড বাবা চাই।”

রামকালী মুখোপাধ্যায় বাবু সুপ্রিমকোর্টের মিনুয়াস, থিফ্‌ রোগ্ এণ্ড পিক্-পকেট উকীল সাহেবদের আপিসের খাজাঙ্গী। আপিসের ফেব্রুতা রাখাবাজার হয়ে আসচেন ও হুখারি দোকানও ফাঁক বাচ্ছে না—পাগড়িতে এলিয়ে পড়েছে, খুতি খুলে হুতুলি কুতুলি পাকিয়ে গ্যাচে, পাও বিলক্ষণ টল্‌চে, ক্রমে যোড়াসাঁকোর হাঁড়িহাটার এসে একেবারে এড়িয়ে পড়লেন, পা যেন খোঁটা হয়ে গেড়ে গ্যালো ; শেষে বিলক্ষণ হবু চবু হয়ে দাঁড়িয়ে রইলেন ! ঠাকুর বাবুদের বাড়ির এক জন চাকর সেই সময় মদ খেয়ে টল্‌তে টল্‌তে যাচ্ছিল। রাম বাবু তাকে দেখে “আরে ব্যাটা মাতাল” বলে টলে সরে দাঁড়ালেন। চাকর মাতাল থেমে জিজ্ঞাসা কলে, “তুই শালা কে রে আমায় মাতাল বল্লি !” রাম বাবু বল্লেন, “আমি রাম !” চাকর বল্লেন, “আমি তবে রাবণ।” রাম বাবু—“তবে যুদ্ধং দেহি” বলে যেমন তারে মাস্তে যাবেন, অমনি নেশার ঝোঁকে ধুপুস করে পড়ে গেলেন। চাকর মাতাল তাঁর বুকের উপর চড়ে বসলো। খানার সুপারিন্টেণ্ডেন্ট সাহেব সেই সময় রোঁদ ফিরে যাচ্ছিলেন। চাকর মাতাল কিছু ঠিক ছিল, পুলিশের সার্জন্‌ দেখে তাঁরে ছেড়ে দিয়ে পালাবার উদ্যোগ কলে। রাম বাবুও সুপারিন্টেণ্ডেন্টকে দেখেছিলেন, এখন রাবণকে পালাতে দেখে ঘৃণা প্রকাশ করে বল্লেন, “ছি বাবা, এখন রামের হনুমান্‌কে দেখে ভয়ে পালালে ! ছিঃ !”

রবিবারটা দেখতে দেখতে গ্যালো, আজ সোমবার—শেষ পূজোর আমোদ, চোহেল ও ফরার শেষ, আজ বাই, খ্যাম্‌টা, কবি ও কেশ্বন।

বাইনাচের মজলিশ চূড়ান্ত সাজানো হয়েছে, গোপাল মল্লিকের ছেলের ও রাজা বেজেন্দরের কুকুরের বের মজলিশ এর কাছে কোথায় লাগে ? চক্‌বাজারের প্যালানাথ বাবু বাই মহলের ডাইরেক্টরী, সুতরাং বাই ও খ্যাম্‌টা নাচের সমুদায় ভার তাঁকেই দেওয়া হয়েছিল। সহরের নন্নী, নুন্নী, মুন্নী, খন্নী ও সন্নী প্রভৃতি ডিগ্রী, মেডেল ও সার্টিফিকেটওয়াল্লা বড় বড় বাইয়েরা ও গোলাপ, শাম, বিহু, খুহু, মণি ও চুণী প্রভৃতি খ্যাম্‌টাওয়ালীরা নিজ নিজ তোবড়া তুব্‌ড়ি সঙ্গে করে আসতে লাগলেন—প্যালানাথ বাবু সকলকে মা গৌসাইয়ের মত সমাদরে রিসিভ্‌ কল্লেন—তাঁদেরও পরবে মাটিতে পা পড়্‌চে না।

প্যালানাথ বাবুর হীরের ওয়াচ, গার্ভে কোলান আধুলির মত মেকাবী হস্তিদের কাটা নটা পেরিয়েচে। মজলিশে বাতির আলো শরদের জ্যোৎস্নাকেও ঠাটা কলে.

সারঙ্গের কোঁরা কোঁরা ও তবলার মন্দিরের কনু কনু তালে “আরে সাইয়া মোরারে তেরি মেরো জানিরে” গানের সঙ্গে এক ভারক মজলিশ রেখেচে। ছোট ছোট “ট্যান্সল” “হামামা” ও “তাজিরা” “এ কোণ থেকে ও কোণ, এ চৌকি থেকে ও চৌকি” করে ব্যাড়াছেন (অধ্যক্ষদের ক্ষুদে ক্ষুদে ছেলে ও মেয়েরা) এমন সময় একখানা চেরেট গুড়্ গুড়্ করে বারোইয়ারিতলায় “গড়্ সেড়্ দি কুইন” লেখা গেটের কাছে থামলো। প্যালানাথ বাবু দৌড়ে গ্যালেন—গাড়ি থেকে জরি ও কিংখাপ মোড়া জরির জুতোশুদ্ধ একটা দশমুনী তেলের কুপো ও এক কুটে মোসাহেব নাবলেন, কুপোর গলায় শিকলের মত মোটা চেন ও আঙ্গুলে আঠারটা করে ছত্রিশটা আংটি।

প্যালানাথ বাবুর এক জন মোসাহেব “বড়বাজারের পচ্চু বাবু তুলোর ও পিস্গুট্টের দালাল, বিস্তর টাকা! বেশ লোক” বলে চৌকিয়ে উঠলেন। পচ্চু বাবু মজলিশে ঢুকে মজলিশের বড় প্রশংসা করলেন, প্যালানাথ বাবুকে ধন্যবাদ দিলেন, উভয়ে কোলাকুলি হলো, শেষে পচ্চু বাবু প্রতিমে ও মাতালো মাতালো সঙেদের (যথা কেট্ট, বলরাম, হুম্মান্ প্রভৃতি) ভক্তিভরে প্রণাম করলেন ও বাইজীকে সেলাম করে ছুখানি আমেরিকান চৌকি জুড়ে বসলেন। ছুটি হাত, এক কুড়ি পানের দোনা, চাবির খোলো ও রুমালের জন্তু আপাতত কিছু ক্রণের জন্তু আর ছুখানি চৌকি ইজারা নেওয়া হলো, কুটে মোসাহেব পচ্চু বাবুর পেছন দিকে বসলেন, সুতরাং তাঁরে আর কে দেখতে পায়? বড়মানুষের কাছে থাকলে লোকে যে “পর্বতের আড়ালে আছ” বলে থাকে, তার ভাগ্যে তাই ঠিক ঘটলো।

পচ্চু বাবুর চেহারা দেখে বাই আড়ে আড়ে চেয়ে হাসুচে, প্যালানাথ বাবু আতর, পান, গোলাব ও তোবরা দিয়ে খাতির কছেন; এমন সময় গেটের দিকে গোল উঠলো—প্যালানাথ বাবুর মোসাহেব হীরেলাল রাজা অঞ্জনারঞ্জন দেব বাহাজুরকে নিয়ে মজলিশে এলেন।

রাজা বাহাজুরের গিণ্টিকরা গালাভরা আশা সকলের নজর পড়ে এমন জায়গায় দাঁড়ালো! অঞ্জনারঞ্জন দেব বাহাজুর গৌরবর্ণ, দোহারা—মাথায় খিড়কীদার পাগড়ি—জোড়া পরা—পায়ে জরির লপেটা জুতো, বদমাইসের বাহুসা ও স্তাকার সন্ধার! বাই, রাজা দেখে কাছ বাগে সরে এসে নাচতে লাগলো, “পূজোর সময় পরবস্তি হই যেন” বলেই তবল্জী ও সারেন্দীরা বড় রকমের সেলাম বাজালে, বাজে লোকেরা সং ও বাই ফেলে কোন অপরূপ আনোয়ারের মত রাজা বাহাজুরকে একদৃষ্টে দেখতে লাগলেন।

ক্রমে রাস্তিরের সঙ্গে লোকের ভিড় বাড়তে লাগলো, সহরের অনেক বড়মানুষ রকম রকম পোশাক পরে একত্র হলেন, নাচের মজলিশ বনরন কতে লাগলো ; বীরকৃষ্ণ দাঁর আনন্দের সীমা নাই, নাচের মজলিশের কেতা ও শোভা দেখে আপনা আপনি কৃতার্থ হলেন, তাঁর বাপের শ্রদ্ধতে বামুন খাইয়েও এমন সন্তুষ্ট হতে পারেন না ।

ক্রমে আকাশের তারার মত মাথালো মাথালো বড়মানুষ মজলিশ থেকে খসলেন, বুড়োরা সরে গ্যালেন, ইয়ারগোচের ফর্কে বাবুরা ভাল হয়ে বসলেন, বাইরা বিদেয় হলো—খ্যামটা আসরে নাবলেন ।

খ্যামটা বড় চমৎকার নাচ । সহরের বড়মানুষ বাবুরো প্রায় ফি রবিবারে বাগানে দেখে থাকেন । অনেকে ছেলেপুলে, ভাগ্নে ও জামাই সঙ্গে নিয়ে একত্রে বসে খ্যামটার অনুপম রসান্বাদনে রত হন । কোন কোন বাবুরা স্ত্রীলোকদের উলঙ্গ করে খ্যামটা নাচান—কোনখানে কিস্ না দিলে প্যালা পায় না—কোথাও বলবার যো নয় !

বারোইয়ারিতলায় খ্যামটা আরম্ভ হলো, যাত্রার যশোদার মত চেহারা ছুজন খ্যামটাওয়ালী ঘুরে ঘুরে কোমর নেড়ে নাচতে লাগলো, খ্যামটাওয়ালারা পেছন থেকে “ফণির মাথার মণি চুরি কল্লি, বুঝি বিদেশে বিঘোরে পরাণ হারালি” গাচে, খ্যামটাওয়ালারা ক্রমে নিমস্তম্ভদের সকলের মুখের কাছে এগিয়ে এগিয়ে অগ্গরদানী ভিকিরীর মত প্যালা আদায় করে তবে ছাড়লেন ! রাস্তির ছটোর মধ্যেই খ্যামটা বন্দ হলো—খ্যামটাওয়ালীরা অধ্যক্ষমহলে যাওয়া আসা কতে লাগলেন, বারোইয়ারিতলা পবিত্র হয়ে গ্যালো ।

কবি । রাজা নবকৃষ্ণ কবির বড় পেট্রন ছিলেন । ইংলণ্ডের কুইন এলিজাবেথের আমলে যেমন বড় বড় কবি ও গ্রন্থকর্তা জন্মান, তেমনি তাঁর আমলেও সেই রকম রাম বসু, হরু, নিলু, রামপ্রসাদ ঠাকুর ও জগা প্রভৃতি বড় বড় কবিওয়াল জন্মায় । তিনিই কবি গাণনার মান বাড়ান, তাঁর অনুরোধে ও দ্যাখা-দেখি অনেক বড়মানুষ কবিতাে মাতলেন । বাগবাজারের পক্ষীর দল এই সময় জন্ম গ্রহণ করে । শিবচন্দ্র ঠাকুর (পক্ষীর দলের সৃষ্টিকর্তা) নবকৃষ্ণের একজন ইয়ার ছিলেন । শিবচন্দ্র মুখোপাধ্যায় বাগবাজারের রিকর্শেশনে রামমোহন রায়ের সমতুল্য লোক—তিনি বাগবাজারেদের উড়তে শেখান । সূতরাং কিছু দিন বাগবাজারের সহরের টেকা হয়ে পড়েন । তাঁদের একখানি পব্লিক আটচালা ছিল ; সেইখানে এসে পাখি হাঁড়েন, বুলি বাড়তেন ও উড়তেন—এ সওয়ায়

বোসপাড়ার ভেতরেও ছ'চার গাঁজার আড্ডা ছিল। এখন আর পক্ষীর দল নাই, শুখুরি ও বঁক্‌মারির দলও অন্তর্ধান হয়ে গ্যাচে, পাখিরা বৃদ্ধা হয়ে মরে গেছেন, ছ'একটা আদমরা বৃড়োগোছের পক্ষী এখনও দেখা যায়, দলভাঙ্গা ও টাকার থাকৃতিতে মনমরা হয়ে পড়েচে, সুত্তরাং সন্ধ্যার পর কুমুর গুনে থাকেন। আড্ডাটি মিউনিসিপাল কমিশনরেরা উঠিয়ে দেছেন, অ্যাখন কেবল তার কইল মাত্র পড়ে আছে। পূর্বেবর বড়মানুষরা এখনকার বড়মানুষদের মত ব্রিটিশ ইণ্ডিয়ান এসোসিয়েশন, এড্‌স, মিটিং ও ছাপাখানা নিয়ে বিভ্রত ছিলেন না; প্রায় সকলেরই একটি একটি রাঁড় ছিল, (এখনও অনেকের আছে) বেলা ছপূরের পর উঠতেন, আফ্রিকের আড়ম্বরটাও বড় ছিল—ছ'তিন ঘণ্টার কম আফ্রিক শেষ হত না, তেল মাখতেও ঝাড়া চার ঘণ্টা লাগতো—চাকরের তেল মাখানির শব্দে ভূমিকম্প হতো—বাবু উলঙ্গ হয়ে তেল মাখতে বসতেন, সেই সময় বিষয়কর্ম দেখা, কাগজপত্রে সই ও মোহর চলতো, আঁচাবার সঙ্গে সঙ্গেই সূর্য্যদেব অস্ত যেতেন। এঁদের মধ্যে জমিদাররা রাস্তিব ছুটো পর্য্যন্ত কাছারি কতেন; কেউ অমনি গাওনা বাজনা জুড়ে দিতেন; দলাদলির তর্ক কতেন ও মোসাহেবদের খোসামুদিতে কুলে উঠতেন—গাইয়ে বাজিয়ে হলেই বাবুর বড় প্রিয় হতো, বাপাস্ত কল্লোও বক্‌সিস পেতো, কিন্তু ভদ্রলোক বাড়ি ঢুকতে পেতো না; তার বেলা ল্যাঙ্গা তরওয়ালের পাহারা, আদব কায়দা! কোন কোন বাবু সমস্ত দিন ঘুমুতেন—সন্ধ্যার পর উঠে কাজকর্ম কতেন—দিন রাত ছিল ও রাত দিন হতো! রামমোহন রায়, গুপিমোহন দেব, গুপিমোহন ঠাকুর, দ্বারিকানাথ ঠাকুর ও জয়কৃষ্ণ সিংহের আমোল অবধি এই সকল প্রথা ক্রমে ক্রমে অন্তর্ধান হতে আরম্ভ হলো, (বাজালির প্রথম খবরের কাগজ) সমাচার চন্দ্রিকা প্রকাশ হতে আরম্ভ হলো। ব্রাহ্মসমাজ স্থাপিত হলো। তার বিপক্ষে ধর্মসভা বসলো, রাজা রাজনারায়ণ কায়স্থের পইতে দিতে উত্তোগ কল্লেন। সতীদাহ উঠে গ্যালো। হিন্দুকালেজ প্রতিষ্ঠিত হলো। হেয়ার সাহেব প্রকাশ হলেন—ক্রমে সংকর্ষে বাঙ্গালিদের চোক ফুটে উঠলো।

এদিকে বারোইয়ারিতলায় জমিদারী কবি আরম্ভ হলো, ভালুকোর জগা ও নিম্তের রামা চোলে “মহিলাস্তব” “গঙ্গাবন্দনা” ও “ভেটুকিমাছের তিনখানা কাঁটা” “অগ্‌গরদ্বীপের গোপীনাথ” “যাবি তো যা যা ছুটে ছুটে যা” প্রভৃতি বোল্ বাজাতে লাগলো; কবিওয়ালারা বিষমের ঘরে (পঞ্চমের চার গুণ উঁচু) গান ধল্লেন—

চিতেন।

বড় বারে বারে এসো ঘরে মকন্দমা করে কাঁক।

এই বারে, গেরে, ফোয়ার কল্লো সূর্পণখার নাক।

।

ক্যামন সূখ পেলে, কবলে শুলে, ব্রহ্মস্বর, দেবস্বর বড় নিতে জোর করে ।

এখন জারী গ্যালো, ডুর ভাংলো তোমার, আন্তো জুজুম্ চলবে না !

পোনেকোডের আইনগুণে মুখজোর পোর ভাংলো জাঁক ॥

বেআইনির দফারফা বদমাইসি হলো থাক্ ॥

মোহাড়া ।

কুইনরে খাসে, দেশে, প্রজার ছুঃখ রবে না ।

মহামহোপাধ্যায় মথুরানাথ মুসড়ে গিয়েচেন ।

কংসধ্বংসকারী লেটোর, জেলায় এসেচেন ।

এখন গুমি গেরেপ্তারি লাঠি দাঙ্গা কোর্জ চলবে না ॥

জমিদারী কবি শুনে সহরেরা খুসি হলেন, ছ চার পাড়ার্গেয়ে রায় চৌধুরী,
মুন্সি ও রায় বাবুরা মাতা হেঁট কল্লেন, হজুরী আম-মোস্তাররা চোক্ রাজিয়ে
উঠলো, কবিওয়ালারা ঢোলের তালে নাচতে লাগলো !

স্ব্যাভেঞ্জরের গাড়ি সার বেঁধে বেরিয়েচে । ম্যাথরেরা ময়লার গাড়ি ঠেলে
জকসেনের ঘাটে চলেচে । বাউলেরা ললিত রাগে খরতাল ও খঞ্জরীর সঙ্গে
শ্রীকৃষ্ণের সহস্র নাম ও

“ঝুলিতে মালা রেখে, জপ্লে আর হবে কি ।

কেবল কাঠের মালার ঠক্ঠকী, সব ফাঁকি ।”

লোকের ছয়ারে ছয়ারে গান করে বেড়াচ্ছে । কলু ভায়া ঘানি জুড়ে দিয়েচেন ।
ধোপারা কাপড় নিয়ে চলেচে । বোঝাই করা গরুর গাড়ি কোঁ কোঁ শব্দে রাস্তা
জুড়ে যাচ্ছে—ক্রমে ফরসা হয়ে এলো! বারোইয়ারিতলায় কবি বন্দ হয়ে গ্যালো ;
ইয়ারগোছের অধ্যক্ষ ও দর্শকেরা বিদেয় হলেন, বুড়ো ও আধবুড়োরা কেশ্বনের
নামে এলিয়ে পড়লেন ; দেশের গৌসাই, গৌড়া, বৈরাগী ও বষ্টম একত্র হলো—
সিমলের শাম ও বাগবাজারের নিস্তারিণীর কেশ্বন !

সিমলের শাম উত্তম কিন্তুুনী—বয়স অল্প—দেখতে মন্দ নয়—গলাখানি যেন
কঁসি খন্থনু কচ্ছে । কেশ্বন আরম্ভ হলো—কিন্তুনী “তাথইয়া তাথইয়া নাচত
কিরত গোপাল ননি চুরি করি খাঞীছে, আরে আরে ননি চুরি করি খাঞীছে
তাথইয়া তাথইয়া” গান আরম্ভ করে, সকলে মোহিত হয়ে পড়লেন ! চার দিক্
থেকে হরিবোল ধ্বনি হতে লাগলো, খুলিরে হাঁটু গেড়ে বসে সজোরে খোল বাজাতে
লাগলো ! কিন্তুুনী কখন হাঁটু গেড়ে কখন দাঁড়িয়ে মধু বিটি কস্তে লাগলেন—

হরিপ্রসঙ্গে এক জন গৌসাইয়ের দশা লাগলো, গৌড়ারা তাঁকে কোলে করে নাচতে লাগলো। আর যেখানে তিনি গড়েছিলেন, জিব দিয়ে সেইখানের খুলো চাটতে লাগলো।

হিন্দুধর্মের বাপের পুণ্যে কঁাকি দে খাবার যত কিকির আছে, গৌসাইগিরি সকলের টেকা। আমরা জন্মাবচ্ছিন্নে কখন একটা রোগা ছর্ব্বল গৌসাই দেখতে পাই নি! গৌসাই বলেই একটা বিকটাকার ধূম্মলোচন হবে, ছেলেবেলা অবধি সকলেরই এই চিরপরিচিত সংস্কার। গৌসাইদের যেরূপ বিয়ারিং পোটে আয়েস ও আহার বিহার চলে, বড় বড় বাবুদের পয়সা খরচ করেও সেরূপ জুটে ওঠবার যো নাই। গৌসাইরা স্বয়ং কেউ ভগবান্ বলেই অনেক চূর্ণভ বস্তু অক্রেমে ঘরে বসে পান ও কালিয়দমন পূতনাবধ গোবর্দ্ধনধারণ প্রভৃতি কটা বাজে কাজ ছাড়া বস্ত্রধারণ, মানভঞ্জন, ব্রজবিহার প্রভৃতি শ্রীকৃষ্ণের গোছালো গোছালো লীলেগুলি করে থাকেন। পেট ভরে মাল্পো ও ক্ষীর লোসেন ও রকমারি শিশু দেখে চৈতন্যচরিতামৃতের মতে—

“যিনি গুরু তিনি কৃষ্ণ না ভাবিও আন।

গুরু তুটে কৃষ্ণ তুটে জানিবা প্রমাণ ॥

প্রেমারাধ্যা রাধাসমা তুমি লো যুবতি।

রাখ লো গুরুর মান যা হয় যুক্তি ॥”

—প্রভৃতি উপদেশ দিয়ে থাকেন। এ সওয়ার গৌসাইরা অগুরটেকবের (যুদ্ধফরাস্) কাজও করে থাকেন—পাঁচ সিকে পেলে মস্তুরও দেন, মড়াও কেলেন ও বেওয়ারিস বেওয়া মলে এঁরাই তার উত্তরাধিকারী হয়ে বলেন। একবার মেদিনীপুরে এক ত্রকোদ গৌসাই বড় জন্ম হয়েছিলেন। এখানে সে উপকথাটিও বলা আবশ্যক—

পূর্বে মেদিনীপুর অঞ্চলে বৈষ্ণব তন্ত্রের গুরুপ্রসাদী প্রথা প্রচলিত ছিল—নতুন বিবাহ হলে গুরুসেবা না করে স্বামিসহবাস করবার অভ্যুপাধি ছিল না। বেতালপুরের রামেশ্বর চক্রবর্তী পাড়ারগাঁ অঞ্চলে এক জন বিশিষ্ট লোক। সুবর্ণরেখা নদীর ধারে পাঁচ বিঘা আওলাং ঘেরা ভদ্রাসন বাড়ি, সকল ঘরগুলি পাকা, কেবল চণ্ডীমণ্ডপ ও দেউড়ির সামনের বৈঠকখানা উলু দিয়ে ছাওয়া। বাড়ির সামনে দুটি শিবের মন্দির, একটি শান বাঁধানো পুকুরিণী, তাতে মাছও বিলক্ষণ ছিল। জিবেরকর্মে চক্রবর্তীকে ঘাছের জগ্গে ভাবতে হতো না। এ সওয়ার ১৯০০ বিঘা ব্রহ্মোত্তর জমি, চাখের জগ্গে পাঁচখানা মাদল, পাঁচ জন রাখাল চাকর, পাঁচ জোড়া বলদ

নিয়ত নিযুক্ত ছিল। চক্রবর্তীর উঠানে ছুটি বড় বড় খানের মর্যাই ছিল, প্রাক্তন
কক্ষলোক মাত্রই চক্রবর্তীকে বিলক্ষণ মান্ত কস্তেন ও তাঁর চণ্ডীমণ্ডপে এসে পাশা
খেলতেন। চক্রবর্তীর ছেলেপুলে কিছুই ছিল না, কেবল এক কস্তা মাত্র, সহরের
ব্রহ্মভানু চাটুয়োর মেজো ছেলে হরহরি চাটুয়োর সঙ্গে তাঁর বিয়ে হয়, বিয়ের সময়
বর কনের বয়স ১০।১১ বছরের বেশী ছিল না, সুতরাং জামাই নিয়ে যাওয়া, কি
মেয়ে আনা কিছু দিনের জন্তে বন্দ ছিল। কেবল পালপার্বণে, পিটে সংক্রান্তি ও
বসন্তবার্ষিক তত্ত্ব তাবাস্ চলতো।

ক্রমে হরহরি বাবু কালেজ ছাড়লেন, এদিকে বয়সও কুড়ি একুশ হলো, সুতরাং
চক্রবর্তী জামাই নে যাবার জন্তে অয়ং সহরে এসে ব্রহ্মভানু বাবুর সঙ্গে সাক্ষাৎ
কল্লেন। ব্রহ্মভানু বাবু চক্রবর্তীকে কয় দিন বিলক্ষণ আদরে বাড়িতে রাখলেন,
শেষে উত্তম দিন দেখে হরহরির সঙ্গে দিয়ে পাঠালেন। এক জন দরওয়ান, এক
জন সরকার ও এক জন চাকর হরহরি বাবুর সঙ্গে গ্যালো।

জামাই বাবু তিন চার দিনে বেতালপুরে পৌঁছিলেন। গাঁয়ে সোর পড়ে
গ্যালো চক্রবর্তীর সহরে জামাই এসেছে, গাঁয়ের মেয়েরা কাজকর্ম ফেলে ছুটো-
ছুটি জামাই দেখতে এলো। হোঁড়ারা সহরে লোক প্রায় জাখে নি, সুতরাং পালে
পালে এসে হরহরি বাবুরে ঘিরে বসলো—চক্রবর্তীর চণ্ডীমণ্ডপ লোকে রৈ রৈ কস্তে
লাগলো ; এক দিকে আশ-পাশ থেকে মেয়েরা উঁকি মাছে ; এক পাশে কতকগুলো
গোড়িমওয়াল ছেলে স্খাংটা দাঁড়িয়ে রয়েছে ; উঠানে বাজে লোক ধরে না। শেষে
জামাই বাবুকে জলযোগ করাবার জন্তে বাড়ির ভিতর নিয়ে যাওয়া হলো। পূর্বে
জলযোগের যোগাড় করা হয়েছে—পিঁড়ের নীচে চার দিকে চারটি সুপুরি
দেওয়া হয়েছিল ; জামাই বাবু যেমন পিঁড়ের পা দিয়ে বসতে যাবেন অমনি পিঁড়ের
গড়িয়ে গ্যালো ; জামাই বাবু ধূপ করে পড়ে গেলেন ! শালী শেলোজ মহলে
হাসির গরুরা পড়লো ! (জলযোগের সকল জিনিষগুলিই ঠাট্টাপোরা) মাটির
কালো জাম, ময়দা ও চেলের গুঁড়ির সন্দেশ, কাটের আক ও বিচালির জলের
চিনির পানা, জলের গেলাসে চাকুনি দেওয়া আরসুলো মাকোসাঁ, পানের বাটার
ছুঁচো ও ইঁছর পোরা। জামাই বাবু অতিকষ্টে ঠাট্টার যন্ত্রণা সহ করে বাইরে
এলেন। সমবয়সী ছ চার শালা সম্পকের জুটে গ্যালো ; সহরের গরু, পাড়ার
জামাশা ও রদেই দিনটি কেটে গ্যালো।

রজনী উপস্থিত—সন্ধ্য হয়ে গিয়েছে—রাখালরা বাঁশী বাজাতে বাজাতে গরুর
পাল নিয়ে ঘরে ফিরে যাচ্ছে। এক একটি পরমা সুন্দরী ত্রীলোক কলসী কাকে

করে নদীতে জল নিতে আসচে—লম্পট-শিরোমণি কুন্দরজন যেন তাদের দেখবার জন্যই বাঁশঝাড়ের ও ডালগাছের পাশ থেকে উঁকি মাছেন। ঝিঁঝিপোকা ও উইচিড়িরা প্রাণপণে ডাক্চে। ভামু, খটাস্ ও ভোঁদোড়রা শিবের জাজা মন্দির ও পড়ো বাড়িতে ঘুরে বেড়াচ্ছে। চামটিকে ও বাহুড়রা খাবার চেঁটায় বেরিয়েচে—এমন সময় এক দল শিয়াল ডেকে উঠলো—এক প্রহর রাত্তির হয়ে গ্যালো। ছেলেরা জামাই বাবুরে বাড়ির ভেতর নিয়ে গ্যালো, পুনরায় নানা রকম ঠাট্টা ও আসল খেয়ে জামাই বাবু নির্দিষ্ট ঘরে গুতে গ্যালেন।

বিবাহের পর পুনর্বিবাহের সময়ও জামাই বাবু খুশুরালয়ে যান নাই; সুতরাং পাঁচ বৎসরের সময় বিবাহকালে যা স্ত্রীর সঙ্গে সাক্ষাৎ হয়েছিল, তখন ছই জনেই বালক বালিকা ছিলেন; সুতরাং হরহরি বাবুর নিজে হবার বিষয় কি! আজ স্ত্রীর সঙ্গে প্রথম সাক্ষাৎ হবে, স্ত্রী মান করে থাকলে তিনি কলেজী এডুকেশন ও ব্রহ্ম-জ্ঞান মাথায় তুলে পায়ে ধরে মান ভাজবেন এবং এর পর যাতে স্ত্রী লেখা পড়া শিকে তাঁর চিরহৃদয়তোমিকা হন, তার বিশেষ তদ্বির কস্তে হবে। বাজালির স্ত্রীরা কি দ্বিতীয়া “মিস ষ্টো, মিস টমসন ও মিসেস বর্করলি ও লেডী লিটন, বুলুয়ার লিটন” হতে পারে না? বিলিভী স্ত্রী হতে বরং এরা অনেক অংশে বুদ্ধিমতী ও ধর্মশীলা—তবে ক্যান বড়ি দিয়ে, পুতুল খেলে, ঝকড়া ও হিংসায় কাল কাটায়? সীতা, সাবিত্রী, সতী, সত্যভামা, শকুন্তলা, কৃষ্ণাও তো এই এক খনির মণি? তবে এঁরা যে কয়লা হয়ে চিরকাল ফরেনসে বন্ধ হয়ে পোড়েন ও পোড়ান, সে কেবল বাপ মা ও ভাতারবর্গের চেঁটা ও তদ্বিরের ক্রটিমাত্র। বাজালি সমাজের এমনি এক চমৎকার রহস্য যে, প্রায় কোন বংশেই স্ত্রী পুরুষ উভয়ে কৃতবিদ্য দেখা যায় না। বিদেশাগরের স্ত্রীর হয় ত বর্ণপরিচয় হয় নাই; গজাজলের ছড়া—সাকারদের মাছলি ও বালুসির চর্চামেস্তো নিয়েই ব্যতিব্যস্ত! এ ভিন্ন জামাই বাবুর মনে নানা রকম খেয়াল উঠলো, ক্রমে সেই সব ভাবতে ভাবতে ও পথের ক্রেশে অঘোর হয়ে ঘুমিয়ে পড়লেন। শেষে বেলা এক প্রহরের সময় মেয়েদের ডাকাডাকিতে ঘুম ভেঙে গ্যালো—দেখেন যে ব্যালা হয়ে গিয়েচে—তিনি একলা বিছানায় গুরে আছেন।

এদিকে চক্রবর্তীর বাড়ির গিল্লিরা পরস্পর বলাবলি কস্তে লাগলেন যে, “তাই তো গা। জামাই এসেছেন, মেয়েও ষেটের কোলে বছর পোনেরো হলো, এখন প্রভুকে খবর দেওয়া আবশ্যিক।” সুতরাং চক্রবর্তী পাঁজি দেখে উত্তম দিন দ্বির করে প্রভুর বাড়ি খবর দিলে—প্রভু, ভূরী, খন্তি ও খোল নিয়ে উপস্থিত হলেন। গুরুপ্রসাদীর আরোজন হতে লাগলো।

হরহরি বাবু গুরুপ্রসাদীর কিছুমাত্র জানুভেন না, গোঁসাই দলবল নিয়ে উপস্থিত, বাড়ির সকলে শশব্যস্ত, স্ত্রী নতুন কাপড় ও সর্বালঙ্কারে ভূষিত হয়ে বেড়াচ্ছে। তিনি এসে অবধি যুবতী স্ত্রীর সহবাসে বঞ্চিত হয়ে রয়েছেন। স্ত্রীর এতে নিতান্ত সন্দেহ হয়ে এক জন ছেলেকে জিজ্ঞাসা করেন, “ওহে আজ বাড়িতে কিসের ধুম?” ছোকরা বলে, “জামাই বাবু, তা জান না, আজ আমাদের গুরুপ্রসাদী হবে।”

“আমাদের গুরুপ্রসাদী হবে” শুনে হরহরি বাবু একেবারে তেলে-বেগুনে অলে গেলেন ও কি প্রকারে গুরুপ্রসাদী হতে স্ত্রী পরিত্যাগ পান, তারি তথ্যে ব্যস্ত রইলেন।

কর্তব্য কর্মের অনুষ্ঠান কস্তে সাধুরা কোন বাধাই মানেন না বলেই যেন দিনমণি কমলিনীর মনোব্যথায় উপেক্ষা করে অস্ত গ্যালেন। সঙ্ঘ্যাবধু শাঁক ঘণ্টা ও ঝিঁঝিপোকায় মঙ্গল শব্দের সঙ্গে স্বামীর অপেক্ষা কস্তে লাগলেন। প্রিয়সখী প্রদোষ দূতীপদে প্রতিষ্ঠিত হয়ে নিশানাথকে সম্বাদ দিতে গেলেন। নববধুর বাসরে আমোদ কব্বার জন্তু তারাদল একে একে উদয় হলেন, কুমুদিনী স্বচ্ছ সরোবরে ফুটলেন—হৃদয়রঞ্জনকে পরকীয় রসাস্বাদনে গমনোচ্ছত দেখেও তাঁর মনে কিছুমাত্র বিরাগ হয় নাই—কারণ, চন্দ্রের সহস্র কুমুদিনী আছে, কিন্তু কুমুদিনীর একমাত্র তিনিই অনন্তগতি। এদিকে নিশানাথ উদয় হলেন—শেয়ালরা যেন স্তব পাঠ কস্তে লাগলো—ফুলগাছেরা ফুলদল উপহার দিতে লাগলো দেখে আছলাদে প্রকৃতি সতী হাসতে লাগলেন।

চক্রবর্তীর বাড়ির ভিতর বড় ধুম! গোস্বামী বরের মত সজ্জা করে জামাই বাবুর শোবার ঘরে গিয়ে গুলেন। হরহরি বাবুর স্ত্রী নানালঙ্কার পরে ঘরে ঢুকলেন, মেয়েরা ঘরের কপাট ঠেলে দিয়ে ফাঁক থেকে আড়ি পেতে উঁকি মাতে লাগলো।

হরহরি বাবু ছোঁড়ার কাছে শুনে একগাছি কুল নিয়ে গোস্বামীর ঘরে শোবার পূর্বেই খাটের নীচে লুকিয়ে ছিলেন; এক্ষণে দেখলেন যে, স্ত্রী ঘরে ঢুকে গোস্বামীকে একটি প্রণাম করে জড়সড় হয়ে দাঁড়িয়ে কাঁদতে লাগলো। প্রভু খাটে থেকে উঠে স্ত্রীর হাত ধরে অনেক বুঝিয়ে শেষে বিছানায় নিয়ে গেলেন; কস্তাটি কি করে। “বংশপরম্পরানুগত ধর্মের অক্ষথা করে মহাপাপ” এটি চিন্তগত আছে, স্ত্রীর আর কোন আপত্তি করে না—সুড় সুড় করে প্রভুর বিছানায় গিয়ে গুলো। প্রভু কস্তার গায়ে হাত দিয়ে বলেন, “বল, আমি রাখা তুমি শ্যাম”; কস্তাটিও অল্পমতি মত “আমি রাখা তুমি শ্যাম” তিন বার বলেচে, এমন সময় হরহরি বাবু

আর থাকতে পারেন না, খাটের নীচে থেকে বেরিয়ে এসে এই “কানে বাড়ি বলরাম” বলে গোখামীকে কলসই কস্তে লাগলেন ; ঘরের বাইরে জাড়া বইয়ের খোল খতাল নিয়ে ছিল—প্রভু প্রসাদীকৃত্য সেরে ভিতর থেকে হরিবোল দিলে খোল খতাল বাজাবে ; গোখামীর কলসইয়ের চীৎকারে তারা হরিবোলি ভেবে ফেলার খোল বাজাতে লাগলো, মেয়েরা উলু দিতে লাগলো, কীসর ঘণ্টা শাঁকের খন্ডে ছলছল পড়ে গ্যালো । হরহরি বাবু হঠাৎ দরজা খুলে ঘরের ভেতর থেকে বেরিয়ে পড়ে, একেবারে খানার দারোগার কাছে গিয়ে সমস্ত কথা ভেলে বলেন । দারোগা ভদ্রলোক ছিলেন (অতি কম পাওয়া যায়), তাঁরে অভয় দিয়ে সে দিন যথাসমাদরে বাসায় রেখে তার পর দিন বরকন্দাজ মোতায়েন দিয়ে বাড়ি পাঠিয়ে দিলেন । এদিকে সকলের তাক লেগে গ্যালো “যা, ইনি কেমন করে ঘরে ছিলেন।” শেষে সকলে ঘরে গিয়ে জাখে যে, গোখামীর দাঁতে কপাটি লেগে গ্যাচে, অজ্ঞান অচেতন হয়ে পড়ে আছেন, বিছানায় রক্তের নদী বছে । সেই অবধি গুরুপ্রসাদী উঠে গ্যালো, লোকেরও চৈতন্য হলো ; প্রভুরাও ভয় পেলেন । বর্তমানে যে যে গ্রামে গুরুপ্রসাদী চলিত আছে, প্রভুরা আর খয়ং যান না, অসুস্থতাই কাজ নির্বাহ হয় ।

আর এক বার এক সহরে গৌসাই এক বেগের বাড়ি কেঁটলীলা করে জন্ম হয়েছিলেন, সেটিও এই বেলা বলে নিই ।

রামনাথ সেন ও শ্রামনাথসেন দুই ভাই, সহরে চার পাঁচটা হোসের যুদ্ধদী । দিনকতক বাবুদের বড় জলজলা হয়ে উঠেছিল—চৌঘুড়ি, ভেঁপু, মোসাহেব ও রাঁড়ের ছড়াছড়ি । উমেদার, বেকার, রেকমেণ্ড চিঠিওয়ালা লোকে বৈঠকখানা ধৈ ধৈ কস্তো ; বাবুরা নিয়ত বাগান, চোহেল ও আমোদেই মত্ত থাকতেন, আত্মীয় কুটুম্ব ও বন্ধু বান্ধবেই বাবুদের কাজ কর্ম দেখতেন । এক দিন রবিবার বাবুরো বাগানে গিয়েচেন, এই অবকাশে বাড়ির প্রভু,—খন্ডি, খোল ও ভেঁপু নিয়ে উপস্থিত ; বাড়ির ভেতরে ধবর গ্যালো । প্রভুকে সমাদরে বাড়ির ভেতর নিয়ে যাওয়া হলো, সকল মেয়েরা একত্র হলেন, চৈতন্যচরিতামৃত ও ভাগবতের মতে বেছে গোছালো গোছালো লীলে আরম্ভ করলেন । ক্রমে লীলা শেষ করে গোখামী বাড়ি কিরে যান—এমন সময় ছোট বাবু এসে পড়লেন । ছোট বাবুর কিছু সাহেবী মেজাজ, প্রভুকে দেখেই তেলে বেগুনে জলে গেলেন ও অনেক কষ্টে আন্তরিক ভাব গোপন করে জিজ্ঞাসা করলেন, “কেমন প্রভু ! ভাগবতের মতে লীলে জাখাম হলো ?” প্রভু করে আমতা আমতা গোছের ‘আজ্ঞা হাঁ’

করে সেরে দিলেন। ছোট বাবুর কাছে এক জন মুখোড় গোছের কারুই মোসাহেব ছিল, সে বলে, “হজুর! গোসাই সকল রকম লীলে করে চলেন, কিন্তু গোবর্দ্ধনধারণটা হয় নি, অনুমতি করেন তো প্রভুকে গোবর্দ্ধনধারণটাও করে দেওয়া যায়, সেটা বাকি থাকে কেন?” ছোট বাবু এতে সন্মত হলেন, শেষে দরওয়ানদের হুকুম দেওয়া হলো—দরজার পাশে একখানা দশ বার মণ পাথর পড়ে ছিল, জন কতকে ধরে এনে গোস্বামীর ঘাড়ে চাপিয়ে দিলে, পাথরের চাপানে গোস্বামীর কোমর ভেঙ্গে গ্যালো। সেই অবধি প্রভুরা ত্যামন ত্যামন স্থলে লীলা কস্তে আর স্বয়ং যান না—প্রয়োজন হলে রকমারি শিষ্টারা স্বয়ং প্রভুর বাড়ি পালকি চড়ে উপস্থিত হন।

এদিকে বারোইয়ারিতলায় কেস্তন বন্ধ হয়ে গ্যালো, কেস্তনের শেষে এক জন বাউল সুর করে এই গানটি গাইলে।

বাউলের সুর।

আজব সহর কল্কেতা।
রাঁড়ি বাড়ি জুড়ি গাড়ি মিছে কথার কি কেতা।
হেতা ঘুঁটে পোড়ে গোবর হাসে বলিহারি ঐক্যতা ;
যত বক বিড়ালে ব্রহ্মজ্ঞানী, বদমাইসির ফাঁদ পাতা।
পুঁটে তেলির আশা ছড়ি, শুঁড়ী সেমিরবেণের কড়ি,
খ্যামটা খান্কার খাসা বাড়ি, ভদ্রভাগ্যে গোলপাতা।
হদ্ হেরি হিন্দুয়ানি, ভিতর ভাঙ্গা ভড়ংখানি,
পথে হেগে চোখরাজানি, লুকোচুরির ফের গাঁতা।
গিণ্টি কাজে পালিশ করা, রাজা টাকায় তামা ভরা,
হতোম দাসে স্বরূপ ভাবে, তফাৎ থাকাই সার কথা।

গানটি শুনে সকলেই খুসি হলেন। বাউলে চার আনার পরসা বকসিস পেলে ; অনেকে আদর করে গানটি শিখে ও লিখে নিলেন।

বারোইয়ারি পূঞ্জা শেষ হলো, প্রতিমেকানি আট দিন রাখা হলো, তার পর বিনর্জন করবার আয়োজন হতে লাগলো। আমমোক্তার কানাইধন বাবু পুলিশ হতে পাস করে আনলেন। চার দল ইংরেজি বাজনা, সাজা তুরুক-সোরার, মিশেন ধরা কিরিজি, আশাসোটা, ঘড়ি ও পকাশটা চাক একত্র হলো। বাহাহরী কাঁট তোলা চাকা একত্র করে গাড়ির স্রত করে তাতেই প্রতিমে তোলা হলো ;

অধ্যক্ষেরা প্রতিমের সঙ্গে সঙ্গে চলেন, হু পাশে সন্তেরা সার বেঁদে চলো। চিংপুরের বড় রাস্তা লোকারণ্য হয়ে উঠলো, রাঁড়েরা হাতের ও বারাণ্ডার উপর থেকে রূপো-বাঁধান হাঁকায় তামাক খেতে খেতে তামাশা দেখতে লাগলো, রাস্তার লোকেরা হাঁ করে চলতি ও দাঁড়ানো প্রতিমে দেখতে লাগলেন। হাটখোলা থেকে বোড়াসাঁকো ও মেছোবাজার পর্যন্ত ঘোরা হলো, শেষে গঙ্গাতীরে নিয়ে বিসর্জন করা হলো। অনেক পরিভ্রমে যে বিশ পঁচিশ হাজার টাকা সংগ্রহ করা হয়েছিল, আজ তারি আঁহ ফুরলো। বীরকৃষ্ণ দাঁ ও আর আর অধ্যক্ষেরা অত্যন্ত বিষণ্ণ বদনে বাড়ি ফিরে গ্যালেন। বাবুদের ভিজে কাপড় থাকলে অনেকেই বিবেচনা কস্তো যে বাবুরো মড়া পুড়িয়ে এলেন !

বারোইয়ারি পূজোর সপ্তসরের মধ্যেই বীরকৃষ্ণ দাঁর বাজার দেনা চেগে উঠলো, গদি ও আড়ত উঠে গ্যালো, শেষে ইনসালভেন্ট নিয়ে ফরেন্ডাজায় গিয়ে বাস করেন ; কিছু দিন বাদে হঠাৎ ঘর চাপা পড়ে মরে গেলেন। আমমোস্তার কানাইধন দত্তজা স্মুপ্রিমকোর্টে জাল সাক্ষী দেওয়া অপরাধে সর রবার্ট পিল সাহেবের বিচারে চোদ্দ বছরের জন্ম ট্রান্সপোর্ট হলেন, তাঁর পরিবাররা কিছু কাল অত্যন্ত ছঃখে কাল কাটিয়ে শেষে মুড়িমুড়কির দোকান করে দিনপাত কস্তে লাগলো। মুড়িমুড়কি লেনের ছজুর কোন বিশেষ কারণে বারোইয়ারি পূজোর মধ্যেই কানী গ্যালেন। প্যালানাথ বাবু এক দিন কতকগুলি বাই ও মেয়েমানুষ নিয়ে বোটের কোম্পানির বাগানে বেড়াতে যাচ্ছিলেন, পথে আচম্কা একটা বড় ঝড় উঠলো, মাজিরে অনেক চেঁচা কলে, কিন্তু কিছুতেই কিছু হলো না, শেষে বোটখানি একেবারে একটা চড়ার উপর উল্টে পরে চুরমার হয়ে ডুবে গ্যালো। বাবু বড়মানুষের ছেলে, কখন মাতার দেন নাই, স্ততরাং জলের টানে কোথায় যে গিয়ে পড়লেন তার অজ্ঞাপি নির্ণয় হয় নাই। মুখুয্যেদের ছোট বাবু ক্রমে তারি গাঁজাখোর হয়ে পড়লেন, অনবরত গাঁজা টেনে তাঁর যক্ষ্মাকাল জগালো, আরাম হবার অস্ত্রে তারকেখরের দাড়ি রাখলেন, বাবুসির চরণায়ুত খেলেন, সাক্ষরদের মাছলি ধারণ কল্লেন ; কিন্তু কিছুতে কিছু হলো না, শেষে বিবাগী হয়ে কোথায় যে বেরিয়ে গ্যাছেন আজও তার ঠিকেনা হয় নাই। প্রধান দোয়ার গবারাম গাওনা ছেড়ে পৈতৃক পেশা গিলটি অবলম্বন করে কিছু কাল সংসার চালাচ্ছিলেন, গত পূজোর সময় পক্ষাঘাত রোগে মরেচেন। পচু বাবু, অঞ্জনারঞ্জন দেব বাহাছুর ও আর আর অধ্যক্ষ ও দোয়ারেরা এখনও বেঁচে আছেন ; তাঁদের যা হবে, তা এর পরে বক্তব্য।

হজুক

সাধারণে কথায় বলেন, “হনরেটীন” ও “হজুতে বাঙ্গাল”; কিন্তু হতোম বলেন “হজুকে কলকেতা।” হেতা নিত্য নতুন নতুন হজুক, সকলগুলিই সৃষ্টি-ছাড়া ও আজ্ঞাব। কোন কাজকর্ম না থাকলে “অ্যাঠাকে গজাবাত্রা” দিতে হয়, সুতরাং দিবারাত্র হাঁকো হাতে করে থেকে গল্প করে তাস ও বড় টিপে বাতকর্ম কস্তে কস্তে নিকর্মা লোকেরা যে আজ্ঞাব হজুক তুলবে, তার বড় বিচিত্র নয়! পাঠক! যত দিন বাঙ্গালির বেটর অকুপেশন না হচ্ছে, যত দিন সামাজিক নিয়ম ও বাঙ্গালির বর্তমান গার্হস্থ্য প্রণালীর রিকর্শেশন না হচ্ছে, তত দিন এই মহান দোষের মূলোচ্ছেদের উপায় নাই। ধর্মনীতিতে বাঁরা শিক্ষা পান নাই, তাঁরা মিথ্যার স্বার্থ অর্থ জানেন না, সুতরাং অক্লেশে আটপৌরে ধুতির মত ব্যবহার কস্তে লক্ষিত বা সঙ্কচিত হন না।

ছেলে ধরা

আমরা ভূমিষ্ঠ হয়েই শুনলেম, সহরে ছেলে ধরার বড় প্রাদুর্ভাব। কাবুলি মেওয়াওলারা ঘুরে ঘুরে ছেলে ধরে কাবুলে নিয়ে যায়, সেখান নানাবিধ মেওয়া ফলের বিস্তার বাগান আছে, ছেলেটাকে তারি একটা বাগানের ভেতর ছেড়ে ছার, সে অনবরত পেট পুরে মেওয়া খেয়ে খেয়ে যখন একেবারে কুলে ওঠে—রং হুদে আলতার মত হয়, এমন কি টুক্কি মায়ে রক্ত বেরোয়, তখন এক কড়া ঘি চড়িয়ে ছেলেটাকে ঐ কড়ার উপর উপর পানে পা করে ঝুলিয়ে দেওয়া হয়; ক্রমে কড়ার ঘি টপকিয়ে ফুটে উঠলে ছেলের মুখ দিয়ে রক্ত বেরুতে আরম্ভ হয় ও সেই রক্ত টোসা টোসা ঘিয়ের কড়ার উপর পড়ে; ক্রমে ছেলের সমুদায় রক্ত বেরিয়ে এলে নানাবিধ মেওয়া ও মিছরির কোড়ন দিয়ে কড়াটি নাবান হয়। নবাব ও বড় বড় মোসলমানেরা তাই খান। আমরা এই ভয়ানক কথা শুনে অবধি একলা বাড়ির বাড়িরে প্রাণান্তেও যেতেম না ও সেই অবধি নেড়েদের উপর বিজাতীয় কৃপা জন্মে গ্যালো।

প্রতাপচাঁদ

আমরা বড় ছলেম, হাতে খড়ি হলো। একদিন গুরুশায়ের ভয়ে চাকরদের কাছে লুকিয়ে রয়েছি, এমন সময় চাকররা পরস্পর বলাবলি কছে যে, “বর্কমানের

রাজা প্রতাপচাঁদ একবার মরেছিলেন, কিন্তু আবার ফিরে এসেছেন, বর্ধমানের রাজত্ব নেবার জন্ত নালিশ করেছেন, সহরের তাবৎ বড়মানুষরা তাঁকে দেখতে যাচ্ছেন—এবারে পরাণ বাবুর সর্বনাশ ; পুষ্টিপুস্তুর নামজুর হবে !” নতুন জিনিষ হলেই ছেলেদের কৌতূহল বাড়িয়ে ছায়, শুনে অবধি আমরা অনেকেরই কাছে খুঁটরে খুঁটরে রাজা প্রতাপচাঁদের কথা জিজ্ঞাসা কন্তেম ; কেউ বলতো, “তিনি এক দিন এক রাত জলে ডুবে থাকতে পারেন” ; কেউ বলতো, “তিনি গুলিতেও মরেন নি—রাণী বলেছেন, তিনিই রাজা প্রতাপচাঁদ—ঘুড়ি ওড়াতে গিয়ে লকে কান কেটে গিয়েছিল, সেই কাটাতেই তাঁর ভগ্নী চিনে ফেলেন !” কেউ বলে, “তিনি কোন মহাপাপ করেছিলেন, তাই যুধিষ্ঠিরদের মত অজ্ঞাতবাসে গিয়েছিলেন ! বাস্তবিক তিনি মরেন নি, অস্থিকা কালনায় যখন তাঁরে দাহ কন্তে আনা হয়, তখন তিনি বাস্তবের মধ্যে ছিলেন না, সূত্ৰ বাক্স পোড়ান হয় ।” সহরে বড় ছজুক পড়ে গ্যালো, প্রতাপচাঁদের কথাই সর্বত্র আন্দোলন হতে লাগলো ।

কিছু দিন এই রকমে যায়—এক দিন হঠাৎ শোনা গ্যালো, সুপ্রিমকোর্টের সূত্র বিচারে প্রতাপচাঁদ জাল হয়ে পড়েছেন । সহরের নানাবিধ লোক, কেউ সুবিধে কেউ কুবিধে—কেউ বলে, “তিনি আসল প্রতাপচাঁদ নন”—কেউ বলে, “ভাগ্যি দ্বারকানাথ ঠাকুর ছিলেন, তাই জাল প্রব হলো ! তা না হলে পরাণ বাবু টেবুটা পেতেন ।” এদিকে প্রতাপচাঁদ জাল সাব্যস্ত হয়ে ববানগরে বাস কল্লেন । সেথায় বুজরুক হন—খান্কা, ঘুস্কি ও গেরস্ত মেয়েদের ম্যালা লেগে গ্যালো, প্রতাপচাঁদ না পারেন স্থান কর্খই নাই । ক্রমে চলতি বাজনার মত প্রতাপচাঁদের কথা আর শোনা যায় না ; প্রতাপচাঁদ পুরোণো হলো,—আমরাও পাঠশালে ভর্তি হলেম ।

মহাপুরুষ

পাঠক ! পাঠশালা যমালয় হতেও ভয়ানক—পণ্ডিত ও মাষ্টার যেন বাগ বিবেচনা হচ্ছে ! এক দিন আমরা স্কুলে একটার সময়ে ঘোড়া ঘোড়া খেল্চি, এমন সময় আমাদের জলতোলা বুড়ো মালী বলে যে, “ভূকৈলেসে রাজাদের বাড়ি এক জন মহাপুরুষ এসেছেন, মহাপুরুষ সত্যযুগের মানুষ, গায়ে বড় বড় অশখগাছ ও উইয়ের চিপি হয়ে গিয়েচে—চোক বুজে ধ্যান কচ্ছেন, ধ্যান ভঙ্গ হয়ে চক্ষু খুললেই সমুদ্র তন্ত্র করে দেবেন !” শুনে আমাদের বড় ভয় হলো । ইকুলে ছুটি হলে আমরা বাড়িতে এসেও মহাপুরুষের বিষয় ভাবতে লাগলেম ; লাটু, বুড়ী,

কুকেট ও পায়রা পড়ে রইলো—মহাপুরুষ ছাধ্বার ইচ্ছা ক্রমে বলবতী হয়ে উঠলো ; শেষে আমরা দৌড়ে ঠাকুরমার কাছে গেলুম ।

আমাদের বুড়ো ঠাকুরমা রোজ রাত্তিরে শোবার সময় “বেঙ্গমা-বেঙ্গমী,” “পায়রা রাজা,” “রাজপুস্তুর, পান্তরের পুস্তুর, সওদাগরের পুস্তুর ও কোটালের পুস্তুর—চার বন্ধু,” “তালপস্তরের খাঁড়া জাগে, ও পক্ষিরাজ ঘোড়া জাগে” ও “সোনার কাটি রূপোর কাটি” প্রভৃতি কত রকম উপকথা কইতেন । কবিকঙ্কণ ও কাশীদাসের পয়ার মুখস্থ আওড়াতেন—আমরা শুন্তে শুন্তে ঘুমিয়ে পড়তুম ! —হায় ! বাল্যকালের সে সুখসময় মরণকালেও স্মরণ থাকবে—অপরিচিত সংসার হৃদয় কমলকুসুম হতেও কোমল বোধ হতো, সকলেই বিশ্বাস ছিল ; ভূত পেত্নী ও পরমেশ্বরের নামে শরীর লোমাঞ্চ হতো—হৃদয় অনুতাপ ও শোকের নামও জান্ত না—অমর বর পেলেও সেই সুকুমার অবস্থা অতিক্রম কস্তে ইচ্ছা হয় না ।

আমরা শোবার সময় ঠাকুরমাকে সেই মালীর মহাপুরুষের কথা বল্লেন— ঠাকুরমা শুনে খানিক ক্ষণ গম্ভীর হয়ে রইলেন ও শেষে এক জন চাকরকে পরদিন সকালে মহাপুরুষের পায়ের ধুলো আন্তে বলে দিয়ে মহাপুরুষের বিষয়ে আরো ছ এক গল্প বল্লেন ।

ঠাকুরমা বল্লেন,—বছর আশী হলো (ঠাকুরমার তখন নতুন বিয়ে হয়েছে) আমাদের বারাণসী ঘোষ কাশী যাবার সময় পথে জলের ভেতর ঐ রকম এক মহাপুরুষ ছাধেন । সেই মহাপুরুষও ঐ রকম অচৈতন্য হয়ে ধ্যানে ছিলেন । মাজিরে ধরাধরি করে নৌকোয় তুলে আনে । বারাণসী তাঁকে বড় যত্ন করে নৌকোয় রাখলেন । তখন ছাপ্ঘাটীর মোহানায় জল থাকতো না বলে কাশীর যাত্রীরে বাদাবনের ভেতর দিয়ে আসতেন, সুতরাং বারাণসীকেও বাদা দিয়ে আসতে হলো । এক দিন বাদাবনের ভিতর দিয়ে গুণ টেনে নৌকো যাচ্ছে, মাজি ও অন্ত অন্ত লোকেরা অন্তমনস্ক হয়ে রয়েছে, এমন সময় জলের ধারে ঠিক ঐ রকম আর এক জন মহাপুরুষ এসে দাঁড়ালেন । এদিকে এ মহাপুরুষ নৌকোর গলুইয়ের কাছে বসে ধ্যানে ছিলেন, ড্যাঙ্গার মহাপুরুষ এসে দাঁড়াবামাত্র চোখ চেয়ে দেখলেন, এরি মধ্যে ড্যাঙ্গার মহাপুরুষও হাস্তে হাস্তে নৌকোর উপর এসে নৌকোর মহাপুরুষের হাত ধরে নিয়ে জলের উপর দিয়ে হেঁটে চলে গ্যালেন, মাজি ও অন্ত অন্ত লোকেরা হাঁ করে রইলো ! বারাণসী বাদাবন তন্ন তন্ন করে খুঁজলেন, কিন্তু আর মহাপুরুষদের দেখতে পেলেন না, এঁরা সব সে কালের

মুনি ঋষি, কেউ দশ হাজার কেউ বিন হাজার বৎসর তপিস্তে কছেন, এঁরা মনে করে সব কত্তে পারেন ।

আর একবার ঝিলিপুৱের দস্তরা সৌন্দরবন আবাদ কত্তে কত্তে ত্রিশ হাত মাটির ভিতরে এক মহাপুরুষ দেখেছিল, তাঁর গায়ে বড় বড় অশখগাছের শেকড় জমে গিয়েছিল, আর শরীর শুকিয়ে চ্যালাকাঠের মত হয়েছিল । দস্তরা অনেক পরিশ্রম করে তাঁরে ঝিলিপুৱে আনে, মহাপুরুষও প্রায় এক মাস ঝিলিপুৱে থাকেন, শেষে এক দিন রাত্তিরে তিনি যে কোথায় চলে গ্যালেন, কেউ তার ঠিকানা কত্তে পারে না ।—শুন্তে শুন্তে আমরা ঘুমিয়ে পড়লেম । ঠাকুরমাও শুতে গ্যালেন ।

তার পর দিন সকালে রামা চাকর মহাপুরুষের পায়ের ধুলো এনে উপস্থিত কলে ; ঠাকুরমা একটি বড় জয়টাকের মত মাহুলিতে সেই ধুলো পুৱে আমাদের গলায় ঝুলিয়ে দিলেন, স্মতরাং সেই দিন থেকে আমরা ভূত, পেত্নী, শাঁকচুম্বী ও ব্রহ্মদস্তিদের হাত থেকে কথঞ্চিৎ নিস্তার পেলেম ।

ক্রমে আমরা পাঠশালা ছাড়লেম—কালেজে ভর্তি হলেম—সহাধ্যায়ী ছু চার সমকক্ষ বড়মানুষের ছেলের সঙ্গে আলাপ হলো ; এক দিন আমরা একটার সময় গোলদীঘির মাঠে ফড়িং ধরে খালা করে ব্যাড়াচ্ছি, এমন সময় আমাদের কেলাসের পণ্ডিত মহাশয় সেই দিকে বেড়াতে এলেন । পণ্ডিত মহাশয় প্রথমে এক বড়মানুষের বাড়ি রাঁধুনী বামুন ছিলেন, এডুকেশন কোলেলের সূক্ষ্ম বিবেচনায় সেন বাবুর সুপারিসে ও প্রিন্সিপালের কৃপায় পণ্ডিত হয়ে পড়েন ; পণ্ডিত মহাশয় পান খেতে বড় ভালবাসতেন, স্মতরাং সকলেই তাঁকে যথাসাধ্য পান দিয়ে তুটু কত্তে ক্রটি কত্তো না । পণ্ডিত মহাশয় মাটে আস্বামাত্র ছেলেরা পান দিতে আরম্ভ কলে ; আমরাও এক দোনা মিঠে খিলি উপহার দিলেম, পণ্ডিত মহাশয় মিঠে খিলি বড় পছন্দ কস্তেন, পান খেয়ে আমাদের নাম ধরে বল্লেন, “আরে ছতোম ! আর শুনেচো ? কুকৈলেসে রাজাদের বাড়ি যে একটা মহাপুরুষ ধরে এনেছিল, ডাক্তার সাহেব তার ধ্যান ভঙ্গ করে দিয়েচেন—প্রথমে রাজারা তার গায়ে গুলু পুড়িয়ে দেন, জলে ডুবিয়ে রাখেন, কিন্তু কিছুতেই ধ্যান ভঙ্গ হয় নাই । শেষে ডাক্তার সাহেব এক আরক নিয়ে তার নাকের গোড়ায় ধলে তার চেতনা হলো ; এখন সেই মহাপুরুষ লোকের গা টিপে পয়সা নিচে, রাজাদের পাকা টেনে বাতাস কচে, যা পাচে তাই খাচে, তার মহাপুরুষত্ব-ভুর ভেঙে গ্যাচে !”

পণ্ডিত মহাশয়ের কথা শুনে আমরা তাক হয়ে পড়লেম, মহাপুরুষের উপর যে ভক্তিটুকু ছিল—মরিচবিহীন কর্পূরের মত—ষ্টপরহীন ইথরের মত একেবারে উবে গ্যালো। ঠাকুরমার মাছলিটি তার পর দিনেই খুলে ফেলা হলো, ভূত, শাঁকচুরী, পেত্নীদের ভয় আবার বেড়ে উঠলো।

লালা রাজাদের বাড়ী দাকা

আমরা স্কুলে আর এক কেলাস উঠলেম, রাধুনী বামুন পণ্ডিতের হাত এড়ানো গ্যালো। এক দিন আমরা পড়া বলতে না পারায় জল খাবার ছুটির সময় গাধার টুপি মাথায় দিয়ে বেঞ্চের উপর দাঁড়িয়ে কন্ফাইন্ হয়ে রয়েছি, মাষ্টার মশাই তামাক খাবার ঘরে জল খেতে গ্যাচেন (তাঁর ক্ষিদে বরদাস্ত হয় না, কিন্তু ছেলেদের হয়), এক বামুন বাবুদের বাড়ির ছোটবাবুর মুখে শ্যামা পাখির বোল— “বক বকম্ বক বকম্” করে পায়রার ডাক ডেকে ঘুরে বেড়াচ্ছেন ও পনি টাট্টু সাজে কদম ঢাখাচ্ছেন ; এমন সময় কাশীপুর অঞ্চলের এক জন ছোকরা বলে যে, “কাল বৈকালে পাকুপাড়ার লালা বাবুদের” (শ্রীবিষ্ণু ! আজকাল রাজা) “লালারাজাদের বাড়ি এক দল গোরা মাতাল হয়ে এসে চার পাঁচ জন দরওয়ানকে বর্শায় বিঁদে গিয়েচে, রাজারা ভয়ে হাসন হোসেনের মত একটা পুরোধো পাত্‌কোর ভেতর লুকিয়ে প্রাণরক্ষা করেচেন।” (বোধ হয় কেবল গির্গিটির অপ্রতুল ছিল) আর এক জন ছোকরা বলে উঠলো, “আরে তা নয়, আমরা দাদার কাছে শুনিচি, রাজাদের বাড়ির সামনের গাছে একটা কাগ মেরেছিল বলে রাজাদের জমাদার সাহেবদের মাতে আসে,” আর একজন ছোকরা দাঁড়িয়ে উঠে আমাদের মুখের কাছে হাত নেড়ে বলে, “আরে না হে না, ও সব বাজে কথা ! আমারও বাড়ি টালাতে, রাজাদের বাড়ির পেছনে যে সেই বড় পগারটা আছে জান ? তারি পাশে যে পচা পুকুর, সেই আমাদের খিড়কি। রাজাদের এক জন আমলার ভাই ঠিক বানরের মত মুখ ; তাই দেখে এক জন সাহেব ভেংচেছিল, তাতে আমলাও ভেংচায়, তাতেই সাহেবরা বন্দুক পিস্তল নিয়ে দল বল সমেত এসে গুলি করে।” অনেকে অনেক রকম কথা বল্‌চেন, এমন সময় মাষ্টার বাবু তামাক খাবার ঘর থেকে এলেন, ছোট বাবুর পনি টাট্টুর কদম্ ও “বক বকম্” বন্দ হয়ে গ্যালো, রাজারা বাঁচলেন—চং চং করে ছটো বাজলে কেলাস বসে গ্যালো, আমরাও জল খেতে ছুটি পেলেম। আমরা বাড়ি গিয়ে রাজাদের

ব্যাপার অনেকের কাছে আরো উন্নয়নক রকম শুনলেম, বাঙ্গালা কাগজওয়ালারা “এক দল গোরা বাজনা বাজিয়ে যাচ্ছিল, দলের মধ্যে এক জনের জলতুকা পাইল, রাজাদের বাড়ি যেমন জল খাইতে যাইবে, জমাদার গলা ধাকা মারিয়া বাহির করিয়া দেয়, তাহাতে সঙ্গের কর্ণেল গুলি করতে ছকুম ছান” প্রভৃতি নানা আজগুবী কথায় কাগজ পোরাতে লাগলেন। সহরের পূর্বের বাঙ্গালা খবরের কাগজ বড় চমৎকার ছিল, “অমুক বাবুর মত দাতা কে!” “অমুক বাবুর মার আক্ষে ক্রোর টাকা ব্যয়” (বাবু মুচ্ছুদী মাত্র) “অমুক মাতাল জলে ডুবে মরে গ্যাচে,” “অমুক বেস্তার নং খোয়া গিয়েচে, সন্ধান করে দিতে পারে সম্পাদক তার পুরস্কারস্বরূপ তারে নিজ সহকারী করবেন” প্রভৃতি আলত পালত কথাতেই পত্র পুরুতেন, কেউ গাল দিয়ে পয়সা আদায় কতেন, কেউ পয়সার প্রত্যাশায় প্রশংসা কতেন—আজকালও অনেক কাগজে চোরা গোপ্তান চলে।

শেষে সঠিক শোনা গ্যালো যে, এক জন দরওয়ানকে এক জন ফিরিজী শিকারী বাক্বিতওয়াক্বা করি গুলি করে।

কুশ্চানি ছক্ক

পাকুপাড়া রাজাদের হাঙ্গামা চুকতে চুকতে ছক্ক উঠলো, “রণজিৎসিংহের পুত্র দলিপ যিশুমদ্রে দীক্ষিত হয়েচেন, তাঁর সঙ্গে সমুদায় শিখেরা কুশ্চান হয়েচেন, ও জন কতক ভাটপাড়ার ঠাকুরও কুশ্চান হবেন।” ভাটপাড়ার গুরুগুস্তিরে প্রকৃত হিন্দু, তাঁরা কুশ্চান হবেন শুনে অনেকে চমকে উঠলেন, শেষে ভাটপাড়ার বদলে পাতুরেঘাটার শ্রীযুক্ত বাবু প্রসন্নকুমার ঠাকুরের পুত্র বাবু জ্ঞানেন্দ্রমোহন ঠাকুর বেরিয়ে পড়লেন! সমধর্মী কুশ্চামোহন কন্যা উচ্ছৃগু করে দিলেন, এয়োরও অভাব রইলো না! সহরে যখন যে পড়তা পড়ে, শীগ্গির তার শেষ হয় না; সেই হিড়িকে এক জন ইন্সুল মাষ্টার কালীঘেটে হালদার, এক জন বেণে ও কায়স্থও কুশ্চান দলে বাড়লো—ছ চার জন বড় বড় ঘরের মেয়েমানুষও অক্কার থেকে আলোয় এলেন। শেষে অনেকের চাল ফুড়ে আলো বেরতে লাগলো, কেউ বিষয়ে বক্তিত হলেন, কেউ কেউ অনুতাপ ও ছরবস্থার সেবা কস্তে লাগলেন। কুশ্চানি ছক্ক রাস্তার চলতি লঠনের মত প্রথমে আশপাশ আলো করে শেষে অক্কার করে চলে গ্যালো। আমরাও ক্রমে বড় হয়ে উঠলেম—স্কুল আর ভাল লাগে না।

মিউটিনি

পাঠকগণ! একদিন আমরা মিছেমিছি ঘুরে বেড়াচ্ছি, এমন সময় শুনুলেম, পশ্চিমের সেপাইরে ক্লেপে উঠেচে, নানা সাহেবকে চাই করে ইংরেজদের রাজত্ব নেবে, দিল্লীর শ্বেড়ে চীফ্, আবার “দিল্লীখরো বা জগদীখরো বা” হবেন—ভারি বিপদ! সহরে ক্রমে ছলছুল পড়ে গ্যালো, চুনোগলি ও কসাইটোলার মেটে ইদ্রুস, পিদ্রুস, গমিস্, ডিস্, প্রভৃতি ফিরিঙ্গীরে খাবার লোভে ভলিটিয়ার হলেন, মাথালো মাথালো বাড়িতে গোরো পাহারা বস্‌লো, নানা রকম অসুত ছজুক উঠতে লাগ্‌লো—আজ দিল্লী গ্যালো,—কাল কানপুর হারানো হলো, ক্রমে পাশা খ্যালার হারকেতের মত ইংরেজরা উত্তর-পশ্চিমের প্রায় সমুদায় অংশেই বেদখল হলেন—বিবি, ক্ষুদে ক্ষুদে ছেলে ও মেয়েরা মারা গ্যালো, “শ্রীবুদ্ধিকারী” সাহেবরা (হিন্দুর দেবতা পঞ্চানন্দের মত) বড় ছেলের কিছু কস্তে পাল্লেন না, ছোট ছেলের ঘাড় ভাঙ্গবার উজ্জুগ পেলেন—সেপাইদের রাগ বাঙ্গালির উপর ঝাড়তে লাগলেন। লর্ড ক্যানিংকে বাঙ্গালিদের অস্ত্রশস্ত্র (বাঁটি ও কাটারিমাত্র) কেড়ে নিতে অগুরোধ কল্লেন! বাঙ্গালিরা বড় বড় রাজকর্ম না পায় তারও তদ্বির হতে লাগ্‌লো, ডাকঘরের কতকগুলি শ্বেড়ে প্যায়দাদের অন্ন গ্যালো, নীলকরেরা অনরেরী মেজেষ্টর হয়ে মিউটিনি উপলক্ষ করে (চোর চায় ভাঙ্গা ব্যাড়া) দাদন, গাদন ও শ্যামচাঁদ খ্যালাতে লাগলেন। শ্যামচাঁদ সামান্নি নন, তাঁর কাছে আইন এগুতে পারেন না—সেপাই তো কোন্ ছার! লক্ষ্মীয়ের বাদসাকে কেল্লায় পোরা হলো, গোরারা সময় পেয়ে ছু চার বড় বড় ঘরে লুট্‌তরাজ আরম্ভ কল্লেন, মার্শাল লা জারি হলো, যে ছাপাষন্ত্রের কল্যাণে হতোম নির্ভয়ে এত কথা অক্লেশে কইতে পাচ্ছেন, যে ছাপাষন্ত্র কি রাজা কি প্রজা কি সেপাই পাহারা—কি খোলার ঘর, সকলকে এক রকম ছাখে, ব্রিটিশ কুলের সেই চিরপরিচিত ছাপাষন্ত্রের স্বাধীনতা মিউটিনি উপলক্ষে কিছু কাল শিকলি পল্লেন। বাঙ্গালিরে ক্রমে বেগতিক দেখে গোপাল মল্লিকের বাড়িতে সভা করে সাহেবদের বুঝিয়ে দিলেন যে, “যদিও এক শ বছর হয়ে গ্যালো, তবু তাঁরা আজও সেই হতভাগা ম্যাড়া বাঙ্গালিই আছেন—বহু দিন ব্রিটিশ সহবাসে, ব্রিটিশ শিকার ও ব্রিটিশ ব্যবহারেও আমেরিকানদের মত হতে পারেন নি। (পারবেন কি না, তারও বড় সন্দেহ!) তাদের বড়মানুষদের মধ্যে অনেকে তুফানের ভয়ে গঙ্গার নৌকো চড়েন না—রাস্তিরে প্রস্তাব কস্তে উঠতে হলে স্ত্রীর বা চাকর চাকরাণীর হাত ধরে মরের বাইরে যান, অন্তরের মধ্যে টেবিল ও পেন্‌নাইফ

ব্যবহার করে থাকেন, যাঁরা আপনার ছায়া দেখে ভয় পান—তাঁরা যে লড়াই করবেন এ কথা নিতান্ত অসম্ভব। বলতে কি, কেবল আহাৰ ও গুটিকতক বাছালো বাছালো আচারে তাঁরা ইংরেজদের স্বেচ্ছায় করে নিয়েছেন। যদি গবর্ণমেন্টের হুকুম হয়, তা হলে সেগুলিও চেয়ে পরা কাপড়ের মত এখনই ফিরিয়ে ছান—রায় মহাশয়ের মগ বাবুর্চিকে জবাব দেওয়া হয়—বিলিভী বাবুরা কিবুতি ফলারে বসেন—ও ঘোষজা গাঁজা ধরেন, আর বাগাস্বর যিড বনাডের প্যানটুলন ও বিলিভী বদমাইশি থেকে স্বতন্ত্র হন।”

ইংরেজরা মগ, ছেলে ও স্বজাতির শোকে একেবারে মরিয়া হয়ে উঠেছিলেন, সুতরাং তাতেও ঠাণ্ডা হলেন না—লার্ড ক্যানিংয়ের রিকলের জন্তে পালিয়ামেন্টে দরখাস্ত করলেন, সহরে হুকুমের একশেষ হয়ে গ্যালো। বিলেত থেকে জাহাজ জাহাজ গোরা আসতে লাগলো—সেই সময় বাজারে এই গান উঠলো।

গান।

“বিলাত থেকে এলো গোরা,
মাথায় পর কুবুতি পরা,
পদভরে কাঁপে ধরা,
হাইল্যাওনিবাসী তারা।
টানটিয়া টোপির মান,
হবে এবে খর্বমান,
সুখে দিল্লী দখল হবে,
নানা সাহেব পড়বে ধরা ॥”

বাকালিরা ঝোপ বুঝে কোপ ফেলতে বড় পটু ; খাঁটি হিন্দু (অনেকেই দিনের বেলায় খাঁটি হিন্দু) দলে রটিয়ে দিলে যে, “বিধবা-বিবাহের আইন পাস ও বিধবা-বিবাহ হওয়াতেই সেপাইরে ক্ষেপেচে। গবর্ণমেন্ট বিধবাবিবাহের আইন তুলে দিয়েছেন—বিভ্রোশাগরের কর্ম গিয়েচে—প্রথম বিধবাবিবাহ বর শিরীশের কাঁসি হবে।”

কোথাও হুকুম উঠলো, “দলিপ সিংকে কুশান করাতে, নাগপুরের রাণীদের ক্রীধন কেড়ে নেওয়াতে ও লক্কোয়ের বাদসাই যাওয়াতেই মিউটিনি হলো।”

নানা মূনির নানা মত ! কেউ বলেন, সাহেবরা হিন্দুর ধর্মে হাত ছান, তাতেই এই মিউটিনি হয়েছে। তারকেশ্বরের মোহন্তের রক্ষিত রাঁড়—কাশীর বিশেষ্বরের

পাণ্ডার স্ত্রী ও কালীঘাটের বড় হালদারের বাড়ির গিন্নিরে স্বপ্নে দেখেছেন, ইংরেজদের রাজত্ব থাকবে না! ছুই এক জন ভট্‌চামি ভবিষ্যৎ পুরাণ খুলে তারই নজির চাখালেন!

ক্রমে সেপাইয়ের হুজুরের বাড়তি কমে গ্যালো—আজ দিল্লী দখল হলো—নানা পালালেন—জং বাহাদুরের সাহায্যে লক্ষ্মী পাওয়া হলো! মিউটিনির প্রায় সমুদায় সেপাইরে ফাঁসিতে, তোপেতে ও তলওয়ারের মুখেতে শেষ হলেন—অবশিষ্টেরা ক্যানিঙের পলিসিতে ক্ষমা প্রার্থনা করে বেঁচে গ্যালেন!

ইষ্ট ইণ্ডিয়া কোম্পানি পুরোনো বছরের মত বিদেয় হলেন—কুইন স্বরাজ্য খাস প্রক্রেম কল্লেন, বাজী, তোপ ও আলোর সঙ্গে মায়াবিনী আশা “কুইনের খাসে প্রজার আর ছুঃখ হবে না” বাড়ি বাড়ি গেয়ে বেড়াতে লাগলেন, গর্ভবতীর যত দিন একটা না হয়ে যায়, তত দিন যেমন “ছেলে কি মেয়ে” লোকের মনে সংশয় থাকে, সংসার কুইনের প্রোক্রেমেশনে সেইরূপ অবস্থায় স্থাপিত হলো।

মিউটিনির হুজুর শেষ হলো—বাজালিরা ফাঁসি ছেঁড়া অপরাধীর মত সে যাত্রা প্রাণে প্রাণে মান বাঁচালেন, কারু নিরপরাধে প্রাণদণ্ড হলো, কেউ অপরাধী থেকেও জায়গীর পেলেন। অনেক বামুনে কপাল ফলে উঠলো, “যখন যার কপাল ধরে—” ইত্যাদি কথার সার্থকতা হলো। রোগ, শোক ও বিপদে যেমন লোকে পতিগত স্ত্রীর মূল্য জানতে পারে, সেইরূপ মিউটিনি উপলক্ষে গবর্নমেন্টও বাজালি শব্দের কথঞ্চিৎ পদার্থ জানতে অবসর পেলেন, “শ্রীবুদ্ধিকারীরা” আশা ও মান ভঙ্গে অন্তরে বিষম জ্বালায় জ্বলতেছিলেন, এক্ষণে পোড়া চক্ষে বাজালিদের দেখতে লাগলেন—আমরাও স্কুল ছাড়লেম। আঃ! বাঁচলেম—গায়ে বাতাস লাগলো।

মরাকেরা

আমরা ছেলেবেলাতেই জ্যাটার শিরোমণি ছিলেম, স্কুল ছাড়াতে জ্যাটামি ভাতের ফ্যানের মতন উধুলে উঠলো, (বোধ হয় পাঠকরা এই হত্যার প্যাচার নকশাতেই আমাদের জ্যাটামির দৌড় বুঝতে পেরে থাকবেন) আমরা প্রলয় জ্যাটা হয়ে উঠলেম—কেউ কেউ আদর করে “চালাকদাস” বলে ডাকতে লাগলেন।

ছেলেবেলা থেকেই আমাদের বাজলা ভাষার উপর বিলক্ষণ ভক্তি ছিল, শেখবারও নিতান্ত অনিচ্ছা ছিল না। আমরা পূর্বেই বলিছি যে, আমাদের বুড়ো

ঠাকুরমা আমাদের ঘুমবার পূর্বে নানাপ্রকার রূপকথা কইতেন। কবিকঙ্কণ, কৃষ্ণিবাস ও কাশীদাসের পয়ার মুখস্থ আওড়াতেন। আমরাও সেইগুলি মুখস্থ করে হুলে, বাড়িতে ও মার কাছে আওড়াতেম—মা শুনে বড় খুসি হতেন ও কখন কখন আমাদের উৎসাহ দেবার জন্তে ফি পয়ার কিছু একটি করে সন্দেশ প্রাইজ্ দিতেন ; অধিক মিষ্টি খেলে তোংলা হতে হয়, ছেলেবেলা আমাদের এ সংস্কারও ছিল, সুতরাং কিছু আমরা আপনারা খেতুম, কিছু কাগ ও পায়রাদের জন্তে ছাতে ছড়িয়ে দিতুম ; আর আমাদের মুছুরী বলে দিব্বি একটি সাদা বেরাল ছিল (আহা ! কাল সকালে সেটি মরে গ্যাচে—বাচ্চাও নাই) বাকী সে প্রসাদ পেতো। সংস্কৃত শেখাবার জন্তে আমাদের একজন পণ্ডিত ছিলেন, তিনি আমাদের লেখাপড়া শেখাবার জন্তে বড় পরিশ্রম কতেন। ক্রমে আমরা চার বছরে মুক্‌বোধ পার হলেম, মাঘের দুই পাত ও রঘুর তিন পাত পড়েই আমাদের জ্যাটামোর সূত্র হলো ; টিকি, কোঁটা ও রাজা বনাতওয়াল টুলো ভট্টাচায়া দেখলেই তক কত্তে যাই, হোঁড়াগোছের ঐ রকম বেয়াড়া বেশ দেখতে পেলেই তকে হারিয়ে টিকি কেটে নিই, কাগজে প্রস্তাব লিখি—পয়ার লিখতে চেষ্টা করি ও অন্তের লেখা প্রস্তাব থেকে চুরি করে আপনার বলে অহঙ্কার করি—সংস্কৃত কালেজ থেকে দূরে থেকেও ক্রমে আমরাও ঠিক এক জন সংস্কৃত কালেজের ছোকরা হয়ে পড়লেম ; গোরবলাভেচ্ছা হিন্দুকুশ ও হিমালয় পর্বত থেকেও উচু হয়ে উঠলো—কখন বোধ হতে লাগলো কিছু দিনের মধ্যে আমরা দ্বিতীয় কালিদাস হবো (ওঃ শ্রীবিষ্ণু, কালিদাস বড় লম্পট ছিলেন), তা হওয়া হবে না, তবে কি ব্রিটেনের বিখ্যাত পণ্ডিত জনসন ? না ! (তিনি বড় গরিবের ছেলে ছিলেন) সেটি বড় অসম্ভব হয়, তবে রামমোহন রায় ? হাঁ, এক দিন রামমোহন রায় হওয়া যায়—কিন্তু বিলেতে মত্তে পারবো না !

ক্রমে কি উপায়ে আমাদের পাঁচ জনে চিন্বে, সেই চেষ্টাই বলবতী হলো, ভারই সার্থকতার জন্তই যেন আমরা বিছোৎসাহী সাজ্‌লেম—গ্রন্থকার হয়ে পড়লেম—সম্পাদক হতে ইচ্ছা হলো—সভা কল্লেম—ব্রাহ্ম হলেম—তত্ত্ববোধিনী সভায় যাই—বিধবা বিয়ের দালালি করি ও দেবেন্দ্রনাথ ঠাকুর, ঈশ্বরচন্দ্র বিদ্যাসাগর, অক্ষয়কুমার দত্ত, ঈশ্বরচন্দ্র গুপ্ত প্রভৃতি বিখ্যাত দলের লোকেদের উপাসনা করি—আন্তরিক ইচ্ছে যে, লোকে জানুক যে, আমরাও ঐ দলের এক জন ছোটখাট কেঁট বিষ্টুর মধ্যে !

হায় ! অল্প বয়সে এক এক বার অবিবেচনার দাস হয়ে আমরা যে সকল পাপ্‌লামো করেছি, এখন সেইগুলি স্মরণ হলে কান্না ও হাসি পায় ; আবার এখন

যে পাগলামি প্রকাশ করি, এর জন্ত বৃদ্ধ বয়সে অনুতাপ তোলা রইলো! বৃত্তা-শ্যার পাশে যবে এইগুলির ভয়ানক ছবি ছাখা যাবে, ভয়ে ও লজ্জায় শরীর দাহ কস্তে থাকবে, তখন সেই অনশ্রুত্যাগর পরমেশ্বর ভিন্ন আর জুড়াবার স্থান পাওয়া যাবে না! বাপ মার কাছে মার খেয়ে ছেলেরা যেমন তাঁদেরই নাম করে “বাবা গো—মা গো” বলে কাঁদে, আমরাও তেমনি সেই ঈশ্বরের আঙ্গা লজ্বন নিবন্ধন বিপদে পড়ে তাঁর নাম ধরেই, পাঠক! তোমায় ভেংচুতে ভেংচুতে ও কলা ছাখাতে ছাখাতে ভরে যাব!

প্রায় গর্ষ্মিতে এক দিন আমরা মোটা চাদর গায়ে দিয়ে ফিলজফর সেজে ব্যাড়াছি, এমন সময় নদে অঞ্চলের এক জন মুহুরি বলে যে, “আমাদের দেশে হজুক উঠেচে, ১৫ই কার্তিক রবিবার দিন দশ বছরের মধ্যের মড়া মানুষরা যমালয় থেকে ফিরে আসবে—‘জন্মের মধ্যে কর্ম নিমূর চৈত্র মাসে রাসের’ মত সহরের কোন কোন বেণে বাবুরা সিজি বাহিনী ঠাক্কণের পালায় যেমন ছোট আদালতের ছ চার কয়েদী খালাস করে অহকার করেন, সেই রকম স্বর্গে কোন দেবতা আপনার ছেলের বিবাহ উপলক্ষে যমালয়ের কতকগুলি কয়েদী খালাস করবেন, নদের রামশর্ষ্ম আচায্যি গুণে বলেচেন।” আমরা এই অপরূপ হজুক শুনে তাক্ হয়ে রইলেম! এদিকে সহরেও ক্রমে গোল উঠলো—“১৫ই কার্তিক মড়া ফিরবে।” বাজলা খবরের কাগজওয়ালারা কাগজ পুরাবার জিনিষ পেলেন—একটি গেরোর উপর আর একটি গেরো দিলে পূর্বের গেরোটি যেমন আল্গা হয়ে যায়, বিধবা বিবাহ প্রচার করাতে সহরের ছোট ছোট বিধবাদের বিচ্ছেদাগরের প্রতি যে ভক্তিটুকু জন্মেছিল, এই প্রায় হজুকে ঋতুগত ধর্মমেটরের পারার মত একেবারে অনেক ডিগ্রী নেবে গিয়ে বিলক্ষণ ঢিলে হয়ে পড়লো।

সহরের যেখানে যাঁই, সেইখানেই মড়া ফেরবার মিছে হজুক। আশা, নির্বোধ স্ত্রী ও পুরুষ দলের প্রিয়সহচরী হলেন। জোচ্চার ও বদমাইশেরা সময় পেয়ে গোছালো গোছালো জায়গায় মড়া ফেরা সেজে যেতে লাগলো, অনেক গেরেস্তোর ধর্ম নষ্ট হলো—অনেকের টাকা ও গয়না গ্যালো—বাজারে হস্তেল মাগ্গি হয়ে উঠলো! ক্রমে আষাঢ়াস্ত বেলার সন্ধ্যার মত, শোকাতুরের সময়ের মত ১৫ই কার্তিক নবাবী চালে এসে পড়লেন। দুর্গোৎসবের সময় সঙ্কিপূজোর ঠিক শুভক্ষণের জন্ত পৌত্তলিকরা যেমন প্রতীক্ষা করে থাকেন—ডাক্তারের জন্ত মুব্বু' রোগীর আশ্রয়রা যেমন প্রতীক্ষা করে থাকেন ও সুলবর ও কুঠিওয়ালারা যেমন শেখবান্নিন প্রতীক্ষা করেন—বিধবা ও পুত্রপ্রাতাহীন নির্বোধ পরিবারেরা সেই রকম

১৫ই কার্তিকের অপেক্ষা করে ছিলেন। ১৫ই কার্তিক দিনের লাড়ু হুয়ে পড়লেন—
—যাঁরা পূর্বে বিশ্বাস করেন নি, ১৫ই কার্তিকের আড়ম্বর ও অনেকের অতুল
বিশ্বাস দেখে তাঁরাও দলে মিশলেন। ছেলেব্যালা আমাদের একটি চিনের খরগোশ
ছিল, আজ বছর আষ্টেক হলো সেটি মরেচে—আমরাও তার ফিরে আসবার জন্য
কচি কচি দুর্কো ঘাস তুলে, বহু কালের ভাঙ্গা পিঁজরেটি কেড়ে বুড়ে তুলো পেড়ে
বিছানা টিছানা করে তার অপেক্ষায় রইলেম।

১৫ই কার্তিক মড়া ফিরবে কথা ছিল, আজ ১৫ই কার্তিক। অনেকে মড়ার
অপেক্ষায় নিমতলা ও কাশী মিত্রের ঘাটে বসে রইলেন। ক্রমে সন্ধ্যা হয়ে গ্যালো,
রাস্তির দশটা বাজে, মড়া ফিরলো না; অনেকে মড়ার অপেক্ষায় থেকে মড়ার মত
হয়ে রাস্তিরে ফিরে এলেন; মড়া ফেরার ছজুক খেমে গ্যালো!

আমাদের জ্ঞাতি ও নিন্দুকেরা

আমরা ক্রমে বিলক্ষণ বড় হয়ে উঠলেম; ছ চার জন আমাদের অবস্থার হিংসে
কন্তে লাগলেন; জ্ঞাতিবর্গের বুকে ঢেঁকি পড়তে লাগলো—আমাদের বিপদে
মুচুকে হাসেন ও আমোদ করেন; তাঁদের এক চোখ কাণা হয়ে গেলে যদি
আমাদের ছ চক্ষু কাণা হয়, তাতে এক চক্ষু দিতে বিলক্ষণ প্রস্তুত—সতীনের বাটিতে
গু গুলে খেতে পারলে তার বাটিটি নষ্ট হয়—স্বয়ং না হয় গু গুলেই খেলেন।
জ্ঞাতি বাবু ও বিবিদেরও সেই রকম ব্যবহার বেরুতে লাগলো। লোকের আঁট-
কুড়ো হয়ে বনে একা থাকা ভাল, তবু আমাদের মতন জ্ঞাতির সঙ্গে এক ঘর ছেলে-
পুলে নিয়েও বাস করা কিছু নয়! আমাদের জ্ঞাতির ছুর্ঘোষনের বাবা—
তাঁদের মেয়েরা কৈকেয়ী ও শূর্ণগণা হতেও সরেস! ক্রমে এক দল শত্রু জন্মালেন,
এক দল ফ্রেণ্ড পাওয়া গ্যালো। যাঁরা শত্রুর দলে মিশলেন, তাঁরা কেবল
আমাদের দোষ ধরে নিন্দে কন্তে আরম্ভ করলেন। ফ্রেণ্ডরা সাধ্যমত ডিফেন্ড কন্তে
লাগলেন, শত্রুরা ধাওয়া দাওয়া ও শোয়ার সঙ্গে আমাদের নিন্দে করা সংকল্প
করেছিলেন, সুতরাং কিছুতেই থামলেন না; আমরাও অনেক সন্ধান করে দেখলুম
যে, যদি তাঁদের কোন কালে অপরাধ করে থাকি, তা হলে অবশুই আমাদের
উপর চটতে পারেন; কিন্তু কিছুই খুঁজে পেলুম না, বরং সন্ধান বেরলো যে,
নিন্দুক দলের অনেকের সঙ্গে আমাদের সাক্ষাৎ পর্যন্তও নাই—লোকের সাধ্যমত

উপকার করা যেমন কতকগুলির চিরন্তন ব্রত, সেইরূপ বিনা দোষে নিন্দা করাও মহরের কতকগুলি লোকের কর্তব্য কর্ম ও ব্রতের মধ্যে গণ্য—আমরা প্রার্থনা করি, নিন্দুকরা কিছু কাল বেঁচে থাকুন, তা হলেই অনেকে তাঁদের চিনে নেবেন ও বক্তারা যেমন বকে বকে শেষে ক্লান্ত হয়ে আপনিই থাকেন, তেমনি এঁরা আপনা আপনি থাকবেন ; তবে অনেকের এই পেশা বলেই যা হোক—পেশাদারের কথা নাই !

নানাসাহেব

মড়া ফেরা হজুক থামলে, কিছুদিন নানাসাহেব দশ বারো বার মরে গ্যালেন, ধরা পড়লেন ও আবার রক্তবীজের মত বাঁচলেন। সাতপেয়ে গরু—দরিয়াই ঘোড়া—লঙ্কোয়ের বাদসা—শিবকেঠো বাঁড়ুয়ো—ওয়েল্‌স সাহেব—নীল বামুরে লঙ্কাকাণ্ডে লঙের মেয়াদ—কুমীর, হাঙ্গর ও নেকড়ে বাগের উৎপাতের মত ইংলিশম্যান ও হরকরা নামক ছুখানি নীল কাগজের উৎপাত—ব্রাহ্মধর্মপ্রচারক রামমোহন রায়ের স্ত্রীর শ্রীক্সে দলাদলির ঘোঁট ও শেষে হঠাৎ অবতারের হজুক বেড়ে উঠলো।

সাতপেয়ে গরু

সাতপেয়ে গরু বাজারে ঘরভাড়া কল্লেন, দর্শনী ছু পয়সা রেট হলো ; গরু ছাখবার জন্ত অনেক গরু একত্র হলেন। বাকি গরুদের ঘণ্টা বাজিয়ে ডাকা হতে লাগলো ; কিছু দিনের মধ্যে সাতপেয়ে গরু বিলক্ষণ দশ টাকা রোজগার করে দেশে গ্যালেন।

দরিয়াই ঘোড়া

দরিয়াই ঘোড়াও ঐ রকমে রোজগার কতে লাগলেন ; বেশির মধ্যে বিক্রি হবার জন্ত ছু চার মাতালো মাতালো খামওলা সেপাই পাহারা ও গোরাক্ষী কোচর্যান্

(যেখানে অন্দর মহলেও ঘোড়ার সর্বদা সমাগম) ওয়ালা বাড়িতে গমনাগমন কলেন । কে নেবে ? লাক টাকা দর ! আমাদের সহরের কোন কোন বড়-মানুষের যে ত্রিশ চল্লিশ লাক টাকা দর, পিঁজরের গুরে চিড়িয়াখানায় বাখবারও বিলক্ষণ উপযুক্ত ; কিন্তু কৈ ! নেবার লোক নাই ! এখন কি আর সৌখীন আছে ? বাংলা দেশে চিড়িয়াখানার মধ্যে বর্জমানের তুল্য চিড়িয়াখানা আর কোথাও নাই—সেখায় তস্ব, রত্ন, লঙ্কার, উল্লুক, ভালুক প্রভৃতি নানা রকম আজগুবী কেতার জানোয়ার আছে, এমন কি এক আদটির জোড়া নাই !

লঙ্কায়ের বাদসা

দরিয়াই ঘোড়া কিছু দিন সহরে থেকে শেষে খেতে না পেয়ে দরিয়ায় পালিয়ে গ্যালেন । লঙ্কায়ের বাদসা দরিয়াই ঘোড়ার জায়গায় বসলেন—সহরে ছজুক উঠলো, “লঙ্কায়ের বাদসা মুচিখোলায় এসে বাস করেচেন, বিলেত যাবেন ; বাদসার বাইয়ানা পোশাক, পায়ে আলতা,” কেউ বল্লে, “রোগা ছিপ্‌ছিপে, দিক্বি দেখতে, ঠিক যেন একটি অঙ্গরা ।” কেউ বল্লে, “আরে না, বাদসাটা একটা কুপোর মত মোটা, ঘাড়ে গদ্বানে, গুণের মধ্যে বেশ গাইতে পারে ।” কেউ বল্লে, “আঃ—ও সব বাজে কথা, যে দিন বাদসা পার হন, সে দিন সেই ইষ্টিনারে আমিও পার হয়েছিলেম ; বাদসা জামবর্ণ, একহারা, নাকে চস্মা, ঠিক আমাদের মৌলবী সাহেবের মত ।” লঙ্কায়ের বাদসা কয়েদ থেকে খালাস হয়ে মুচিখোলায় আসায় দিন কত সহর বড় গুল্জার হয়ে উঠলো । চোর বদমাইশরাও বিলক্ষণ দশ টাকা উপায় করে নিলে ; দোকান্দারদেরও অনেক ভাঙ্গা পুরোণো জিনিষ বেধড়ক দামে বিক্রি হয়ে গ্যালো ; ছুই এক খ্যাম্‌টাওয়ালী বেগম হয়ে গ্যালেন । বাদসা মুচিখোলার অর্ধেকটা জুড়ে বসলেন । সাপুড়েরা যেমন প্রথমে বড় বড় কেউটে সাপ ধরে হাঁড়ির ভেতর গুরে রাখে, ক্রমে তেজ মড়া হয়ে গ্যালো খেলাতে বার করে, গবর্মেন্টও সেই রকম প্রথমে বাদসাকে কিছু দিন কেলায় গুরে রাখলেন, শেষে বিষ-দাঁত ভেঙ্গে ভেজের হ্রাস করে খেলতে ছেড়ে দিলেন । বাদসা ডম্বরুর তালে খেলতে লাগলেন ; সহরের রুদর, উদর, সেখ, খাঁ, দাঁ প্রভৃতি ধড়িবাজ পাইকেররা মাল সেজে কাঁহুনি গাইতে লাগলো—বানর ও ছাগলও জুটে গ্যালো ।

লক্ষ্যের বাদসা জমি নিলেন, ছই এক বড়মানুষ ক্যাপলা জাল কেল্লেন—
অনেক প্রত্যাশা ছিল, কিন্তু শেষে জালখানা পর্যন্ত উঠলো না—কেউ বলে,
“কেদো মাছ।” কেউ বলে, “রাগা”! নয় “খোঁটা”!

শিবকেষ্টো বন্দ্যোপাধ্যায়

ছজুক রঙ্গে শিবকেষ্টো বাঁড়ুয়ে দ্যাখা দিলেন। বাবু দিন কত বড় বাড় বেড়ে-
ছিলেন;—আজ একে চাবুক মারেন, আজ ওকে পাঠান ঠেকিয়ে জুতো মারেন,
আজ মেড়ুয়াবাদী খোঁটা ঠকান, কাল টুপিওয়াল সায়েব ঠকান—শেষে আপনি
ঠকলেন। জালে জড়িয়ে পড়ে বাঙ্গালির কুলে কালি দিয়ে চৌদ্দ বৎসরের জন্ত
জিঞ্জির গ্যালেন। কোন কোন সায়েবে পয়সার জন্ত না করেন হান কর্মই নাই,
সিটি শিবকেষ্টো বাবুর কল্যাণে বেরিয়ে পড়লো—এক জন “এম্, ডি, এফ, আর,
সি, এস” প্রভৃতি বত্রিশ অক্ষরের খেতাবওয়াল ডাক্তার ঐ দলে ছিলেন।

ছুঁচোর ছেলে বুঁচো

আমাদের সহরে বড়মানুষদের মধ্যে অনেকের অরুগুণ নাই, বরুগুণ আছে।
“ভাল কস্তে পারব না মন্দ করব, কি দিবি তা দে।” যে ভাষা-কথা আছে, এঁরা
তারই সার্থকতা করেচেন—বাবুরা পরের ঝকড়া টাকা দিয়ে কিনে “গাঁয়ে মানে না
আপনি মোড়ল” হতে চান—অনেকে আড়ি তুলতেও এই পেশা আশ্রয় করেচেন!
যদি এমন পেশাদার না থাকতো, তা হলে শিবকেষ্টোর কে কি কস্তে পাস্তো?
তিনি কেবল ভাজকে ও ভাইপোকে ঠেকিয়ে বিষয়টি আপনি নিতে চেষ্টা করেছিলেন
বৈ তো নয়! আমাদের কল্কেতা সহরের অনেক বড়মানুষ যে ভাইয়ের স্ত্রীকে
ডাক্তার দিয়ে বিষ খাইয়ে মেরে ফেলেও গায়ে ফুঁ দিয়ে গাড়ি ঘোড়া চড়ে ব্যাড়াচেন,
কৈ আইন তাঁর কাছে কস্তে পায় না কেন? শিবকেষ্টো যেমন জাল করেছিলেন,
বোধ হয় সহরের অনেক বড়মানুষের ঘরে ও রকম কত পার পেয়ে গ্যাচে ও নিত্যা
কত হচ্ছে—সহরের একটি কাশ্মীরী মুখু বড়মানুষ আক্ষেপ করে বলেছিলেন যে,
“সহরে আমার মত অনেক ব্যাটাই আছে, কেবল আমিই ধরা পড়েছি।” শিবকেষ্টোর
বিষয়েও ঠিক তাই।

১৬৬

জটিস্ ওয়েল্‌স্

শিবকেঠোর মকদ্দমার মুখে জটিস্ ওয়েল্‌স্ নতুন ইণ্ডেন্ট হন। তাঁর সংস্কার ছিল, বাঙ্গালিদের মধ্যে প্রায় সকলেই মিথ্যাবাদী ও জালবাজ, সুতরাং মকদ্দমা করবার সময় যখন চার পা তুলে বক্তৃতা কল্‌তেন, তখন প্রায়ই বল্‌তেন, “বাঙ্গালিরা মিথ্যাবাদী ও বক্বলের জাত।” এতে বাঙ্গালিরা অবশ্যই বল্‌তে পারেন, “শতকরা দশ জন মিথ্যাবাদী বা বক্বলে হলে যে আশী নব্বুই জনও মিথ্যাবাদী হবেন এমন কোন কথা নাই”—চার দিকে অসন্তোষের গুজুগাজু পড়ে গ্যালো, বড় দলের মোড়লরা হাতে কাগজ পেলেন, “তেঁই ঘোঁটের” মত মাতালো মাতালো জায়গায় ঘোঁট পড়ে গ্যালো, শেষে অনেক কষ্টে একটি সভা করে সার চার্লস কাঠ মহাশয়ের নিকট দরখাস্ত করাই এক প্রকার স্থির হলো। কিন্তু সভা কোথায় হয়! বাঙ্গালিদের তো এক পদও “সাধারণের” স্থল নাই! টাউন হাল্ সায়েবদের, নিমতলার ছাদ-খোলা হল গবর্মেণ্টের, কাশী মিত্তিরের ঘাটে হল নাই; প্রসন্নকুমার ঠাকুর বাবুর ঘাটের চাঁদনিতে হতে পারে, কিন্তু ঠাকুর বাবুর পাঁচ জন সায়েব সুবোর সঙ্গে আলাপ আছে, সুতরাং তাও পাওয়া কঠিন। শেষে রাজা রাধাকান্তের নবরত্নের নাটমন্দিরই প্রশস্ত সিদ্ধান্ত হলো। কাগজে বিজ্ঞাপন বেরুলো—অমুক দিন রাজা রাধাকান্ত বাহাদুরের নবরত্নের নাটমন্দিরে ওয়েল্‌স্ জজের মুখরোগের চিকিৎসা করবার জন্তে সভা করা হবে! ঐষধ সাগরে রয়েছে!

সহরের অনেক বড়মানুষ—তাঁরা যে বাঙ্গালির ছেলে, ইটি স্বীকার কল্‌তে লজ্জিত হন; বাবু চূণোগলির আনন্ড পিফ্রসের পৌত্তুর বলে তাঁরা বড় খুসি হন; সুতরাং যাতে বাঙ্গালির শ্রীবৃদ্ধি হয়, মান বাড়ে, সে সকল কাজ থেকে দূরে থাকেন। তদ্বিপরীত, নিয়তই স্বজাতির অমঙ্গল চেষ্টা করে থাকেন। রাজা রাধাকান্তের নাটমন্দিরে ওয়েল্‌স্‌এর বিপক্ষে বাঙ্গালিরা সভা করবেন শুনে তাঁরা বড়ই দুঃখিত হলেন—খানা খাবার কৃতজ্ঞতা প্রকাশের সময় মনে পড়ে গ্যালো, যাতে ঐ রকম সভা না হয়, কায়মনে তারই চেষ্টা কল্‌তে লাগলেন। রাজা বাহাদুরের কাছে সুপারিস পড়লো; রাজা বাহাদুর সত্যব্রত, একবার কথা দিয়েচেন, সুতরাং উচ্চ-দলের সুপারিস হলেও সহসা রাজী হলেন না। সুপারিসওয়ালারা জোয়ারের গুয়ের মত সাগরের প্রবল তরঙ্গে ভেসে চলো। নিরুপিত দিনে সভা হলো, সহরের লোক রৈ রৈ করে ভেঙ্গে পড়লো, নবরত্নের তিতরের বিগ্রহ ও নাটমন্দিরের সামনের জোড়হস্ত করা পাথরের গরুড়েরও আহ্লাদের সীমা রইলো না। বাঙ্গালিদের যে

কথঞ্চিৎ সাহস জন্মেচে, এই সভাতে তার কিছু প্রমাণ পাওয়া গ্যালো। সুপারিস-ওয়ালার বাবুরা ও সহরের সোনারবেগে বড়মানুষরা কেবল এই সভায় আসেন নাই— সুপারিসওয়ালাদের খোঁতা মুখ ভোঁতা হয়ে গ্যালো। বেগেবাবুরা কোন কাজেই মেশেন না, সুতরাং তাঁদের কথাই নাই! ওয়েল্‌স্-ছজুকের অনেক অংশে শেষ হলো, দশ লক্ষ লোকে সই করে এক দরখাস্ত কাষ্ঠ সাহেবের কাছে প্রদান করলেন, সেই অবধি ওয়েল্‌স্‌ও ব্রেক হলেন।

টেক্‌চাঁদের পিসী

টেক্‌চাঁদ ঠাকুরের টেপী পিসী ওয়েল্‌সের মুখরোগের তরে মিটিং করা হয়েছে শুনে বল্লেন, “ও মা, আজকাল সবই ইংরিজি কেতা! আমরা হলে মুলোমুড়ি, নারকেলমুড়ি ও ঠনঠনের নিম্কাতে দোরস্ত কস্তেম!” নারকেলমুড়ি বড় উত্তম ওষুধ, হলোয়ের বাবা! আমাদের সহরের অনেক বড়মানুষ ও ছুই এক জেলার ধিরাজ মহারাজা বাহাডুর নিয়তই রোগ ভোগ করে থাকেন; দারজিলিং, সিম্লে, সপাটু, ভাগলপুর ও রাণীগঞ্জে গিয়েও শোদরাতে পারেন না; আমরা তাঁদের অসুস্থ করি, নারকেলমুড়ি ও ঠনঠনের নিম্কাটাও ট্রাই করুন! ইমিজিয়েট রিলিফ!!!

পার্সি লং ও নীলদর্পণ

নীলকরী ছাগাম উঠলো, শোনা গ্যালো কৃষ্ণনগর, পাবনা, রাজসাই প্রভৃতি নীলজেলার রেয়োতরা ক্ষেপেচে। কে তাদের খ্যাপালে? কি উলুইচণ্ডী? না! শ্যামচাঁদ? তবে—“ম্যাজিস্ট্রেট ইডেনের ইস্তাহারে” “ইণ্ডিগো কমিশনে” “হরিশে” “লঙে” “ছোট আদালতে” “কন্ট্রাক্টবিলে” অবশেষে গ্রাণ্টের রিজাইনমেন্টে রোগ সাব্বতে পারে? না! কেবল শ্যামচাঁদীরা সল্লে!!!

নীলকর সায়েবরা দ্বিতীয় রিভোলিউশন হবে বিবেচনা করে (ঠাকুরঘরে কে? না আমি কলা খাই নি) গবর্নেন্টে ভোপ ও গোরা সাহায্য চেয়ে পাঠালেন। ব্রিজমেন্টকে রেজিমেন্ট গোরা, গনু, বোট ও এম্পেশিয়েল কমিশনের চরো—

মফসলে জেলে আর নিরপরাধীর জায়গা ধরে না, কাগজে হলধূল পড়ে গ্যালো ও আন্টার ব্রেড অবতার হয়ে পড়লেন।

প্রজার ছরবস্থা শুন্তে ইণ্ডিগো কমিশন বসলো, ভারতবর্ষীয় খুড়ীর চম্কা ভেঙ্গে গ্যালো। (খুড়ী একটু আকিম খান) বাজালির হয়ে ভারতবর্ষীয় খুড়ীর এক জন খুড়ো কমিশনের হলেন। কমিশনে কেঁচো খুঁড়তে খুঁড়তে সাপ বেরিয়ে পড়লো; সেই সাপের বিবে নীলদর্পণ জন্মালো; তার দরুন নীলকর-দল হয়ে হয়ে উঠলেন,—ছাইগাদা, কচুবন, ক্যানগোঁজলা ছেড়ে দিয়ে ঠাকুরঘরে, গীর্জায়, প্যালেসে ও প্রেসে ভাগ করলেন। শেষে ঐ দলের একটা বড় হজেরিয়ান হাউণ্ড পাদ্রি লং সায়েবকে কামড়ে দিলে!

প্যায়দারা পর্য্যন্ত ডেপুটি মাজিষ্ট্রেট হয়ে মফসলে চললেন, তুমুল কাণ্ড বেধে উঠলো! বাদাবুনে বাগ (প্ল্যান্টার্স এসোসিয়েশন) বেগতিক দেখে নাম বদলে (ল্যাণ্ডহোলডার্স এসোসিয়েশন) তুলসীবনে ঢুকলেন, হরিশ মলেন, লঙের মেয়াদ হলো, ওয়েল্‌স ধমক খেলেন, গ্রাণ্ট রিজাইন দিলেন, তবু ছজুক মিটলো না! প্রকৃত বাঁহরে ছাঙ্গামে বাজারে নানা রকম গান উঠলো; চাসার ছেলেরা লাজল ধরে যুলো ও মূড়ি খেতে খেতে ক্ষেতে ক্ষেতে

গান

সুর “হাঃ শালার গরু,” তাল “টিট্কিরি ও ল্যাজমলা।”

উঠলো সে সুখ, ঘটলো অসুখ মনে, এত দিনে।

মহারাগীর পুণ্যে মোরা, ছিলাম সুখে এই স্থানে ॥

উঠলো খামার ভিটে ধান, গ্যাল মানী লোকের মান,

ছান সোনার বাংলা খান, পোড়ালে নীল হনুমান ॥

গাইতে লাগলো। নীলকরেরা এর উদ্ভার ক্যাটল ট্রেস্পস্ বিল পাস করে, কেউ কোন কোন ছোট আদালতের উকীল জজদের স্যামপীন খাইয়ে ও ঘরখ্যাঙ্গা করে, কেউ বা খাঙ্গনা বাড়িয়ে, খেঁউড়ে জিতে কথকিং গায়ের জালা নিবারণ করলেন।

নীলবানুরে লঙ্কাকাণ্ডের পালা শেষ হয়ে গ্যালো, মোড়লেরা জিরেন পেলেন, ভারতবর্ষীয় খুড়ী এক মোতাত চড়িয়ে আরাম কস্তে লাগলেন। কোন কোন আশাসোটাওয়াল খেতাবী খুড়ো, অনরেরী চৌকিদারী, তথা ছেলে পুলের আসেসরী ও ডেপুটি মেজেষ্টরীর জন্ত সাদা দেবতার উদ্দেশে কঠোর তপস্তার নিযুক্ত হলেন।
তথাক্ত!!!

শ্রামচাঁদের অসহ টুচরে ভূত পালায়, প্রকারা কেপে উঠবে কোন্ কথায়! মিউটিনি ও ব্র্যাক অ্যাক্টের সভাতে তো “শ্রীবুদ্ধিকারীরা” চটেই ছিলেন, নীলবানুরে হাঙ্গামে সেইটি বন্ধমূল হয়ে পড়লো। বড় ঘরে সতীন হলে, বড় বো ও ছোট বোকে তুট কস্তে কর্তা ও গিন্নির ব্যামন হাড় ভাঙ্গা ভাঙ্গা হয়ে যায়, “শ্রীবুদ্ধিকারী” সুইপিং ক্লাস ও নেটিভ কমিউনিটিকে তুট কস্তে গিয়ে ইণ্ডিয়া ও বেঙ্গল গবর্নেন্টেও সেই রকম অবস্থায় পড়লেন।

রমাপ্রসাদ রায়

হত্যোর পাঠকগণ! আমরা আপনাদের পূর্বেই বলে এসেছি যে “সময় কারও হাত ধরা নয়; সময় জলের গ্যায়, বেগ্যার যৌবনের গ্যায়, জীবের পরমাযুর গ্যায়; কারুই অপেক্ষা করে না।” দেখতে দেখতে আমরা বড় হচ্ছি, দেখতে দেখতে বছর ফিরে যাচ্ছে; কিন্তু আমাদের প্রায় মনে পড়ে না যে “কোন্ দিন যে মস্তে হবে তার স্থিরতা নাই।” বরং যত বয়স হচ্ছে, ততই জীবিতাশা বলবতী হচ্ছে, শরীর তোয়াজে রাখছি, আরসি ধরে শোণ মুটির মত পাকা গোঁপে কলপ দিচ্ছি, সিম্বলের কালাপেড়ের বেহন্দ বাহারে বঞ্চিত হতে প্রাণ কেঁদে উঠচে। শরীর ত্রিভঙ্গ হয়ে গিয়েচে, চস্মা ভিন্ন দেখতে পাই নে, কিন্তু আশা ও তৃষ্ণা তেমনি রয়েছে, বরং ক্রমে বাড়চে বই কম্চে না। এমন কি অমর বর পেয়ে—প্রকৃতির সঙ্গে চিরজীবী হলেও মনের সাধ মেটে কি না সন্দেহ! প্রচণ্ড রোজক্লাস্ত পথিক অভীষ্ট প্রদেশে শীঘ্র পৌঁছবার জন্য একমনে হন্ হন্ করে চলেছেন, এমন সময় হঠাৎ যদি একটা গৌড়িতাঙ্গা কেউটে রাস্তায় গুয়ে আছে দেখতে পান, তা হলে তিনি ব্যামন চম্কে ওঠেন, এই সংসারে আমরাও কখন কখন মহাবিপদে ঐ রকম অবস্থায় পড়ে থাকি; তখন এই দরু হৃদয়ের চৈতন্য হয়! উল্লিখিত পথিকের হাতে সে সময় একগাছা মোটা লাঠি থাকলে তিনি যেমন সাপটাকে মেরে পুনরায় চলতে আরম্ভ করেন, আমরাও মহাবিপদে প্রিয় বন্ধুদের পরামর্শ ও সাহায্যে তরে যেতে পারি; কিন্তু যে হতভাগ্যের এ জগতে বন্ধু বলে আহ্বান করবার এক জনও নাই, বিপৎপাতে তার কি চুর্দশাই না হয়! তখন তার এ জগতে ঈশ্বরই একমাত্র অনন্তগতি হয়ে পড়েন। ধর্মের এমনি বিপৎ জ্যোতি—এমনি গম্ভীর ভাব, যে তার প্রভাশ্রুতাবে, ভয়ে ভগ্নামো, নাস্তিকতা ও বন্ধুত্ব

সরে পালায়—চারি দিকে স্বর্গীয় বিস্তৃত প্রেমের শ্রোত বহিতে থাকে—তখন বিপদসাগর জননীর স্নেহময় কোল হতেও কোমল বোধ হয়। হায়! সেই ধন্য, যে নিজ বিপদ সময়ে এই বিমল আনন্দ উপভোগ করবার অবসর পেয়ে আপনা আপনি ধন্য ও চরিতার্থ হয়েছে। কারণ প্রবল আঘাতে একবার পাষাণের মর্ষ ভেদ কস্তে পারে চিরকালেও মিলিয়ে যায় না।

ক্রমে আমরাও বড় হয়ে উঠলেম—ছলনা কুআসায় আবৃত, আশার পরিসর শূন্য, সংসারসাগরের ভয়ানক শব্দ শোনা যেতে লাগলো। এক দিন আমরা কডকগুলি সমবয়সী একত্র হয়ে একটা সামান্য বিষয় নিয়ে তর্ক বিতর্ক করছি, এমন সময় আমাদের দলের এক জন বলে উঠলেন, “আরে আর শুনেচ? রমাপ্রসাদ বাবুর মার সপিণ্ডীকরণের বড় ধুম! এক লক্ষ টাকা বরাদ্দ; সহরের সমস্ত দলে, উদিকে কাশী কর্ণাট পর্য্যন্ত পত্র দেওয়া হবে।” ক্রমে আমরা অনেকের মুখেই আন্ধের নানা রকম ছজুক শুন্তে লাগলেম। রমাপ্রসাদ বাবুর বাপ ব্রাহ্মধর্ম-প্রচারক, তিনি স্বয়ং ব্রাহ্মসমাজের ট্রাষ্টি, মার সপিণ্ডীকরণে পৌত্তলিকতার দাস হয়ে ব্রাহ্ম করবেন শুনে কার না কোঁতুহল বাড়ে! সুতরাং আমরা আন্ধের আত্মপূর্ব্বিক নকশা নিতে লাগলেম।

ক্রমে সপিণ্ডনের দিন সংক্ষেপ হয়ে আসতে লাগলো। ক্রিয়ে-বাড়িতে স্মারকা বসে গ্যালো—ফলারে বায়ুনরা অ্যাপ্রিন্টিস নিতে লাগলেন—সংস্কৃত কালোজের ফলারের প্রোফেসর রকমারি ফলারের লেক্চর দিতে আরম্ভ করলেন—বৈদিক ছাত্রেরা ভলম্‌নস্ নোট লিখে ফেলেন। এদিকে চতুর্পাঠীওয়ালা ভট্টাচার্য্যরা চলিত ও অর্ধ পত্র পেতে লাগলেন; অনাহৃত চতুর্পাঠীহীন ভট্টাচার্য্যরা সুপারিস্ ও নগদ অর্ধ বিদায়ের জন্য রমাপ্রসাদ বাবুর বাড়ি নিমতলা ও কাশী মিত্তিরের ঘাট হতেও বাড়িয়ে তুলেন—সেথায় বা কটা শকুনি আছে! এঁদের মধ্যে অনেকের চতুর্পাঠীতে সংবৎসর ষাঁড়ে হাগে, সরস্বতী পূজার সময় ব্রাহ্মণী ও কোলের মেয়েটি বঙ্গদেশীয় ছাত্র সাজেন, শোলার পদ্ম ও রাংতার সাজওয়ালো ক্ষুদে ক্ষুদে মেটে সরস্বতীর অধিষ্ঠান হয়; জানিত ভদ্র লোকদের নেলিয়ে দিয়ে কিছু পেটে।

ভট্টাচার্য্য মশাইদের ছেলেব্যালা যে কদিন আসল সরস্বতীর সঙ্গে সাক্ষাৎ, তার পর এক্ষণে আর তাঁর সঙ্গে সাক্ষাৎ হবে না, কেবল সংবৎসর অন্তর এক দিন মেটে সরস্বতীর সঙ্গে সাক্ষাৎ, সেও কেবল যৎকিঞ্চিৎ কাঞ্চনমূল্যের জন্য!

পাঠকগণ! এই যে উর্দি ও তুর্কমাওয়ালো বিভালকার, স্মায়ালকার, বিভাভূষণ ও বিদ্যাবাচস্পতিদের দেখছেন, এঁরা বড় ক্যালা যান না, এঁরা পয়সা পেলে না করেন

স্থান কর্ণই নাই! সংস্কৃত ভাষা এই মহাপুরুষদের হাতে পড়েই জেবে জেবে মিলিয়ে যাচ্ছেন। পয়সা দিলে বানরওয়ালো নিজ বানরকে নাচায়, পোষাক পরায়, ছাগলের উপর দাঁড় করায়; কিন্তু এঁরা পয়সা পেলে নিজে বানর পর্য্যন্ত সেজে নাচেন! যত ভয়ানক দুর্ভিক্ষ এই দলের ভেতর থেকে বেরোবে, দায়মালী জেল তন্ন তন্ন করলেও তত পাবেন না।

আগামী কল্য সপিণ্ডন। আজকাল সহরের দলপতিদলে অনেকেই কুলপানা চকরের দলে পড়েছেন, নামটা ঢাকের মত কিন্তু ভেতরটা কাঁক।—“রমাপ্রসাদ বাবু সদরের প্রধান উকীল, সাহেব সুবোধের বাবুর প্রতি যেকল্প অল্পগ্রহ, তাতে আরও কত কি হয়ে পড়বেন, সুতরাং রমাপ্রসাদ বাবু দলস্থ ব্রাহ্মণ পণ্ডিতদের পত্র দিলে ফিরিয়ে দেওয়াটাও ভাল হয় না, কিন্তু রমাপ্রসাদ বাবুও * * * *” প্রভৃতি নানা প্রকার তর্ক বিতর্ক চলতে লাগলো। দুই এক টাটকা দলপতিরা (জোর কলুমে, মান অপমানের ভয় নাই) রমাপ্রসাদ বাবুর তোয়াকা না রেখে আপন আপন দলে প্রোক্রেমেশন দিলেন, প্রোক্রেমেশন দলস্থ ভট্টাচার্য্যদলে বিতরণ হতে লাগলো, অনেকে ছ নোকোয় পা দিয়ে বিষম বিপদে পড়লেন—শানুকীর ইয়ারেরা “বারে বারে মূর্গী তুমি” দলে ছিলেন, চিরকার মুখ পুঁচে চলেচে, এইবার মহাবিপদে পড়তে হলো, সুতরাং মিত্তির খুড়ো লিভ্ নিয়ে হাওয়া খেতে যান। চাটুয্যে শয্যাগত হয়ে পড়েন। দলপতির প্রোক্রেমেশন জুরির সমন ও সফিনে হতেও ভয়ানক হয়ে পড়লো, সে এই—

“শ্রীশ্রীহরিং

শরণং ।

অশেষ শাস্ত্ররত্নাকর পারবর পরম পূজনীয়

শ্রীল

ভট্টাচার্য্য মহাশয়গণ—

ধর্ম—

সেবক শ্রী* চন্দ্র দাস ঘোষ

সাঁটাঙ্গে শত সহস্র প্রণিপাত পুরঃসর নিবেদনং কার্য্যনকাগে শ্রীশ্রীভট্টাচার্য্য মহাশয়দিগের আশীর্ব্বাদে এ সেবকের প্রাণগতিক কুশল পরে যে হেতুক ৮রামমোহন রায়ের পুত্র বাবু রমাপ্রসাদ রায় স্বীয় মাতা ঠাকুরাণীর একোদ্বিষ্ট প্রাণে মহাসমারোহ করিতেছেন এই দলের বিখ্যাত কুলীন ও আমার ভগ্নীবৃপতি বা

খিনিকৃষ্ণ মিত্রের মজবুত সম্যক প্রতীয়মান হইয়া জানিয়াছেন যে উক্ত রায় বাবু সহরের সমস্ত দলেই পত্র দিবেন সুতরাং এ দলেও পত্র পাঠাইবার সম্পূর্ণ সম্ভাবনা কিন্তু আমাদের শ্রীশ্রী সভার দলের অল্পগত দলের সহিত রায় মজবুতের আহার ব্যাভার চলিত নাই সুতরাং তিনি পত্র পাঠাইলেও আপনারা তথায় সভাস্থ হইবেন না।

শ্রীঃ চন্দ্র দাস ঘোষ।

সম্মতঃ

সাং—হুড়ীঘাটা।

শ্রীহবীশ্বর শর্মাঃ স্টায়লকারোপাধীকঃ

বাব্যঃ সভাপণ্ডিতঃ”

প্রোক্লেমেশন পেয়ে ভট্‌চার্য্য ও ফলারেরা ডুব্‌ মাল্লেন ; কেউ কেউ ফল নদীর মত অস্তঃশীলে বইতে লাগলেন, ডুবে জল খেলে শিবের বাবার সাধি নাই যে টের পান ; তবুও অনেক জায়গায় চৌকি, খানা ও পাহারা বসে গ্যালো, কিছুতেই কিছু কস্তে পাল্লেন না, টাকার খোস্বো প্যাঞ্জ রুশনের গন্ধ ঢেকে তুলে—শ্রাদ্ধসভা পবিত্র হয়ে উঠলো, বাগবাজারের মদনমোহন ও শ্রীপাট খড়দর শ্যামসুন্দর পর্য্যন্ত ব্রজের রজ্জে গড়াগড়ি দিতে লাগলেন। শ্রাদ্ধের দিন সকালব্যালী রমাশ্রসাদ বাবুর বাড়ি লোকারণ্য হয়ে গ্যালো, গাড়িবারাণ্ডা থেকে বাবুর্চীখানা পর্য্যন্ত ব্রাহ্মণ পণ্ডিতের ঠেল ধরলো, এমন কি শ্রীক্ষেত্রে রথযাত্রায় জগন্নাথের চাঁদমুখ দেখতেও এত লোকারণ্য হয় না।

সপিণ্ডনের দিন সকালে রমাশ্রসাদ বাবু বারাণসী গরদের জোড় পরে ভক্তি ও শ্রদ্ধার আধার হয়ে পড়লেন। ব্যালার সঙ্গে সভার জনতা বাড়তে লাগলো, এক দিকে রাজভাটেরা সুর করে বল্লালের গুণগরিমা ও আদিশূরের গুণ কীর্তন কস্তে লাগলো, এক দিকে ভট্টাচার্য্যদের তর্ক লেগে গ্যালো, ছ দশ জন ভেতরমুখো কুলীন দলপতির ভয় ও লজ্জায় সোয়ার হয়ে স্তম্ভ হতে লাগলেন, দল দল কেস্তন আরম্ভ হলো, খোলের চাটিতে ও হরিবালের শব্দে ডাইনিং রুমের কাচের গ্যাস ও ডিশেরা যেন ভয়ে কাঁপতে লাগলো—বৈমাত্র ভাই ধুম করে মার শ্রাদ্ধ কচ্চেন দেখে জাতিত্ব নিবন্ধন হিংসাতেই ব্রাহ্মধর্ম কাদতে লাগলেন, দেখে অ্যাম্বিশন হাসতে লাগলেন।

ক্রমে মালাচন্দন ও দানসামগ্রী উচ্ছুগ্ণ হলে সভা ভঙ্গ হলো। কেস্তন বিদায় হলেন, ব্রাহ্মণভোজন আরম্ভ হলো। কল্‌কেতার ব্রাহ্মণভোজন দেখতে বেশ,—হজুররা আতুড়ের স্কুদে মেয়েটিকেও বাড়িতে রেখে ফলার কস্তে আসেন না—যার যে কটি ছেলেপুলে আছে, ফলারের দিন সেগুলি সব বেরোবে—এক এক

জন কলারযুথো বায়ুনকে ক্রিয়েবাড়িতে চুকতে দেখলে হঠাৎ বোধ হয় ম্যান গুরুমশাই পাঠশাল তুলে চলেচেন! কিন্তু বেরোবার সময় বোধ হয় এক একটা সন্ধার ধোপা—লুচিমোণ্ডার মোটটি একটা গাধায় বইতে পারে না! ব্রাহ্মণরা সিকি, ছয়ানি ও আছলি দক্ষিণে পেয়ে বিদেয় হলেন; ছই মাখান এঁটো কলাপাত, ভাজা খুরি ও আঁবের আঁটির নীলগিরি হয়ে গ্যালো! মাছিরা ভ্যান ভ্যান করে উড়তে লাগলো—কাক ও কুকুররা টাঁকতে লাগলো,—সামিয়ানায় হাওয়া বন্ধ হয়ে গ্যাচে! স্মুতরাং জল সপ্‌সপানি ও লুচি মণ্ডা দই ও আঁবের চপটে এক রকম ভ্যাপসো গন্ধে বাড়ি মাতিয়ে তুলে—সে গন্ধ ক্রিয়েবাড়ির ফেরত লোক ভিন্ন অণ্ডে হঠাৎ আঁচতে পার্বেন না।

এদিকে বৈকালে রাস্তায় “কাজালী” জমতে লাগলো, যত সন্ধ্যা হতে লাগলো ততই অন্ধকারের সঙ্গে কাজালী বাড়তে লাগলো—ভারী, দোকানদার, উড়ে বেহারা, রেও ও গুলিখোরেরা কাজালীর দলে মিশতে লাগলেন; জনতার ও! ও! রো! রো! শব্দে পাড়া প্রতিধ্বনিত হতে লাগলো; রাত্তির সাতটার সময় কাজালীদের বিদেয় করবার জম্ম প্রতিবাসী ও বড় বড় উঠানওয়ালা লোকেদের বাড়ি পোরা হলো; আঁবের অধ্যক্ষরা থলো থলো সিকি, আছলি, ছয়ানি ও পয়সা নিয়ে দরজায় দাঁড়ালেন; চলতি মশাল, লঠন ও “আও!” “আও!” রাস্তায় রাস্তায় কাজালী ডেকে ব্যাড়াতে লাগলো; রাত্তির তিনটে পর্যন্ত কাজালী বিদেয় হলো। প্রায় ত্রিশ হাজার কাজালী জমেছিল, এর ভিতর অনেকগুলি গর্ভবতী কাজালিনীও ছিল, তারা বিদেয়ের সময় প্রসব হয়ে পড়াতে নম্বরে বিস্তর বাড়ে!

বাজালী বিদেয়ের দিন দলস্থ নবশাখ, কায়স্থ ও বৈজ্ঞদের জলপান। ফলারে কেউই ফ্যালা যায় না; বায়ুন ও রেওদের মধ্যে য্যামন তুখোড় ফলারে আছে, কায়েত নবশাখ ও বন্ধিদের মধ্যেও ততোধিক। বরং কতক বিষয়ে এঁদের কাছে সার্টিফিকেটওয়ালা ফলারেরা কছে পায় না!

সহরের কারু বাড়ি কোন ক্রিয়েকর্ম উপস্থিত হলে বাড়ির ক্ষুদে ক্ষুদে ছেলেরা চাপকান, পায়জামা, টুপি ও পেটি পরে, হাতে লাল ক্রমাল বুলিয়ে—ঠিক যাত্রার নকীব সঙ্গে দলস্থ ও আক্ষীয় কুটুম্বদের নেমস্তম্ভে কতে বেরোন। এর মধ্যে বড়মানুষ বা শাসে জলে হলে সঙ্গে পেশাদার নেমস্তম্ভে বায়ুন থাকে। অনেকের বাড়ির সরকার বা দাদাঠাকুরগোছের পুজুরী বায়ুনেও চলে। নেমস্তম্ভে বায়ুন বা সরকার রামগোছের এক ফর্দ হাতে করে কাণে উডেন্‌ প্যানিল গুঁজে পান চিবুতে চিবুতে নেমস্তম্ভে সেরে যান—ছেলেটি কেবল টু কাপির সহায়ের মতন সঙ্গে থাকে।

আজকাল ইংরেজি কেতার প্রাক্তর্জাবে অনেক সাপটা ফলার বা জোজে যেতে লাইক করেন না। কেউ ছেলেপুলে পাঠিয়ে সারেন, কেউ স্বয়ং বাগানে বাবার সময় ক্রিয়েবাড়ি হয়ে বেড়িয়ে যান—কিছু আহার কস্তে অল্পরোধ করে ভয়ানক রোগের ভাগ করে কাটিয়ে ছান, অথচ বাড়িতে এক জোড়া কৃষ্ণকর্ণের আহার তল পেয়ে যায় - হাতিশালের হাতী ও ঘোড়াশালের ঘোড়া খেয়েও পেট ভরে না !

পাঠক ! আমরা প্রকৃত ফলারদাস। লোহার সঙ্গে চুঘুক পাথরের যে সম্পর্ক, আমাদের সহিত লুচিরও সেইরূপ—তোমার বাড়িতে ফলারটা আসটা জমলে অল্পগ্রহ করে আমাদের ভুলো না—আমরা মুনকে রঘুর ভাই ! ফলারের নাম শুনে আমরা নরক ও জেলে পর্য্যন্ত যাই ! সে বার মৌলুবী হালুম হোসেন খাঁ বাহাছরের ছেলের স্মৃতে ফলার করে এসেচি। হিন্দুধর্মছাড়া কাণ্ড বিধবা বিয়েতেও পাত পাতা গিয়েচে। আর কল্কেতার ব্রাহ্মসমাজের জন্মতিথি উপলক্ষে ১১ই মাঘ পোপ দেবেন্দ্রনাথ ঠাকুর দি কাঠের বাড়িতে যে বছর বছর একটা অল্পকেন্দ্র হয়, তাতেও প্রসাদ পেয়েচি ! ভাল কথা ! ঐ ব্রাহ্মভোজের দিন ঠাকুরবাবুর মাঠের মত চণ্ডীমণ্ডপে ব্রাহ্ম ধরে না, কিন্তু প্রতি বুধবারে উপাসনার সময় সমাজে কেবল জন দশ বারোকে চক্ষু বুজে ঘাড় নাড়তে ও সুর করে সংস্কৃত তাজিয়া পড়তে দেখতে পাই, বাকিরা কোথায় ? তাঁরা বোধ হয়, পোষাকী ব্রাহ্ম ! না আমাদের মত যজ্ঞির বিড়াল ?

এ সওয়ায় আমাদের ফলারের বিস্তর ডিপ্লোমা ও সার্টিফিকেট আছে ; যদি ইউনিভার্সিটিতে বি, এ, ও বি, এলের মত ফলারের ডিগ্রী স্থির হয়, তা হলে আমরা তার প্রথম ক্যান্ডিডেট !

রমাপ্রসাদ বাবুর মার সপিণ্ডনের জলপানে আড়ম্বর বিলক্ষণ হয়েছিল—উপচারও উত্তম রকম আহরণ হয়। সহরের জলপান দেখতে বড় মন্দ নয়, এক তো মধ্যাহ্নভোজন বা জলপান রাত্তির ছুই প্রৈহর পর্য্যন্ত ঠেল মারে, তাতে নানা রকম জানওয়ারের একত্র সমাগম। ঘাঁরা আহার কস্তে বসেন, সেগুলির পা প্রথম ঘোড়ার মত নালাবান বোধ হবে, ক্রমে সমীচীনরূপে দেখলে বুঝতে পার্কেন যে কৰ্মকর্তা ও ফলারের সঙ্গীদের প্রতি এমনি বিশ্বাস যে জুতো জোড়াটি খুলে বসতে ভরসা হয় না !

শেষে কায়স্থের ভোজ মহাডম্বরে সম্পন্ন হলো। কুলীনরা পর্য্যায় মত কুই মাছের মুড়ো ও মুণ্ডী পেলেন—এক একটা আদবুড়া আকিমখোর কুলীনের মাছের মুড়ো চিবোনো দেখে কুদে কুদে ছেলেরা ভয় পেতে লাগলো। এক এক জনের

পাত গো-ভাগাড়কে হারিয়ে দিলে ! এই প্রকারে প্রায় পোনের দিন সমারোহের পর রমাপ্রসাদের মার সপিণ্ডের ধুম চুকলো—হজুকদারেরা জিরুতে লাগলেন ।

যে সকল মহাপুরুষ দলপতিরা সভাস্থ হন নাই, তাঁরা আপনার আপনার দলে ঘোঁট পাড়িয়ে দিলেন—অনেক ভট্‌চাষি বিদেয় নিয়ে ফলার মেরে এসেও শেষে শ্রীশ্রী ৩ ধর্মসভার উমেদারের প্রপৌত্তুরদের দলের দলপতির কাছে গঙ্গাজল ছুঁয়ে শালগেরামের সামনে দিবি কস্তে লাগলেন যে তিনি অ্যাদিন সহরে আছেন কিন্তু রমাপ্রসাদ রায় যে কে, তাও তিনি জানেন না, তিনি শুদ্ধ বাবুই জানেন ! আর তাঁর ঠাকুর (স্বর্গীয় তর্কবাচস্পতি খুড়া) মরবার সময় বলে গিয়েছেন যে “ধর্ম অবতার ! আপনার মত লোক আর এ জগতে নাই !” এ সওয়ায় অনেক শূণ্য উপাধিধারী হজুরেরা ধরা পড়লেন, গোবর খেলেন, শ্রীবিষ্ণু স্মরণ কল্লেন ও ভুরু কামালেন ।

কল্কেতায় প্রথম বিধবা বিবাহের দিন বালী উতোরপাড়া অশ্বিকে ও রাজপুর অঞ্চলের বিস্তর ভট্‌চাষিরা সভাস্থ হন—ফলার ও বিদেয় মারেন, তার পর ক্রমে গাটাকা হতে আরম্ভ হন, অনেকে গোবর খান, অনেকে সভাস্থ হয়েও বলেন, আমি সে দিন শয্যাগত ছিলাম !

যত দিন এই মহাপুরুষদের প্রাত্তর্ভাব থাকবে, তত দিন বাঙ্গালির ভদ্রস্বতা নাই ; গৌসাইরা হাড়ী, যুচি ও যুদ্ধফরাস নিয়ে বেঁচে আছেন, এই মহাপুরুষরা গোটা কত হতভাগা গৌমূর্থ কায়স্থ ব্রাহ্মণ দলপতির জোরে আজও টিকে আছেন ; এঁরা এক এক জন চারামজাদকি ও বজ্জাতির প্রতিমূর্তি, এদিকে এমনি সজ্জাগজ্জা করে ব্যাড়ান যে হঠাৎ কার সাধ্য অন্তরে প্রবেশ করে,—হঠাৎ দেখলে বোধ হয় অতি নিরীহ ভদ্রলোক ; বাস্তবিক, সে কেবল ভড়ং ও ভণামো ।

রসরাজ ও যেমন কর্ত্ত তেমনি ফল

রমাপ্রসাদ রায়ের মার সপিণ্ডে সভাস্থ হওয়ায় কোন কোনখানে তুমুল কাণ্ড বেধে উঠলো—বাবা ছেলের সঙ্গে পৃথক হলেন । মামী ভাগ্নেকে হাঁটলেন—ভাগ্নে মামীর চির-অন্নপালিত হয়েও চিরজয়ের কৃতজ্ঞতার ছাই দিয়ে বিলক্ষণ বিপক্ষ হয়ে পড়লেন ! আমরা যখন ইস্কুলে পড়তুম, তখন সহরের এক বড়মানুষ সোনারবেণেদের বাড়ির শঙ্কুবাবু বলে একজন আমাদের ক্লাসফ্রেণ্ড ছিলেন । এক দিন তিনি কথায়

কথার বয়েন যে “কাল ডাজে আমি ভাই আঘাড ত্রীকে বর ঠাট্টা কড়েচি, সে আঘাড বয়ে তুমি হুমান, আমি অমনি কসু কড়ে বলুম জোড় খণ্ড হুমান।” ভাগনে বাবুও সেই রকম ঠাট্টা আরম্ভ করলেন। “রসরাজ” কাগজ পুনরায় বেরুলো; খেঁউড় ও পচালের স্রোত বইতে লাগলো। এরি দেখাদেখি এক জন সংস্কৃত কালেজের কৃতবিদ্য ছোকরা ব্রাহ্মধর্ম ও কালেজ এডুকেশন মাধ্যম তুলে “য্যামন কর্ম তেমনি ফল” নামে “রসরাজের” জুড়ি এক পচাল-পোরা কাগজ বার করলেন—রসরাজও তেমনি, ফলে নড়াই বেধে গ্যালো। ছই দলে কুতান্ন ও সেনা সংগ্রহ করে সমরসাগরে অবতীর্ণ হলেন,—ইস্কুল বয়েরা ছুরি ছুরি নির্বুন্ধি দলবল সংগ্রহ করে কুরপাণ্ডবযুদ্ধ ঘটনার স্থায় ভিন্ন ভিন্ন দলে মিলিত হলেন—ছবুন্ধিপরায়েণ ক্যারানী, কুটেল ও বাজে লোকেরা সেই কদর্য রস পান করবার জন্য কাক, কবুন্ধ ও শৃগাল শকুনির মত রণস্থল জুড়ে রইলো। রসরাজ ও তেমনি ফলের ভয়ানক সংগ্রাম চলতে লাগলো—“পীর গোরান্টাদের ম্যালা” “পীরী জন্মবিবরণ” “ছোড়া-ভূত” ও “ব্রহ্মদৈত্যের কথোপকথন” প্রভৃতি প্রস্তাবপরিপূর্ণ রসরাজ প্রতিদিন পাঁচ শ। হাজার! ছ হাজার! কাপি নগদ বিক্রি হতে লাগলো! কিন্তু “ব্রাহ্ম-ধর্ম” মাসে একখানাও ধারে বিক্রি হয় কি না সন্দেহ, “তিলোস্তমা” ও “সীতার বনবাসের” খদ্দের নাই! কিছু দিন এই প্রকার লড়াই চল্চে, এমন সময় গবর্মেণ্ট বাদী হয়ে কদর্য প্রস্তাব লিখন অপরাধে রসরাজসম্পাদকের নামে পুলিশে নালিশ করলেন; “য্যামন কর্ম”ও পাছে তেমনি ফল পান এই ভয়ে গা ঢাকা দিলেন; “রসরাজের” দোয়ার ও খুলীরে, মূল গায়নকে মজলিসে রেখে “চাচা আপনা বাঁচা” কথাটি স্মরণ করে মের্দোম ও মন্দিরে ফেলে চম্পট দিলে। ভাগনে বাবু (ওরফে মিস্তির খুড়ো) সফিনের ভয়ে অন্দর মহলের পাইখানা আশ্রয় করলেন—গিরিবর ক্ষেত্রমোহন বিচারত্ব চামর ও নৃপূর নিয়ে তিন মাসের জন্য হরিখবাড়ি ঢুকলেন। “পীর গোরান্টাদের” বাকি গীত সেইখানে গাওয়া হলো। পাতরভাঙ্গা হাতুড়ির শব্দ, বেতের পটাং পটাং ও বেড়ির বুম্‌বুমানি মন্দিরে ও মূদজের কাজ করে—করেদীরা বাজে লোক সেজে “পীরের গীত” শুনে মোহিত হয়ে বাহবা ও প্যালা দিলে; “খেলেম দই রমাকান্ত বিকারের ব্যালা গোবর্ধন”—যে ভাবাকথা আছে, ভাগনে বাবু (ওরফে মিস্তির খুড়ো) ও রসরাজসম্পাদকে সেইটির সার্থকতা হলো। আমরাও ক্রমে বৃড়ো হয়ে পড়লেম, চসমা ভিন্ন দেখতে পাই নে।

বুজুরুকি

পাঠক ! আমাদের হরিভদ্রর খুড়ো কায়স্থ মুখী কুলীন, দেড় শ হিলিম সীমা প্রত্যহ জলযোগ হয়ে থাকে, থাকবার নির্দিষ্ট বাড়ি ঘর নাই, সহরে খানকী মহলে অনেকের সঙ্গে আলাপ থাকায় শোবার ও খাবার ভাবনা নাই, বরং আদর করে কেউ “বেয়াই” কেউ “জামাই” বলে ডাকতো। আমাদের খুড়ো কলার মাত্রেই পাদ্ধুলো ছান ও লুচিটে সন্দেশটা বেঁধে আনতেও কসুর করেন না ; এমন কি তাগে পেলো চলনসই জুতোজোড়াটাও ছেড়ে আসেন না। বলতে কি আমাদের হরিভদ্রর খুড়ো একরকম সবলোট্ গোছের ভদ্রর লোক ! খুড়ো উপস্থিত হয়েই এ কথা সে কথার পর বলেন যে, আর শুনেছ আমাদের সিম্লে পাড়ায় এক মহাপুরুষ সন্ন্যাসী এসেছেন—তিনি সিদ্ধ,—তিনি সোনা তৈরি কস্তে পারেন—লোকের মনের কথা শুনে বলেন—পারাতন্ত্র খাইয়ে সে দিন গঙ্গাতীরে একটা পচা মড়াকে বাঁচিয়েছেন, ভারি বুজুরুক ! কিন্তু আমরা ক বার কটি সন্ন্যাসীর বুজুরুকি ধরেছি, গুটিকত ভূতচালার ভূত উড়িয়ে দিয়েছি, আর আমাদের হাতে একটি জোছোরের জোছুরি বেরিয়ে পড়ে।

যখন হিন্দুধর্ম প্রবল ছিল, লোকে দ্রব্যগুণ, কিমিয়া ও ভূততত্ত্ব জানতো না, তখনই এই সকলের মাশ্র ছিল। আজকাল ইংরাজি লেখাপড়ার কল্যাণে সে গুড়ে বালি পড়েছে, কিন্তু কল্কেতা সহরে না দেখা যায়, এমন জিনিষই নাই ; না আসেন, এমন দেবতাই নাই ; সুতরাং কখন কখন “সোনা করা” “ছেলে করা” “নিরাহার” “ভূত নাবানো” “চণ্ডসিদ্ধ” প্রভৃতির পেটের দায়ে এসে পড়েন, অনেক জায়গায় বুজুরুক দ্যাখান, শেষ কোথাও না কোথাও ধরা পড়ে বিলক্ষণ শিক্ষা পেয়ে যান।

হোসেন খাঁ

বছর চার পাঁচ হলো, এই সহরে হোসেন খাঁ নামে এক মোছলমান বহু কালের পর এই রকম ভয়ানক আড়ম্বরে ছাখা ছান—তিনি হজরত জিনিয়াই সিদ্ধ ! (পাঠকরা আরব্য উপন্যাসের আলাদিন ও আশ্চর্য্য প্রদীপের কথা স্মরণ করুন)— “যা মনে করেন, সেই জিনিষই জিনি যাঁরা আনাতে পারেন, বাস্তব ভেতর থেকে

খড়ি, আংটি, টাকা উড়িয়ে ছান, নদীজলে চাবির খলো কেলে বিয়ে জিনির খারা তুলে আনান" প্রভৃতি নানা প্রকার অদ্ভুত কৰ্ম কন্তে পারেন।

ক্রমে সহরে সকলেই হোসেন খাঁর কথার আন্দোলন কন্তে লাগলেন— ইংরেজি কেতার বড় দলে হোসেন খাঁর খবর হলো। হোসেন খাঁ আজ রাজ্য বাহাছরের বাগানে বায়ের ভেতর থেকে টাকা উড়িয়ে দিলেন, উইলসনের হোটেল থেকে খাবার উড়িয়ে আনলেন, বোতল বোতল শ্রামপিনু, দোমা দোমা গোলাবি খিলি ও দালিম, কিস্মিস্ প্রভৃতি হরেকরকম খাবার জিনিষ উপস্থিত কল্লেন। কাল—রায় বাহাছরের বাড়িতে কমলালেবু, বেলকুলের মালা, বরফ ও আচার আনলেন—যাঁরা পরমেশ্বর মান্তেন না, তাঁরাও হোসেন খাঁকে মান্তে লাগলেন। ভাষায় বলে "পাথরে পুঞ্জিলে পাঁচে পীর হয়ে পড়ে" ক্রমে হোসেন খাঁ বড় বড় কাশ্মীরী উল্লুক ঠকাতে লাগলেন। অনেক জায়গায় খোরাকি বরাদ্দ হলো। বুজুকি ছাখবার জন্ত দেশ দেশান্তর থেকে লোক আসতে লাগলো—হোসেন খাঁর প্রিমিয়ম বেড়ে গ্যালো।

জুচুরি চিরকাল চলে না। "দশ দিন চোরের, এক দিন সেধের," ক্রমে ছুই এক জায়গায় হোসেন খাঁ ধরা পড়তে লাগলেন—কোথাও ঠোনাটা ঠানাটা, কোথাও কাণমালা, শেষ প্রহার পর্যন্ত বাকি রইলো না। যাঁরা তাঁরে পূর্বে দেবতা-নির্বিশেষে আদর করেছিলেন, তাঁরাও ছ এক ঘা দিতে বাকি রাখলেন না; কিছু দিনের মধ্যেই জিনি-সিদ্ধ হোসেন খাঁ পৌস্তলিকের আন্ধের দাগা ধাঁড়ের অবস্থায় পড়লেন; যাঁরা আদর করে নিয়ে যান, তাঁরাই দাগী করে বার করে ছান, শেষে সরকারী অতিতশালা আশ্রয় কল্লেন—হোসেন খাঁ জেলে গ্যালেন! জিনি পাতাল আশ্রয় কল্লেন।

ভূত নাবানো

আর এক বার যে আমরা ভূত নাবানো দেখেছিলেম, সেও বড় চমৎকার। আমাদের পাড়ার এক স্তাকরাদের বাড়িতে এক জনের বড় ভয়ানক রোগ হয়; স্তাকরারা বিলক্ষণ সঙ্গতিপন্ন, স্তুরাং রোগের চিকিৎসা কন্তে ক্রটি কল্লেন না, ইংরেজি ডাক্তর বন্দি ও হাকিমের মেলা করে কল্লেন; প্রায় তিন বৎসর ধরে চিকিৎসে হলো, কিন্তু রোগের কেই কিছুই কন্তে পারেন না, রোগ ক্রমশ বৃদ্ধি কন্তে দেখে

বাড়ির মেয়ে মহলে—তুলসী দেওয়া—কালীঘাটে মস্তেন—কালঠেরবের ছব পাঠ—
ভুক্তাক্—সাকরিদ্—নারাণ—বালওড়—বালসী—শোপুর—মুলপুর ও হালুমপুর
প্রকৃতি বিখ্যাত বিখ্যাত জায়গার চন্নামেস্তো ও মাহুলি ধারণ হলো—তারকেধরে
হত্যে দিতে লোক গ্যালো—বাড়ির বড় গিন্নি কালীঘাটে বুক চিরে মাথায় ও হাতে
খুনো পোড়াতে গেলেন—শেষে এক জন ভূতচালা আনা হয়।

ভূত চালার ভূতের ডাক্তারি পর্য্যন্ত করা আছে। আজকাল ছ এক বালালি
ডাক্তার মধ্যে মধ্যে পেশেন্টের বাড়ি ভূত সেজে জাখা ছান—চাদরের বদলে দড়ি ও
পেরেক সহিত মশারি গায়ে কখন বা উলঙ্গ হয়েও আসেন, কেবল মস্তের বদলে চার
পাঁচ জন রোজায় ধরাধরি করে আনতে হয়। এঁরা কল্কেতা মেডিকেল
কলেজের এজুকেটেড ভূত।

ভূতচালা চণ্ডীমণ্ডপে বাসা পেলেন, ভূত আসবার প্রোগ্রাম স্থির হলো—আজ
সন্ধ্যার পরেই ভূত নাবেন, পাড়ার ছ চার বাড়িতে খবর দেওয়া হলো—ভূত মনের
কথা ও রুগীর ঔষধ বলে দেবে। ক্রমে সন্ধ্যা হয়ে গ্যালো, কুটিওয়ালারা ঘরে
ফিল্লেন—বারফট্কারা বেকুলেন, বিগ্রহরা উত্তরাটি কায়েতদের মত (দর্শন মাত্র)
শেতল খেলেন, গীর্জের ঘড়িতে টুং টাং চং করে নটা বেজে গ্যালো, গুম্ করে তোপ
পড়লো। ছেলেরা “ব্যোম্ কালী কল্কেতাওয়ালী” বলে হাততালি দে উঠলো—
ভূতনাবানো আসরে নাবলেন।

আমাদের প্রতিবাসী ভূত নাবানোর কথা প্রমাণ ও বাড়ির গিন্নিদের মুখে শুনে
ভূতের আহাৰ জন্ত আয়োজন কস্তে ক্রটি করে নাই ; বড়বাজারের সমস্ত উত্তমোত্তম
মেঠাই, ক্ষীরের নানা রকম পেয় ও লেছুরা পদার্পণ করেন—বোধ হয়, আমাদের
মত প্রকৃত ফলার্যের দশ জনে তাঁদের শেষ কস্তে পারে না, রোজা ও তাঁর ছই
চেলায় কি কর্বেন ! রোজা ঘরে ঢুকে একটি পিঁড়িয় বসে ঘরের ভিতরে সকলের
পরিচয় নিতে লাগলেন—অনেকের আপাদমস্তক ঠাউরে দেখে নিলেন—ছই এক
জন কলেজবয় ও মোটা মোটা লাঠিওয়ালা নিমন্ত্রিতদের প্রতি তাঁর যে বড় ঘৃণা
জন্মেছিল, তা তাঁর সে সময়ের চাউনিতেই জানা গ্যালো।

রোজার সঙ্গে ছটি চ্যালা মাত্র, কিন্তু ঘরে প্রায় জন চাল্লিশ ভূত দেখবার উমেদার
উপস্থিত, সুতরাং ভূত প্রথমে আসতে অস্বীকার করেছিলেন, তছপলকে রোজাও
“কাল ও কুশানীর” উপলক্ষে একটু রক্ততা কস্তে ভোলেন নাই—শেষে দর্শকদের
প্রসাদ শুক্তি ও ঘরের আলো নিবিয়ে অন্ধকার করবার সম্মতিতে রোজা ভূত
আনতে রাজি হলেন—চ্যালারা খাবার দাবার সাজানো খালা ঘেঁষে বসলেন, দরজায়

হঁড়কো পড়লো—আলো নিবুয়ে দেওয়া হলো ; রোজা কোশাকুশি ও আসন নিয়ে শুকাচারে ভূত ভাক্তে বসলেন, আমরা ভূতের ভয়ে আড়ষ্ট হয়ে বারোইয়ারির গুদমজাত সংগুলির মত অঙ্ককারে বসে রইলেম।

পাঠক ! আপনার স্মরণ থাকতে পার, আমরা পূর্বেই বলেছি যে, আমাদের ঠাকুরমা ভূত ও পেড়ীর ভয় নিবারণের জন্ত একটি ছোট জয়টাকের মত মাহুলিতে ভূকৈলেশের মহাপুরুষের পায়ের ধূলো পুরে আমাদের গলায় কুলিয়ে ছান—তা সওয়ার আমাদের গলায় গুটি বারো রকমারি পদক ও মাহুলি ছিল, ছটি বাগের নখ ছিল, আর কুমীরের দাঁত, মাছের ঝাঁশ ও গণ্ডারের চামড়াও কোমরের গোটে সাবধানে রাখা হয়। আর হাতে একখানা বাজুর মত কবচ ও তারকেশ্বরের উদ্দেশ্যে সোনার তাগা বাঁধা ছিল। খুব ছেলেবেলা আমাদের এক বার বড় ব্যায়রাম হয়, তাতেই আমাদের পায়ে একটি চোরের সিঁদের বেড়ি পরিয়ে দেওয়া হয় ও মাথায় পঞ্চানন্দের একটি জট থাকে, জটটি তেল ও ধূলোতে জড়িয়ে গিয়ে রামছাগলের গলার স্কুড়ীর মত কুলতো, কিন্তু আমরা ইস্কুলের অবস্থাতেই অল্প বয়সে অ্যাম্বিশনের দাস হয়ে ব্রাহ্মসমাজে গিয়ে একখানা ছাবানো হেডিংওরালা কাগজে নাম সই করি ; তাতেই শুনলেম যে, আমাদের ব্রাহ্ম হওয়া হলো, সুতরাং তারই কিছু পূর্বে ইস্কুলের পণ্ডিতের মুখে মহাপুরুষের তর্দশা শুনে সেগুলি খুলে কেলেছিলেম, আজ সেইগুলির আবার স্মরণ হলো, মনে কল্লেম যদি ভূত নাবানো সত্যই হয়, তা হলে সেইগুলি পোরে আসতে পাল্লে ভূতে কিছু কস্তে পার্বে না—এই বিবেচনা করে সেইগুলির তত্ত্ব কল্লেম, কিন্তু পাওয়া গ্যালো না—সেগুলি আমাদের পৌত্তুরের ভাতের সময় একটা চাকর চুরি করে ; চুরিটি ধরবার জন্ত চেষ্টারও জট হয় নি—গিন্নি শনিবারে একটা স্পুর্নি, পয়সা ও সওয়া কুনকে চেলের মুদো বাঁদেন, স্ত্রীপীর মা বলে আমাদের বহু কালের এক বুড়ি দাসী ছিল, সে সেই মুদোটি নে জানের বাড়ি যায়—জান গুণে বলে দেয় যে “চোর বাড়ির লোক, বড় কালও নয় বড় স্কুন্দরও নয়—শ্রামবর্ণ, মাহুলি একহারা, মাজারি গোঁপ, মাথায় টাক থাকতেও পারে, না থাকতেও পারে।” জানের গোপাতে আমাদের ও চাকরটিকেই বোঝায়, সুতরাং চাকরকেই চোর স্থির করে ছাড়িয়ে দেওয়া যায়, সুতরাং সে মাহুলিগুলি পাওয়া গ্যালো না, বরং ভূতের ভয় বেড়ে উঠলো।

ব্রাহ্ম হলেও যে ভূতে ধরবে না, এটিরও নিশ্চয় নাই—সে দিন কল্কেতার ব্রাহ্মসমাজের এক জন ডাইরেকটরের স্ত্রীকে ডাইনে পায়—নানা দেশ দেশান্তর

থেকে রোজা আনিয়ে কত বাড়ান বোড়ান, সবুধে পড়া, জল পড়া ও লড়া পড়া দিতে, তবে ভাল হয়—অনেক ব্রাহ্মণ বাড়িতে ভূতচতুর্দশীর প্রদীপ দিতে দেখা যায় !

এদিকে রোজা খানিক ক্ষণ ডাক্তে ডাক্তে ভূতের আসবার পূর্বলক্ষণ হতে লাগলো ; গোহাড়, টিল, ইট ও ছুতো হাঁড়ি বাড়ির চতুর্দিকে পড়তে লাগলো, ঘরের ভেতর গুপ্ গুপ্ করে য্যান কে নাচে বোধ হতে লাগলো, খানিক ক্ষণ এই রকম ভূমিকার পর মড়াসু করে একটা শব্দ হলো, ভূতের বসবার অন্ত ঘরের ভিতর যে পিঁড়েখানা রাখা হয়েছিল, শব্দে বোধ হলো সেইখানি ছুটির হয়ে ভেঙে গ্যালো—রোজা সভয়ে বলে উঠলেন—শ্রীষুত এসেচেন !

আমরা ছেলেব্যালা আমাদের বুড়ো ঠাকুরমার কাছে শুনেছিলাম যে, ভূতে ও পেড়ীতে খোনা কথা কয়, সেটি আমাদের সংস্কারবদ্ধ হয়ে গিয়েছিল ; আজ তার পরীক্ষা হলো—ভূত পিঁড়ে ফাটিয়েই খোনা কথা কইতে লাগলেন, প্রথমে এসেই কলেজবয়েদের দলের দুই এক জনের নাম ধরে ডাকলেন, তাদের নাস্তিক ও কৃষ্ণান বলে গাল দিলেন, শেষে ভূতছনিবন্ধন ঘাড় ভাজবার ভয় পর্যন্ত ছাধাতে ক্রটি করেন নাই ; ভূতের খোনা কথা ও অপরিচিতের নাম বলাতেই বাড়ির কর্তা বড় ভয় পেলেন, জোড়হাত করে (অন্ধকারে জোড়হাত দেখা অসম্ভব, কিন্তু ভূত অন্ধকারে দিকি দেখতে পান, সুতরাং কর্মকর্তা অন্ধকারেও জোড়হাতে কথা কয়েছিলেন এ আমাদের কেবল ভাবে বোধ হলো) ক্ষমা চাইলেন, কিন্তু ভূত সর মর্ডান্ট ওয়েল্‌সের মত যা ধরেন, তার সমূলচ্ছেদ না করে ছাড়েন না, সুতরাং আমাদের ঘাড় ভাজবার প্রতিজ্ঞা অন্তথা হলো না, শেষে রোজা ও বুড়ো বুড়ো দর্শক ও বাড়িওয়ালার অনেক সাধ্য সাধনার পর ভূত মহোদয় বর্ষীবাঁটায় আগত নূতন জামাইয়ের মত যৎকিঞ্চিৎ জলযোগ কতে সম্মত হলেন, আমরাও পালাবার পথ আঁচতে লাগলো !

ছুটির চটকানো ও চিবানোর চপর চপর ও সাপটা ফলারের হাপুর হপূর শব্দ থামতে প্রায় আদ ঘণ্টা লাগলো, শেষে ভূত জলযোগ করে গাঁজা ও তামাক খাচ্ছেন, এমন সময় পাশ থেকে ওলাউঠো কুগীর বমির ভূমিকার মত উকির শব্দ শোনা যেতে লাগলো, ক্রমে উকির চোটে ভূতের বাকরোধ হয়ে পড়লো—বমি ! ছড় ছড় করে বমি ! গৃহস্থ মনে করলেন, ভূত মহাশয় বুকি বমি করছেন, সুতরাং তাড়াতাড়ি আলো জালিয়ে আনালেন, শেষে দেখি কি চ্যালা ও রোজা খোদই বমি করছেন, ভূত সরে গ্যাচেন—আমরা পূর্বে শুনি নে বে

সেরসের আগেচরে এক জন মেডিকেল কলেজের ছোকরা ছুতের স্তম্ভ সংগৃহীত উপচারে টারটামেটিক মিশিয়ে দিয়েছিলেন, রোজা ও চ্যালারা তাই প্রসাদ পাওয়াতেই তাঁদের এই হৃৎকশা ; সুতরাং ছুত নাবানোর উপর আমাদের যে ভক্তি ছিল, সেটুকু উৎপে গ্যালো ! সুতরাং শেষে আমরা এই স্থির কল্পে যে, ইংরাজি ছুতদের কাছে দিশী ছুত খবরে আসে না !

এ সওয়ায় আমরা আরও ছু চার জায়গায় ছুত নাবানো দেখেছি, পাঠকরাও বিস্তর দেখেচেন, সুতরাং সে সকল এখানে উত্থাপন করা অনাবশ্যক, “ছুত নাবানো” ও “হোসেন খাঁ” কেবল জুচ্চুরি ও ছুজুকের আনুসঙ্গিক বলেই আমরা উল্লেখ করি ।

নাককাটা বন্ধ

হরিভদ্রর খুড়োর কথা মত—এ সকল প্রলয় জুয়াচুরি জেনেও আমরা এক দিন সন্ধ্যার পর সিম্লে পাড়ার বন্ধবেহারি বাবুর বাড়িতে গেলুম, বেহারি বাবু উকীলের বাড়ীর হেড্ ক্যারাগী—আপনার বুদ্ধি ও কৌশলবলেই বাড়ি ঘর দোর ও বিষয় আশয় বানিয়ে নিয়েচেন, বারো মাস ঘায়ে ঘোয়ে ফেরেন—যে রকমে হোক কিছু আদায় করাই উদ্দেশ্য !

বন্ধবেহারি বাবু ছেলেবেলায় মাতামহের অল্পেই প্রতিপালিত হতেন, সুতরাং তাঁর লেখাপড়া ও শারীরিক তত্ত্বিরে বিলক্ষণ গাফিলি হয় । এক দিন মামার বাড়ি খেলা কস্তে কস্তে তিনি পাতকোর ভেতর পড়ে যান—তাতে নাকটি কেটে যায়, সুতরাং সেই অবধি সমবয়সীরা আদর করে “নাককাটা বন্ধবেহারি” বলেই তাঁরে ডাকতো, শেষে উকীলবাড়িতেও তিনি ঐ নামে বিখ্যাত হয়ে পড়েন । বন্ধবেহারি বাবুরা তিন ভাই, তিনি মধ্যম ; তাঁর দাদা সেলরদের দালালি কস্তেন, ছোট ভাইয়ের পাইকেরের দোকান ছিল । তিন ভাইয়েই কাঁচা পয়সা রোজগার করেন, জীবিকাগুলিও রকমারি বটে, সুতরাং নানাপ্রকার বদমায়েশ পান্নায় থাক্বে বড় বিচিত্র নয়—অল্প দিনের মধ্যেই বন্ধবেহারি বাবুরা সিম্লের একজন বিখ্যাত লোক হয়ে উঠ্ছিলেন, হঠাৎ কিছু সস্ততি হলে লোকের মেজাজ যেরূপ গরম হয়ে ওঠে, তা পাঠকরা বুঝতেই পারেন (বিশেষত আপনাদের মধ্যেও কোন্ না ছুই এক জন বন্ধবেহারি বাবুর অবস্থার লোক না হবেন) ক্রমে বন্ধবেহারি বাবু উদ্ভলোকের পক্ষে প্রকৃত জোলাপ হয়ে পড়লেন ।

হাইকোর্টের অ্যাটর্নীর বাড়ির প্যায়দা ও মালী পর্যন্ত আইনবাজ হয়ে থাকে, সুতরাং বহুবাহারি বাবু যে তুখোড় আইনবাজ হবেন তা পূর্বেই জানা গিয়েছিল— আইন আদালতের পরামর্শ, জাল জালিয়াতির তালিম, ইকুটির খোঁচ ও কমন্স লার প্যাচে—বহুবাহারি বাবু দ্বিতীয় শুভদর ছিলেন। শুভদর লোকমাত্রকেই তাঁর নামে ভয় পেতে হতো, তিনি আকাশে কাঁদ পেতে চাঁদ ধরে দিতে পারেন, হরকে নয় করেন, নরকে হয় করেন, এমন কি টেকচাঁদ ঠাকুরের ঠক্চাকাও তাঁর কাছে পরামর্শ নিতেন !

আমরা সন্ধ্যার পরে বহুবাহারি বাবুর বাড়িতে পৌঁছলাম। আমাদের বুড়ো রাম খোড়াটির মধ্যে মধ্যে বাতলেয়ার জ্বর হয়, সুতরাং আমরা গাড়ি চড়ে যেতে পারি নাই; রাস্তা হতে এক জন ঝাঁকা মুটে ডেকে তার ঝাঁকায় বসেই যাই; তাতে গাড়ির চেয়ে কিছু বিলম্ব হতে পারে। কিন্তু ঝাঁকা মুটে অপেক্ষা পহারাওয়ালাদের ঝোলায় যাওয়ায় আরাম আছে—তুখের বিষয় এই যে, সেটি সব সময় ঘটে না! পাঠকরা অনুগ্রহ করে যদি ঐ ঝোলায় এক বার সোয়ার হন, তা হলে জন্মে আর গাড়ি পাল্কি চড়তে ইচ্ছা হবে না; হাঁরা চড়েচেন, তাঁরাই এর আরাম জানেন—যেন ইস্প্রীংওয়ালার কোচ !

আমরা বহুবাহারি বাবুর বাড়িতে আরও অনেকগুলি শুভলোককে দেখতে পেলেম, তাঁরাও “সোনা করার” বুজুকি দেখতে সন্তোষ হয়েছিলেন। ক্রমে সকলের পরস্পর আলাপ ও কথাবার্তা থামলে সন্ন্যাসী যে ঘরে ছিলেন, আমাদেরও সেই ঘরে যাবার অনুমতি হলো। সে ঘরটি বহু বাবুর বৈঠকখানার লাগাও ছিল, সুতরাং আমরা সুস্থ পায়ের টুকলেম; ঘরটি চার কোণা সমান, মধ্যে সন্ন্যাসী বাগ্‌ছাল বিছিয়ে বসেচেন, সামনে একটি তিব্বত পোতা হয়েচে, পিতলের বাঘের উপর চড়া মহাদেব ও এক বাণলিঙ্গ শিব সামনে শোভা পাচ্ছেন, পাশে গাঁজার হাঁকো—সিদ্ধির কুলি ও আগুনের মালসা—সন্ন্যাসীর পেছনে দুজন চালা বসে গাঁজা খাচ্ছে, তার কিছু অন্তরে একটা হাপর, জাঁতা, হাড়ুড়ি ও হামামদিতে পড়ে রয়েছে—তাঁরাই সোনা তৈরির বাহ্যিক আড়ম্বর।

আমাদের মধ্যে অনেকে সন্ন্যাসীকে দেখে ভক্তি ও শ্রদ্ধার আধার হয়ে ভূমিষ্ঠ হয়ে প্রণাম করলেন, অনেকে নিমগোছের ঘাড় নোয়ালেন, কেউ কেউ আমাদের মত শুক্রমশারের পাঠশালার ছেলেদের স্তায় গণ্ডার এণ্ডার সার দিবে গোলে হরিখোলে সাগলেন—শেষে সন্ন্যাসী ঘাড় নেড়ে সকলকেই বসুতে বলেন।

যে মহাপুরুষদের কোশলে হিন্দুধর্মের জন্ম হয়, তাঁরাই বহু ! এই কন্দকাটা !

এই ব্রহ্মদত্তি ! এই রক্তদন্তী কালী—এই শেতলা ! ছেলোদের কথা দূরে থাকুক, বুড়ো মিলোদেরও ভয় পাইয়ে ছায় ! সন্ন্যাসী যে রকম সজ্জাগজ্জা করে বসে-ছিলেন, তাতে মান্নন বা নাই মান্নন, হিন্দুসন্তান মাত্রকেই শেওরাতে হয়েছিল ! হায় ! কালের কি মহিমা—সে দিন বার পিতামহ যে পাথরকে ঈশ্বরজ্ঞানে প্রণাম করেছে—মুক্তির অনন্তগতি জেনে ভক্তি করেছে, আজ তার পৌত্তুর সেই পাথরের ওপর পা তুলতে শক্তি হচে না ; রে বিশ্বাস ! তোর অসাধ্য কর্ম নাই ! যার দাস হয়ে এক বার একজনকে প্রাণ সমর্পণ করা যায়, আবার তারই কথায় তারে চিরশত্রু বিবেচনা হয়, এর বাড়ি আর আশ্চর্য্য কি ! কোন্ ধর্ম সত্য ? কিসে ঈশ্বর পাওয়া যায় ? তা কে বলতে পারে ! সুতরাং পূর্বে যারা ঘোরনাদী বজ্জে, জলে, মাটি ও পাথরে ঈশ্বর বলে পূজে গ্যাচে, তারা যে নরকে যাবে ; আর আমরা কি বুধবারে ঘণ্টাফাণেকের জন্ত চক্ষু বুজে ঘাড় নেড়ে কান্না ও গাওনা শুনে যে স্বর্গে যাব—তারই বা প্রমাণ কি ? সহস্র সহস্র বৎসরে শত শত তত্ত্ববিৎ ও প্রকৃতিজ্ঞ জ্ঞানীরা যাঁরে পাবার উপায় অবধারণে অসমর্থ হলো, আমরা যে সামান্য হীনবুদ্ধি হয়ে তাঁর অনুগৃহীত বলে অহঙ্কার ও অভিমান করি, সে কতটা নির্বুদ্ধির কর্ম ?—ব্রহ্মজ্ঞানী যেমন পৌত্তলিক, কুশ্চান ও মোসলমানদের অপদার্থ ও অসার বলে জানেন, তাঁরাও ব্রাহ্মদের পাগল ও ভণ্ড বলে স্থির করেন । আজকাল যেখানে যে ধর্মে রাজমুকুট নত হয়, সেখানে সেই ধর্মই প্রবল । কালের অব্যর্থ নিয়মে প্রতি দিন সংসারের যেমন পরিবর্তন হচে, ধর্ম সমাজ, রীতি ও নিয়মও অ্যাড়াচে না । যে রামমোহন রায় বেদকে মান্নন করে তার স্মৃত্ত্রে ব্রাহ্মধর্মের শরীর নির্মাণ করেচেন, আজ এক শ বছরও হয় নাই, এরই মধ্যে তাঁর শিষ্যরা সেটি অস্বীকার করেন—ক্রমে কুশ্চানীর ভণ্ডং ব্রাহ্মধর্মের অলঙ্কার করে তুলেচেন—আরও কি হয় ! এই সকল দেখে শুনেই বুঝি কতকগুলি ভদ্রলোক ঈশ্বরের অস্তিত্বে বিশ্বাস করেন না । যদি পরমেশ্বরের কিছুমাত্র বিষয়-জ্ঞান থাকতো, তা হলে সাদ করে “ছোড়ার ডিম” ও “আকাশকুসুমের” দলে গণ্য হতেন না ! সুতরাং এক দিন আমরা তাঁরে এক জন কাণ্ডজ্ঞানহীন পাড়ার্গেয়ে জমিদার বলে ডাকলেও ডাকতে পারি !

সন্ন্যাসী আমাদের বসুতে বলে অশ্রু কথা তোলবার উপক্রম কচ্চেন, এমন সময় বঙ্কবেহারি বাবু এসে ভূমিষ্ঠ হয়ে প্রণাম করেন—সে দিন বঙ্কবেহারি বাবু মাতার একটি জরির কাবুলী তাজ, গায়ে লাল গাজের একটি পিরাহান, “বেঁচে থাকুক বিদেশাগর চিরজীবী হয়ে” পেড়ে শান্তিপূরে ধূতি ও ডুরে উড়ুনি মাত্র ব্যবহার

করেছিলেন, আর হাতে একটি লাল রঙের ক্রমাল ছিল, তাতে রিং সমেত ষ্টিংকর্ত চাবি ঝুলচে।

বন্ধবেহারি বাবুর ভূমিকা, মিষ্ট আলাপ, নমস্কার ও শেক হ্যাণ্ড চুকলে পর তাঁর দাদা সন্ন্যাসীকে হিন্দিতে বুজিয়ে বলেন যে, এই সকল ভদ্র লোকেরা আপনার বুজুকি ও ক্যারামত দেখতে এসেছেন ; প্রার্থনা—অবকাশমত দুই একটা জাহির করেন—তাতে সন্ন্যাসীও কিছু কষ্টের পর রাজি হলেন। ক্রমে বুজুকির উপক্রমণিকা আরম্ভ হলো, বন্ধবেহারি বাবু প্রোগ্রাম স্থির করলেন, কিছুক্ষণ দেখতে দেখতে প্রথমে ঘটের উপর হতে একটি জ্বাফুল তড়াক করে লাফিয়ে উঠলো—ঘটের উপর থেকে জ্বাফুল বর্ষাকালের কড়কটো ব্যাঙের মত ধপাস করে লাফিয়ে উঠলো, সন্ন্যাসী তার দু হাত তফাৎ বসে রয়েছেন—এ দেখলে হঠাৎ বিস্মিত হতেই হয়, সুতরাং ঘরসুদ্ধ লোক খানিক ক্ষণ অবাক হয়ে রইলেন—সন্ন্যাসীর গম্ভীরতা ও দর্পভরা মুখখানি ততই অহঙ্কারে ফুলে উঠতে লাগলো ! এমন সময় এক জন চ্যালা এক বোতল মদ এনে উপস্থিত করলেন—মদ ছুদ হয়ে যাবে ; পাছে ডবল বোতল বা অল্প কোন জিনিষ বলে যদি দর্শকদের সন্দেহ হয়, তার জন্ত সন্ন্যাসী একটি নতুন সরায় সেই বোতলের সমুদায় মদটুকু ঢেলে ফেললেন, ঘর মদের গন্ধে তর হয়ে গ্যালো—সকলেরই স্থির বিশ্বাস হলো এ মদ বটে !

সন্ন্যাসী নতুন সরায় মদ ঢেলেই একটি ছলছল ছাড়লেন, ক্ষুদে ক্ষুদে ছেলেরা ঝাঁকে উঠলো, বুড়োদের বুক গুরু গুরু কতে লাগলো ; ক্রমে এক জন চ্যালা নিকটে এসে জিজ্ঞাসা কলে, “গুরু ! এ কটোরেমে ক্যা হয় ?” সন্ন্যাসী, “দুধ হো ব্যেটা !” বলে তাতে এক কুশি জল ফেলবামাত্র সরার মদ ছুদের মত সাদা হয়ে গ্যালো। আমরাও দেখে শুনে গাধা বনে গেলুম—এইরকম নানাপ্রকার বুজুকি ও কার্দ্দানির প্রকাশ হতে হতে রাত্তির এগারোটা বেজে গ্যালো, সুতরাং সকলের সম্মতিতে বন্ধ বাবুর প্রস্তাবে সে রাত্তির মত বেদব্যাসের বিশ্রাম হলো ; আমরা রাম রকমের একটি প্রণাম দিয়ে, একটি উল্লুক বয়ে বাড়িতে এলোম—একে ক্ষুধাও বিলক্ষণ হয়েছিল, তাতে আমাদের বাহন ঝাঁকামুটেটি যে রাতকাণা তাঁ পূর্বে বলে নাই, সুতরাং তার হাত ধরে গুটি গুটি করে উজোন আদ ফ্রোশ পথ ঠেলে তাকে কাঠের দোকানে পৌঁচে রেখে তবে বাড়ি যাই, ছুন্দের বিষয় আবার সে রাত্তিরে বেরালে আমাদের খাবারগুলি সব খেয়ে গিয়েছিল, দোকানগুলিও বন্ধ হয়ে গ্যাচে, সুতরাং ক্ষুধায় ও পথের কষ্টে আমরা হতভম্বা হয়ে সে রাত্তির অতিবাহিত করি।

আমরা পূর্বেই বলে এসেছি “দশ দিন চোরের এক দিন স্ত্রদের” ক্রমে অনেকেই বন্ধ বাবুর বাড়ির সন্ন্যাসীর কথা আন্দোলন কতে লাগলেন, শেষে এক দিন আমরা সন্ন্যাসীর জুচুরি ধস্তে স্থিরপ্রতিজ্ঞ হয়ে বন্ধ বাবুর বাড়িতে গেলাম ; পূর্বদিনের মত জ্বাফুল তড়াক করে লাফিয়ে উঠলো, এমন সময় এক জন মেডিকেল কালেক্টর বাঙ্গালা ক্লাসের বাঙ্গাল ছাত্র লাফিয়ে গিয়ে সন্ন্যাসীর হাত ধরে ফেলেন, শেষে ছড়োয়ুড়িতে বেরলো জ্বাফুলটি বালুঞ্চি দিয়ে তাঁর নখের সঙ্গে লাগান ছিল !

সংসারের গতিই এই, এক বার অনর্থের একটি ক্ষুদ্র ছিদ্র বেরুলে ক্রমে বহুলী হয়ে পড়ে, বালুঞ্চি বাঁধা জ্বাফুল ধরা পড়তেই সকলেই একত্র হয়ে সন্ন্যাসীর তোবড়া তুবড়ির খানাতল্লাসি কতে লাগলেন ; এক জন ঘুরতে ঘুরতে ঘরের কোণ থেকে একটা মড়া পাঁটা বার কল্লেন । সন্ন্যাসী এক দিন ছাগল কেটে প্রাণদান ছান ; সেই কাটা ছাগলটি সরাতে না পেরে ঘরের কোণেই (ফ্লোরওয়াল মেঝে নয়) পুঁতে রেখেছিলেন, তাড়াতাড়িতে বেমানুম করে মাটি চাপাতে পারেন নাই, পাঁটার একটি শিং বোরয়ে ছিল—সুতরাং এক জনের পায়ে ঠাাকাতেই সুসন্ধানে বেরুলো ! সন্ন্যাসী আমাদের সাক্ষাতে যে মদকে ছুদ করেছিলেন, সে দিন তারও জাঁক ভেঙ্গে গ্যালো, সেই মজলিশের এক জন সব আসিষ্ট্যান্ট সার্জন বলেন যে আমেরিকান রুম (মার্কিন আনীস) নামক মদে জল দেয়া মাত্র সাদা ছুদের মত হয় যায় । এই রকম ধরপাকড়ের পর বন্ধবেহারি বাবু ও সন্ন্যাসীকে অপ্ৰস্তুত করে আমরা রৈ রৈ করে ঘরের ছেলে ঘরে ফিরে গেলাম ; হরিভদর খুড়ো সন্ন্যাসীর পেতলের শিবটি কেড়ে নিলেন, সেটি বিক্রি করে নেপালে চরস কেনেন ও তাঁরও সেই দিন থেকে এই রকম বুজরুক সন্ন্যাসীদের ওপর অত্যাধা হয় ।

পূর্বে এই সকল অদৃষ্টচর ব্যাপারের যে রকম প্রাচুর্য ছিল এখন তার অংশে আদ গুণও নাই, আমরা সহরে কদিন কটা উর্দ্ধবাহু কটা অবধূত দেখতে পাই ? ক্রমে হিন্দুধর্মের সঙ্গে সঙ্গে এ সকল জুয়াচুরিরও লাঘব হয়ে আসচে, ক্রেতা ও লাভ ভিন্ন কোন ব্যবসাই স্থায়ী হয় না, সুতরাং উৎসাহদাতা বিরহেই এই সকল ধর্ম্মানুষ্ঠানিক প্রবন্ধনা উঠে যাবে, কিন্তু বল্কেতা সহরের এমনি প্রসবক্ষমতা যে এখনও এমন এক একটি মহাপুরুষের জন্ম দিচ্ছেন যে, তাঁরা যাতে এই সকল বদমায়েসি চিরদিন থাকে, যাতে হিন্দুধর্মের ভড়ং ও ভণ্ডামোর প্রাচুর্য বাড়ে, সহস্র সংস্কার্য পায়ের নীচে ক্যালে তার জন্মই শশব্যস্ত । এক জনরা তিন ভাই ছিল, কিন্তু তিনটিই পাগল, এক দিন বড় ভাই তার মাকে বলে যে, “মা । তোমার

গর্ভটি দ্বিতীয় পাগলাগারদ।” সেই রকম একদিন আমরাও কল্কেতা সঁহরকে “রত্নগর্ভা” বলেও ডাকতে পারি—কল্কেতার কি বড়মানুষ কি মধ্যাবস্থ এক এক জন এক একটি রত্ন !! এই দৃষ্টান্তে আমরা বাবু পদ্মলোচনকে বজলিসে হাজির কল্পেম।

বাবু পদ্মলোচন দত্ত

ওরফে

হঠাৎ অবতার

বাবু পদ্মলোচন ওরফে হঠাৎ অবতার ১১:২ সালে তাঁর মাতামহ নাউপাড়া-মুন্সুলীর মিত্তিরদের বাড়ি জন্ম গ্রহণ করেন। নাউপাড়ামুন্সুলী গ্রামখানি মন্দ নয়, অনেক কায়স্থ ও ব্রাহ্মণের বাস আছে; গাঁয়ের জমিদার মজফ্ফর খাঁ, মোছলমান হয়েও গরু জবাই প্রভৃতি ছুঙ্কর্মে বিরত ছিলেন, মোল্লা ও ব্রাহ্মণ উভয়কেই সমান দেখতেন—মানীর মান রাখতেন ও লোকের খাতির ও সেলামাঙ্কীর গুণা কস্তেন না, ফারসীতে তিনি বড় লায়েক ছিলেন, বাঙ্গলা ও উর্দুতেও তাঁর দখল ছিল; মজফ্ফর খাঁ গাঁয়ের জমিদার ছিলেন বটে, কিন্তু ধোপা নাপিত বন্ধ করা, হাঁকা মারা, ঢালা ফ্যালা ও বিয়ে ভাটির ছকুম হাকাম ও নিষ্পত্তি করার ভার মিত্তির বাবুদের ওপরই দেওয়া হয়। পূর্বে মিত্তির বাবুদের বড় জলজলাট ছিল, মধ্যে পরিবারের অনেকে মরে যাওয়ায় ভাগা ভাগা ও বহু গুটি নিবন্ধন কিঞ্চিৎ দৈন্যদশায় পড়তে হয়েছিল কিন্তু নিঃস্বহ হয়েও গ্রামস্থ লোকেদের কাছে মানের কিছুমাত্র ব্যত্যয় হয় নি।

পদ্মলোচনের জন্মদিনটি সামান্য লোকের জন্মদিনের মত অমনি যায় নি, সে দিন—হঠাৎ মেঘাডম্বর করে সমস্ত দিন অবিশ্রান্ত বৃষ্টি হয়—একটি সাপ আঁতুড়ঘরের দরজায় সমস্ত রাত্তির বসে ফৌস ফৌস করে, আর বাড়ির একটি পোষা টিয়েপাখি হঠাৎ মরে গিয়ে দাঁড়ে বুলে থাকে, পদ্মলোচনের পিতামহী এ সকল লক্ষণ শুভ নিমিত্ত বিবেচনা করে বড়ই খুসি হয়ে আপনার পরবার একখানি লালপেড়ে সাড়ি দাইকে বকসিস ছান, অভ্যাগত ঢুলী ও বাজন্দরেরাও একটি সিকি আর এক হাঁড়ি নারকেলনাড়ু পেয়েছিল। ক্রমে মহা আনন্দে আটকোড়ে সারা হলো, গাঁয়ের ছেলেরা “আটকোড়ে বাটকোড়ে ছেলে আছে ভাল; ছেলের বাবার দাড়িতে বসে

ইগ” বলে কুলো বাজিয়ে ফুটকড়াই, বাতাসা ও এক এক চক্চকে পয়সা নিয়ে আনন্দে বিদেয় হলো। গোভাগাড় থেকে একটা মরা গরুর মাথা কুড়িয়ে এনে আঁতুড়ঘরের দরজায় রেখে “দোরঘণ্টী” বলে হলুদ ও দুর্বেদা দিয়ে পূজা করা হলো। ক্রমে ১৫ দিন ২০ দিন এক মাস সম্পূর্ণ হলে গাঁয়ের পঞ্চানন্দতলায় বর্ষীয় পূজা দিয়ে আঁতুড় ওঠানো হয়।

ক্রমে পদ্মলোচন তিথিগত চাঁদের মতন বাড়তে লাগলেন। গুলিডাঙা, কপাটি কপাটি, চোর চোর, তেলী হাত পিছলে গেলি প্রভৃতি খ্যালায় পদ্মলোচন প্রসিদ্ধ হয়ে পড়লেন। পাঁচ বছরে হাতে খড়ি হলো, গুরুমশায়ের ভয়ে পদ্মলোচন পুকুরপাড়ে, নলবনে ও বাঁশবাগানে লুকিয়ে থাকেন, পেট কামড়ানি ও গা বমি বমি প্রভৃতি অসুস্থশিলে রোগেরও অভাব রইলো না ; ক্রমে কিছু দিন এই রকমে যায়, এক দিন পদ্মলোচনের বাপ মলেন, তাঁর মা আশুন খেয়ে গ্যালেন, ক্রমে মাতামহ, মামা ও মামাতো ভেয়েরাও একে একে অকালে ও সময়ে সল্লেন, স্মৃতরাং মাতামহ মিত্তিরদের ভিটে পুরুষশূন্য প্রায় হলো ; জমিজমাগুলি জয়কৃষ্ণের মত জমিদারে কতক গিলে ফেলেন, কতক খাজনা না দেওয়ায় বিকিয়ে গ্যালো, স্মৃতরাং পদ্মলোচনকে অতি অল্প বয়সে পেটের জন্মে অদৃষ্ট ও হাতযশের ওপর নির্ভর কস্তে হলো। পদ্মলোচন কল্কেতায় এসে এক বাঁসাড়েদের বাসায় পেটভাতে ফাই ফরমাসু, কাপড় কৌচানো ও লুচি ভাজা প্রভৃতি কর্মে ভর্তি হলেন,—অবকাশ মত হাতটাও পাকান হবে—বিশেষতঃ কুঠেলরা লেখাপড়া শেখাবেন প্রতিশ্রুত হলেন।

পদ্মলোচন কিছু কাল ঐ নিয়মে বাঁসাড়েদের মনোরঞ্জন কস্তে লাগলেন ; ক্রমে ছ এক বাবুর অনুগ্রহ প্রাপ্তির প্রত্যাশায় মাথালো মাথালো জায়গায় উমেদারি আরম্ভ করলেন। সহরের যে বড়মাগুষের বৈঠকখানায় যাবেন প্রায় সর্বত্রই লোকারণ্য দেখতে পাবেন, যদি ভিতরকার খবর স্থান তা হলে পাওনাদার, মহাজন, উঠনোওয়ালো, দোকানদার, উমেদার, আইবুড়ো ও বেকার কুলীনের ছেলেই বিস্তর দেখতে পাবেন—পদ্মলোচনও সেই ভিড়ের মধ্যে একটি বাড়লেন ; ক্রমে অষ্ট প্রহর ঘণ্টার গরুড়ের মত উমেদারিতে অনবরত এক বৎসর হাঁটাহাঁটি ও হাজরের পর ছ চারখানা সই সুপারিসুও হস্তগত হলো ; শেষে এক সদয়হৃদয় মুচ্ছুদী আপনার হুঁসে একটি ওজোন সরকারী কর্ম দিলেন।

পদ্মলোচন কষ্টভোগের একশেষ করেছিলেন, ভদ্রলোকের ছেলে হয়েও কাপড় কৌচান, লুচি ভাজা, বাজার করা, জল তোলা প্রভৃতি অপকৃষ্ট কাজ স্বীকার কস্তে হয়েছিল ; ক্রমশঃ লুচি ভাজতে ভাজতে ক্রমে লুচিভাজায় তিনি এমনি তৈরি হয়ে

উঠলেন যে তাঁর মত লুচি অনেক ঘটক ও মেঠাইওয়ালার বায়ুনেও ভাঙতে পারেনা না। বাঁসাড়েঁরা খুসি হয়ে তাঁরে “মেকর” খেতাব ছায়, সুতরাং সেই দিন থেকে তিনি মেকর পদ্মলোচন দত্ত নামে বিখ্যাত হলেন।

ভাষ্যকথায় বলে “যখন যার কপাল ধরে মুস্তে বসে———” যখন পড়তা পড়তে আরম্ভ হয়, তখন ছাইমুটো ধলে সোনামুটো হয়ে যায়। ক্রমে পদ্মলোচন দত্তের শুভাদৃষ্ট ফলতে আরম্ভ হলো—মুচ্ছুদী অনুরোধ করে সিপসরকারী কর্ম দিলেন। সায়েবরাও দত্তজার চালাকি ও কাজের ছঁসিয়ারিতে সন্তুষ্ট হতে লাগলেন—পদ্মলোচন ততই সায়েবদের সন্তুষ্ট করবার অবসর খুঁজতে লাগলেন—একমনে সেবা কলে ভয়ঙ্কর সাপও সদয় হয়, পুরাণে পাওয়া যায় যে তপস্বী করে অনেকে হিন্দুদের ভূতের মত ভয়ানক দেবতাগুলোকেও প্রসন্ন করেছে। ক্রমে সায়েবরাও পদ্মলোচনের প্রতি সন্তুষ্ট হয়ে তাঁর ভাল করবার চেষ্টায় রইলেন; এক দিন হউসের সদরমেট কর্মে জবাব দিলে—সায়েবরা মুচ্ছুদীকে অনুরোধ করে পদ্মলোচনকে সেই কর্মে ভর্তি কলেন।

পদ্মলোচন সিপসরকার হয়েও বাঁসাড়েঁদের আশ্রয় পরিত্যাগ করেন নি, কিন্তু সদরমেট হয়ে সেখানে থাকা আর ভাল ছাখায় না বলেই অশ্রুত্র একটু জায়গা ভাড়া করে নিয়ে একটি খোলার ঘর প্রস্তুত করে রইলেন। কিন্তু এ অবস্থায় তাঁরে অধিক দিন থাকতে হলো না। তাঁর অদৃষ্ট শীঘ্রই লুচির ফোস্কার মত ফুলে উঠলো—বের জল পেলেন কনেরা য্যামন ফেঁপে ওটে, তিনিও তেমনি কাঁপতে লাগলেন। ক্রমে মুচ্ছুদীর সঙ্গে সায়েবদের বড় একটা বনিবনাও না হওয়ায় মুচ্ছুদী কর্ম ছেড়ে দিলেন, সুতরাং সাহেবদের অনুরোধের পদ্মলোচন বিনা টাকায় মুচ্ছুদী হলেন।

টাকায় সকলই করে! পদ্মলোচন মুচ্ছুদী হবামাত্র অবস্থার পরিবর্তন বুঝতে পারলেন, তার পরদিন সকালে সেই খোলার ঘর বালাখানাকে ভ্যাংচাতে লাগলো—উমেদার, দালাল, প্যায়দা, গদিওয়ালার ও পাইকেরে ভরে গ্যালো, কেউ পদ্মলোচন বাবুকে নমস্কার করে হাঁটু গেড়ে জোড়হাত করে কথা কয়, কেউ “আপনার সোনার দোত কলম হোক” “লক্ষপতি হোন” “সম্বৎসরের মধ্যে পুস্তুর সম্ভান হোক” “অনুগতের হজুর ভিন্ন গতি নাই” প্রভৃতি কথায় পদ্মলোচনকে তুললে পাঁউকটি হতেও কোলাতে লাগলেন—ক্রমে ছরবস্থা ছকুরে লোচার মত মুখে কাপড় দিয়ে মুকলেন—অভিমান ও অহঙ্কারে ভূষিত হয়ে সোভাগ্যবতী বারাজনা সেজে তাঁরে আলিঙ্গন কলেন; হজুকদারেরা আকাল “পদ্মলোচনকে পায় কে” বলে ছাড়া

পিটে দিলেন, প্রতিধ্বনি—রেও বায়ুন, অগ্রদানী ও গাইয়ে বাঁজিয়ে সেখা এই কথাটি সর্বত্র ঘোষণা করে ব্যাড়াতে লাগলেন—সহরে টিটি হয়ে গ্যালো—পদ্মলোচন এক জন মস্ত লোক !

কল্কেতা সহরে কতকগুলি বেকার “জয়কেতু” আছেন, যখন যার নতুন বোলবালাও হয় তখন তাঁরা সেইখানে মেশেন, তাঁকেই জাতেব শ্রেষ্ঠ দেখেন ও অনশ্রমনে তাঁরই উপাসনা করেন ; আবার যদি তাঁর চেয়ে কেউ উঁচু হয়ে পড়েন তবে তাঁরে পরিত্যাগ করে উঁচুর দলে জমেন ; আমরা ছেলেব্যালা বুড়া ঠাকুরমার কাছে “ছাঁদন দড়ি ও গোদা বাড়ির” গল্প শুনছিলাম, এই মহাপুরুষরা ঠিক সেই ছাঁদন দড়ি গোদা বাড়ি । গল্পে আছে “রাজপুত্রুর জিজ্ঞাসা কল্লেন, ছাঁদন দড়ি গোদা বাড়ি ! এখন তুমি কার ?”—“না আমি যখন যার তখন তার !” তেমনি ছতোম প্যাঁচা বলেন সহরে জয়কেতুরাও “যখন যার তখন তার” !!!

জয়কেতুরা ভদ্রলোকের ছেলে, অনেকে লেখাপড়াও জানেন, তবে কেউ কেউ মূর্ত্তিমতী মা ! এঁদের অধিকাংশই পৌত্তলিক, কুলীন বামুন, কায়স্থ কুলীন বেকার পেনশুনে ও ব্রোকদই বিস্তর । বহু কালের পর পদ্মলোচন বাবু কল্কেতা সহরে বাবু বলে বিখ্যাত হন, প্রায় বিশ বৎসর হলো সহরের “হঠাৎ বাবুর” উপসংহার হয়ে যায় তন্নিবন্ধন “জয়কেতু” “মোসাহেব” “ওস্তাদজী” “ভড়্জা” “বোবজা” “বোসজা” প্রভৃতি বরাখুরেরা জোয়ারের বিষ্ঠার মত ভেসে ভেসে ব্যাড়াচ্ছিলেন, সুতরাং এখন পদ্মলোচনের “তর্পণের কোষায়” জুড়াবার জায়গা পেলেন !

জয়কেতুরা ক্রমে পদ্মলোচনকে কাঁপিয়ে তুল্লেন, পড়তাও ভাল চল্লো—পদ্মলোচন অ্যান্টিশনের দাস হলেন, হিতাহিত বিবেচনা দেনদার বাবুদের মত গাঢ়াকা হলেন । পদ্মলোচন প্রকৃত হিন্দুর মুকোস পরে সংসার রঙ্গভূমিতে নাবলেন—ব্রাহ্মণের পাদধুলো খান—পা চাটেন—দলাদলির ও হিন্দুধর্মের খোঁট করেন—ঠাকরুণ বিষয় ও সখীসম্বাদ গাওনার পক্ষে প্রকৃত ব্রটিংপেপার ; পদ্মলোচনের জোরদণ্ডপ্রতাপ । বৈঠকখানায় ব্রাহ্মণ ও অধ্যাপক ধরে না, মিউটিমির সময় গবর্মেণ্ট যেমন দোচোকোত্রত ভলনটিয়ার জুটিয়েছিলেন, পদ্মলোচন বাবু হয়ে ব্রাহ্মণ পণ্ডিত সংগ্রহ কস্তে বাকি রাখলেন না, এসিয়াটিক সোসাইটির মিউজিয়মের মত বিবিধ আশ্চর্য্য জীব একত্র কল্লেন—বেশীর ভাগ জ্যাস্ত !!!

বাজালি বদমায়েস ও ছুর্কুজির হাতে টাকা না থাকলে সংসারের কিছু মাত্র ক্ষতি কস্তে পারে না, বদমায়েসী ও টাকা একত্র হলে হাতা পর্য্যন্ত মারা পড়ে, সেটি বঁড় সোজা কথা নয়, শিবকেট্টো বাঁড়ুজ্যে পর্য্যন্ত যাতে মারা যান ! পদ্মলোচনও

পাঁচ জন কুলোকে পরামর্শে বদমায়িসী আরম্ভ করেন—পৃথিবীর লোকের নিন্দা করা, খোঁটা দেওয়া ও টিটকারি করা তাঁর কাজ হলো, ক্রমে তাতেই তিনি এমনি চোড়ে উঠলেন যে, শেষে আপনাকে আপনি অবতার বলে বিবেচনা কতে লাগলেন; পারিষদেরা অবতার বলে তাঁরে স্তব কতে লাগলো, বাজে লোকে “হঠাৎ অবতার” খেতাব দিলে—দর্শক ভদ্র লোকেরা এই সকল দেখে শুনে অবাক হয়ে ক্ল্যাপ দিতে লাগলেন !

পদ্মলোচন যথার্থই মনে মনে ঠাউরেছিলেন যে, তিনি সামান্য মনুষ্য নন, হয় হরি নয় পীর কিম্বা ইহুদীদের ভাবী মেসায়ী—তারই সফল ও সার্থকতার জগু পদ্মলোচন বুজুকি পর্য্যন্ত দেখাতে ক্রটি করেন নাই।

বিলাতী জুজেস্ ফ্রাইষ্ট—এক টুকরো ক্রটিতে এক শ লোক খাইয়েছিলেন—কাণা ও খোঁড়া ফুঁয়ে ভাল কতেন। হিন্দুমতের কেষ্টও পূতনা বধ, শকট ভঞ্জন প্রভৃতি অলৌকিক কার্য্য করেছিলেন। পদ্মলোচন আপনারে অবতার বলে মানাবার জগু সহরে ছজুক তুলে দিলেন যে, “তিনি এক দিন বারো জনের খাবার জিনিষে এক শ লোক খাইয়ে দিলেন”; কাণা খোঁড়ারা সর্বদাই হাতা বেড়ির ধ্বজবজ্রাকুশযুক্ত পদ্মহস্ত পাবার প্রতীক্ষায় দরজায় দাঁড়িয়ে থাকেন, বুড়ি বুড়ি মাগীরা ক্ষুদে ক্ষুদে ছেলে নিয়ে “হাতবুলানো” পাইয়ে আনে—প্রভৃতি নানাবিধ বুজুকি প্রকাশ কতে লাগলেন। এই সকল শুনে চতুর্পাঠীওয়ালা মহাপুরুষরা মড়কের শকুনির মত নাচতে লাগলেন—টাকার এমনি প্রতাপ যে, চন্দ্রকে দেখে রত্নাকর সাগরও কেঁপে ওঠেন অশ্বের কি কথা। ময়রার দোকানে যত রকমারি মাছি, বসন্তি বোলতা আর ভোঁভুঁয়ে ভোমরা দেখা যায়, বইয়ের দোকানে তার কটা থাকে—সেথায় পদার্থহীন উই পোকারা—আনসাড়ে আরসুলোর দল, আর দু একটা গোডিমওয়ালো ফচকে নেংটি ইঁছর মাত্র !

হঠাৎ টাকা হলে মেজাজ যে রকম গরম হয়, এক দম গাঁজাতেও তত হয় না ; “হঠাৎ অবতার” হয়েও পদ্মলোচনের আশা নিবৃত্তি হয় নাই—বাদসাই পেলেই যে সে আশা নিবৃত্তি হবে তারও সম্ভাবনা কি ! কিছু দিনের মধ্যে পদ্মলোচন কলিকাতা সহরের এক জন প্রধান হিন্দু হয়ে পড়েন—তিনি হাই তুলে হাজার ভুড়ি পড়ে—তিনি হাঁচলে জীব ! জীব ! জীব ! শব্দে ঘর কেঁপে ওঠে ! ওরে ! ওরে ! হজুর ও “যো হকুমের” হল্লা পড়ে গ্যালো, ক্রমে সহরের বড় দলে খপর হলো যে কলকাতার স্চাচর্যাল হিষ্টীর দলে একটি নম্বরে বাড়লো !

পদ্মলোচন নানা উপায়ে বিলক্ষণ দশ টাকা উপায় কতে লাগলেন,

অবতার উপযুক্ত একটি নতুন বাড়ি কিনলেন, সহরের বড়মানুষ হলে যে সকল জিনিষপত্র ও উপাদানের আবশ্যিক, সভাস্থ আত্মীয় ও মোসাহেবেরা ক্রমশঃ সেই সকল জিনিষ সংগ্রহ করে ভাণ্ডার ও উদর পুরে কেলে, বাবু স্বয়ং পছন্দ করে (আপন চক্ষে সুবর্ণ বর্ষে) একটি রাঁড়ও রাখলেন ।

বেশ্যাবাজিটি আজকাল এ সহরে বাহাচুরির কাজ ও বড়মানুষের এলবাত পোশাকের মধ্যে গণ্য, অনেক বড়মানুষ বহু কাল হলো মরে গ্যাচেন কিন্তু তাঁদের রাঁড়ের বাড়িগুলি আজও মনিমেন্টের মত তাঁদের স্মরণার্থ রয়েছে—সেই তেতলা কি দোতলা বাড়িটি ভিন্ন তাঁদের জীবনে আর এমন কিছু কাজ হয় নি, যা দেখে সাধারণে তাঁরে স্মরণ করে । কলকাতার অনেক প্রকৃত হিন্দু দলপতি ও রাজা রাজ্‌ড়ারা সান্তিরে নিজ বিবাহিত স্ত্রীর মূখ দ্যাখেন না, বাড়ির প্রধান আমলা দাওয়ান মুচ্ছুদীরা যেমন হজুরদের হয়ে বিষয় কর্তব্য দেখেন—স্ত্রীর রক্ষণাবেক্ষণের ভারও তাঁদের উপর আইনমত অর্শায়, সুতরাং তাঁরা ছাড়বেন কেন।—এই ভয়ে কোন কোন বুদ্ধিমান স্ত্রীকে বাড়ির ভিতরের ঘরে পুরে চাবি বন্ধ করে বাইরের বৈঠকখানায় সারা রাত্রি রাঁড় নিয়ে আমোদ করেন, তোপ পড়ে গ্যালে ফরসা হবার পূর্বে গাড়ি বা পালকি করে বিবি সাহেব বিদায় হন—বাবু বাড়ির ভিতরে গিয়ে শয়ন করেন—স্ত্রীও চাবি হতে পরিত্রাণ পান । ছোকরাগোছের কোন কোন বাবুরা বাপ মার ভয়ে আপনার শোবার ঘরে এক জন চাকর বা বেয়ারাকে গুতে বলে আপনি বেরিয়ে যান, চাকর দরজায় খিল দিয়ে ঘরের মেঝেয় গুয়ে থাকে, স্ত্রী তুলসীপাতা ব্যবহার করে খাটে গুয়ে থাকেন, মধ্য রাত্রির কেটে গ্যালে বাবু আমোদ জুটে করেন ও বাড়িতে এলে চুপি চুপি শোবার ঘরের দরজায় ঘা মারেন, চাকর উঠে দরজা খুলে দিয়ে বাইরে যায়, বাবু শয়ন করেন—বাড়ির কেউই টের পায় না যে বাবু রাত্রিরে ঘরে থাকেন না । পাঠকগণ ! যারা ছেলেরালা থেকে “ধর্ম যে কার নাম তা শোনে নি, হিতাহিত বিবেচনার সঙ্গে যাদের সুদূর সম্পর্ক, কতকগুলি হতভাগা মোসাহেবই যাদের হাল” তারা যে এই রকম পশুর কদাচারে রত থাকবে, এ বড় আশ্চর্য্য নয় ! কলকাতা সহর এই মহাপুরুষদের জন্ত বেস্তাসহর হয়ে পড়েছে, এমন পাড়া নাই যেথায় অস্তিত দশ ঘর বেশ্যা নাই ; যেথায় প্রতি বৎসর বেশ্যার সংখ্যা বৃদ্ধি হচ্ছে বই কগুচে না । এমন কি এক জন বড়মানুষের বাড়ির পাশে একটি গৃহস্থের সুন্দরী বউ কি মেয়ে নিরে বাস করবার ঘো নাই ; তা হলে দশ দিনেই সেই সুন্দরী টাকা ও সুখের লোভে কুলে জলাঞ্জলি দেবে—যত দিন সুন্দরী বাবুর মনস্বামনা পূর্ণ না করবে তত দিন দেখতে পাবেন

বাবু অষ্টপ্রহর বাড়ির ছাদের উপর কি বারাগাতেই আছেন, কখন হাসছেন, কখন টাকার তোড়া নিয়ে ইসারা করে দ্যাখাচ্ছেন, এ ভিন্ন মোসাহেবদেরও নিস্তার নাই, তাঁরা যত দিন তাঁরে বাবুর কাছে না আনতে পারবেন, তত দিন মহাদায়গ্রস্ত হয়ে থাকতে হবে, হয় ত সে কালের নবাবদের মত “জান বাচ্চা এক গাড়” হবার হুকুম হয়েছে! ক্রমে কলে কৌশলে সেই সাধ্বী স্ত্রী বা কুমারীর ধর্ম্য নষ্ট করে শেষে তাড়িয়ে দেওয়া হবে—তখন বাজারে কসব করাই তার অনশ্চয়গতি হয়ে পড়ে! শুধু এই নয়; সহরের বড়মানুষরা অনেকে এমনি লম্পট যে, স্ত্রী ও রক্ষিত মেয়ে-মানুষ ভোগেও সন্তুষ্ট নন, তাতেও সেই নরাধম রাক্ষসদের কামক্ষুধার নিবৃত্তি হয় না—শেষে ভগ্নি ভাগ্নি—বউ ও বাড়ির যুবতী মাত্রেই তাঁর ভোগে লাগে—এতে কত সতী আত্মহত্যা করে বিষ খেয়ে এই মহাপাপীদের হাত এড়িয়েছে। আমরা বেশ জানি, অনেক বড়মানুষের বাড়ি মাসে একটি করে জগহত্যা হয় ও রক্তকম্বলের শিকড়, চিতের ডাল ও কন্নবীর ছালের নুন তেলের মত উঠনো বরাদ্দ আছে! যেখানে হিন্দুধর্মের অধিক ভড়ং, যেখানে দলাদলির অধিক ঘোঁট, ও ভদ্রলোকের অধিক কুৎসা, প্রায় সেখানেই ভেতরবাগে উদ্যম এলো কিন্তু বাইরে পাদে গেরো!

হায়! যাদের জন্মগ্রহণে বঙ্গভূমির ছরবস্থা দূর হবার প্রত্যাশা করা যায়, যারা প্রভূত ধনের অধিপতি হয়ে স্বজাতি সমাজ ও বঙ্গভূমির মঙ্গলের জন্য কায়মনে যত্ন নেবে, না সেই মহাপুরুষরাই সমস্ত ভয়ানক দোষ ও মহাপাপের আকর হয়ে বসে রইলেন, এর বাড়ি আর আক্ষেপের বিষয় কি আছে! আজ এক শ বৎসর অতীত হলো, ইংরেজরা এদেশে এসেছেন, কিন্তু আমাদের অবস্থার কি পরিবর্তন হয়েছে? সেই নবাবী আমলের বড়মানুষী কেতা, সেই পাকানো কাছা, সেই কোঁচান চাদর, লপেটা জুতো ও বাবরি চুল আজও ছাখা যাচ্ছে, বরং গৃহস্থ মধ্যস্থ লোকের মধ্যে পরিবর্তন ছাখা যায়, কিন্তু আমাদের হজুরেরা য্যামন ভেমনিই রয়েছেন! আমাদের ভরসা ছিল কেউ হঠাৎ বড়মানুষ হলে রিকাইও গোছের বড়মানুষীর নজির হবে কিন্তু পছলোচনের দৃষ্টান্তে আমাদের সে আশা সমূলে নির্মূল হয়ে গ্যালো—পছলোচন আবার কফিন চোরের ব্যাটা ম্যাক্কারা হয়ে পড়লেন; কফিন চোর, মরা লোকের কাপড় চোপড় চুরি কত্তো মাত্র কিন্তু তার উত্তরাধিকারী মরা লোকের কাপড় চোপড় চুরি করে শেষে—রাঁড় রেখে অবধি পছলোচন স্ত্রীর সহবাস পরিত্যাগ করেন, স্ত্রী চরে খেতে লাগলেন, পূর্ব সহবাস বা

তাঁর হাতযশে পদ্মলোচনের গুটি চার ছেলে হয়েছিল ; ক্রমে জ্যেষ্ঠটি বড় হয়ে উঠলো সুতরাং তাঁর বিবাহে বিলক্ষণ ধুমধাম হবার পরামর্শ হতে লাগলো !

ক্রমে বড় বাবুর বিয়ের উজ্জ্বল হতে লাগলো, ঘটক ও ঘটকীরা বাড়ি বাড়ি মেয়ে দেখে বেড়াতে লাগলেন—“কুলীনের মেয়ে, দেখতে পরমা সুন্দরী হবে, দশ টাকা খোস্তোর থাকবে” এমনটি শীগ্গির যুটে ওটা সোজা কথা নয় ; শেষে অনেক বাছা গোছা ও ছাখা শোনার পর সহরের আগড়োম ভোঁম সিঙ্গির লেনের আছারাম মিস্তিরের পৌস্তুরীরই ফুল ফুটলো ! আছারাম বাবু খাস হিঁছ, কাণ্ডেনির কর্ণে বিলক্ষণ দশ টাকা উপায় করেছিলেন, আছারাম বাবুর সংসারও রাবণের সংসার বলে হয়—সাত সাতটি রোজগেরে ব্যাটা, পরীর মত পাঁচ মেয়ে আর গড়ে গুটি চাল্লিশ পৌস্তুর পৌস্তুরী, এ সওয়ায় ভাগে জামাই কুটুম্ব সাক্ষাৎ বাড়িতে গিজিগিজ করে—সুতরাং সর্বগুণাক্রান্ত আছারাম পদ্মলোচনের বেয়াই হবার উপযুক্ত স্থির হলেন ; শুভ লগ্নে মহা আড়ম্বর করে লগ্নপত্রে বিবাহের স্থির হলো, দলস্থ সমুদায় ব্রাহ্মণরা মর্যাদা মত পত্রের বিদেয় পেলেন, রাজভাট ও ঘটকেরা ধন্যবাদ দিতে দিতে চল্লো ; বিয়ের ভারী ধুম ! সহরে ছজুক উঠলো পদ্মলোচন বাবুর ছেলের বিয়েয় পাঁচ লক্ষ টাকা বরাদ্দ—গোপাল মল্লিক ছেলের বিয়েতে খরচ করেছিলেন বটে, কিন্তু এত নয় !

দিন আসচে ; দেখতে দেখতেই এসে পড়ে, ক্রমে বিবাহের দিন ঘুনিয়ে এলো—ক্রিয়েবাড়িতে নহবত বসে গ্যালো । অধ্যক্ষ ভট্টাচার্য্য ও দলস্থদের ঘোঁট বাদান শুরু হলো—ত্রিশ হাজার জোড়া শাল, সোনার লোহা, ও ঢাকাই সাড়িওয়াল ছু লক্ষ সামাজিক ব্রাহ্মণপণ্ডিত দলে বিতরণ হলো! বড়মানুষদের বাড়িতেও শাল ও সোনাওয়াল লোহা, ঢাকাই কাপড়, গাঁদড়া কদক, গোলাব ও আতর, ও এক এক জোড়া শাল সওয়াত পাঠান হলো ; কেউ কেউ আদর করে গ্রহণ করলেন, কেউ কেউ বলে পাঠালেন যে আমরা ঢুলী বা বাজন্দরে নই যে শাল নেবো ! কিন্তু পদ্মলোচন হঠাৎ অবতার হয়ে শ্রীরামচন্দ্রের মত আত্মবিশ্বস্ত হয়েছিলেন সুতরাং সে কথা গ্রাহ্য করলেন না ! পারিষদ, মোসাহেব ও বিবাহের অধ্যক্ষেরা বলে উঠলেন—ব্যাটার অদৃষ্টে নাই !

এদিকে বিয়ের বাইনাচ আরম্ভ হলো, কোথাও রূপোর বালা, লাল কাপড়ের তকমা ও উর্দীপরা চাকরেরা ঘুরে ব্যাড়াচ্ছে, কোথাও অধ্যক্ষেরা গড়ের বাজনা আনবার পরামর্শ কছেন—কোথাও বরের সজ্জা তৈরির জন্ত দর্জীরা একমনে কাজ কছে—চার দিকেই হৈ হৈ ও রৈ রৈ শব্দ—বাবুর দেওয়া শালে সহরের

রাস্তার অর্ধেক লোকই লালে লাল হয়ে গ্যালো, ঢুলী ও বাজন্দরেরা ভো অনেকের নিয়েতেই পুরনো শাল পেয়ে থাকে কিন্তু পদ্মলোচনের ছেলের বিয়েয় ভদ্র লোকেও শাল পেয়ে লাল হয়ে গ্যালেন !

১২ই পৌষ শনিবার বিবাহের লগ্ন স্থির হয়েছিল, আজ ১২ই পৌষ ; আজ বিবাহ । আমরা পূর্বেই বলেছি যে সহরে টি টি হয়ে গিয়েছিল যে “পদ্মলোচনের ছেলের বিয়েয় পাঁচ লক্ষ টাকা বরাদ্দ” সুতরাং বিবাহের দিন বৈকাল হতে রাস্তায় ভয়ানক লোকারণ্য হতে লাগলো, পাহারাওয়ালারা অতি কষ্টে গাড়ি ঘোড়া চলবার পথ করে দিতে লাগলো । ক্রমে সন্ধ্যার সময় বর বেরুলো—প্রথমে কাগজের ও অক্ষরের হাত ঝাড়, পাঞ্জা ও সিঁড়ি ঝাড়, রাস্তার দু পাশে চলো, ঐ রেশালার আগে আগে দুটি চলতি নবৎ ছিল, তার পেছনে গেট—দালান ও কাগজের পাহাড়—পাহাড়ের ওপর হর পার্বতী, নন্দী, ষাঁড়, ভৃঙ্গী, সাপ ও নানা রকম গাছ—তার পেছনে ঘোড়াপত্নী, হাতীপত্নী, উটপত্নী ও ময়ূরপত্নী ; পত্নীগুলির ওপরে বারো জন করে দাঁড়ি, মেয়ে ও পুরুষ সওদাগর সাজা, ও দুটি করে ঢোল । তার আশে পাশে তক্তানামার ওপর “মগের নাচ” “ফিরিঙ্গীর নাচ” প্রভৃতি নানা প্রকার সাজা সং । তার পশ্চাৎ এক শ ঢোল, চল্লিশটি জগবাম্প ও গুটি ষাইটেক্ ঢাক, মায় রোশনচৌকি—শানাই, ভোড়ং ও ভেঁপু—তার কিছু অন্তরে এক দল নিমখাসা রকমের চুনোগলির ইংরিজি বাজনা । মধ্যে বাবুর মোসাহেব, ব্রাহ্মণ পণ্ডিত, পারিষদ, আত্মীয় ও কুটুম্বরা । সকলেরই একরকম শাল, মাথায় কুমাল জড়ান, হাতে এক একগাছি ইষ্টিক ; হঠাৎ বোধ হলো যেন এক কোম্পানি ডিকার্মড্ সেপাই । এই দলের ছুই ধারে লাল বনাতের খাসগেলাপ, ও রূপোর ডাণ্ডিতে রেশমের নিশেন ধরা তকমাপরা মুটে ও ক্ষুদে ক্ষুদে ছোঁড়ারা, মধ্যে খোদ বরকর্তা, গুরু, পুরোহিত, বাছালো বাছালো ভুঁড়ে ভুঁড়ে ভট্চাষি ও আত্মীয় অন্তরঙ্গরা ; এর পেছনে রাজামুখো ইংরিজি বাজনা, সাজা সায়েব তুরুকসওয়ার, বরের ইয়ারবঙ্গ, খাস দরওয়ানরা, হেড খানসামা ও রূপোর সুখাসনে বর ; সুখাসনখানির চার দিকে মায় বাতি বেললঠন টাঙ্গান, সামনে রূপোর দশ-ডেলে বসা ঝাড়, ছুই পাশে চামরধরা দুটো ছোঁড়া ; শেষে বরের তোরঙ্গ, প্যাটরা, বাড়ির পরামাণিক, সোনার দানা গলায় বুড়ি বুড়ি গুটি কত দাসী ও বাজে লোক, তার পেছনে বরযাত্রীর গাড়ির সার—প্রায় সকলগুলির উপরে এক এক চাকর, ডবল

বাতি দেওয়া হাতলঠন ধরে বসে যাচ্ছে ।

ব্যাও, ঢাক, ঢোল ও নাগরার শব্দে, লোকের রঙ্গা ও অধ্যক্ষদের মিহিলের

চীৎকারে কলকিত্তে কাঁপতে লাগলো, অপর পাড়ার লোকেরা তাড়াতাড়ি হাতে উঠে মনে করে ওদিকে ভয়ানক আগুন লেগে থাকবে, রাস্তার দুধারি বাড়ির জানালা ও বারান্দা লোকে পুরে গ্যালো, বেশারা “আহা দিকি ছেলেটি যেন চাঁদ!” বলে প্রশংসা কস্তে লাগলো, ছতোম পাঁচা অস্তরীক্ষ থেকে নক্ষত্রা নিতে লাগলেন—ক্রমে বর কনেবাড়ি পৌঁছিল। কন্যাকর্তারা আদর ও সন্তোষণ করে বরযাত্তোরদের অভ্যর্থনা কল্লেন—পাড়ার মৌতাত্তী বুড়ো ও বওয়াটে ছোঁড়ারা গ্রামভাটির জন্ত বরকস্তাকে ঘিরে দাঁড়ালো—বর সভায় গিয়ে বসলেন, ভাটেরা ছড়া পড়তে লাগলো, মেয়েরা বারান্দা থেকে উঁকি মাস্তে লাগলো—ঘটকরা মিস্তির বাবু ও দস্ত বাবু কুলজী আউড়ে দিলে; মিস্তির বাবু কুলীন স্তুরাং বল্লালী রেজেষ্টরীতে তাঁর বংশাবলি রেজেষ্টরী হয়ে আছে, কেবল দস্ত বাবুর বংশাবলিটি বানিয়ে নিতে হয়!

ক্রমে বরযাত্র ও কন্যাযাত্রেরা সার্পটা জলপান করে বিদেয় হলেন, বর স্ত্রী আচারের জন্ত বাড়ির ভিতর গেলেন। ঠাঁদনাতলায় চারটি কলাগাছের মধ্যে আলপনা দিয়ে একটি পিঁড়ে রাখা হয়েছিল, বর চোরের মত হয়ে সেইখানে দাঁড়ালেন, মেয়েরা দাড়া গুয়া পান, বরণডালা, মঙ্গলের ভাঁড়ওয়ালী কুলো ও পিঙ্গিম দিয়ে বরণ কল্লেন, শাঁক বাজানো ও উলু উলুর চোটে বাড়ি সন্নগরম হয়ে উঠলো, ক্রমে মায় শাশুড়ী এয়োরী সাত বার বরকে প্রদক্ষিণ কল্লেন—শাশুড়ী বরের হাতে মাকু দিয়ে বল্লেন “হাতে দিলেম মাকু এক বার ত্যা কর ত বাপু”! বর কলেজ বয়, আড়-চকে এয়োদের পানে তাকাচ্ছিলেন ও মনে মনে লঙ্কা ভাগ কচ্ছিলেন; স্তুরাং “মনে মনে কল্লেম” বল্লেন—অমনি শালাজরা কাণ মলে দিলে, শালীরা গালে ঠোনা মাল্লো; শেষে গুড় চাল, তুকুতাকু ও ওষুদ বিষুদ ফুললে, উচ্ছুগু করবার জন্ত কনেকে দালানে নিয়ে যাওয়া হলো, শাস্ত্রমত মন্ত্র পড়ে কনে উচ্ছুগু হলেন, পুরুত ও ভট্টীচার্যারা সন্দেশের সরা নিয়ে সল্লেন, বরকে বাসরে নে যাওয়া হলো। বাসরটিতে আমোদের চূড়ান্ত হয়। আমরা তো অ্যাতো বুড়ো হয়েছি, তবু এখনও বাসরের আমোদটি মনে পড়লে মুখ দে লাল পড়ে ও আবার বিয়ে কস্তে ইচ্ছে হয়!

ক্রমে বাসরের আমোদের সঙ্গেই কুমুদনাথ অস্ত গেলেন, কমলিনীর হৃদয়রঞ্জন প্রকৃত ভেজীয়ান্ হয়েও যেন তাঁর মানভঞ্নের জন্তই কোমল ভাব ধারণ করে উদয় হলেন, কমলিনী কামাতুর নাথের তাদৃশ দুর্দশা দেখেই যেন সরোবরের মধ্যে হাসতে লাগলেন, পাখিরা “ছি ছি কামোয়স্তদের কিছু হাত্ত বাহুজ্ঞান থাকে না” বলে টেঁচিয়ে উঠলো, বায়ু মুচকে মুচকে হাসতে লাগলেন—দেখে ক্রোধে সূর্য্যদেব নিজ

মূর্ত্তি ধারণ করলেন ; তাই দেখে পাখিরা ভয়ে দূরদূরান্তরে পালিয়ে গ্যালো—বিয়ে-বাড়ি বাসি বিয়ের উজ্জ্বল হতে লাগলো । হালুদ ও তেল মাথিয়ে বরকে কলাতলায় কনের সঙ্গে নাওয়ান হলো, বরণডালায় বরণ ও কতক কতক তুক্তাকের পর, বর কনের গাটছড়া কিছু ক্ষণের পর খুলে দেওয়া হয় ।

এদিকে ক্রমে বরযাত্র ও বরের আত্মীয় কুটুম্বরা জুটতে লাগলেন, বৈকালে পুনরায় সেই রকম মহাসমারোহে বর কনেকে বাড়ি নে যাওয়া হলো, বরের মা বর কনেকে বরণ করে ঘরে তুললেন, এক কড়া ছুদ দরজার কাছে আগুনের ওপর বসান ছিল, কনেকে সেই ছুদের কড়াটি দেখিয়ে জিজ্ঞাসা করা হলো, “মা ! কি দেখ্‌চো ? বল যে আমার সংসার উত্লে পড়্‌চে দেখ্‌চি” কনেও মনে মনে তাই বললেন । এ সওয়ায় পাঁচ গিম্মিতে নানা রকম তুক্তাক্ করলে পর বর কনে জিরুতে পেলেন, বিয়েবাড়ির কথঞ্চিৎ গোল চুকলো—তুলীরা ধেনো মদ খেয়ে আমোদ কস্তে লাগলো, অধ্যক্ষরা প্রলয় হিন্দু সূতরাং একটা একটা আগাতোলা ছুর্গোমণ্ডা ও অ্যাক ঘটি গঙ্গাজল খেয়ে বিছানায় আড় হলেন, বর কনে আলাদা আলাদা শুলেন—আজ একত্রে শুতে নাই, বে বাড়ির বড়গিম্মির মতে আজকের রাত—কালরাত্তির ।

শীতকালের রাত্তির শিগ্গির যায় না । এক ঘুম, দু ঘুম, আবার প্রস্রাব করে শুলেও বিলক্ষণ এক ঘুম হয় ; ক্রমে গুড়ুম করে তোপ পড়ে গ্যালো—প্রাতঃস্নানে মেয়েগুলো বকতে বকতে রাস্তা মাথায় করে যাচ্ছে,—বুড়ো বুড়ো ভট্‌চাষিরা স্নান করে “মহিম্নঃ পারস্তে” মহিম্নস্তব আওড়াতে আওড়াতে চলেচেন । এদিকে পদ্মলোচন রাঁড়ের বাড়ি হতে বাড়ি এলেন, আজ তাঁর নানা কাজ ! পদ্মলোচন প্রত্যহ সাত আটটার সময় বেণ্ডালয় থেকে উঠে আসেন, কিন্তু আজ কিছু সকালে আসতে হয়েছিল—সহরের অনেক প্রকৃত হিন্দু বুড়ো দলপতির এক একটি রাঁড় আছে এ কথা আমরা পূর্বেই বলেছি, এদের মধ্যে কেউ কেউ রাত্তির দশটার পর শ্রীমন্দিরে যান, একেবারে সকালবেলা প্রাতঃস্নান করে টিপ তেলক ও ছাপা কেটে, গীতগোবিন্দ ও তসর পরে, হরিনাম কস্তে কস্তে বাড়ি ফেরেন—হঠাৎ লোকে মনে কস্তে পারে শ্রীযুত গঙ্গাস্নান করে এলেন, কেউ কেউ বাড়িতেই প্রিয়তমাকে আনান, সমস্ত রাত্তির অতিবাহিত হলে ভোরের সময় বিদেয় দিয়ে স্নান করে পূজা কস্তে বসেন—যেন রাত্তিরের তিনি নন—পদ্মলোচনও সেই চাল ধরেছিলেন ।

ক্রমে আত্মীয় কুটুম্বরাও এসে জমলেন—মোসাহেবরা “হজুর ! কল্‌কেতায় অ্যামন বিয়ে হয় নি হবে না” বলে বাবুর ল্যাজ ফোলাতে লাগলেন । ক্রমে সন্ধ্যার কিছু পূর্বে ফুলশয্যার তত্ত্ব এলো, পদ্মলোচন মহাসমাদরে কনের বাড়ির চাকর

চাকরাণীদের অভ্যর্থনা করলেন, প্রত্যেককে একটি করে টাকা ও একখানি করে কাপড় বিদেয় দিলেন। দলস্থ ও আত্মীয়রা কিছু কিছু করে অংশ পেলেন, ঢাকী ঢুলী ও রেশালার লোকেরা বকসিস পেয়ে বিদেয় হলো; মহাসমারোহে পাঁচ লক্ষ টাকার বিবাহ শেষ হয়ে গ্যালো; কোন কোন বাড়ির গিন্নিরা সামিগ্রী পেয়ে হাঁড়ি পুরে পুরে শিকেয় টাঙ্গিয়ে রাখলেন, অধিক অংশ পচে গ্যাল, কতক বেরালে ও ইঁছুরে খেয়ে গ্যাল, তবু পেট ভরে খাওয়া কি কারেও বুক বেঁধে দিতে পারলেন না—বড়মানুষদের বাড়ির গিন্নিরা প্রায়ই এই রকম হয়ে থাকেন, ঘরে জিনিষ পচে গেলেও লোককে হাতে তুলে দিতে মায়া হয়। শেষে পচে গেলে মহারাণীর খানায় ফেলে দেওয়া হবে সেও ভাল। কোন কোন বাবুরও এ স্বভাবটি আছে—সহরের এক বড়মানুষের বাড়িতে পূজার সময় নবমীর দিন গুটি ষাইটেক পাঁঠা বলিদান হয়ে থাকে; পূর্বপরম্পরায় সেগুলি সেই দিনেই দলস্থ ও আত্মীয়দের বাড়ি বিতরিত হয়ে আসূচে, কিন্তু আজকাল সেই পাঁঠাগুলি নবমীর দিন বলিদান হলেই গুদোমজাত হয়; পূজোর গোল চুকে গেলে পূর্ণিমার পর সেইগুলি বাড়ি বাড়ি বিতরণ হয়ে থাকে; স্মৃতরাং ছয় সাত দিনের মরা পচা পাঁঠা ক্যামন উপাদেয়, তা পাঠক! আপনিই বিবেচনা করুন। শেষে গ্রহীতাদের সেই পাঁঠা বিদেয় কস্তে ঘর হতে পয়সা বার কস্তে হয়। আমরা যে পূর্বে আপনাদের কাছে সহরের সর্দার মূর্খের গল্প করেছি, ইনিই তিনি!

এদিকে ক্রমে বিবাহের গোল চুকে গ্যালো, পদ্মলোচন বিষয় কর্ম্ম কস্তে লাগলেন। তিনি নিত্য নৈমিত্তিক দোল, দুর্গোৎসব প্রভৃতি বারো মাসে তেরো পার্বণ ষাঁক দিতেন না; ষেঁটুপূজোতেও চিনির নৈবিদ্দি ও সকের যাত্রা বরাদ্দ ছিল ও আপনার বাড়িতে যে রকম ধুম করে পূজো আচ্ছা কস্তেন, রক্ষিত মেয়ে-মানুষ ও অনুগত দশ বারো জন বিশিষ্ট ব্রাহ্মণদেরো তেমনি ধুমে পূজো করাতেন। নিজের ছেলের বিবাহের সময় তিনি আগে চল্লিশ জন আইবুড়ো বংশজের বিবাহ দিয়ে স্থান। ইংরিজি লেখাপড়ার প্রাচুর্ভাবে, রামমোহন রায়ের জন্মগ্রহণে ও সত্যের জ্যোতিতে হিন্দুধর্ম্মের যে কিছু ছুরবস্থা দাঁড়িয়েছিল, তিনি কায়মনে পুনরায় তার অপনয়নে কৃতসংকল্প হলেন। কিন্তু তিনি, কি তাঁর ছেলেরা দেশের ভালোর জন্ত এক দিনও উচ্ছত হন নি—শুভ কর্ম্মে দান দেওয়া দূরে থাকুক, সে বৎসরের উত্তর পশ্চিমের ভয়ানক দুর্ভিক্ষেও কিছু মাত্র সাহায্য করেন নি, বরং দেশের ভালো করবার জন্ত কেউ কোন প্রস্তাব নিয়ে তাঁদের কাছে উপস্থিত হলে তারে কৃশ্চান

ও নাস্তিক বলে তাড়িয়ে দিতেন—এক শ বেলেন্না বায়ুন ও ছুই শ মোসাহেব তাঁর অরে প্রতিপালিত হতো—তাতেই পদ্মলোচনের বংশ মহান পবিত্র বলে সহরে বিখ্যাত হয়। লেখাপড়া শেখা বা তার উৎসাহ দেওয়া পদ্ধতি পদ্মলোচনের বংশে ছিল না, সুদ্ধ নামটা সহই কত্তে পাল্লেরই বিষয় রক্ষা হবে, এই তাঁদের বংশ-পরম্পরার স্থির সংস্কার ছিল। সরস্বতী ও সাহিত্য ভদ্রলোকদের সঙ্গে ঐ বংশের সম্পর্ক রাখতেন না! ঊনবিংশতি শতাব্দীতে হিন্দুধর্মের জন্তু সহরে কোন বড়মানুষ তাঁর মত পরিশ্রম স্বীকার করেন নাই। যে রকম কাল পড়েছে, তাতে আর কেউ যে তাদৃক যত্ববান হন, তারো সম্ভাবনা নাই। তিনি য্যামন হিন্দুধর্মের বাহ্যিক গোঁড়া ছিলেন, অগ্ন্যাগ্ন সংকর্মেও তাঁর তেমনি বিদ্বেষ ছিল; বিধবা-বিবাহের নাম শুনলে তিনি কাণে হাত দিতেন—ইংরাজি পড়লে পাছে খানা খেয়ে কুশ্চান হয়ে যায়, এই ভয়ে তিনি ছেলেগুলিকে ইংরিজি পড়ান নি—অথচ বিদ্যে-মাগরের উপর ভয়ানক বিদ্বেষ নিবন্ধন সংস্কৃত পড়ানও হয়ে ওঠে নাই—বিশেষত শূত্রের সংস্কৃততে অধিকার নাই এটিও তাঁর জানা ছিল, সুতরাং পদ্মলোচনের ছেলেগুলিও “বাপ্কা বেটা সেপাইকা ঘোড়া”র দলেই পড়ে।

কিছু দিন এই রকম অদৃষ্টচর লীলা প্রকাশ করে আশী বৎসর বয়সে পদ্মলোচন দেহ পরিত্যাগ কল্লেন—মৃত্যুর দশ দিন পূর্বে এক দিন হঠাৎ অবতারের সর্বসঙ্গ বেদনা করে। সেই বেদনাই ক্রমে বলবতী হয়ে তাঁরে শয্যাগত কল্লেন—তিনি প্রকৃত হিন্দু, সুতরাং ডাক্তারি চিকিৎসায় ভারী ঘেষ কল্লেন, বিশেষতঃ তাঁর ছেলেব্যালা পর্যন্ত সংস্কার ছিল ডাক্তারি ওষুধ মাত্রেই মদ মেশান, সুতরাং বিখ্যাত বিখ্যাত কবিরাজ মশাইদের দ্বারা নানা প্রকার চিকিৎসা করান হয় কিন্তু কিছুতেই কিছু হলো না, শেষে আত্মীয়রা কবিরাজ মশাইদের সঙ্গে পরামর্শ করে শ্রীশ্রীভাগীরথীতটস্থ কল্লেন; সেখানে তিন রাস্তির বাস করে মহাসমারোহে প্রায়শ্চিত্তের পর সজ্ঞানে রাম ও হরিনাম জপ কত্তে কত্তে প্রাণত্যাগ করেন।

পাঠকগণ! আপনারা অনুগ্রহ করে আমাদের সঙ্গে বহু দূর এসেছেন। যে পদ্মলোচন আপনাদের সম্মুখে জন্মালেন আবার মলেন, তাঁর সুদ্ধ নিজের চরিত্র আপনারা অবগত হলেন এমন নয়, সহরের বড়মানুষদের মধ্যে অনেকেই পদ্মলোচনের জুড়িদার, কেউ কেউ দাদা হতেও সরেস! যে দেশের বড়লোকের চরিত্র এই রকম ভয়ানক, এই রকম বিষময়, সে দেশের উন্নতির প্রার্থনা করা নিরর্থক! যাঁদের হতে উন্নতি হবে, তাঁরা আজও পশু হতেও অপকৃষ্ট ব্যবহারের

সর্বদাই পরিচয় দিয়ে থাকেন, তাঁরা ইচ্ছা করে আপনা আপনি বিষময় পথের পথিক হন; তাঁরা যে সকল ছুক্ষ্ম করেন, তার যথারূপ শান্তি নরকেও ছুপ্রাপ্য।

জন্মভূমি-হিতচিকীষুরা আগে এই সকল মহাপুরুষদের চরিত্র সংশোধন করবার যত্ন পান, তখন দেশের অবস্থায় দৃষ্টি করবেন, নতুবা বঙ্গদেশের যা কিছু উন্নতি প্রার্থনায় যত্ন নেবেন, সকলই নিরর্থক হবে!

আলালের ঘরের দুলাল লেখক বাবু টেকচাঁদ ঠাকুর বলেন—“সহরের মাতাল বহুরূপী” কিন্তু আমরা বলি, সহরের বড়মানুষরা নানারূপী—এক এক বাবু এক



“ঠনঠনের হঠাৎ অবতার”

এক তরো, আমরা চড়কের নকশায় সেগুলির প্রায়ই গড়ে বর্ণন করেছি, এখন ক্রমশ তারি সবিস্তার বর্ণন করা যাবে—তারি প্রথম উঁচু দল খাস হিন্দু; এই হঠাৎ অবতারের নকশাতেই আপনারা সেই উঁচুকেতার খাস হিন্দু দলের চরিত্র

জানতে পারবেন—এই মহাপুরুষেরাই রিফর্মেশনের প্রবল প্রতিবাদী, বঙ্গসুখ-সৌভাগ্যের প্রলয় কণ্টক ও সমাজের কীট !

হঠাৎ অবতারের প্রস্তাবে পাঠকদের নিকট আমরাও কথঞ্চিৎ আত্মপরিচয় দিয়ে নিয়েছি ; আমরা ক্রমে আরো যত ঘনিষ্ঠ হবো, ততই রং ও নকসার মাজে মাজে সং সজে আসবো—আপনারা যত পারেন হাততালি দেবেন ও হাসবেন !

মাহেশের স্নানযাত্রা

গুরুদাস গুঁই সেরুড কোম্পানির বাড়ির মেট মিস্তিরি । তিরিশ টাকা মাইনে, এ সওয়ায় দশ টাকা উপরি রোজগারও আছে—গুরুদাসের চাঁপাতলা অঞ্চলে একটি খোলার বাড়ি ছিল ; পরিবারের মধ্যে এক বুড়ো মা, বালিকা স্ত্রী ও বিধবা পিসি মাত্র ।

গুরুদাস বড় সাথরচে লোক, যা দশ টাকা রোজগার করেন, সকলই খরচ হয়ে যায় ; এমন কি কখন কখন মাস কাবারের পূর্বে গয়নাখানা ও জিনিসটে পত্তরটাও বাঁদা পড়ে ; বিশেষত শ্রাবণ মাসে ইলিস মাছ ওঠবার পূর্বে ঢালা ফালা পার্বণে গুরুদাসের দু মাসের মাইনেই খরচ হয়—ভাদ্র মাসের আরন্দটি বড় ধুমে গ্যাচে, আর পিটেপার্বণেও দশ টাকা খরচ হয়েছিল—ক্রমে স্নানযাত্রা এসে পড়লো । স্নানযাত্রাটি পরবের টেকা, তাতে আমোদের চূড়ান্ত হয়ে থাকে ; সুতরাং স্নানযাত্রা উপলক্ষে গুরুদাস বড়ই ব্যস্ত হয়ে পড়লেন । নাবা খাওয়ারও অবকাশ রইল না ; ক্রমে আরো পাঁচ ইয়ার জুটে গ্যালো । স্নানযাত্রায় কি রকম আমোদ হবে, তারি তদ্বির ও পরামর্শ হতে লাগলো ; কেবল ছুঁখের বিষয়—চাঁপাতলার হলধর বাগ, মতিলাল বিশ্বেস ও হারাধন দাস, গুরুদাসের বুজুম ফ্রেণ্ড ছিলেন, কিন্তু কিছু দিন হলো হলধর একটা চুরি মামলায় গেরেপ্তার হয়ে দু বছরের জন্ম জেলে গ্যাচেন, মতি বিশ্বেস মদ খেয়ে পাত্‌কোর ভেতর পড়ে গিয়েছিল, তাতেই তাঁর দুটি পা ভেঙ্গে গিয়েচে, আর হারাধন গোটা কতক টাকা বাজার দেনার জন্ম ফরেশডাকায় সরে গ্যাচেন ; সুতরাং এবারে তাঁদের বিরহে স্নানযাত্রাটা ফাঁক্ ফাঁক্ লাগ্‌চে, কিন্তু তা হলে কি হয়—সম্বৎসরের আমোদটি বন্দ করা কোন ক্রমেই হতে পারে না বলেই নিতান্ত গম্বিতে থেকেও গুরুদাসকে স্নানযাত্রায় যাবার আয়োজন করতে হয় !

এদিকে পাঁচ ইয়ারের পরামর্শে সকল রকম জিনিসের আয়োন হতে লাগলো—গোপাল দৌড়ে গিয়ে একখানি বজরা ভাড়া করে এলেন । নবীন আর্ভুরী,

আনিম, রম ও গাঁজার ভার নিলেন। ব্রজ ফুলুরি ও বেগুনভাজার বায়না দিয়ে এলেন—গোলাবি খিলির দোনা, মোম বাতি ও মিটে কড়া তামাক ও আর আর জিনিষপত্র গুরুদাস স্বয়ং সংগ্রহ করে রাখলেন। কাল রাত্রিরের জোয়ারে নৌকোয় ওঠা হবে স্থির হলো।

পূর্বের স্নানযাত্রার বড় ধুম ছিল—বড় বড় বাবুরা পিনেস, কলের জাহাজ, বোট ও বজরা ভাড়া করে মাহেশে যেতেন, গঙ্গায় বাচখ্যালা হতো, স্নানযাত্রার পর রাত্রির ধরে খ্যামটা ও বাইয়ের হাট লেগে যেতো! কিন্তু এখন আর সে আমোদ নাই—সে রামও নাই, সে অযোধ্যাও নাই—কেবল ছুঁতর, কাঁসারি, কামার ও গজবেগে মশাইরাই যা রেখেচেন, মধ্যে মধ্যে ছু চার টাকা অঞ্চলের জমিদারও স্নানযাত্রার মান রেখে থাকেন, কোন কোন ছোকরা গোছের নতুন বাবুরাও স্নানযাত্রায় আমোদ করেন বটে।

ক্রমে সে দিনটি দেখতে দেখতে গ্যালো। ভোর না হতে হতেই গুরুদাসের ইয়াররা সেজে গুজে তৈরি হয়ে তাঁর বাড়িতে উপস্থিত হলেন। গোপাল এক জোড়া লাল রঙ্গের এষ্টকীং (মোজা) পায়ে দিয়েছিলেন, পেতলের বড় বড় বোদাম দেওয়া সবুজ রঙ্গের একটি ফতুই ও গুলদার ঢাকাই উড়ুনি তাঁর গায়ে ছিল, আর একটি বিলিতী পেতলের শিল আংটিও আঙ্গুলে পরেছিলেন—কেবল তাড়াতাড়িতে জুতো জোড়াটি কিনতে পারেন নাই বলেই সূছু পায়ে আসা হয়। নবীনের ফুলদার ঢাকাই চাদরখানি বহুকাল ধোপার বাড়ি যায় নি, তাতেই যা একটু ময়লা ময়লা বোধ হচ্ছিল, নতুবা তাঁর চার আঙ্গুল চ্যাটালো কালাপেড়ে ধোপদস্ত ধুতিখানি সেই দিন মাত্র পাটভাঙ্গা হয়েছিল—মেরজাইটিও বিলক্ষণ ধোবো ছিল। ব্রজর সম্প্রতি ইয়ার্ডে কর্ম হয়েচে, বয়সও অল্প, সুতরাং আজো ভালো কাপড় চোপড় করে উঠতে পারেন নি, কেবল গত বৎসর পূজোর সময় তাঁর আই ন সিকে দিয়ে যে ধুতি চাদর কিনে ছায়, তাই পরে এসেছিলেন, সেগুলি আজো কোরা থাকায় তাঁরে দেখতে বড় মন্দ দেখায় নি। আরো তাঁর ধুতি চাদরের সেট নতুন বস্ত্রই হয়—বলতে কি, তিনি তো বেশী দিন পরেন নি, কেবল পূজোর সময় সপ্তমী পূজোর এক দিন পরে গোকুল দায়ের প্রতিমে দেখতে গিয়েছিলেন—ভাসান দেখতে যাবার সময় একবার পরেন, আর হাটখোলার যে সেই ভারী বারোইয়ারি পূজো হয়, তাতেই একবার পরে গোপালে উড়ের যাত্রা শুনতে গেছেন—তা ছাড়া অমনি সিকের উপর হাঁড়ির মধ্যে তোলাই ছিল।

ইয়ারেরা আসবামাত্র গুরুদাস বিছেনা থেকে উঠে দাওয়ায় বসলেন। নবীন,

গোপাল ও ব্রজও খুঁটি ঠাসান দিয়ে উপু হয়ে বসলেন। গুরুদাসের মা চকমকি, শোলা, টিকে ও তামাকের মেটে বাস্টি বার করে দিলেন। নবীন চকমকি ঠুকে টিকে ধরিয়ে তামাক সাজলেন। ব্রজ পাত্‌কোতলা থেকে ছাঁকোটি ফিরিয়ে এনে দিলেন; সকলেরই এক একবার তামাক খাওয়া হলো। গুরুদাস তামাক খেয়ে হাত মুক ধুতে গ্যালেন; এমন সময়ে ঝম্ ঝম্ করে এক পসলা ভারী বৃষ্টি এলো, উঠনের ব্যাংগুলো থপ্ থপ্ করে নাপাতে নাপাতে দাওয়ায় উঠতে লাগলো; নবীন, গোপাল ও ব্রজ তারি তামাসা দেখতে লাগলেন। নবীন একটি সখের গাওনা জুড়ে দিলেন।

“সখের বেদেনী বলে কে ডাকলে আমারে!”

বর্ষাকালের বৃষ্টি মানুষের অবস্থার মত অস্থির। সর্বদাই হচ্ছে যাচ্ছে তার ঠিকানা নাই—ক্রমে বৃষ্টি থেমে গ্যালো। গুরুদাসও হাত মুখ ধুয়ে এসেই মাকে খাবার দিতে বললেন; ঘরে এমন তৈরি খাবার কিছুই ছিল না, কেবল পাস্তা ভাত আর তেঁতুল দিয়ে মাছ ছিল, তাঁর মা তাই চারখানি মেটে খোরায় বেড়ে দিলেন, গুরুদাস ও তাঁর ইয়ারেরা তাই বলমান করে খেলেন।

পূর্বে স্থির হয়েছিল, রাস্তিরের জোয়ারেই যাওয়া হবে, কিন্তু স্নানযাত্রাটি যে রকম আমোদের পরব, তাতে রাস্তিরের জোয়ারে গেলে স্নানযাত্রার দিন ব্যালা তুপুরের পর মাহেশ পৌঁছতে হয়, স্তুরাং দিনের জোয়ারে যাওয়াই স্থির হলো।

এদিকে গির্জের ঘড়িতে টুং টাং, টুং টাং করে দশটা বেজে গ্যালো। নবীন, ব্রজ, গোপাল ও গুরুদাস খেয়ে দেয়ে, পানতামাক খেয়ে, তোবড়া-তুবড়ি নিয়ে, ছুর্গা বলে যাত্রা করে বেরলেন। তাঁর মা একখানি পাখা ও দুটি ধামি কিনে আনতে বললেন, তাঁর স্ত্রী পূর্বে রাস্তিরে একটি চিত্রির করা হাঁড়ি ঘুন্সি ও গুরিয়া পুতুল আনতে বলেছিল, আর তাঁর বিধবা পিসির জন্ম একটি খাজা কোয়াওলা ভাল কাঁঠাল, কানাইবাঁশী কলা ও কুলী বেগুন আনতে প্রতিশ্রুত হয়েছিলেন।

গুরুদাসের পোসাকটিও নিতান্ত মন্দ হয় নি, তিনি একখানি সরেস গুল্দার উড়ু নি গায়ে দিয়েছিলেন, উড়ু নিখানি চল্লিশ টাকার কম নয়—কেবল কাটের কুচো বাঁদবার দরুন চার পাঁচ জায়গায় একটু একটু খোঁচে গেছলো—তাঁর গায়ে একটি লাল বিলিতী ঢাকা প্যাটনের পিরান ছিল, তার ওপর বুলু রঙ্গের একটি হাপ চায়নাকোট—তিনি “বেঁচে থাকুক বিদ্দেশাগর চিরজীবী হয়ে” পেড়ে এক শাস্তিপুর্ন ফরমেসে ধুতি পরেছিলেন, জুতো জোড়াটিতেও রূপোর বকলস্ দেওয়া ছিল।

ক্রমে গুরুদাস ও ইয়ারেরা প্রসন্নকুমার ঠাকুরের ঘাটে পৌঁছিলেন। সেখায়

কৈদার, জগ, হরি ও নারাণ তাঁদের জন্তু অপেক্ষা করে ছিল ; তখন সকলে একত্র হয়ে বজরায় উঠলেন । মাজিরা গুঁটকী মাছ, লঙ্কা ও কড়ায়ের ডাল দিয়ে ভাত খেতে বসেছিল । জোয়ারও আসে নাই ; সুতরাং কিছু ক্ষণ নৌকো খুলে দেওয়া বন্দ রইলো ।

কিন্তু পাঁচো ইয়ার নৌকোয় উঠেই আয়েস জুড়ে দিলেন । গোপাল সম্ভরণে জবাবির চোপলের শোলার ছিপিটি খুলে ফেলেন । ব্রজ এক ছিলিম গাঁজা তৈরি কতে বসলেন—আতুরী ও জবাবির চলেতে শুরু হলো । ফুলুরি ও বেগুনভাজীরা সে কালের সতী স্ত্রীর মত আতুরীদের সহগমন কতে লাগলেন—মেজাজ গরম হয়ে উঠলো—এদিকে নারাণ ও কৈদার বাঁয়ার সঙ্গতে—

“হেঁসে খেলে নেও রে যাছ মনের সুখে ।
কে কবে, যাবে শিঙ্গে ফুঁকে ।
তখন কোথা রবে বাড়ি, কোথা রবে জুড়ি,
তোমার কোথা রবে ঘড়ি, কে ছায় ট্যাঁকে ।
তখন হুড়ো জ্বলে দেবে ও চাঁদমুখে ॥”

গান জুড়ে দিলেন—ব্রজ খাজায় দম্ মেয়ে আড়ষ্ট হয়ে জোনাকি পোকা দেখতে লাগলেন, গোপাল ও গুরুদাসের ফুঁতি ছাখে কে !

এদিকে সহরেও স্নানযাত্রার যাত্রীদের ভারী ধুম পড়ে গ্যাচে । বুড়ি বুড়ি মাগী, কলাবউয়ের মত আধ হাত ঘোমটা দেওয়া ক্ষুদে ক্ষুদে কনে বউ ও বৃকের কাপড় খোলা হাঁ করা ছুঁড়ীরা রাস্তা জুড়ে স্নানযাত্রা দেখতে চলেচে ; এমন কি বাস্তায় গাড়ি পালকি চলা ভার, আজ সহরে কেরাধী গাড়ির ঘোড়ায় কত ভার টানতে পারে, তার বিবেচনা হবে না, গাড়ির ভেতর ও পেছনে কত তাংড়াতে পারে, তারই তক্রার হচ্ছে—এক একখানি গাড়ির ভেতর দশ জন, ছাতে দু জন, পেছনে একজন ও কোচবাক্সে দু জন—একুনে পোনের জন, এ সওয়ায় তিনটি করে আঁতুড়ে ছেলে ফাও ! গেরস্তর মেয়েরাও বড় ভাই, খুস্তর, ভাতার, ভাদরবউ ও শাশুড়ীতে একত্র হয়ে গ্যাচেন । জগন্নাথের কল্যাণে মাহেশ আজ দ্বিতীয় বৃন্দাবন—অনেকেই কেঁট সাজবেন !

গঙ্গারও আজ চূড়ান্ত বাহার ; বোট, বজরা, পিনেস ও কলের জাহাজ গিজ্ গিজ্ কচে, সকলগুলি থেকেই মাতলামো রং, হাসি ও ইয়ারকির গরুরা উঠ্চে, কোনটিতে খ্যামটা নাচ হচ্ছে, গুটি ত্রিশ মোসাহেব মদে ও নেশায় ভেঁা হয়ে রং কচ্চেন ; মধ্যে ঢাকাই জালার মত, পেলাদে পুতুলের মত ও তেলের কুপোর

মত শরীর, দাঁতে মিসি, হাতে ইষ্টিকবচ, গলায় রুদ্রাক্ষের মালা, তাতে ছোট ছোট চোলের মত গুটি দশ মাছলি ও কোমরে গোট, ফিন্ফিনে ধুতি পরা ও পৈতের গোচ্চা গলায়—মৈমনসিং ও ঢাকা অঞ্চলের জমিদার সরকারী দাদা ও পাতান কাকাদের সঙ্গে খোকা সেজে শ্যাকামি কছেন ; বয়েস ষাট পেরিয়েচে, অথচ ‘রাম’কে ‘আম’ ও ‘দাদা’ ও ‘কাকা’কে ‘দাদা’ ‘কাঁকা’ বলেন—এঁরাই কেউ কেউ রঙ্গপুর অঞ্চলে ‘বিছোৎসাহী’ কব্লোন, কিন্তু চক্র করে তান্ত্রিক মতে মদ খান ও ব্যালা চারটে অবধি পূজা করেন। অনেকে জন্মাবচ্ছিন্নে সূর্য্যোদয় দেখেচেন কি না সন্দেহ !

কোন পিনেসে এক দল সহরে নব্য বাবুর দল চলেচেন, ইংরাজি ইম্পিচে লিড্‌নি মনের শ্রদ্ধ হচে, গাওনার সুরে জলও জমে যাচে ।

কোন পানসিখানিতে এক জন তিলকাধুনে নবশাখ বাবু মোসাহেব ও মেয়েমানুষের অভাবে পিস্ততো ভাই, ভাগ্নে ও ছোট ভাইটিকে নিয়ে চলেচেন—বাঁয়া নাই, গোলাবী খিলি নাই, এমন কি, একটা খেলো হুকোরও অপ্রতুল—তবু এমনি খোসমেজাজ, এমনি সক যে, পানসির পাটাতনের তক্তা বাজিয়ে গুন গুন করে গাইতে গাইতে চলেচেন, যেমন করে হোক কায়ক্লেশে শুদ্ধ হওয়াটা চাই ।

এদিকে আমাদের নায়ক গুরুদাস বাবুর বজরায় মাজিদের খাওয়া দাওয়া হয়েছে ; ছপুরের নমাজ পড়েই বজরা খুলে দেবে, এমন সময় গোপাল গুরুদাসকে লক্ষ্য করে বলেন, “ছাখ্ ভাই গুরুদাস ! আমাদের আমোদের চূড়ান্ত হয়েছে, কিন্তু একটার জন্তে বড় ফাঁক ফাঁক ছাখাচে ; সবই হয়েছে, কেবল মেয়েমানুষ না হলে তো স্নানযাত্রায় আমোদ হয় না ! যা বল, যা কও”—অমনি কেদার “ঠিক বলেছ বাপ !” বলে কথার খি ধরে নিলেন ; অমনি নারাণ বলে উঠলেন, “বাবা, যে নৌকোখানায় তাকাই, সকলি মাল ভরা, কেবল আমরা ব্যাটারাই নিরিমিষি ! আমরা যেন বাবার পিণ্ডি দিতে গয়া কাশী যাচ্ছি ।”

গুরুদাসের মেজাজ আলি হয়ে গ্যাচে, সুতরাং “বাবা ঠিক বলেচ ! আমিও তাই ভাব্ছিলেম ; ভাই ! যত টাকা লাগে, তোমরা তাই কব্লে একটা মেয়েমানুষ নে এসো, আমি বাবা তাতে পেচপাও নই, গুরুদাসের সাদা ঝাণ !” এই কথা বলতে না বলতেই নারাণ, গোপাল, হরি ও ব্রজ নেচে উঠলেন ও মাজিদের নৌকো খুলতে মানা করে দিয়ে মেয়েমানুষের সন্ধানে বেরলেন ।

এদিকে গুরুদাস, কেদার ও আর আর ইয়ারেরা চীৎকার করে—

“যাবি যাবি যমুনা পারে ও রঙ্গিনী ।

কত দেখ্‌বি মজা রিষ্‌ড়ের ঘাটে শামা বামা দোকানী ।

কিনে দেবো মাতা ঘষা, বারুইপুরে ঘুনসি খামা,

উভয়ের পুরাবি আশা, ও সোনামণি ॥”

গান ধরেচেন, এমন সময় মেকিণ্টশ বরন্ কোম্পানির ইয়ার্ডের ছুতরেরা এক বোট ভাড়া করে রাঁড় নিয়ে আমোদ কস্তে কস্তে যাচ্ছিল ; তারা গুরুদাসকে চিনতে পেরে তাদের নৌকো থেকে—

“চুপে থাক্ থাক্ থাক্ রে ব্যাটা কানায়ে ভাগে ।

গরু চরাস্ লাজল ধরিস্, এতে তোর য্যাভো মনে ॥”

গাইতে গাইতে ছুরে ও হরিবোল দিয়ে সাঁই সাঁই করে বেরিয়ে গ্যালো ; গুরুদাসেরাও ছুঁও ও হাততালি দিতে লাগলেন ; কিন্তু তাঁর নৌকায় মেয়েমানুষ না থাকাতে সেটি কেমন ফাঁক্ ফাঁক্ বোধ হতে লাগলো ! এদিকে বোটওয়ালারাও চেপে ছুঁও ও হাততালি দিয়ে তাঁরে যথার্থই অপ্রস্তুত করে দে গ্যালো ।

গুরুদাস নেশাতেও বিলক্ষণ পেকে উঠেছিলেন, স্মুতরাং ওরা ঠাট্টা করে আগে বেরিয়ে গ্যালো, ইটি তিনি বরদাস্ত কস্তে পাল্লেন না । শেষে বিরক্ত হয়ে ইয়ারদের অপেক্ষা না করে টল্‌তে টল্‌তে আপনিই মেয়েমানুষের সন্ধানে বেরুলেন, কেদার ও আর আর ইয়ারেরা

“আয় আয় মকর গঙ্গাজল ।

কাল গোলাপের বিয়ে হবে সৈতে যাবো জল ।

গোলাপ ফুলের হাতটি ধরে, চলে যাবো সোহাগ করে,

ঘোমটার ভিতর খ্যামটা নেচে ঝম্‌ঝমাবে মল ॥”

গান ধরে গুরুদাসের অপেক্ষায় রইলেন ।

ঘণ্টাখানেক হলো গুরুদাস নৌকা হতে গ্যাচেন, এমন সময় ব্রজ ও গোপাল ফিরে এলেন । তাঁরা সহরটি তন্ন তন্ন করে খুঁজে এসেচেন, কিন্তু কোথাও এক জন মেয়েমানুষ পেলেন না ; তাঁদের জানত ও সহরের ছুটো গোছের বাছতে বাকী করেন নাই । কেদার এই খবর শুনে একেবারে মাথায় হাত দিয়ে বসে পড়লেন, (জয়কেট্টো মুখুয়োর জেলে যাওয়াতে তাঁর প্রজাদেরও এত ছুঃখ হয় নাই, রাবণের হাতে রামের কাটা মুণ্ড দেখে অশোকবনে সীতে কত বা ছুঃখিত হয়েছিলেন ?) ও অভ্যস্ত ছুঃখে এই গান ধরে গুরুদাসের অপেক্ষায় রইলেন ।

হৃৎপিণ্ডের পাখী উড়ে এলো কার ।
 ছরা করে ধর গো সখি দিয়ে পীরিতের আধার ॥
 কোন্ কামিনীর পোষা পাখী, কাহারে দিয়েছে কাঁকি,
 উড়ে এলো দাঁড় ছেড়ে শিকলিকাটা ধরা ভার ॥

এমন সময় গুরুদাসও এসে পড়লেন—গুরুদাস মনে করেছিলেন যে, যদি তিনিই কোন মেয়েমানুষের সন্ধান নাই পেলেন—তাঁর ইয়ারেরা একটা না একটাকে অবশ্যই জুটিয়ে থাকবে। এদিকে তাঁর ইয়ারেরা মনে করেছিলেন, যদিও তাঁরই কোন মেয়েমানুষের সন্ধান কতে পাল্লেন না, গুরুদাস বাবু আর ছেড়ে আসবেন না। এদিকে গুরুদাস নোকোয় এসেই মেয়েমানুষ না, দেখতে পেয়ে মহাছুঃখিত হয়ে পড়লেন। কিন্তু নেশার এমনি অনির্বচনীয় ক্ষমতা যে, তাতেও তিনি উৎসাহহীন হলেন না; গুরুদাস পুনরায় ইয়ারদের স্তোক দিয়ে মেয়েমানুষের সন্ধানে বেরুলেন। কিন্তু তিনি কোথায় গেলে পূর্ণমনোরথ হবেন, তা নিজেও জানতেন না, বোধ হয় তিনি যার অধীন ও আজ্ঞানুবর্তী হয়ে যাচ্ছিলেন, কেবল তিনি মাত্র সে কথা বলতে পারতেন। গুরুদাসকে পুনরায় যেতে দেখে তাঁর ইয়ারেরাও তাঁর পেছনে পেছনে চললেন। কেবল নারায়ণ, ব্রজ ও কেদার নোকায় বসে অত্যন্ত দুঃখেই—

“নিশি যায় হায় হায় কি করি উপায় ।
 শ্যাম বিহনে সখি বুঝি প্রাণ যায় ॥
 হ্যার হ্যার শশধর অস্তাচলগত সখি,
 প্রফুল্লিত কমলিনী, কুমুদ মলিনমুখী,
 আর কি আসিবে কাস্ত তুষিতে আমায় ॥”

গাইতে লাগলেন—মাজিরা “জুয়ার বই যায়” বলে বারম্বার ত্যক্ত কতে লাগলো। জলও ক্রমশ উড়োনচণ্ডীর টাকার মত জায়গা খালি হয়ে হটে যেতে লাগলো—ইয়ারদলের অসুখের পরিসীমা রইলো না!

গুরুদাস পুনরায় সহরটি প্রদক্ষিণ করলেন—সিঁহুরেপটা, শোভাবাজারের ও বাগবাজারের সিঁকেশ্বরীতলাটাও দেখে গ্যালেন, কিন্তু কোনখানেই সংগ্রহ কতে পাল্লেন না—শেষে আপনার বাড়িতে ফিরে গ্যালেন।

আমরা পূর্বেই বলেছি যে, গুরুদাসের এক বিধবা পিসি ছিল। গুরুদাস বাড়ি গিয়ে তাঁর সেই পিসিরে বললেন যে, “পিসি! আমাদের একটি কথা রাখতে হবে।” তাঁর পিসি বললেন, “বাপু গুরুদাস! কি কথা রাখতে হবে? তুমি একটা কথা বলে আমরা কি রাখবো না! আগে বল দেখি কি কথা?” গুরুদাস বললেন,

“পিসি, যদি তুমি আমাদের সঙ্গে স্নানযাত্রা দেখতে যাও, তা হলে বড় ভাল হয়। দেখ পিসি, সকলেই একটি ছুটি মেয়েমানুষ নিয়ে স্নানযাত্রায় যাচ্ছে, কিন্তু পিসি আমাদের একটিও মেয়েমানুষ জুটে ওঠে নাই—দেখ পিসি সুছই বা কেমন করে যাওয়া হয়, আমার নিজের জন্ম যেন না হলো, কিন্তু পাঁচো ইয়ারের সুছ নিরিমিষ্মি রকমে যেতে মন সচে না—তা পিসি আমোদ কস্তে কস্তে যাবো, তুমি কেবল বসে যাবে, কার সাধ্য তোমারে কেউ কিছু বলে।” পিসি এই প্রস্তাব শুনে প্রথমে গাঁই শুই কস্তে লাগলেন, কিন্তু মনে মনে যাবার ইচ্ছাটাও ছিল, সুতরাং শেষে গুরুদাস ও ইয়ারদের নিতান্ত অনুরোধ এড়াতে না পেরে ভাইপোর সঙ্গে স্নানযাত্রায় গ্যালেন।

ক্রমে পিসিকে সঙ্গে নিয়ে গুরুদাস ঘাটে এসে পৌঁছিলেন; নৌকার ইয়াররা গুরুদাসকে মেয়েমানুষ নিয়ে আসতে দেখে ছুরে ও হরিবোল ধ্বনি দিয়ে বাঁয়ায় দামামার ধ্বনি কস্তে লাগলো, শেষে সকলে নৌকায় উঠেই নৌকো খুলে দিলেন। দাঁড়িরা কসে ঝপাঝপ্, ঝপাঝপ্, করে দাঁড় বাইতে লাগলো, মাজি হাল বাগিয়ে ধরে সজ্জারে দেদার ঝাঁকে মাত্তে লাগলো। গুরুদাস ও সমস্ত ইয়ারে

“ভাসিয়ে প্রেমতরী হরি যাচ্ছে যমুনায়

গোপীর কুলে থাকা হলো দায়।

আরে ও! কদমতলায় বসি বাঁকা বাঁশরী বাজায়,

আর মুচ্কে হেঁসে নয়নঠারে কুলের বউ ভুলায় ॥

হুড়ু হো! হো! হো!”

গাইতে লাগলেন, দেখতে দেখতে নৌকোখানি তীরের মত বেরিয়ে গ্যালো।

বড় বড় যাত্রীদের মধ্যে অনেকেই আজ ছপুরের জোয়ারে নৌকো ছেড়েচেন। এদিকে জোয়ারও মরে এলো, ভাঁটার সারানী পড়লো—নোঙ্গর করা ও ধোঁটায় বাঁধা নৌকোগুলির পাছা ফিরে গ্যালো—জেলেরা ডিঙ্গি চড়ে বেঁউতি জাল তুলতে আরম্ভ কল্লেন, সুতরাং যিনি যে অবধি গ্যাচেন, তাঁরে সেইখানেই নোঙ্গর কস্তে হলো—তিলকাধুনে বাবুদের পানসি, ডিঙ্গি, ভাউলে, বজরা ও বোট বাজার পোট্ট জায়গায় ভিড়োনো হলো—গয়নার যাত্রীরা কিনেরার পাশে পাশে লগি মেরে চল্লেন। পেনেটি কামারহাটি কিম্বা খড়দয়ে জলপান করে খেয়া দিয়ে মাহেশ পৌঁছুবেন!

ক্রমে দিনমণি অস্ত গ্যালেন, অভিসারিণী সন্ধ্যা অন্ধকারের অনুসরণে বেকলেন, প্রিয়সখী প্রকৃতি প্রিয় কার্যের অবসর বুঝে ফুলদাম উপহার দিয়ে বাসরের নিমন্ত্রণ গ্রহণ কল্লেন, বায়ু মৃছ মৃছ বীজন করে পথক্লেশ দূর কস্তে লাগলেন, বক ও

বালহাঁসেরা শ্রেণী বেঁধে চল্লো, চক্রবাকমিথুনের কাল সময় প্রদোষ, সংসারের সুখ বর্ধনের জন্ত উপস্থিত হলো ; হায় ! সংসারের এমনি বিচিত্র গতি যে কোন কোন বিষয় একের অপার দুঃখাবহ হলেও শতকের সুখাস্পদ হয়ে থাকে ।

পাড়াগাঁ অঞ্চলের কোন কোন গাঁয়ের বওয়াটে ছোঁড়ারা যেমন মেয়েদের সাজ সকালে ঘাটে যাবার পূর্বে পথের ধারের পুরনো শিবের মন্দির, ভাঙ্গা কোটা, পুকুরপাড় ও ঝোপে ঝোপে লুকিয়ে থাকে—তেমনি অন্ধকারও এতক্ষণ চাবি দেওয়া ঘরে, পাত্কোর ভেতরে ও জলের জালায় লুকিয়ে ছিলেন—এখন শাঁক ঘণ্টার শব্দে সন্ধ্যার সাড়া পেয়ে বেরুলেন—তাঁর ভয়ানক মূর্ত্তি দেখে রমণীস্বভাবমূলভ শালীনতায় পদ্য ভয়ে ঘাড় হেঁট করে চক্ষু বুজে রইলেন, কিন্তু ফচকে ছুঁড়ীদের ঝাঁটা ভার—কুমুদিনীর মুখে আর হাসি ধরে না। নোঙ্গর করা ও কিনারার নৌকোগুলিতে গঙ্গাও কখনাতীত শোভা পেতে লাগলেন, বোধ হতে লাগলো যেন গঙ্গা গলদেশে দীপমালা ধারণ করে নাচতে লেগেছেন। বায়ুচালিত চেউগুলি তবলা বাঁয়ার কাজ কছে—কোনখানে বালির খালের নীচে একখানি পিনাস নোঙ্গর করে বসেছেন—রকমারি বেধড়ক চলচে, গঙ্গার চমৎকার শোভায় মূহু মূহু হাওয়াতে ও চেউয়ের ঈষৎ দোলায়, কারু কারু শ্মশানবৈরাগ্য উপস্থিত হয়েছে, কেউ বা ভাবে মজে পূরবী রাগিণীতে—

“যে যাবার সে যাক সখি আমি তো যাবো না জলে ।

যাইতে যমুনাজলে, সে কালা কদম্বতলে,

আঁখি ঠেরে আমায় বলে, মালা দে রাই আমার গলে !”

গান ধরেছেন, কোনখানে এইমাত্র একখানি বোট নোঙ্গর কল্লে—বাবু ছাতে উঠলেন, অমনি আর আর সঙ্গীরাও পেছনে পেছনে চল্লো ; এক জন মোসাহেব মাজিদের জিজ্ঞাসা কল্লে, “চাচা ! এ জায়গাটার নাম কি ?” অমনি বোটের মাজি ছজুরে সেলাম ঠুকে “আইগেঁ কাশীপুর কর্তা ! এই রতন বাবুর গাট” বলে বকসিসের উপক্রমণিকা করে রাখলে । বাবুর দল ঘাট শুনে হাঁ করে দেখতে লাগলেন ; ঘাটে অনেক বউ ঝি গা ধুচ্ছিলো, বাবুদলের চাউনি হাসি ও রসিকতায় ভয় ও লজ্জার জড়সড় হলো, ছু একটা পোষ মান্‌বারও পরিচয় ছাখাতে ক্রটি কল্লে না—মোসাহেব দলে মাহেস্ত্র যোগ উপস্থিত ; বাবুর প্রধান ইয়ার রাগ ভেঁজে—

অনুগত আশ্রিত তোমার ।

রেখো রে মিনতি আমার ॥

অন্য ঋণ হলে, বাঁচিতাম পলালে,
এ ঋণে না মলে, পরিশোধ নাই ।
অতএব তার, ভার তোমার,
দেখো রে করো নাকো অবিচার ॥

গান জুড়ে দিলেন—সন্ধ্যা আহ্নিকওয়াল বড়ো বড়ো মিন্‌ষেরা, ক্ষুদে ক্ষুদে ছেলে, নিষ্কর্মা মাগীরা ঘাটের ওপর খাতা বেঁধে দাঁড়িয়ে গ্যালো ; বাবুরাও উৎসাহ পেয়ে সকলে মিলে গাইতে লাগলেন—মড়া থেকে কুকুরগুলো খেউ খেউ করে উঠলো, চরস্তী শোয়ারগুলো ময়লা ফেলে ভয়ে ভোঁৎ ভোঁৎ করে খোঁয়াড়ে পালিয়ে গ্যালো ।

কোন বাবুর বজরা বরানগরে পাটের কলের সামনেই নোঙ্গর করা হয়েছে, গাঁয়ের বওয়াটে ছেলেরা বাবুদের রঙ্গ ও সঙ্গের মেয়েমানুষ দেখে ছোট ছোট হুড়ি পাথর, কাদা ও মাটির চাপ ছুড়ে আমোদ কত্তে লাগলো, সুতরাং সে ধারের খড়-খড়েগুলো বন্ধ করতে হলো—আরো বা কি হয় ।

কোন বাবুর ভাউলেখানি রাসমণির নবরত্নের সামনে নোঙ্গর করেছে, ভেতরের মেয়েমানুষরা উঁকি মেরে নবরত্নটি দেখে নিচ্ছে ।

আমাদের নায়ক বাবু গুরুদাস বাগবাজারের পোলের আশেপাশেই আছেন ; তাঁদের বাঁয়ার এখনো আওয়াজ শুনা যাচ্ছে, আতুরী ও আনীসদের বেশীর ভাগ আনাগোনা হচ্ছে—আনীস ও রমেদের মধ্যে যাঁরা গেছিলেন, তাঁরাই ছনো হয়ে বেরিয়ে আসছেন—ফুলুরি ও গোলাপী খিলিরা দেবতাদের মত বর দিয়ে অন্তর্ধান হয়েছেন, কারু কারু তপস্চার ফললাভও শুরু হয়েছে—স্নেহময়ী পিসি আঁচল দিয়ে বাতাস কচ্ছেন, নৌকোখানি অন্ধকার ।

এমন সময় ঝম্ ঝম্ করে হঠাৎ এক পসলা বৃষ্টি এলো, একটা গোলমলে হাওয়া উঠলো, নৌকোর পাছাগুলি ছলতে লাগলো—মাজিরা পাল ও চট মাথায় দিয়ে বৃষ্টি নিবারণ কত্তে লাগলো, রাত্তির প্রায় ছপূর ।

সুখের রাত্তির দেখতে দেখতেই যায়—ক্রমে সুখ-তারার সিঁতি পরে হাঁসতে হাঁসতে উষা উদয় হলেন, চাঁদ তারাদল নিয়ে আমোদ কচ্ছিলেন, হঠাৎ উষারে দেখে লজ্জায় স্নান হয়ে কাঁপতে লাগলেন, কুমুদিনী ঘোমটা টেনে দিলেন, পূর্ব দিক ফরসা হয়ে এলো, “জোয়ার আইচে” বলে মাজিরা নৌকো খুলে দিলে—ক্রমে সকল নৌকায় সার বেঁধে মাহেশ ও বল্লভপুরে চলো । সকলখানিই এখনো রং পোরা, কোন কোনখানিতে গলাভাঙ্গা সুরে—

“এখনও রজনী আছে বল কোথা যাবে রে প্রাণ ।

কিঞ্চিৎ বিলম্ব কর হোক নিশি অবসান ॥

যদি নিশি পোহাইত, কোকিলে ঝঙ্কার দিত,

কুমুদী মুদিত হতো, শশী যেতো নিজ স্থান ॥”

শোনা যাচ্ছে । কোনখানি কফিনের মত নিঃশব্দ—কোনখানিতে কান্নার শব্দ—
কোথাও নেশার গৌ গৌ ধ্বনি ।

যাত্রীদের নৌকো চল্লো, জোয়ারও পেকে এলো, মালারা জাল ফেলতে আরম্ভ
কল্লে—কিনারায় সহরের বড়গান্ধের ছেলেদের টুকপি ধোপার গাধা দেখা দিলে ।
ভট্টাচার্য্যরা প্রাতঃস্নান কত্তে লাগলেন, মাগী ও মিন্‌সেরা লজ্জা মাথায় করে কাপড়
তুলে হাগতে বসেচে, তরকারির বাজরা সমেত হেটোরা বদিবাটী ও শ্রীরামপুরে
চল্লো, আড়খৈয়ার পাটুনীরে সিকি ও আধ পয়সায় পার কত্তে লাগলো, বদর ও
দফর গাজীর ফকিরেরা ডিঙ্গায় চড়ে ভিক্ষে আরম্ভ কল্লে, সূর্য্যদেব উদয় হলেন দেখে
কমলিনী আহ্লাদে ফুটলেন, কিন্তু ইলিশ মাছ ধড়ফড়িয়ে মরে গ্যালেন, হায় !
পরশ্রীকাতরদের—এই দশাই ঘটে থাকে ।

যে সকল বাবুদের খড়দ, পেনেটি, আগড়পাড়া, কামারহাটী প্রভৃতি গঙ্গাতীর
অঞ্চলে বাগান আছে, আজ তাঁদেরো ভারী ধুম, অনেক জায়গায় কাল শনিবার ফলে
গ্যাচে, কোথাও আজ শনিবার, কারু কদিনই জমাট বন্দোবস্ত—আয়েস ও
চোহেলের হদ্দ ! বাগানওয়ালা বাবুদের মধ্যে কারু কারু বাচ্ খ্যালাবার জম্ম
পানসি তৈরি, হাজার টাকার বাচ্ হবে, এক মাস ধরে নৌকোর গতি বাড়িবার জম্ম
তলায় চর্বি ঘষা হচ্ছে ও মাজিদের লাল উর্দি ও আণ্ড পেছুর বাদশাই নিশেন
সংগ্রহ হয়েছে—গ্রামস্থ ইয়ারদল, খড়দর বাবুরা ও আর আর ভদ্রলোক মধ্যস্থ !
বোধ হয় বাদী মহিন্দর নফর—চীনেবাজারের ক্যাবিনেট মেকর—ভারি সৌখিন—
সকের সাগর বল্লেই হয় !

এদিকে কোন কোন যাত্রী মাহেশ পৌছুলেন, কেউ কেউ নৌকোতেই রইলেন,
ছুই এক জন ওপরে উঠলেন—মাঠে লোকারণ্য, বেদিমণ্ডপ হতে গঙ্গাতীর পর্য্যন্ত
লোকের ঠেল মেরেচে ; এর ভেতরেই নানা প্রকার দোকান বসে গ্যাচে, ভিকিরীরা
কাপড় পেতে বসে ভিক্ষে কচ্ছে, গায়েরা গাচ্ছে, আনন্দলহরী, একতারা, খঞ্জনী ও
বাঁয়া নিয়ে বষ্টুমরা বিলক্ষণ পয়সা কুড়ুচ্ছে । লোকের হরুরা, মাঠের ধুলো ও
রোদের তাভ একত্র হয়ে একটি চমৎকার মেওয়া প্রস্তুত হয়েছে ; অনেকে তাই
দিল্লীর লাড্ডুর স্বাদে সাধ করে সেবা কুচ্ছেন ।

ক্রমে ব্যালা ছই প্রহর বেজে গ্যালো। সূর্যের উত্তাপে মাথা পুড়ে যাচ্ছে ; গামছা, ক্রমাল, চাদর ও ছাতি ভিজিয়েও পার পাচ্ছে না। জগবন্ধু চাঁদমুখ নিয়ে বেদীর ওপর বসেচেন, চাঁদমুখ দেখে কুমুদিনীর ফোটা চুলোয় যাক, প্রলয় তুফানে জেলেডিজির তফ্রা খাওয়ার মত সমাগত কুমুদিনীদের চুর্দশা আছে কে !

ক্রমে ব্যালা প্রায় একটা বেজে গ্যালো। জগন্নাথের আর স্নান হয় না—দশ আনীর জমীদার “মহাশয়” বাবুরা না এলে জগন্নাথের স্নান হবে না। কিন্তু পচা আদা ঝালে ভরা—তাদের আর আসা হয় না, ক্রমে যাত্রীরা নিত্যস্ত ক্লান্ত হয়ে পড়লো, আশ পাশের গাছতলা, আমবাগান ও দাওয়া দরজা লোকে ভরে গ্যালো, অনেকের সর্দিগর্শ্মি উপস্থিত, কেউ কেউ শিঙ্গে ফুকলেন, অনেকেই ধুতরো ফুল দেখতে লাগলো। ডাব ও তরমুজে রণক্ষেত্র হয়ে গ্যালো, লোকের রজ্জা দ্বিগুণ বেড়ে উঠলো, সকলেই অস্থির। এমন সময় শোনা গ্যালো, বাবুরা এসেচেন। অমনি জগন্নাথের মাথায় কলসী করে জল ঢালা হলো, যাত্রীরাও চরিতার্থ হলেন। চিড়ে, দই, মুড়ি, মুড়কি, চাটম কলা দেদার উঠতে লাগলো ; খোস পোসাকী বাবুরা খাওয়া দাওয়া কল্লেন। অনেকের আমোদেই পেট ভরে গ্যাচে, স্মৃতরাং খাওয়া দাওয়া আবশ্যিক হলো না। কিছু ক্ষণ বিশ্রামের পর তিনটে, শেষে চারটে বেজে গ্যালো। বাচখালা আরম্ভ হলো—কার নৌকা আগে গিয়ে নিশেন নেয়, এরি তামাসা ছাখবার জন্ত সকল নৌকোই খুলে দেওয়া হলো, অবশ্যই এক দল জিতলেন ; সকলে জুটে হারের হাততালি ও জিতের বাহবা দিলেন, স্নানযাত্রার আমোদ ফুরলো। সকলে বাড়িমুখো হলেন, যত বাড়ি কাছে হতে লাগলো ততই গর্শ্মিবোধ হতে লাগলো। শেষে কাশীপুরের চিনির কল, বালির ব্রিজ, কেউ পার হয়ে প্রসন্নকুমার ঠাকুরের ঘাটে উঠলেন, কেউ বাগবাজার ও আইরিটোলার ঘাটে নাবলেন। সকলেরই বিষণ্ণ বদন—স্নান মুখ ; অনেককেই ধরে তুলতে হলো ; শেষ চার পাঁচ দিনের পর আমোদের নাগাড় মরে—ফিরতি গোলের দরুন আমরা গুরুদাস বাবুর নৌকোখানা বেছে নিতে পাল্লেন না।

প্রথম ভাগ সমাপ্ত।



“হতোম পঁচাঁ আশ্‌মানে বসে
নক্‌শা উড়োঁচেন।”

ছত্ৰোন্ন প্যাঁচান্ন নকশা

দ্বিতীয় ভাগ

রথ

হে সজ্জন ! স্বভাবের সুনির্মল পটে,
রহস্য রসের রঙ্গে,
চিত্রিত চরিত্র—দেবী সরস্বতী বরে ।
কুপাচক্ষে হের একবার ; শেষে বিবেচনা মতে
যার যা অধিক আছে 'তিরস্কার' কিম্বা 'পুরস্কার'
দিও তাহা মোরে—বহু মানে লব শির পাতি ।

স্নানযাত্রার আমোদ ফুরুলো, গুরুদাস গুঁই গুলদার উড়ুনি পরিহার করে পুনরায় চিরপরিচিত র্যাঁদা ও ঘিস্কাপ ধলেন । ক্রমে রথ এসে পড়লো । ফ্যাঁতো ব্যতো পরব প্রলয় বড়ুটে ; এতে ইয়ারকির লেশমাত্র নাই, সুতরাং সহরে রথ পার্শ্বণে বড় একটা ঘট নাই ; কিন্তু কলিকাতায় কিছুই ফাঁক যাবার নয় ; রথের দিন চিংপুর রোড লোকারণ্য হয়ে উঠলো, ছোট ছোট ছেলেরা বার্নিসকরা জুতো ও সেপাইপেড়ে ঢাকাই ধুতি পরে, কোমরে কুমাল বেঁধে, চুল ফিরিয়ে, চাকর চাকরাণীদের হাত ধরে, পয়নালার ওপর পোদ্দারের দোকানে ও বাজারের বারাণ্ডায় রথ দেখতে দাঁড়িয়েছে । আদ্বয়সী মাগীরা খাতায় খাতায় কোরা ও কলপ, দেওয়া কাপড় পরে রাস্তা জুড়ে চলেছে ; মাটির জগন্নাথ, কাঁঠাল, তালপাতের ভেঁপু, পাখা ও সোলায় পাখি বেধড়ক বিক্রি হচ্ছে ; ছেলেরা দেখাদেখি বুড়ো বুড়ো মিন্‌সেরাও তালপাতের ভেঁপু নিয়ে বাজাচ্ছেন ; রাস্তায় ভেঁ। পোঁ ভেঁ। পোঁ শব্দের ফুফান উঠেছে—ক্রমে ঘট, হরিবোল, খোল, খস্তাল ও লোকের গোলার সঙ্গে একখানা রথ এলো—রথের প্রথমে পেটা ঘড়ি, নিশান, খুস্তি, সোড়োং ও নেড়ীর কবি ; তার পর বৈরাগীদের ছু তিন দল নিম্বাসা কেন্দ্রন, তার পেছনে সকের সংকীর্জন গাওনা ; দোয়ার দলের সঙ্গে বড় বড় আঁচালার মত গোলপাতার ছাতা

ও পাখা চলেচে, আশে পাশে কৰ্মকর্তারা পরিশ্রাস্ত ও গলদ্বৰ্শ—কেউ নিশান ও রেশালার মিলে ব্যতিব্যস্ত, কেউ পাখার বন্দোবস্তে বিভ্রত, সখের সংকীৰ্ত্তনওয়ালারা গোছসই বারাণ্ডার নীচে, চৌমাথার ও চকের সামনে থেমে থেমে গান করে যাচ্ছেন, পেছনে চোতাদারেরা চোঁচিয়ে হাত নেড়ে পান বলে দিচ্ছেন, দোয়ারেরা কি গাচ্ছেন, তা তাঁরা ভিন্ন আর কেউ বুঝতে পাচ্ছেন না। দর্শকদের ভিড়ের ভিতর একটা মাতাল ছিল, সে রথ দর্শন করে ভক্তিভরে মাত্লাম সুরে

কে মা রথ এলি ?

সর্ব্বাঙ্গে পেরেক মারা ঢাকা ঘুরঘুরালি ।

মা তোর সামনে ছুটো ক্যেটো ঘোড়া,

চুড়োর উপর মুক্শোড়া,

চাঁদ চামুরে ঘণ্টা নাড়া,

মধ্যে বনমালী ।

মা তোর চৌদিকে দেবতা আঁকা,

লোকের টানে চল্চে ঢাকা,

আগে পাছে ছাতা পাখা,

বেহুদ ছেনালি ।

গানটি গেয়ে, “মা রথ ! প্রণাম হই মা !” বলে প্রণাম কলে। এদিকে রথ হেলতে ছলতে বেরিয়ে গ্যালো ; ক্রমে এই রকমে ছু চারখানা রথ দেখতে দেখতে সন্ধ্যা হয়ে পড়লো—গ্যাস্ জ্বালা যুটেরা মই কাঁদে করে ছাখা দিলে, পুলিশের পানের সময় ফুরিয়ে এলো, দর্শকেরাও যে যার ঘরমুখো হলেন ।

মাহেশে স্নানযাত্রায় যে প্রকার ধুম হয়, রথে তত হয় না বটে ; তবু ক্যালা যায় না ।

এদিকে সোজা ও উল্টো রথ কুরাল, শ্রাবণ মাসে ঢালা ক্যালা পার্ব্বণ, ভাদ্র মাসের অরক্ষন ও জন্মাষ্টমীর পর অনেক জায়গায় প্রতিমের কাঠামোয় ঘা পড়লো, ক্রমে কুমোররা নারেকবাড়ি একমেটে, দোমেটে ও তেমেটে করে বেড়াতে লাগলো । কোলা ব্যাঙেরা কোড়্, কোঁ কোড়্, কোঁ কোড়্, কোঁ শব্দে আগমনী গাইতে লাগলো ; বর্ষা আঁবের আঁটি, কাঁটালের ভুতুড়ি ও তালের এঁশো খেয়ে বিদেয় হলেন—দেখতে দেখতে পূজো এলো ।

দুর্গোৎসব

দুর্গোৎসব বাঙ্গালা দেশের পরব, উত্তরপশ্চিম প্রদেশে এর নাম গন্ধও নাই ; বোধ হয়, রাজা কৃষ্ণচন্দ্রের আমল হতেই বাঙ্গালায় দুর্গোৎসবের প্রাচুর্য্য বাড়ে। পূর্বে রাজারাজড়া ও বনেদী বড় মানুষদের বাড়িতেই কেবল দুর্গোৎসব হতো, কিন্তু আজকাল পুঁটে তেলীকেও প্রতিমা আনতে ছাখা যায় ; পূর্বকার দুর্গোৎসব ও এখনকার দুর্গোৎসবে অনেক ভিন্ন।

ক্রমে দুর্গোৎসবের দিন সংক্ষেপ হয়ে পড়লো ; কৃষ্ণনগরের কারিকরেরা কুমারটুলী ও সিদ্ধেশ্বরীতলা জুড়ে বসে গ্যালো, জায়গায় জায়গায় রংকরা পাটের চুল, তবলকীর মালা, টিন ও পেতলের অশুরের ঢাল তলওয়ার, নানা রঙের ছোবান প্রতিমের কাপড় ঝুলতে লাগলো ; দর্জীরা ছেলেদের টুপি, চাপকান ও পেটা নিয়ে দরোজায় দরোজায় বেড়াচ্ছে ; “মধু চাই !” “শাঁখা নেবে গো !” বলে ফিরিওয়ালারা ডেকে ডেকে ঘুচ্ছে। ঢাকাই ও শান্তিপু্রে কাপুড়ে মহাজন, আতরওয়ালা ও যাত্রার দালালেরা আহাৰ নিজে পরিত্যাগ করেছে। কোনখানে কাঁসারীর দোকানে রাশীকৃত মধুপকের বাটি, চুমকি ঘটি ও পেতলের থালা ওজন হচ্ছে। ধূপ ধুনো, বেণে মসলা ও মাথাঘষার একত্ৰী দোকান বসে গ্যাচে। কাপড়ের মহাজনেরা দোকানে ডবল পর্দা ফেলেচে ; দোকান ঘর অন্ধকারপ্রায়, তারি ভেতরে বসে যথার্থ পাই লাভে বউনি হচ্ছে। সিঁছরচুপড়ি, মোমবাতি, পিঁড়ে ও কুশাসনেরা অবসর বুঝে দোকানের ভিতর থেকে বেরিয়ে এসে রাস্তার ধারে অ্যাকুডেক্টের উপর বার দিয়ে বসেচে। বাঙ্গাল ও পাড়ার্গেয়ে চাকুরেরা আরসি, ঘুনসি, গিল্টির গহনা ও বিলিতী মুক্কা একচেটেয় কিন্চেন ; রবরের জুতো, কমফরটর, ষ্টিক ও শ্যাজওয়ালা পাগড়ি অশুস্তি উঠচে ; ঐ সঙ্গে বেলোয়ারি চুড়ি, আঙ্গিয়া, বিলিতী সোনার শীলআংটি ও চুলের গার্ডচেনেরও অসঙ্গত খদ্দের। এত দিন জুতোর দোকান ধুলো ও মাকড়সার জালে পরিপূর্ণ ছিল, কিন্তু পূজোর ষোরশমে বিয়ের কনের মত কেঁপে উঠ্চে ; দোকানের কপাটে কাই দিয়ে নানা রকম রঙ্গীন কাগজ মারা হয়েছে, ভেতরে চেয়ার পাড়া, তার নীচে এক টুকরো ছেঁড়া কারপেট। সহরের সকল দোকানেরই শীতকালের কাপের মত চেহারা কিরেচে। যত দিন ঘুনিয়ে আসচে, ততই বাজারের কেনা ব্যাচা বাড়চে, ততই কলকেশা গরম হয়ে উঠ্চে। পন্নীগ্রামের টুলো অধ্যাপকেরা বৃন্তি ও বাৰ্ষিক মাদিতে বেরিয়েচেন, রাস্তায় রকম রকম ভরবেত্তর চেহারার ভিড় লেগে গ্যাচে।

কোনখানে খুন, কোনখানে দাঙ্গা, কোথায় সিঁদুরি, কোনখানে ভাই মহাশয়ের কাছ থেকে ছু ভরি রূপো গাঁটকাটায় কেটে নিয়েচে ; কোথাও মাগীর নাকে থেকে নথটা ছিঁড়ে নিয়েচে ; পাহারাওয়ালারা শশব্যস্ত, পুলিশ বদমাইস পোরা, চোরেরা পূজোর মোরশুমে দেদার কারবার ফালাও কচ্ছে, “লাগে তাক না লাগে তুকো” “কিনি তো হাতী, লুটি ত ভাণ্ডার” তাদের জপমন্ত্র হয়েছে ; অনেকে পার্বণের পূর্বে শ্রীঘরে ও বাঙ্কুলে বসতি কচ্ছে ; কারো পূজোর পাথরে পাঁচ কিল ; কারো সর্বনাশ ! ক্রমে চতুর্থী এসে পড়লো ।

এবার অমুক বাবুর নতুন বাড়িতে পূজার ভারি ধুম । প্রতিপদাদি কল্পের পর ব্রাহ্মণ পণ্ডিতের বিদায় আরম্ভ হয়েছে, আজও চোকে নাই—ব্রাহ্মণ পণ্ডিতে বাড়ি গিস্গিস্ কচ্ছে । বাবু দেড় ফিট উচ্চ গদির উপর তসরকাপড় পরে বার দিয়ে বসেচেন, দক্ষিণে দেওয়ান টাকা ও সিকি আধুলির তোড়া নিয়ে খাতা খুলে বসেচেন, বামে হবীখর শায়লঙ্কার সভাপণ্ডিত, অনবরত নম্র নিচ্ছেন ও নাসানিঃসৃত রঙ্গীন কফজল জাজিমে পুচ্ছেন । এদিকে জহুরী জড়ওয়া গহনার পুঁটুলি ও ঢাকাই মহাজন ঢাকাই শাড়ীর গাঁট নিয়ে বসেচে, মুন্সি মশাই, জামাই ও ভাগ্নে বাবুরা ফর্দ কচ্ছেন, সামনে কতকগুলি প্রতিমেফ্যালা দুর্গাদায়গ্রস্ত ব্রাহ্মণ, বাইয়ের দালাল, যাত্রার অধিকারী ও গাইয়ে ভিক্ষুক “যে আজ্ঞা” “ধর্ম অবতার” প্রভৃতি প্রিয়বাক্যের উপহার দিচ্ছেন । বাবু মধ্যে মধ্যে কারেও এক আধটা আগমনী গাইবার ফরমাস কচ্ছেন । কেও খোসগল্প ও অশ্ল বড়মানুষের নিন্দাবাদ করে বাবুর মনোরঞ্জনের উপক্রমণিকা কচ্ছেন,—আসল মতলব দ্বৈপায়ন হুদে রয়েছে, উপযুক্ত সময়ে তীরস্থ হবে । আতরওয়ালা, তামাকওয়ালা, দানাওয়ালা ও অশ্ল্য পাওনাদার মহাজনরা বাইরে বারাণ্ডায় ঘুচ্ছে—পূজো যায় তখাচ তাদের হিসেব নিকেশ হচ্ছে না । সভাপণ্ডিত মহাশয় সরপটে পিরিলীর বাড়ির বিদেয় নেওয়া ও বিধবাদলের এবং বিপক্ষপক্ষের ব্রাহ্মণদের নাম কাটচেন ; অনেকে তাঁর পা ছুঁয়ে দিব্বি গালচেন যে, তাঁরা পিরিলীর বাড়ি চেনেন না ; বিধবা বিয়ের সভায় যাওয়া চুলোয় যাক, গত বৎসর শয্যাগত ছিলেন বল্লই হয় । কিন্তু বানের মুখে জেলোডিকীর মত তাঁদের কথা তল্ হয়ে যাচ্ছে, নামকাটার পরিবর্তে সভাপণ্ডিত আপনার জামাই, ভাগ্নে, নাতজামাই, দৌতুর ও খুড়তুতো ভেয়েদের নাম হাঁসিল কচ্ছেন ; এদিকে নামকাটার বাবু ও সভাপণ্ডিতকে বাপাস্ত করে পৈতে ছিঁড়ে গালে চড়িয়ে শাপ দিয়ে উঠে যাচ্ছেন । অনেক উমেদারের অনিয়ত হাজরের পর বাবু কাকেও “আজ যাও” “কাল এসো” “হবে না” “এবার এই হলো” প্রভৃতি

অনুষ্ঠান আপ্যায়িত কছেন—হজুরীসরকারের হেকমৎ আছে কে। সকলেই শশব্যস্ত, পূজার ভারি ধুম!

ক্রমে চতুর্থীর অবসান হলো, পঞ্চমী প্রভাত হলেন—ময়রারা হুর্গোমোণ্ডা ও আগাতোলা সন্দেশের ওজন দিতে আরম্ভ করে। পাঠার রেজিমেন্টকে রেজিমেন্ট বাজারে প্যারেড্ কত্তে লাগলো, গন্ধবেণেরা মসলা ও মাথাঘষা বেঁধে বেঁধে ক্লাস্ত হয়ে পড়লো। আজ সহরের বড় বাস্তায় চলা ভার; মুটেরা প্রিমিয়মে মোট বইচে, দোকানে খদ্দের বসবার স্থান নাই। পঞ্চমী এইরূপে কেটে গ্যালো। আজ ষষ্ঠী; বাজারের শেষ কেনাবেচা, মহাজনের শেষ তাগাদা, আশার শেষ ভরসা। আজ আমাদের বাবুর বাড়িরও অপূর্ব শোভা; সব চাকর বাকর নতুন তক্মা, উর্দি ও কাপড় পরে ঘুরে বেড়াচ্ছে, দরজার ছই দিকে পূর্ণকুস্ত ও আত্মসার দেওয়া হয়েছে, ঢুলীরা মধ্যে মধ্যে রোশনচৌকি ও শানাইয়ের সঙ্গে বাজাচ্ছে, জামাই ও ভাগ্নে বাবুরা নতুন জুতো ও নতুন কাপড় পরে ফররা দিচ্ছেন, বাড়ির কোন বৈঠকখানায় আগমনী গাওয়া হচ্ছে, কোথাও নতুন তাসজোড়া পরকান হচ্ছে, সমবয়সী ও ভিক্ষুকের ম্যালা লেগেচে, আতরের উমেদারেরা বাবুদের কাছে শিশি হাতে করে সাত দিন ঘুচে, কিন্তু বাবুদের এমনি অনবকাশ যে ছু কৌটা আতর দানের অবসর হচ্ছে না।

এদিকে সহরের বাজারের মোড়ে ও চৌরাস্তায় ঢুলী ও বাজন্দারের ভিড়ে সৈদোনো ভার। রাজপথ লোকারণ্য; মালীরা পথের ধারে পদ্ম, চাঁদমালা, বিল্লি-পতুর ও কুচো ফুলের দোকান সাজিয়ে বসেচে; দইয়ের ভার, মণ্ডার খুলী ও লুচি কচুরীর ওড়ায় রাস্তা জুড়ে গেছে; রেও ভাট ও আমাদের মত ফলারেরা মিমো করে নিচ্ছে—কোথায় যায়?

ষষ্ঠীর সন্ধ্যায় সহরে প্রতিমার অধিবাস হয়ে গ্যালো, কিছুক্ষণ ঢোল ঢাকের শব্দ থামলো, পূজোবাড়িতে ক্রমে “আন্ রে” “কর রে” “এটা কি হলো” কত্তে কত্তে ষষ্ঠীর শর্বরী অবসন্ন হলো, সুখতারা মুছ পবন আশ্রয় করে উদয় হলেন, পাখিরা প্রভাত প্রত্যক্ষ করে ক্রমে ক্রমে বাসা পরিত্যাগ কত্তে আরম্ভ করে; সেই সঙ্গে সহরের চারি দিকে বাজনা বাদি বেজে উঠলো, নবপত্রিকার স্নানের জন্তু কর্মকর্তারা শশব্যস্ত হলেন—ভাবুকের ভাবনায় বোধ হতে লাগলো, যেন সপ্তমী কোরমাখান নতুন কাপড় পরিধান করে হাসতে হাসতে উপস্থিত হলেন।

এদিকে সহরের সকল কলাবউয়েরা বাজনা বাদি করে স্নান করতে বেরুলেন, বাড়ির ছেলেরা কাঁসর ও ঘড়ি বাজাতে বাজাতে সঙ্গে সঙ্গে চল্লো—এদিকে বাবুর

কলাবউয়েরও স্নানের সরঞ্জাম বেরুলো, আগে আগে কাড়ানাগরা, ঢোল ও সানাইদারেরা বাজাতে বাজাতে চলো, তার পেছনে নতুন কাপড় পরে আশাসোঁটা হাতে বাড়ির দরওয়ানেরা, তার পশ্চাৎ কলাবউ কোলে পুরোহিত, পুঁধি হাতে তন্ত্রধারক, বাড়ির আচার্য্য বায়ুন, গুরু ও সভাপণ্ডিত, তার পশ্চাৎ বাবু, বাবুর মস্তকে লাল সাটিনের রূপোর রামছাতা ধরেচে। আশে পাশে ভাগ্নে, ভাইপো ও জামাইয়েরা, পশ্চাৎ আমলা ফয়লা ও ঘরজামাইয়ে ভগিনীপতিরা, মোসাহেব ও বাজে দল, তার শেষে নৈবিদ্ধ, লাঠন ও পুষ্পপাত্র, শাঁখ ঘণ্টা ও কুশাসন প্রভৃতি পূজার সরঞ্জাম মাথায় মালীরা। এই প্রকার সরঞ্জামে বাবু প্রসন্নকুমার ঠাকুর বাবুর ঘাটে কলাবউ নাওয়াতে চল্লেন, ক্রমে ঘাটে পৌঁছলে কলাবউয়ের পূজা ও স্নানের অবকাশে হজুরও গঙ্গার পবিত্র জলে স্নান করে নিয়ে স্তব পাঠ কস্তে কস্তে অমুরূপ বাজনা বাদির সঙ্গে বাড়িমুখো হলেন।

পাঠকবর্গ! এ সহরে আজকাল ছচার এজুকেটেড ইয়ংবেঙ্গালও পৌত্তলিকতার দাম হয়ে পূজোআচ্ছা করে থাকেন—ব্রাহ্মণ ভোজনের বদলে কতকগুলি দিল্দোস্ত মদে ভাতে প্রসাদ পান, আলাপী ফিমেল ফ্রেগেরাও নিমন্ত্রিত হয়ে থাকেন, পূজোরো কিছু রিফাইণ্ড কেতা। কারণ অপর হিন্দুদের বাড়ি নিমন্ত্রিত প্রদত্ত প্রণামী টাকা পুরোহিত ব্রাহ্মণেরই প্রাপ্য, কিন্তু এঁদের বাড়ি প্রণামীর টাকা বাবুর অ্যাকোর্ডেটে ব্যাস্কে জমা হয়; প্রতিমের সামনে বিলিতী চর্কিবর বাতি জলে ও পূজোর দালানে জুতো নিয়ে ওঠবার অ্যালাওয়েন্স থাকে। বিলেত থেকে অর্ডর দিয়ে সাজ আনিয়ে প্রতিমে সাজান হয়—মা দুর্গা মুকুটের পরিবর্তে বনেট পরেন, স্যাণ্ডউইচের শেতল খান, আর কলাবউ গঙ্গাজলের পরিবর্তে কাৎলীকরা গরম জলে স্নান করে থাকেন, শেষে সেই প্রসাদী গরম জলে কর্নকর্তার প্রাতরাশের টী ও কফি প্রস্তুত হয়!

ক্রমে তাবৎ কলাবউয়েরা স্নান করে ঘরে ঢুকলেন। এদিকে পূজাও আরম্ভ হলো, চণ্ডীমণ্ডপে বারকোসের উপর আগাতোলা মোণ্ডাওয়ালো নৈবিদ্ধি সাজান হলো, সজ্জতি বুঝে চলীর শাড়ি, চিনির খাল, ঘড়া, চুমকি ঘটি ও সোনার লোহা; নয় ত কোথাও সন্দেশের পরিবর্তে গুড় ও মধুপর্কের বাটির বদলে খুরি ব্যবস্থা। ক্রমে পূজা শেষ হলো; ভক্তরা এতক্ষণ অনাহারে থেকে পূজোর শেষে প্রতিমারে পুষ্পাঞ্জলি দিলেন, বাড়ির গিন্নীরা চণ্ডী শুনে জল খেতে গ্যালেন; কারো বা নবরাস্তির। আমাদের বাবুর বাড়ির পূজাও শেষ হলো প্রায়, বলিদানের উদ্‌যোগ হচ্ছে; বাবু মায় ষ্টাফ্ আছুড় গায়ে উঠানে দাঁড়িয়েচেন, কামার

কোমর বেঁধে প্রতিমের কাছ থেকে পূজা ও প্রতিষ্ঠা করা খাঁড়া নিয়ে কাশে আলীকর্বাদী ফুল গুঁজে হাড়কাঠের কাছে উপস্থিত হলো, পাশ থেকে এক জন মোসাহেব “খুটি ছাড়! খুটি ছাড়!” বলে চোঁচিয়ে উঠলেন, গঙ্গাজলের ছড়া দিয়ে পাঠাকে হাড়কাঠে পূরে দিয়ে খিল এঁটে দেওয়া হলো, এক জন পাঠার মুড়ি ও আর এক জন ধড়টা টেনে ধলে—অমনি কামার “জয় মা! মা গো!” বলে কোপ তুলে, বাবুরাও সেই সঙ্গে “জয় মা! মা গো!” বলে প্রতিমের দিকে ফিরে চোঁচাতে লাগলেন—ছপ্ করে কোপ পড়ে গ্যালো—গীজা গীজা গীজা গীজা, নাক্ টুপ্ টুপ্ টুপ্, গীজা গীজা গীজা গীজা, নাক্ টুপ্ টুপ্ টুপ্ শব্দে ঢোল, কাড়ানাগরা ও ট্যাম্‌টেমি বেজে উঠলো; কামার সরাতে সমাংস করে দিলে পাঠার মুড়ির মুখ চেপে ধরে দালানে পাঠানো হলো, এদিকে এক জন মোসাহেব সঙ্কর্পণে খর্পরের সরা আচ্ছাদন করে প্রতিমের সম্মুখে উপস্থিত করে, বাবুরা বাজনার তরঙ্গের মধ্যে হাততালি দিতে দিতে ধীরে ধীরে চণ্ডীমণ্ডপে উঠলেন—প্রতিমার সামনে দানের সামগ্রী ও প্রদীপ জ্বলে দেওয়া হলে আরতি আরম্ভ হলো, বাবু স্বহস্তে ধবল গঙ্গাজল চামর বীজন কত্তে লাগলেন, ধূপ ধূনোর ধোঁয়ে বাড়ি অন্ধকার হয়ে গ্যালো, এইরূপে আধ ঘণ্টা আরতির পর শাঁখ বেজে উঠলো, সবাবু সকলে ভূমিষ্ঠ হয়ে প্রণাম করে বৈঠকখানায় গ্যালেন। এদিকে দালানে বামুনেরা নৈবিদ্দি নিয়ে কাড়াকাড়ি কত্তে লাগলো। দেখতে দেখতে সপ্তমীও ফুরালো। ক্রমে নৈবিদ্দি বিলি, কাঙ্গালী বিদায় ও জলপান বিলানোতেই সে দিনের অবশিষ্ট সময় অতিবাহিত হয়ে গ্যালো, বৈকালে চণ্ডীর গানওয়ালারা খানিক ক্ষণ আসর জাগিয়ে বিদায় হলো—জগা স্মাকরা চণ্ডীর গানের প্রকৃত ওস্তাদ ছিল, সে মরে যাওয়াতেই আর চণ্ডীর গানের প্রকৃত গায়ক নাই; বিশেষত এক্ষণে শ্রোতাও অতিচূর্ণভ হয়েছে।

ক্রমে ছটা বাজলো, দালানের গ্যাসের ঝাড় জ্বলে দিয়ে প্রতিমার আরতি আরম্ভ করে দেওয়া হলো এবং মা দুর্গার শেতলের জলপান ও অশ্রাণ্য সরঞ্জামও সেই সময় দালানে সাজিয়ে দেওয়া হলো—মা দুর্গা যত খান বা না খান, লোকে দেখে প্রশংসা করলেই বাবুর দশ টাকা খরচের সার্থকতা হবে। এদিকে সন্ধ্যার সঙ্গে দর্শকের ভিড় বাড়তে লাগলো; বাঙ্গাল দোকানদার, ঘুঙ্গী ও খানকীরা ক্ষুদ্রে ক্ষুদ্রে ছেলে ও আদ্বইসী ছোঁড়া সঙ্গে খাতায় খাতায় প্রতিমে দেখতে আসতে লাগলো। এদিকে নিমন্ত্রিতেরা সেজেগুজে এসে টনাৎ করে একটা টাকা ফেলে দিয়ে প্রণাম করে, অমনি পুরুত এক ছড়া ফুলের মালা নেমস্করের গলায় দিয়ে

টাকাটা হুড়িয়ে ট্যাকে গুঁজলেন, নেমস্তুলেও হন্ হন্ করে চলে গেলেন। কলকাতা সহরের এই একটি বড় আজগুবি কেতা, অনেক স্থলে নিমন্ত্রিতে ও কর্মকর্তায় চোরে কামারের মত সাক্ষাৎ হয় না, কোথাও পুরোহিত বলে ছান “বাবুরা ওপরে, ঐ সিঁড়ি মশাই যান না।” কিন্তু নিমন্ত্রিত যেন চিরপ্রচলিত রীতি অনুসারেই “আজ্ঞে না, আরো পাঁচ জায়গায় যেতে হবে, থাক্” বলে টাকাটি দিয়েই অমনি গাড়িতে ওঠেন ; কোথাও যদি কর্মকর্তার সঙ্গে সাক্ষাৎ হয়, তবে গিরগিটের মত উভয়ে একবার ঘাড় নাড়ানাড়ি মাত্র হয়ে থাকে—সন্দেশ মেঠাই তুলোয় থাক্, পান তামাক মাথায় থাক্, প্রায় সর্বত্রই সাদর সম্ভাষণেরও বিলক্ষণ অপ্রতুল—তাই এক জায়গায় কর্মকর্তা জরির মহলন্দ পেতে, সামনে আতরদান, গোলাপপাস সাজিয়ে পয়সার দোকানের পোদ্দারের মত বসে থাকেন। কোন বাড়ির বৈঠকখানায় চোহেলের রৈ রৈ ও হৈচৈয়ের তুফানে নেমস্তুলের সেঁধুতে ভরসা হয় না—পাছে কর্মকর্তা তেড়ে কামড়ান। কোথায় দরজা বন্ধ, বৈঠকখানা অন্ধকার, হয় ত বাবু ঘুমুচ্ছেন, নয় বেরিয়ে গ্যাচেন, দালানে জনমানব নাই, নেমস্তুলে কার সমুখে যে প্রণামী টাকাটি ফেলবেন ও কি করবেন, তা ভেবে স্থির কত্তে পারেন না, কর্মকর্তার ব্যাভার দেখে প্রতিমে পর্য্যস্ত অপ্রস্তুত হন। অথচ এ রকম নিমন্ত্রণ না কল্পেই নয়। এই দরুন অনেক ভদ্রলোক আজকাল আর “সামাজিক” নেমস্তুলে স্বয়ং যান না, ভাগ্নে বা ছেলেপুলের দ্বারাতেই ক্রিয়েবাড়ির পুকতের প্রাপ্য কিম্বা বাবুদের ওৎকরা টাকাটি পাঠিয়ে ছান কিন্তু আমাদের ছেলেপুলে না থাকায় ও স্বয়ং গমনে অসমর্থ হওয়ায় স্থির করেছি, এবার অবধি প্রণামীর টাকায় পোষ্টেজ্, ষ্ট্যাম্প কিনে ডাকে পাঠিয়ে দেবো, তেমন তেমন আত্মীয়স্থলে (সেফ অ্যারাইভ্যালের জন্ত) রেজিষ্টরী করে পাঠান যাবে; যে প্রকারে হোক টাকাটি পৌঁছনো নে বিষয়। অধ্যাপক ভায়ারা এ বিষয়ে অনেক সুবিধে করে দিয়েছেন, পূজো ফুরিয়ে গেলে তাঁরা প্রণামীর টাকাটি আদায় কত্তে স্বয়ং ক্লেস নিয়ে থাকেন, নেমস্তুলের পূর্ব হতে পূজোর শেষে তাঁদের আত্মীয়তা আরও বৃদ্ধি হয়, অনেকের প্রণামী চাইতে আসাই পূজোর প্রফ!

মনে করুন, আমাদের বাবু বনেদী বড়মানুষ; চাইল স্বতন্ত্র, আরতির পর বানারসী জোড় পরে সভাসদ্ সঙ্গে নিয়ে দালানে বার দিলেন, অমনি তক্কা পরা বাঁকা দরওয়ানেরা তলওয়ার খুলে পাহারা দিতে লাগলো; হরকরা, ছাঁকোবর্দার, বিবির বাড়ির বেয়ারা ও মোসাহেবরা জোড়হস্ত হয়ে দাঁড়ালো কখন কি করমাস হয়। বাবুর সামনে একটা সোনার আলবোলা, ডাইমে একটা পাল্লাবসান ফুরসি,

বাঁয়ে একটা হীরে বসান টোপদার গুড়গুড়ি ও পেছনে একটা মুক্তাবসান পেঁচুয়া পড়লো ; বাবু আঁতাকুড়ের কুকুরের মত ইচ্ছা অঙ্কুসারে আশে পাশে মুখ দিচ্ছেন ও আড়ে আড়ে সামনে বাজে লোকের ভিড়ের দিকে দেখছেন—লোকে কোন্টার কারিগরির প্রশংসা কচ্ছে ; যে রকমে হোক, লোককে দেখান চাই যে, বাবুর রূপো সোনার জিনিষ অটেল, এমন কি, বসাবার স্থান থাকলে আরো ছোটো ফুরসি বা গুড়গুড়ি ছাখান যেতো । ক্রমে অনেক অনাহুত ও নিমজ্জিত জড় হতে লাগলেন, বাজে লোকে চণ্ডীমণ্ডপ পুরে গেল, জুতো চোরে সেই লাঙ্গাতরওয়ারের পাহারার ভেতর থেকেও ছু বুড়ি জুতো সরিয়ে ফেলেন । কচ্ছপ জলে থেকেই ডাঙ্গাস্থ ডিমের প্রতি যেমন মন রাখে, সেইরূপ অনেকে দালানে বসে বাবুর সঙ্গে কথাবার্তার মধ্যে আপনার জুতোরও ওপর নজর রেখেছিলেন ; কিন্তু ওঠবার সময় ছাখেন যে, জুতোরাম কচ্ছপের ডিমের মত ফুটে সরেচেন, ভাঙ্গা ডিমের খোলার মত হয় ত এক পাটি ছেঁড়া চটি পড়ে আছে ।

এদিকে দেখতে দেখতে গুড়ুম্ করে নটার তোপ পড়ে গ্যালো ; ছেলেরা “ব্যোম কালী কল্কেস্তাওয়ালী” বলে চৈঁচিয়ে উঠলো । বাবুর বাড়ি নাচ, সুতরাং বাবু আর অধিক ক্ষণ দালানে বসতে পারেন না, বৈঠকখানায় কাপড় ছাড়তে গেলেন, এদিকে উঠানের সমস্ত গ্যাস জ্বলে দিয়ে মজলিশের উদ্‌যোগ হতে লাগলো, ভাগ্নেরা ট্যাসল দেওয়া টুপি ও পেটি পরে ফপরদালালি কস্তে লাগলেন । এদিকে ছুই এক জন নাচের মজলিশি নেমস্তুলে আসতে লাগলেন । মজলিশে তয়ফা নাবিয়ে দেওয়া হলো । বাবু জরি ও কালাবৎ এবং নানাবিধ জড়ওয়া গহনায় ভূষিত হয়ে ঠিক একটি “ঈজিপশন্ মমী” সঙ্গে মজলিশে বার দিলেন—বাই সারঙ্গের সঙ্গে গান করে সভাস্থ সমস্তকে মোহিত কস্তে লাগলেন ।

নেমস্তুলেরা নাচ দেখতে থাকুন, বাবু ফররা দিন ও লাল চোখে রাজা উজীর মার্কন—পাঠকবর্গ একবার সহরটার শোভা দেখুন—প্রায় সকল বাড়িতেই নানা প্রকার রং তামাশা আরম্ভ হয়েছে । লোকেরা খাতায় খাতায় বাড়ি বাড়ি পুজো দেখে বেড়াচ্ছে । রাস্তায় বেজায় ভিড় ! মাড়ওয়ারী খোট্টার পাল, মাগীর খাতা ও ইয়ারের দলে রাস্তা পুরে গ্যাচে । নেমস্তুলের হাতলার্টনওয়ালী বড় বড় গাড়ির সইসেরা প্রায় শব্দে পইস্ পইস্ কচ্ছে, অথচ গাড়ি চালাবার বড় বেগতিক ! কোথায় সখের কবি হচ্ছে, ঢোলের চাঁটি ও গাওনার চীৎকারে নিজাদেবী সে পাড়া থেকে ছুটে পালিয়েছেন, গানের তানে ঘুমন্ত ছেলেরা মার কোলে ক্ষণে ক্ষণে চম্কে উঠছে । কোথাও পাঁচালি আরম্ভ হয়েছে, বওয়াটে পিল্ ইয়ার হোকরারা ভরপুর

নেশায় ভেঁ হয়ে ছড়া কাট্চেন ও আপনা আপনি বাহবা দিচ্ছেন ; রাস্তির শেষে শ্রাদ্ধ গড়াবে, অবশেষে পুলিসে দক্ষিণা দেবে। কোথায় যাত্রা হচ্ছে, মণিগোঁসাই সং এসেচে, ছেলেরা মণিগোঁসায়ের রসিকতায় আহ্লাদে আটখানা হচ্ছে, আশে পাশে চিকের ভেতর মেয়েরা উকি মাচ্ছে, মজলিশে রামমশাল জ্বল্চে, বাজে দর্শকদের বাতর্কর্ষ ও মশালের ছুর্গন্ধে পূজোবাড়িতে তিষ্ঠন ভার, ধূপ ধূনোর গন্ধও হার মেনেচে। কোনখানে পূজোবাড়ির বাবুরাই খোদ মজলিশ রেখেচেন—বৈঠকখানার পাঁচো ইয়ার জুটে নেউল নাচানো, ব্যাং নাপানো, খ্যামটা ও বিছানুন্দর আরম্ভ করেচেন ; এক এক বারের হাসির গরুরায় শিয়াল ডাকে ও মদন আগুনের তানে—দালানে ভগবতী ভয়ে কাঁপচেন, সিঙ্গি চোরাকে কামড়ান পরিত্যাগ করে শ্রাজ্জ গুটিয়ে পলাবার পথ দেখ্চে, লক্ষ্মী সরস্বতী শশব্যস্ত ! এদিকে সহরের সকল রাস্তাতেই লোকের ভিড়, সকল বাড়িই আলোময়।

এই প্রকারে সপ্তমী, অষ্টমী ও সন্ধিপূজো কেটে গ্যালো। আজ নবমী ; আজ পূজোর শেষ দিন ; এত দিন লোকের মনে যে আহ্লাদটি জোয়ারের জলের মত বাড়তেছিল, আজ সেইটির একেবারে সারভাটা।

আজ কোথাও জোড়া মোষ, কোথাও নব্বু ইটা পাঁঠা, সুপারি, আক, কুমড়ো, মাগুরমাছ ও মরীচ বলিদান হয়েছে ; কর্মকর্তা পাত্র টেনে পাঁচো ইয়ারে জুটে নবমী গাচ্ছেন ও কাদামাটি কচ্ছেন, ঢুলীর ঢোলে সঙ্গত হচ্ছে, উঠানে লোকারণ্য ; উপর থেকে বাড়ির মেয়েরা উকি মেরে নবমী দেখেচেন। কোথাও হোমের ধূমে বাড়ি অন্ধকার হয়ে গ্যাচে, কার সাধ্য প্রবেশ করে—কান্ধালী, রেওভাট ও ভিন্ধুকের পূজোবাড়ি ঢোকা দূরে থাকুক, দরজা হতে মশাগুলো পর্য্যন্ত ফিরে যাচ্ছে। ক্রমে দেখতে দেখতে দিনমণি অস্ত গ্যালেন, পূজোর আমোদ প্রায় সম্বৎসরের মত ফুরালো ! ভোরাও ওক্কে ভয়রোঁ। রাগিণীতে অনেক বাড়িতে বিজয়া গাওনা হলো। ভক্তের চক্রে ভগবতীর প্রতিমা পরদিন প্রাতে মলিন মলিন বোধ হতে লাগলো, শেষে বিসর্জনের সমারোহ শুরু হলো,—আজ্জ মিরঞ্জন।

ক্রমে দেখতে দেখতে দশটা বেজে গ্যালো ; দইকড়মা ভোগ দিয়ে প্রতিমার নিরঞ্জন করা হলো, আরতির পর বিসর্জনের বাজনা বেজে উঠলো ; বায়ুনবাড়ির প্রতিমারা সকালেই জলসই হলেন। বড়মানুষ ও বাজে জাতির প্রতিমা পুলিসের পাস মত বাজনা বাদির সঙ্গে বিসর্জন হবেন—এদিকে এ কাজ সে কাজে নিরঞ্জার ঘড়িতে টুং টাং টুং টাং করে ছপূর বেজে গ্যালো, সুর্য্যের মুহূর্ত্ত

উদ্ভাপে সহর নিম্নকী রকম গরম হয়ে উঠলো, এলোমেলো হাওয়ায় রাস্তার ধুলো ও কাঁকর উড়ে অঙ্ককার করে তুলে। বেকার কুকুরগুলো দোকানের পাটাতনের নীচে ও খানার ধারে শুয়ে জিব বাইর করে হাঁপাচ্ছে, বোঝাই গাড়ির গরুগুলোর মুখ দে ফ্যানা পড়চে—গাড়োয়ান ভয়ানক চীৎকারে “শালার গরু চলে না” বলে ছাঙ্ক মল্চে ও পাঁচনবাড়ি মাচ্ছে; কিন্তু গরুর চাল বেগড়াচ্ছে না, বোঝাইয়ের ভরে চাকাগুলি কোঁ কোঁ শব্দে রাস্তা মাতিয়ে চলেচে। চড়াই ও কাকগুলো বারাণ্ডা, আলসে ও নলের নীচে চক্ষু মুদে বসে আছে। ফিরিওয়ালারা ক্রমে ঘরে ফিরে যাচ্ছে, রিপুকর্ষ ও পরামাণিকরা অনেক ক্ষণ হলো ফিরেচে, আলু, পটোল! ঘি চাই! ও তামাকওয়ালা কিছু ক্ষণ হলো ফিরে গ্যাচে। ঘোল চাই মাখন চাই! ভয়সা দই! ও মালাই দইওয়ালারা কড়ি ও পয়সা গুন্তে গুন্তে ফিরে যাচ্ছে, এখন কেবল মধ্যে মধ্যে পানিফল! কাগোজ বদোল! পেয়ালা পিরিচ—বিলাতী খেলেনা বর্তন চাই পেয়ালা পিরিচ! ফিরিওয়ালাদের ডাক শোনা যাচ্ছে—নৈবিদ্দি মাথায় পূজোবাড়ির লোক, পূজুরী বামুন, পটো ও বাজন্দার ভিন্ন রাস্তায় বাজে লোক নাই। গুপুসু করে একটার তোপ পড়ে গ্যালো। ক্রমে অনেক স্থলে ধুমধামে বিসর্জনের উদ্যোগ হতে লাগলো।

হায়! পৌত্তলিকতা কি শুভ দিনেই এ স্থলে পদার্পণ করেছিল; এত দেখে শুনে মনে স্থির জেনেও আমরা তারে পরিত্যাগ কত্তে কত কষ্ট ও অশুবিধা বোধ কচ্ছি; ছেলেবেলা যে পুতুল নিয়ে খেলাঘর পেতেছি, বৌ বৌ খেলেছি ও ছেলে মেয়ের বে দিয়েছি, আবার বড় হয়ে সেই পুতুলকে পরমেশ্বর বলে পূজো কচ্ছি, তাঁর পদার্পণে পুলকিত হচ্ছি ও তাঁর বিসর্জনে শোকের সীমা থাকচে না—শুধু আমরা কেন—কত কত কৃতবিদ্ব বাঙ্গালী সংসারের ও জগদীশ্বরের সমস্ত তত্ত্ব অবগত থেকেও হয় ত সমাজ, না হয় পরিবার পরিজনের অনুরোধে পুতুল পূজে আমোদ প্রকাশ করেন, বিসর্জনের সময় কাঁদেন ও কাদা রক্ত মেখে কোলাকুলি করেন, কিন্তু নাস্তিকতায় নাম লিখিয়ে বনে বসে থাকাও ভাল, তবু “জগদীশ্বর একমাত্র” এটি জেনে আবার পুতুল পূজায় আমোদ প্রকাশ করা উচিত নয়।

ক্রমে সহরের বড় রাস্তা চৌমাথা লোকারণ্য হয়ে উঠলো, বেশালয়ের বারাণ্ডা আলাপীতে পুরে গ্যালো, ইংরাজি বাজনা, নিশেন, তুরুকসোয়ার ও সার্জন সঙ্গে প্রতিমারা রাস্তায় বাহার দিয়ে বেড়াতে লাগলেন—তখন “কার প্রতিমা উত্তম” “কার সাজ ভাল” “কার সরঞ্জাম সরেস” প্রভৃতির প্রশংসারই

প্রয়োজন হচ্ছে, কিন্তু হয়! “কার ভক্তি সরেস” কেউ সে বিষয়ে অনুসন্ধান করে না—কর্মকর্তাও তার জগু বড় কেয়ার করেন না। এ দিকে, প্রসন্নকুমার বাবুর ঘাট ভদ্র লোক গোছের দর্শক, ক্ষুদে ক্ষুদে পোশাক করা ছেলে, মেয়ে ও ইন্ধুলনয়ে ভরে গ্যালো। কর্মকর্তারা কেউ কেউ প্রতিমে নিয়ে বাচ 'খেলিয়ে বেড়াতে লাগলেন—আমুদে মিন্‌সে ও ছোঁড়ারা নোকোর ওপর ঢোলের সঙ্গতে নাচতে লাগলো। সৌখীন বাবুরা খ্যামটা ও বাই সঙ্গে করে বোট, পিনেস ও বজুরার ছাতে বার দিয়ে বসলেন—মোসাহেব ও ওস্তাদ চাকরেরা কবির সুরে ছু একটা রংদার গান গাইতে লাগলো।

বিদায় হও মা ভগবতি এ সহরে এসো নাকো আর।

দিনে দিনে কলিকাতার মর্শ্ব দেখি চমৎকার ॥

জষ্টিসেরা ধর্ম্মঅবতার, কায়মনে কচেন সুবিচার।

এদিকে ধুলোর তরে রাজপথেতে চৌচিয়ে চেয়ে চলা ভার।

পথে হাঙ্গা মোতা চলবে না, লহোরের জল তুলতে মানা,

লাইসেন্সটেক্স মাগট চাঁদা, পাইখানার বাসি ময়লা হবে না।

হেল্‌থ অফিসর, সেতখানার মেজেষ্টর,

ইনকমের আসেসর মাল্লে সবারে ;

আবার গবর্নরের গুয়ে দৃষ্টি সৃষ্টিছাড়া ব্যবহার !

অসহ্য হতেছে মা গো ! অসাধ্য বাস করা আর।

জীয়ন্তে এই ত জ্বালা মা গো,

মলেও শান্তি পাবে না,

মুখাগির দফা রফা কলেতে করবে সংকার।

হতোম দাস তাই সহর ছেড়ে আস্‌মানে করেন বিহার।

এদিকে দেখতে দেখতে দিনমণি যেন সন্ধ্যাসরের পূজোর আমোদের সঙ্গে অস্ত গ্যালেন। সঙ্ঘাবধু বিচ্ছেদবসন পরিধান করে দেখা দিলেন। কর্মকর্তারা প্রতিমা নিরঞ্জন করে, নীলকণ্ঠ শঙ্খচিল উড়িয়ে “দাদা গো” “দিদি গো” বাজনার সঙ্গে ষট নিয়ে ঘরমুখো হলেন। বাড়িতে পৌঁছে চণ্ডীমণ্ডপে পূর্ণঘটকে প্রণাম করে শান্তিজল নিলেন, পরে কাঁচা হলুদ ও ঘটজল খেয়ে পরস্পর কোলাকুলি কল্লেন। অবশেষে কলাপাতে ছুর্গানাম লিখে সিদ্ধি খেয়ে বিজয়ার উপসংহার হলো। ক দিন মহাসমারোহের পর আজ সহরটা ধাঁ ধাঁ কন্ডে লাগলো—পৌত্তলিকের মন বড়ই উদাস হলো, কারণ লোকের যখন সুখের দিন থাকে

তখন সেটির তত অনুভব কতে পারা যায় না, যত সেই সুখের মহিমা হুঃখের দিনে বোঝা যায়।

রামলীলা

ছুর্গোৎসব এক বছরের মত ফুরলো। ঢুলীরা নায়েকবাড়ি বিদেয় হয়ে শুঁড়ীর দোকানে রং বাজাচ্ছে। ভাড়া করা ঝাড়েরা মুটের মাথায় বাঁশে ঝুলে টুঙ্গ টুঙ্গ শব্দে বালাখানায় ফিরে যাচ্ছে। জঙ্গমেনে বামুনের বাড়ির নৈবিদ্রির আলোচাল ও পঞ্চশস্য শুকুচ্ছে, ব্রাহ্মণী ছেলে কোলে করে কাটি নিয়ে কাক ভাড়াচ্ছেন। সহরটা ধম্ধমে। বাসাড়েরা আজো বাড়ি হতে ফেরেন নি, আপিস ও ইস্কুল খোলবার আরো চার পাঁচ দিন বিলম্ব আছে।

যে দেশের লোকের যে কালে যে প্রকার হেম্মৎ থাকে, সে দেশে সে সময় সেই প্রকার কর্মকাণ্ড, আমোদ প্রমোদ ও কার কারবার প্রচলিত হয়। দেশের লোকের মনই সমাজের লোকোমোটিবের মত, ব্যবহার কেবল ওয়েদরকমের কাজ করে। দেখুন, আমাদের পূর্বপুরুষেরা রঙ্গভূমি প্রস্তুত করে মল্লযুদ্ধে আমোদ প্রকাশ কতেন, নাটক ত্রোটকের অভিনয় দেখতেন, পরিশুদ্ধ সঙ্গীত ও সাহিত্যের উৎসাহ দিতেন; কিন্তু আজকাল আমরা বারোইয়ারিতলায়, নয় বাড়িতে, বেদেনীর নাচ ও “মদন আগুনের” তানে পরিতুষ্ট হচ্ছি, ছোট ছোট ছেলে ও মেয়েদের অনুরোধ উপলক্ষ করে, পুতুল নাচ, পাঁচালি ও পচা খেঁউড়ে আনন্দ প্রকাশ কচ্ছি, যাত্রাওয়ালাদের “ছকুবাবু” ও “সুন্দরের” সং নাবাতে ছকুম দিচ্ছি। মল্লযুদ্ধের তামাশা দেখ “বুল্‌বুল্‌ ফাইট” ও “ম্যাড়ার লড়ায়ে” পর্য্যবসিত হয়েছে। আমাদের পূর্বপুরুষেরা পরস্পর লড়াই করেচেন, আজকাল আমরা সর্বদাই পরস্পরের অসাক্ষাতে নিন্দাবাদ করে থাকি, শেষে এক পক্ষের “খেঁউড়ে” জিত ধরাই আছে।

আমাদের এই প্রকার অধঃপতন হবে না কেন? আমরা হামা দিতে আরম্ভ করেই কুম্‌কুমি, চুষী ও সোলার পাখিতে বর্ণপরিচয় করে থাকি, কিছু পরে যুড়ি, লাটিম, লুকোচুরি ও বৌ বৌ খেলাই আমাদের যুবদের এনট্রান্স কোর্স হয়, শেষে ভাস, পাশা ও বড়ে টিপে মাৎ করে ডিগ্রী নিয়ে বেরুই। সুতরাং ঐগুলি পুরনো পড়ার মত কেবল চিরকাল আউড়ে আসতে হয়; বেশীর ভাগ বয়সের পরিমাণের সঙ্গে ক্রমশ কতকগুলি আনুষঙ্গিক উপসর্গ উপস্থিত হয়।

রামলীলা এদেশের পরব্ নয়—এটি প্রলয় খোট্টাই। কিছু কাল পূর্বে চানকের সেপাইদের দ্বারা এই রামলীলার সূত্রপাত হয়, পূর্বে তারাই আপনা আপনি চাঁদা করে চানকের মাঠে রামরাবণের যুদ্ধের অভিনয় কস্তো ; কিছু দিন এ রকমে চলে, মধ্যে একেবারে রহিত হয়ে যায়। শেষে বড়বাজারের ছ চার ধনী খোট্টার উদ্যোগে ১৭৫৭ শকে পুনর্ব্বার “রামলীলা” আরম্ভ হয়। তদবধি এই বারো বৎসর, রামলীলার মেলা চলে আসুচে। কল্কেতায় আর অন্য কোন মেলা নাই বলেই অনেকে রামলীলায় উপস্থিত হন। এদের মধ্যে নিষ্কর্মা বাবু, মাড়ওয়ারী খোট্টা, বেঙ্গা ও বেগেই অধিক।

পাঠকবর্গ মনে করুন, আপনাদের পাড়ার বনেদী বড়মানুষ ও দলপতি বাবু দেড় ফিট উচ্চ গদির ওপর বার দিয়ে বসেচেন। গদির সামনে বড় বড় বাস ও আয়না পড়েচে, বাবুর প্রকাণ্ড আলবোলা প্রতি টানে শরতের মেঘের মত শব্দ কর্চে, আর মুস্ক ও মুসব্বর গেশান ইরাণী তামাকের খোসবে বাড়ি মাৎ করেচে। গদির কিছু দূরে এক জন খোট্টা সিদ্ধির মাজুম, হজ্জী গুলি ও পালংতোড় প্রভৃতি “কুয়ৎ কি চিজ্” ক্রমালে বেঁধে বসে আছেন। তিনি লঙ্কায়ের এক জন সম্পন্ন জহরীর পুত্র, এক্ষণে সহরেই বাস, হয় ত বছর কতক হলো আফিমের তেজমন্দি খেলায় সর্ব্বস্বাস্ত হয়ে বাবুর অবশ্যপোষ্য হয়েচেন। মনে করুন, তাঁর অনেক প্রকার হাকিমী ঔষধ জানা আছে, সিদ্ধি সম্পর্কীয় মাজুমও উত্তম রকম প্রস্তুত কস্তে পারেন ; বিশেষত বিস্তর বাই, কথক ও গানেওয়ালীর সহিত পরিচয় থাকায় আপন হেক্‌মৎ ও হুজুরিতে আজকাল বাবুর দক্ষিণহস্ত হয়ে উঠেচেন। এঁর পাশে ভবানী বাবু ও মিসুয়াস আর্টফুল ডজরুস উকিল সাহেবদের হেড কেরাণী হলধর বাবু। ভবানী বাবু এঁ অঞ্চলের একজন বিখ্যাত লোক, আদালতে ভারি মাইনের চাকরি করেন, এ সওয়ায় অস্তঃসিলে কোম্পানির কাগজের দালালি, বড় বড় রাজা রাজড়ার আমমোস্তারি ও মকদমার ম্যানেজারি করা আছে। এমন কি, অনেকেই স্বীকার করে থাকেন যে, ভবানী বাবু ধড়িবাজিতে উমেশ হতে সরেস ও বিষয়কর্মে জয়কৃষ্ণ হতেও জবর। ভবানী বাবুর পার্শ্বস্থ হলধরও কম নন—মনে করুন, হলধর উকিলের বাড়ির মকদমার তদ্বিরে, ফের ফন্দীতে ও জাল জালিয়াতে প্রকৃত শুভকর। হলধরের মোচা গোঁপ, মুসকের মত ভুঁড়ি, হাতে ইষ্টিকবচ, কোমরে গোট ও মাজুলি, সরু ফিন্‌ফিনে সাদা ধুতি পরিধান, তার ভিতরে একটা কাচ, কপালে টাকার মত একটা রক্তচন্দনের টিপ ও দাঁতে মিসি—চাদরটা ভাল পাকিয়ে কাঁধে ফেলে অনবরত তামাক খাচ্ছেন ও গোঁপে তা দিয়ে যেন বুদ্ধি

পাকাছেন—এমন সময় বাবুর মজলিশে ফলহরি বাবু ও রামভদ্রর বাবু উপস্থিত হলেন, ফলহরি ও রামভদ্রকে দেখে বাবু সাদর সম্ভাষণে বসালেন, হাঁকাবরদার তামাক দিয়ে গ্যালো, বাবুরা শ্রান্তি দূর করে তামাক খেতে খেতে এ কথা সে কথার পর বল্লেন, “মশাই, আজ রামলীলার বড় ধুম। আজ শুনলেম্ লক্ষ্মণের শক্তিশেল হবে, বিস্তর বাজি পুড়বে, এখানে আস্বার সময় দেখ্লেম ওপাড়ার রাম বাবুর চৌঘুড়ি গ্যালো। শঙ্কু বাবু বগিতে লক্ষ্মীকে নিয়ে যাচ্ছেন—আজ বেজায় ভিড়। মশাই যাবেন না?” তখনি ভবানী বাবু এই প্রস্তাবের পোষকতা কল্লেন—বাবুও রাজী হলেন—অমনি “ওরে! ওরে! কোন্ হায় রে! কোন্ হায়!” শব্দ পড়ে গ্যালো; আশে পাশে “খোদাবন্দ” ও “আজ্ঞা যাইয়ে”র প্রতিধ্বনি হতে লাগলো—হরকরাকে হুকুম হলো, বড় ব্রিজকা ও বিলাতী জুড়ি তৈরি কন্তে বল। শীগ্গির।

ঠাওরান, যেন এদিকে বাবুর ব্রিজকা প্রস্তুত হতে লাগলো, পেয়ারের আরদালীরা পাগড়ি ও তক্মা পরে আয়নায় মুখ দেখচে। বাবু ডেসিংরুমে ঢুকে পোশাক পচ্ছেন। চার পাঁচ জন চাকরে পড়ে চাল্লিশ রকম প্যাটনের ট্যাসল দেওয়া টুপি ও সার্টিনের চাপকান পায়জামা বাছুনি কছে। কোন্টা পল্লে বড় ভাল দেখাবে বাবু মনে মনে এই ভাবতে ভাবতে ক্লাস্ত হচ্চেন, হয় ত একটা জামা পরে আবার খুলে ফেল্লেন। একটা টুপি মাথায় দিয়ে আয়নায় মুখ দিখে মনে ধচ্ছে না; আবার আর একটা মাথায় দেওয়া হছে, সেটাও বড় ভাল মানাচ্ছে না, এই অবকাশে একজন মোসাহেবকে জিজ্ঞাসা কচ্চেন, “কেমন হে? এটা কি মাথায় দেবো!” মোসাহেব সব দিক্ বজায় রেখে, “আজ্ঞা পোশাক পল্লে আপনাকে যেমন খোলে, সহরের কোন শালাকে এমন খোলে না” বল্চেন, বাবু এই অবসরে আর একটা টুপি মাথায় দিয়ে জিজ্ঞাসা কচ্চেন, “এটা কেমন?” মোসাহেব “আজ্ঞে এমন আর কারো নাই” বলে বাবুর গৌরব বাড়াচ্চেন ও মধ্যে মধ্যে “আপ্‌কুচি খানা ও পর কুচি পিন্না” বয়েদটা নজির কচ্চেন। এই প্রকার অনেক তর্ক বিতর্ক ও বিবেচনার পর, হয় ত একটা বেয়াড়া রকমের পোশাক পরে, শেষে পোমেটম, ল্যাভেগোর ও আতর মেখে আংটি চেন ও ইষ্টিক বেছে নিয়ে দু ঘণ্টার পর বাবু ডেসিংরুম হতে বৈঠকখানায় বার দিলেন। হলধর, ভবানী, রামভদ্রর প্রভৃতি বৈঠকখানাস্থ সকলেই আপনাদের কর্তব্য কর্ম বলেই যেন “আজ্ঞে পোশাকে আপনাকে বড় খুলেচে” বলে নানাপ্রকার প্রশংসা কন্তে লাগ্লেন; কেউ বল্লেন, “হজুর, এ কি গিব্‌সনের বাড়ির

তৈরি ?” কেউ ষড়ির চেন, কেউ আংটি ও ইষ্টিকের অনিয়ত প্রশংসা কস্তে আরম্ভ করেন ।

মোসাহেবদের মধ্যে ষাঁদের কাপড়চোপড়গুলি, বাবুর ব্রিজকা ও বিলাতী জুড়ির যোগ্য নয়, তাঁরা বাবুর প্রসাদী কাপড়চোপড় পরে, কানে আতরের তুলো গুঁজে, চেহারা খুলে নিলেন, প্রসাদী পোশাক পরে মোসাহেবদের আর আহ্লাদের সীমা রইলো না। মনে হতে লাগলো, “বাড়ির কাছের উঠনোওয়ানা মুদি মাগী ও চেনা লোকেরা যেন দেখতে পায়, আমি কেমন পোশাকে হজুরের সঙ্গে যাবি” ; কিন্তু দুঃখের বিষয় এই যে, অনেক মোসাহেব সর্বদাই আক্ষেপ করে থাকেন যে, তাঁরা যখন বাবুদের সঙ্গে বড় বড় গাড়ি ও ভাল কাপড়চোপড় পরে বেরোন তখন কেউ তাঁদের দেখতে পায় না, আর গামছা কাঁধে করে বাজার কস্তে বেরুলেই সকলের নজরে পড়েন ।

এদিকে টুং টাং টুং টাং করে মেকাবী ক্লাকে পাঁচটা বাজলো, “হজুর গাড়ি হাজির” বলে হরকরা হজুরে প্রোক্রেম কলে, বাবু মোসাহেবদের সঙ্গে নিয়ে গাড়িতে উঠলেন—বিলাতী জুড়ি কোচম্যানের ইঞ্জিতে টপাটপ্, টপাটপ্, শব্দে রাস্তা কাঁপিয়ে বাবুকে নিয়ে বেরিয়ে গ্যালো ।

এদিকে চাকরেরা “রাম বাঁচলুম” বলে কেউ বাবুর মছলন্দে গড়িয়ে পড়লো, কেউ হজুরের সোনারাঁধান ছাঁকোটা টেনে দেখতে লাগলো—অনেকে বাবুর ব্যবহারের কাপড়চোপড় পরে বেড়াতে বেরুলো । সহরের অনেক বড়মানুষের বাড়ি বাবুদের সাক্ষাতে বড় আঁটাআঁটি থাকে, কিন্তু তাঁদের অসাক্ষাতে বাড়ির অনেক ভাগ উদোম্ এলো হয়ে পড়ে ।

ক্রমে বাবুর ব্রিজকা চিৎপুর রোডে এসে পড়লো । চিৎপুর রোডে আজ গাড়ি ঘোড়ার অসম্ভব ভিড় । মাড়ওয়ারী খোঁটী ও বেশারা খাতায় খাতায় ছকর ও কেরাঞ্চীতে রামলীলা দেখতে চলেচে ; ষাঁরা যোত্রহীন, তাঁরাও সখের অনুরোধ এড়াতে না পেরে হেঁটেই চলেচেন—কল্কেতা সহরের এই একটি আশ্চর্য গুণ যে মজুর হতে লক্ষপতি পর্য্যন্ত সকলের মনে সমান সখ । বড়লোকেরা দানসাগরে যাহা নিৰ্ব্বাহ করবেন, সামান্য লোককে ভিক্ষা বা চুরি পর্য্যন্ত স্বীকার করেও কায়রেশে তিলকাঞ্চনে সেটির নকল কস্তে হবে ।

আন্দাজ করুন, যেন এদিকে ছকড় ও বড় বড় গাড়ির গতিতে রাস্তার ধূলা উড়িয়ে সহর অন্ধকার করে তুলে । সূর্য্যদেবও সমস্ত দিন কমলিনীর সহবাসে কাটিয়ে সুরতপরিশ্রান্ত লাগরের মত ক্লান্ত হয়ে ক্লান্তি দূর করবার জন্তই যেন

অস্তাচল আশ্রয় করলেন ; শ্রিয় সখী প্রদোষের পিছে পিছে অভিসারিণী সন্ধ্যাবধু ধীরে ধীরে সতিনী শর্করীর অনুসরণে নির্গতা হলেন ; রহস্যজ্ঞ অন্ধকার সমস্ত দিন নিভতে লুকিয়ে ছিলো, এখন পাখিদের সঙ্কেতবাক্যে অবসর বুঝে ক্রমশ দিক্‌সকল আচ্ছাদিত করে নিশানাথের নিমিত্ত অপূর্ব বিহারস্থল প্রস্তুত কন্তে আরম্ভ করলেন । এদিকে বাবুর ব্রিজ্‌কা রামলীলার রঙ্গভূমিতে উপস্থিত হলো । রামলীলার রঙ্গভূমি, রাজা বাহাদুরের বাগানখানি পূর্বে সহরের প্রধান ছিল, কিন্তু কুলপ্রদীপ কুমারদের কল্যাণে আজকাল প্রকৃত চিড়িয়াখানা হয়ে উঠেছে । পূর্বে রামলীলা ঐ রাজা বদ্দিনাথ বাহাদুরের বাগানেতেই হতো ; গত বৎসর হতে রহিত হয়ে রাজা নরসিংহ বাহাদুরের বাগানে আরম্ভ হয়েছে । নরসিংহ বাহাদুরের ফুলগাছের উপর যার পর নাই সখ ছিল এবং চিরকাল এই ফুলগাছের উপাসনা করেই কাটিয়ে গ্যাচেন, সুতরাং তাঁর বাগান সহরের শ্রেষ্ঠ হবে বড় বিচিত্র নয় । এমন কি, অনেকেই স্বীকার করেচেন যে, গাছের পারিপাট্যে রাজা বাহাদুরের বাগান কোম্পানির বাগান হতে বড় খাট ছিল না । কিন্তু বর্তমান কুমার বাহাদুর পিতার মৃত্যুর মাসেকের মধ্যে বাগানখানি অয়রান করে ফেলেন ; বড় বড় গাছগুলি উপড়ে বিক্রি করা হলো, রাজা বাহাদুরের পুরাতন জুতো পর্য্যন্ত পড়ে রইলো না, যে প্রকারে হোক টাকা উপার্জন করাই কুমার বাহাদুরের মতে কর্তব্য কর্ম । সুতরাং শেষে এই শ্রেষ্ঠ বাগান রামলীলার রঙ্গভূমি হয়ে উঠলো, ঘরে বাইরে বানর নাচতে লাগলো, সহরে সোরোত উঠলো এবার বদ্দিনাথের বদলে রাজা নরসিংহের বাগানে “রামলীলা” কিন্তু এবার গাড়ি ঘোড়ার টিকিট । রাজা বদ্দিনাথের বাগানে রামলীলার সময় টিকিট বিক্রি করা পদ্ধতি ছিল না, রাজা বাহাদুর ও অপর বড়মানুষে বিলক্ষণ দশ টাকা সাহায্য কন্তেন তাতেই সমুদায় খরচ কুলিয়ে উঠতো । কিন্তু রাজা বদ্দিনাথ বৃদ্ধাবস্থায় ছ তিন বৎসর হলো দেহত্যাগ করায় রাজকুমার সুবুদ্ধি বাহাদুরের বাগানখানি ভাগ করে নিলেন, মধ্যে দেইজি পাঁচিল পড়লো, সুতরাং অল্প বড়মানুষেরাও রামলীলায় তাদৃশ উৎসাহ দেখালেন না, তাতেই এবার টিকিট করে কতক টাকা তোলা হয় । বলতে কি, কলিকাতা বড় চমৎকার সহর । অনেকেই রং তামাশায় অপব্যয় কন্তে বিলক্ষণ অগ্রসর, টিকিট সন্তেও রামলীলার বাগান গাড়ি ঘোড়ায় ও জনতায় পরিপূর্ণ, লোকের বেজায় ভিড় ।

এদিকে বাবুর ব্রিজ্‌কা জনতার জগ্ন অধিক দূর যেতে পারলো না, সুতরাং হজুর দল বল সমেত পায়দলে বেড়ানই সঙ্গত ঠাউরে গাড়ি হতে নেবে বেড়াতে বেড়াতে রঙ্গভূমির শোভা দেখতে লাগলেন ।

রঙ্গভূমির গেট হতে রামলীলার রণক্ষেত্র পর্য্যন্ত ছু সারি দোকান বসেছে, মধ্যে মধ্যে নাগরদোলা ঘুচে—গোলাবী খিলি, খেলেনা, চনেচুর ও চীনের বাদাম প্রভৃতি ফিরিওয়ালাদের চীৎকার উঠে। ইয়ারের দল খাতায় খাতায় প্যারেড করে বেড়াচ্ছে, রাঁড়, খোঁটা, বাজে লোক ও বেণের দলই বারো আনা। রণক্ষেত্রের চার দিকে বেড়ার ধারে চার পাঁচ থাক্ গাড়ির সার, কোন গাড়ির ওপর এক জন সৌধীন ইয়ার ছু চার দোস্ত ও দুই একটি মেয়েমানুষ নিয়ে মজা কচ্ছেন। কোনখানির ভেতরে চিনে কোট ও চুলের চেনওয়ালো চার জন ইয়ার ও একটি মেয়েমানুষ, কোনখানিতে গুটিকত পিল ইয়ার টেকা জ্যাঠা ছেলে ইস্কুলের বই বেচে পয়সা সংগ্রহ করে গোলাবী খিলি ও চরসে মজা লুঠে। কতগুলি গাড়ি নিছক খোঁটা মাড়ওয়ারী ও মেড়ুয়াবাদী, কতকগুলি খোসপোশাকী বাবুতে পূর্ণ।

আমাদের হজুর এই সকল দেখতে দেখতে থন্মুল বাবুর হাত ধরে ক্রমে রণক্ষেত্রের দরজায় এসে পৌঁছিলেন—সেথায় বেজায় ভিড়! দশ বারো জন চৌকিদার অনবরত সপাসপ করে বেত মাছে ; ছু জন সার্জন সবলে ঠেলে রয়েছে, তথাপি রাখতে পাচ্ছে না, থেকে থেকে “রাজা রামচন্দ্রজীকা জয়!” বলে খোঁটারা ও রণক্ষেত্রের মধ্য হতে বানরেরা টেঁচিয়ে উঠে, সকলেরি ইচ্ছা, রামচন্দ্রের মনোহর রূপ দেখে চরিতার্থ হবে, কিন্তু কার সাধ্য সহজে রামচন্দ্রের সমীপস্থ হয়।

হজুর অনেক কষ্টেষ্টিয়ে বেড়ার দ্বার পার হয়ে রণক্ষেত্রে প্রবেশ করে বানরের দলে মিশলেন। রণক্ষেত্রের অন্য দিকে লক্ষা! মনে করুন সেথায় সাজা রাক্ষসেরা ঘুরে বেড়াচ্ছে ও বেড়ার নিকটস্থ মালভরা গাড়ির দিকে মুখ নেড়ে হিঁ হিঁ করে ভয় দেখাচ্ছে। সাজা বানরেরা লাফাচ্ছে ও গাছ পাথরের বদলে ছেঁড়া কুঁপো ও পাঁকাটি নিয়ে ছোড়াছুড়ি কচ্ছে—বাবু এই সকল অদৃষ্টের ব্যাপার দেখে যার পর নাই পরিতুষ্ট হয়ে বেড়ার পাশে পাশে হাঁ করে ঘুরে বেড়াতে লাগলেন, আরো ছু চার জন বেণে বড়মানুষ ও ব্যাদ্ড়া বনেদী বাবুরা ভিতরে এসে বাবুর সঙ্গে জুটে গেলেন, মধ্যে মধ্যে দালাল ও তুলোওয়ালো ইন্ফুলুয়েনশাল রিকর্মুড খোঁটার দলের সঙ্গেও বাবুর সেখানে সাক্ষাৎ হতে লাগলো, কেউ “রাম রাম” কেউ “আদাব” কেউ “বন্দীগি” প্রভৃতি সেলামাকির সঙ্গে পানের দোনা উপহার দিয়ে বাবুর অভ্যর্থনা কস্তে লাগলো ; এঁরা অনেকে দুই প্রহরের সময় এসেছেন, রাস্তির দর্শটার পর ভরপেট রামলীলে গিলে বাড়ি ফিরবেন।

রণক্ষেত্রের মধ্যে বাবু ও ছু চার সবস্ক্রাইবর বড়মানুষের ছেলেদের বেড়াতে দেখে ম্যানেজর বা তাঁর আসিষ্টেঁট দৌড়ে নিকটস্থ হয়ে পানের দোনা উপহার

দিয়ে রথক্ষেত্রের মধ্যস্থ ছু চার কাগজের সঙের তরজমা করে বোঝাতে লাগলেন, কত গাড়ি ও আন্দাজ কত লোক এসেচে, তার একটা মনগড়া মিমো দিলেন ও প্রত্যেক বানর ভাল্লুক ও রাক্ষসের সাজগোজের প্রশংসা কস্তেও বিশ্বৃত হলেন না। বাবু ও অন্যান্য সকলে “এ দফে বড়ি আচ্ছা ছয়া, আর বরস্ এসা নেহি ছয়া ষা” প্রভৃতি কম্প্লিমেন্ট দিয়ে ম্যানেজারদের আপ্যায়িত কস্তে লাগলেন। এদিকে বাজিতে আগুন দেওয়া আরম্ভ হলো। ক্রমে চার পাঁচ রকম বাজে কেতার বাজি পুড়ে সে দিন রামলীলা বরখাস্ত হলো। রাম লক্ষ্মণকে আরতি করে ও ফুলের মালা দিয়ে প্রণাম করে বাজে লোকেরা জন্ম সফল বিবেচনা করে ঘরমুখো হলো। কেরাধীর ঘোড়ারা বাতকর্ম্ম কস্তে কস্তে বহু কষ্টে গাড়ি নিয়ে প্রস্থান কল্লে। বাবু সেই ভিড়ের ভিতর হতে অতিকষ্টে গাড়ি চিনে নিয়ে সওয়ার হলেন—সে দিনের রামলীলার এই রকমে উপসংহার হলো।

আমাদেরো এ সকল বিষয়ে বড় সখ, সুতরাং আমরাও একখানি ছ্যাকুড়া গাড়ির পিছনে বসে রামলীলা দেখতে যাচ্ছিলেম, গাড়িখানির ভিতরে এক জন ছুতোর বাবু, গুটি ছই গেরস্বারী রাঁড় ও তাঁর চার পাঁচ জন দোস্তু ছিল, খানিক দূর যেতে না যেতেই একটা জন্মজ্যেঠা ফচ্কে হোঁড়া রাস্তা থেকে “গাড়োয়ান পিছু ভারি! গাড়োয়ান পিছু ভারি” বলে চেঁচিয়ে ওঠায় গাড়োয়ান “কে রে শালা” বলে সপাৎ করে এক চাবুক ঝাড়লে। ভেতর থেকে “আরে কে রে, ল্যে বে যা, ল্যে বে যা” চীৎকার হতে লাগলো—অগত্যা সে দিন আর যাওয়া হলো না, মনের সখ মনেই রইলো!

শরতের শশধর স্বচ্ছ শ্যাম গগনমাঝে নক্ষত্রসমাজে বিরাজ কচ্চেন দেখে প্রণয়িনী রজনী মানভরে অবগুণ্ঠনবতী হয়ে রয়েচেন। চক্রবাকদম্পতী কত প্রকার সাধ্যসাধনা কচ্চে, কিন্তু কিছুতেই কিছু হচ্চে না, সপত্নীর ছুর্দশা দর্শন করে স্বচ্ছ সলিলে কুমুদিনী হাসতেছে, চাঁদের চির অনুগত চকোর চকোরী শর্করীর দ্বংখে ছুঃখিত হয়ে তাঁরে তুড়ে ভৎসনা কচ্চে, ঝিঁঝিপোকা ও উইচিংড়ারাও চীৎকার করে চকোর চকোরীর সঙ্গে যোগ দিতেছে, লম্পটশিরোমণির ব্যবহার দেখে প্রকৃতি সতী বিশ্বিত হয়ে রয়েচেন, এ সময় নিকটস্থ হলে রজনীরজন বড় অপ্রস্তুত হবেন বলেই যেন পবন বড় বড় গাহপালায় ও ঝোপে ঝোপের আশে পাশে আস্তে আস্তে পা টিপে টিপে চলেচেন। অভিমানিনী মানবতী রজনীর বিন্দু বিন্দু নয়র জল শিশিরচ্ছলে বনরাজি ও ফুলদামে অভিশিক্ত কচ্চে।

এদিকে বাবুর ব্রিজ্কা ও বিলাতী জুড়ি টপাটপ্ শব্দে রাস্তা কাঁপিয়ে ভদ্রাসনে

পৌছিল। বাবু ডেসিংক্রমে কাপড় ছাড়তে গেলেন, সহচরেরা বৈঠকখানায় বসে তামাক খেতে খেতে রামলীলার জ্ঞাওর কাটতে লাগলেন এবং সকলে মিলে প্রাণ খুলে ছু চার অপর বড়মানুষের নিন্দাবাদ জুড়ে দিলেন। বাবুও কিছু পরে কাপড়চোপড় ছেড়ে মজলিশে বার দিলেন, গুড়ুম্ করে নটার তোপ পড়ে গ্যালো।

বোধ হয়, মহিমার্গব পাঠকবর্গের স্মরণ থাকতে পারে যে, বাবু রামভদ্র হজুরের সঙ্গে রামলীলা দেখতে গিয়েছিলেন, বর্তমানে ছু চার বাজে কথার পর বাবু, রামভদ্র বাবুকে ছু একটা টপ্পা গাইতে অনুরোধ করলেন, রামভদ্র বাবুর গাওনা বাজনায়ে বিলক্ষণ সখ, গলাখানিও বড় চমৎকার, যদিও তিনি এ বিষয়ে পেশাদার নন; কিন্তু সহরের বড়মানুষ মহলে ঐ গুণেই পরিচিত, বিশেষত বাবু রামভদ্রের আজকাল সময় ভাল, কোম্পানির কাগজের দালালি ও গাঁতের মাল কেনার দরুন বিলক্ষণ দশ টাকা রোজগার কচ্ছেন, বাড়িতে নিত্যনৈমিত্তিক দোল দুর্গোৎসবও ফাঁক যায় না। বাপ মার শ্রাদ্ধ ও ছেলে মেয়ের বিয়ের সময় দশ জন ব্রাহ্মণ পণ্ডিত বলা আছে। গ্রামস্থ সমস্ত ব্রাহ্মণেরা প্রায় বাবুর দলস্থ। কায়স্থ ও নবশাকও অনেকগুলি বাবুর অন্তর্গত। কর্মকাজের ভিড়ের দরুন ভদ্র বাবুর বারো মাস প্রায় সহরেই বাস, কেবল মধ্যে পালপার্বণ ও ছুটিটা আস্টায় বাড়ি যাওয়া আছে। ভদ্র বাবুর সহরের বাছড়াবাগানের বাসাতেও অনেকগুলি ভদ্র লোকের ছেলেকে অন্ন দেওয়া আছে ও ছু চার জন বড়মানুষেও ভদ্র বাবুরে বিলক্ষণ স্নেহ করে থাকেন। রামভদ্র বাবু সিমলের রায় বাহাদুরের সোনার কাটি রূপোর কাটি ছিলেন ও অগ্ণাণ অনেক বড়মানুষেই এঁরে যথেষ্ট স্নেহ করে থাকেন, সুতরাং বাবু অনুরোধ করবামাত্র ভদ্র বাবু তানপুরা মিলিয়ে একটা নিজ রচিত গান জুড়ে দিলেন, হলধর তবলা বাঁয়া ঠুকে নিয়ে বোলওয়াট ও ফ্যালওয়াটের সঙ্গে সঙ্গত আরম্ভ করলেন। রামলীলার নকশা এইখানেই ফুরাইলো।

রেলওয়ে

দুর্গোৎসবের ছুটিতে হাওড়া হতে এলাহাবাদ পর্যন্ত রেলওয়ে খুলেচে, রাস্তার মোড়ে মোড়ে লাল কালো অক্ষরে ছাপানো ইংরেজী বাঙ্গালায় এস্তেহার মারা গ্যাচে; অনেকেই আমোদ করে বেড়াতে যাচ্ছেন—তীর্থযাত্রীও বিস্তর। ত্রীপাঠ

নিমন্তলার প্রেমানন্দ দাস বাবাজীও এই অবকাশে বারাণসী দর্শন কস্তে কৃতসঙ্কল্প হয়েছিলেন। প্রেমানন্দ বাবাজী শ্রীপাঠ জোড়াসাঁকোর প্রধান মঠের এক জন কেই বিষ্টুর মধ্যে, বাবাজীর অনেক শিষ্য সামন্ত ও বিষয় আশয় প্রচুর ছিল। বাবাজীর শরীর স্থূল, ছুঁড়িটি বড় তাকিয়ার মত প্রকাণ্ড, হাত-পাগুলিও তদনুরূপ মাংসল ও মেদময়। বাবাজীর বর্ণ কষ্টিপাথরের মত, হাঁকোর খোলের মত ও ধানসিদ্ধ হাঁড়ির মত চুকচুকে কালো। মস্তক কেশহীন করে কামান, মধ্যস্থলে লম্বাচুলের চৈতনচুট্‌কি সর্বদা খোঁপার মত বাঁধা থাকতো; বাবাজী বহুকাল কচ্ছ দিয়ে কাপড় পরা পরিহার করেছিলেন, সুতরাং কোঁপীনের উপর নানা রঙের বহির্বাস ব্যবহার কস্তেন। সর্বদা সর্বদা গোপীমুক্তিকা মাখা ছিল ও গলায় পদ্মবীচি তুলসী প্রভৃতি নানাপ্রকার মালা সর্বদা পরে থাকতেন, তাতে একটি লাল বনাতে বড় বালিশের মত জপমালার খলি পিতলের কড়ায় আকঙ্ক বুলতো।

বাবাজী একটি ভাল দিন স্থির করে প্রত্যুষেই দৈনন্দিন কার্য সমাপন কস্তেন ও তাড়াতাড়ি যথাকথঞ্চিৎ বাড়ির বিগ্রহের প্রসাদ পেয়ে ছুই শিষ্য ও তল্লিদার ও ছড়িদার সঙ্গে লয়ে মঠ হতে বেরিয়ে গাড়ির সন্ধানে চিৎপুর রোডে উপস্থিত হলেন। পাঠকবর্গ মনে করুন, যেন স্থূল ও আপিস খোলবার এখনো বিলম্ব আছে, রামলীলার মেলার এখনো উপসংহার হয় নি, সুতরাং রাস্তায় গহনার কেরাফী থাকবার সম্ভাবনা কি, বাবাজী অনেক অনুসন্ধান করে শেষে এক গাড়ির আড্ডায় প্রবেশ করে অনেক কষামাজার পর এক জনকে ভাড়া যেতে সম্মত কস্তেন। এদিকে গাড়ি প্রস্তুত হতে লাগলো, বাবাজী তারি অপেক্ষায় এক বেঞ্জালয়ের বারাণ্ডার নীচে দাঁড়িয়ে রইলেন।

শ্রীপাঠ কুমারনগরের জ্ঞানানন্দ বাবাজী প্রেমানন্দ বাবাজীর পরম বন্ধু ছিলেন। তিনিও রেলগাড়িতে চড়ে বারাণসী দর্শনে ইচ্ছুক হয়ে কিছু পূর্বেই বাবাজীর শ্রীপাঠে উপস্থিত হয়ে সেবাদাসীর কাছে শুনলেন যে, বাবাজীও সেই মানসে কিছু পূর্বেই বেরিয়ে গ্যাচেন, সুতরাং এঁরই অনুসন্ধান কস্তে কস্তে সেইখানেই উভয়ের সাক্ষাৎ হলো। জ্ঞানানন্দ বাবাজী যার পর নাই কৃশ ছিলেন, দশ বৎসর জ্বর ও কাশি রোগ ভোগ করে শরীর শুকিয়ে কঞ্চি ও কাঠের মত পাকিয়ে গেছিল, চক্ষু দুটি কোটরে বসে গ্যাচে, মাংস মেদের লেশমাত্র শরীরে নাই, কেবল কথান কঙ্কালমাত্রে ঠেকেছে; তায় এক মাথা কৃষ্ণ তেলহান চুল, একখানা মোটা মুই ছুপাট করে গায়ে জড়ানো, হাতে একগাছা বেঁউড় বাঁশের বাঁকা লাঠি ও পায়ে এক জোড়া জগন্নাথী উড়ে জুতো। অনবরত কাশ্‌চেন ও গয়ার ফেলচেন এবং মধ্যে

মধ্যে শায়ুক হতে এক এক টিপ নশু লওয়া হচ্ছে। অনবরত নশু নিয়ে নাকের নলি এমনি অসাড় হয়ে গ্যাচে যে, নাক দিয়ে অনবরত নশু ও সর্দিমিশ্রিত কফজল গড়াচ্ছে, কিন্তু তিনি তা টেরও পাচ্ছেন না, এমন কি, এর দরুন তাঁরে ক্রমে খোনা হয়ে পড়তে হয়েছিল এবং আলজিবও খারাপ হয়ে যাওয়ায় সর্বদাই ভেট্‌কী মাছের মত হাঁ করে থাকতেন। প্রেমানন্দ জ্ঞানানন্দের সাক্ষাৎ পেয়ে বড়ই আহলাদিত হলেন। প্রথমে পরম্পরে কোলাকুলি হলো, শেষে কুশল প্রশ্নাদির পর দুই বন্ধুতে দুই ভেয়ের মত একত্রে বারাণসী দর্শন কস্তে যাওয়াই স্থির করলেন।

এদিকে কেরাণী প্রস্তুত হয়ে বাবাজীদের নিকটস্থ হলো, তন্নিদার তন্নি নিয়ে ছাতে, ছড়িদার ও সেবাৎ পেছনে ও দুই শিশু কোচবন্ধে উঠলো। বাবাজীরা দুজনে গাড়ির মধ্যে প্রবেশ করলেন। প্রেমানন্দ গাড়িতে পদার্পণ করবা মাত্র গাড়িখানি মড়্ মড়্ করে উঠলো, সামনে দিকে জ্ঞানানন্দ বসে পড়লেন। উপরের বারাণসী কতকগুলি বেষ্টা দাঁড়িয়ে ছিল, তারা বাবাজীকে দেখে পরম্পর “ভাই! একটা একগাড়ি গোসাই দেখেছি! মিন্‌সে যেন কুন্তকর্ণ” প্রভৃতি বলাবলি কস্তে লাগলো। গাড়োয়ান গাড়িতে উঠে সপাসপ্ করে চাবুক দিয়ে ঘোড়ার রাস হ্যাঁচকাতে হ্যাঁচকাতে জিবে ট্যাক্ ট্যাক্ শব্দ করে চাবুক মাথার পরে ঘোরাতে লাগলো, কিন্তু ঘোড়ার সাধ্য কি যে এক পা নড়ে; কেবল অনবরত নাখি ছুড়তে লাগলো ও মধ্যে মধ্যে বাতকর্ষ করে আসর জমকিয়ে দিলে।

পাঠকবর্গের স্মরণ থাকতে পারে যে, আমরা পূর্বেই বলে গেছি, কলিকাতা আজব সহর! ক্রমে রাস্তায় লোক জমে গ্যালো। এই ভিড়ের মধ্যে একটা চীনের বাদামওয়াল ফচকে ছোঁড়া বলে উঠলো, “ওরে গাড়োয়ান! এক দিকে একটা ধুম্মলোচন ও আর এক দিকে একটা চিম্‌ড়ে সওয়ারি, আগে পাষণ ভেঙ্গে নে, তবে গাড়ি চলবে।” অমনি উপর থেকে বেষ্টারা বলে উঠলো, “ওরে এই রোগা মিন্‌সেটার গলায় গোটাকতক পাথর বেঁধে দে, তা হলে পাষণ ভাঙ্গা হবে।” প্রেমানন্দ এই সকল কথাতে বিরক্ত হয়ে ঘৃণা ও ক্রোধে জলে উঠে খানিক ক্ষণ ঘাড় গুঁজে রইলেন; শেষে ঈষৎ ঘাড় উঁচু করে জ্ঞানানন্দকে বললেন, “ভায়া! সহরের জীলোকগুলো কি ব্যাপিকা দেখচো!” ও শেষে “প্রভো তোমার ইচ্ছা” বলে হাই তুললেন! জ্ঞানানন্দও হাই তুললেন ও ছবার তুড়ি দিয়ে এক টিপ নশু নিয়ে বললেন, “ঠিক বঁলেটো দাঁদা, ওরা ভস্তার কাছে উপদেশ পাঞি নাঁঞি, ওঁঞাদের রামা রঞ্জিকার পাঠ দেওঞা উঁচিত।”

প্রেমানন্দ রামারঞ্জিকার নাম শুনে বড়ই পুলকিত হয়ে বলেন, “ভায়া না হলে আর মনের কথা কে বলে, রামারঞ্জিকার মত পুঁথি ত্রিঙ্গগতে নাই, প্রভো তোমার ইচ্ছা!” জ্ঞানানন্দ এক দীর্ঘনিশ্বাস ফেলে এক টিপ নশু নিয়ে অনেক ক্ষণ চুপ করে থেকে মাথাটা চুল্কে বলেন, “দাঁদা শুনেচি বিবিরী নাকি রামারঞ্জিকা পড়ছে!” প্রেমানন্দ অমনি আছ্লাদে “আরে ভায়া, রামারঞ্জিকা পুঁথির মত ত্রিঙ্গগতে ছান পুঁথি নাঞি! প্রভো তোমার ইচ্ছা!”

এদিকে অনেক কস্মলাতের পর কেরাণী গুড়ি গুড়ি চলতে লাগলো, তল্লিদারেরা গাড়ির ছাতে বসে গাঁজা টিপতে লাগলেন, মধ্যে শরতের মেঘে এক পশলা ভারী বৃষ্টি আরম্ভ হলো, বাবাজীরা গাড়ির দরজা ঠেলে দিয়ে অন্ধকারে বারোইয়ারির গুদম্জাত্ সংগুলির মত আড়ষ্ট হয়ে বসে রইলেন। ঋনিক ক্ষণ এইরূপ নিস্তব্ধ হয়ে থেকে জ্ঞানানন্দ বাবাজী একবার গাড়ির ফাটলে চক্ষু দিয়ে বৃষ্টি কিরূপ পড়চে তা দেখে নিয়ে এক টিপ নশু নিলেন ও বার দুই কেশে বলেন, “দাঁ দাঁ অঁয়াকটা সংকীর্তন হঁক, শুঁধু শুঁধু বসে কাঁল না হরছে এগ্না।” প্রেমানন্দ সংগীতবিজ্ঞান বড় প্রিয় ছিলেন, নিজে ভাল গাইতে পারেন আর নাই পারেন, আড়ালে ও নিৰ্জনে সর্বদা গলাবাজি কতেন ও দিবারাত্র গুন্‌গুনোনির কামাই ছিল না। এ ছাড়া বাবাজী সংগীতবিষয়ক একখানা বইও ছাপিয়েছিলেন এবং ঐ সকল গান প্রথম প্রথম ছু এক গৌড়ার বাড়ি মজলিশ করে গায়ক দিয়ে গাওয়ানো হয়, সুতরাং জ্ঞানানন্দের কথাতে বড়ই প্রফুল্লিত হয়ে মল্লার ভেঁজে গান ধল্লেন—পাঠশালের ছেলেরা যেমন ঘোষাবার সময় সদার পোড়োর সঙ্গে গোলে হরিবোল দিয়ে গণ্ডায় এ্যাণ্ডা বোলে সায় দিয়ে যায়, সেই প্রকার জ্ঞানানন্দ প্রেমানন্দের সংগীত শুনে উৎসাহান্বিত হয়ে মধ্যে মধ্যে দুই একটা তান মারতে লাগলেন। ভাঙা ও খোনা আওয়াজের একত্র চীৎকারে গাড়োয়ান গাড়ি থামিয়ে ফেললে, তল্লিদার তড়াক করে ছাত থেকে লাফিয়ে পড়ে গাড়ির দরজা খুলে জ্বাখে যে বাবাজীরা প্রেমোন্মত্ত হয়ে চীৎকার করে গান ধরেচেন! রাস্তার ধারে পাহারাওয়ালারা তামাক খেতে খেতে তুলতেছিল, গাড়ির ভেতরের বেতরো বেয়াড়া আওয়াজে চম্কে উঠে কল্কে ফেলে দৌড়ে গাড়ির কাছে উপস্থিত হলো। দোকানদারেরা দোকান থেকে গলা বাড়িয়ে উঁকি মেরে দেখতে লাগলো, কিন্তু বাবাজীরা প্রভুপ্রেমগানে এমনি মেতে গিয়েছিলেন যে, তখনো তান মারা থামে নি। শেষে সহসা গাড়ি থামা ও লোকের গোলে চৈতন্য হলো ও পাহারাওয়ালাকে দেখে কিকিৎ অপ্রস্তুত হয়ে পড়লেন। সেই সময় রাস্তা দিয়ে একটা নগ্‌দা মুটে বাঁকা কাঁধে করে বেকার চলে যাচ্ছিল,

এই ব্যাপার দেখে সে থমকে দাঁড়িয়ে “পুঞ্জির বাই গাড়িমদি ক্যালাবতী লাগাইচেন” বলে চলে গেল। পাহারাওয়ালাকে কল্কে পরিত্যাগ করে আসতে হয়েছিল বলে সেও বাবাজীদের বিলক্ষণ লাল্হনা করে পুনরায় দোকানে গিয়ে বসলো। রেলওয়ে ব্যাগ হাতে এক জন সহরে নব্য বাবু অনেক ক্ষণ পর্যন্ত গাড়ির অপেক্ষায় এক দোকানে বসেছিলেন, বৃষ্টিতে তাঁর রেলওয়ে টরমিনসে উপস্থিত হবার বিলক্ষণ ব্যাঘাত কত্তেছিল, এক্ষণে বাবাজীদের গাড়োয়ানের সঙ্গে ঐ অবকাশে ভাড়া চুক্তি করে ছড়মুড় করে গাড়ি মধ্যে ঢুকে পড়লেন। এদিকে গাড়োয়ানও গাড়ি হাঁকিয়ে দিলে। তল্লিদার খানিক দৌড়ে দৌড়ে শেষে গাড়ির পেছনে উঠে পড়লো।

আমাদের নব্য বাবুকে এক জন বিখ্যাত লোক বল্লেও বলা যায়, বিশেষতঃ সহরের সল্লিকটবস্তী একটি প্রসিদ্ধ স্থলে একটি ব্রাহ্ম সভা স্থাপন করে স্বয়ং তাঁর সম্পাদক হয়েছিলেন, এ সওয়ায় সেই গ্রামেই একটি ভারী মাইনের চাকরি ছিল। নব্য বাবু রিফর্মড ক্লাসের টেকা ও সমাজের রঞ্জের গোলামস্বরূপ ছিলেন, দিবারাত্র “সামিগ্রী কত্তেন” ও সর্বদাই ভরপুর থাকতেন—শনিবার ও রবিবার কিছু বেশী মাত্রায় কারগো নিতেন, মধ্যে মধ্যে বানচাল হওয়ারও বাকি থাকতো না। প্রতিষ্ঠিত ব্রাহ্মসমাজের ফরনিচর ও লাইব্রেরীর বই কিনতে বাবু ছুটি নিয়ে সহরে এসেছিলেন, কদিন খোঁড়া ব্রহ্মের সমাজেই প্রকৃতির প্রীতি ও প্রিয়কার্য সাধন করে বিলক্ষণ ব্রহ্মানন্দ লাভ করা হয়। মাতাল বাবু গাড়ির মধ্যে ঢুকে প্রথমে প্রেমানন্দ বাবাজীর ভুঁড়ির উপর টলে পড়লেন, আবার ধাক্কা পেয়ে জ্ঞানানন্দের মুখের উপর পড়ে পুনরায় প্রেমানন্দের ভুঁড়িতে টলে পড়লেন। বাবাজীরা উভয়ে তটস্থ হয়ে মুখ চাওয়াচায়ি কত্তে লাগলেন। মাতাল কোথা বসবেন, তা স্থির কত্তে না পেরে মোছলমানদের গাজীমিয়ার ধ্বজার মত একবার এ পাশ একবার ও পাশ কত্তে লাগলেন।

বাবাজীরা মাতাল বাবুর সঙ্গে এক খাঁচায় পোরা বাজ ও পায়রার মত বাস করুন, ছকড়খানি ভরপুর বোঝাইয়ে নবাবী চ্যেলে চলুক, তল্লিদাররা অনবরত গাঁজা ফুঁকতে থাক। এদিকে বৃষ্টি থেমে যাওয়ায় সহর আবার পূর্বানুরূপ গুলজার হয়েছে—মধ্যাবস্থ গৃহস্থরা বাজার কত্তে বেরিয়েচেন, সঙ্গে চাকর ও চাকরাণীরা ধামা ও চাকারি নিয়ে পেছু পেছু চলেচে। চিংপুর রোডে মেঘ কলে কাদা হয়, সূতরাং কাদার জল পথিকদের চলবার বড়ই কষ্ট হচে, কেউ পয়নালার উপর দিয়ে, কেউ খানার ধার দিয়ে জুতো হাতে করে কাপড় তুলে চলেচেন। আলু পটল! ঘি চাই! গুড়! ও ঘোল! ফিরিওয়ালারা চীৎকার কত্তে কত্তে

যাচ্ছে, পাছে মেচুনিরা যাচ্ছের চুপড়ি মাথায় নিয়ে হাত নেড়ে হন্ হন্ করে ছুটেচে, কারু সঙ্গে মেছোর কাঁধে বড় বড় ভেটকী ও মৌলবীর মত চাঁপদাড়ি ও জামাজোড়া পরা চিংড়ি ভরা বাজরা ও ভার। রাজার বাজার, লালা বাবুর বাজার, পোস্তা ও কাপুড়ে পটী জনতায় পরিপূর্ণ। দোকানে বিবিধ সামগ্রী ক্রয় বিক্রয় হচ্ছে, দোকানদারেরা ব্যতিব্যস্ত, খদ্দেরদের বেজায় ভিড়! শীতলা ঠাকরণ নিয়ে ডোমের পণ্ডিত মন্দিরের সঙ্গে গান করে ভিক্ষা কচ্ছে, খঞ্জনি ও একতারা নিয়ে বষ্টুম ও নেড়া নেড়ীরা গান কচ্ছে, চার পাঁচ জন তিন দিবস আহার হয় নাই, “বিদেশী ব্রাহ্মণকে কিছু দান কর! দাতালোক” ঘুচ্ছেন, অনেকের মোতাতেব সময় উদ্ভীর্ণ হয়েছে, অশ্রু কোন উপায় নাই, কিছু উপার্জনও হয় নাই, মদতওয়ালা ধার দেওয়া বন্ধ করেছে, গত কল্য গায়ের চাদরখানিতে চলেচে—আজ আর সম্বলমাত্র নাই। মেথরেরা ময়লা ফেলে এসে মদের দোকানে ঢুকে কসে রম টান্চে ও মুদফরাশদের সঙ্গে উভয়ের অবলম্বিত পেশার কোন্টা উত্তম, তারি তক্রার হচ্ছে। শুঁড়ী মধ্যস্থ হয়ে কখন মুদফরাশের কাজ মেথরের পেশা হতে শ্রেষ্ঠ প্রতিপন্ন করে মুদফরাশকে সম্বুষ্ঠ কচ্ছেন, কখন মেথরের পেশা শ্রেষ্ঠ বলে মানিচেন। ঢুলী, ডোম, কাওরা ও ছলে বেহারারা কুরুপাণ্ডব যুদ্ধের শ্রায় উভয় দলের সহায়তা কচ্ছে; হয় ত এমন সময় এক দল ঝুমুর বা গদাইনা চ আসরে উপস্থিত হবামাত্র তর্কাগিতে একবারে জল দেওয়া হলো—মদের দোকান বড়ই সরগরম। সহরের দেবতারা পর্য্যস্ত রোজগেরে! কালী ও পঞ্চানন্দ প্রসাদী পাঁঠার ভাগা দিয়ে বসেচেন, অনেক ভদ্রলোকের বাড়ি উঠনো বরাদ্দ করা আছে, কোথাও রশুই করা মাংসেরও সরবরাহ হয়, খদ্দের দলে মাতাল, বেগে ও বেশাই বারো আনা। আজকাল পাঁঠা বড় ছুপ্রাপ্য ও অগ্নিমূল্য হওয়ায় কোথাও কোথাও পাঁঠি পর্য্যস্ত বলি হয়, কোন স্থলে পোষা বিড়াল ও কুকুর পর্য্যস্ত কেটে মাংসের ভাগায় মিশাল দেওয়া হয়! যে মুখে বাজারের রশুই করা মাংস অক্লেশে চলে যায়, সেখায় বেরাল, কুকুর ফ্যালবার সামগ্রী নয়। জলচর ও খেচরের মধ্যে নৌকো ও ঘুড়ি ও চতুষ্পদের মধ্যে কেবল খাট খাওয়া নাই।

পাঠকগণ! এতক্ষণ আপনাদের প্রেমানন্দ ও জ্ঞানানন্দের গাড়ি রেলওয়ে টরমিনসে পৌঁছুলো প্রায়, দেখুন! আপনাদের বৈঠকখানার ঘড়ি নটা বাজিয়ে দিবে পুনরায় অবিশ্রান্ত টুকটাকু করে চলচে, আপনারা নিয়মাতিরিক্ত পরিশ্রম করে ক্লান্ত হন, চন্দ্র ও সূর্য্য অস্তাচলে আরাম করেন, কিন্তু সময় এক পরিমাণে চলচে, ক্ষণকালের তরে অবসর, অবকাশ বা আরামের উপেক্ষা বা প্রার্থনা করে

না। কিন্তু হায়! আমরা কখন কখন এই অমূল্য সময়ের এমনি অপব্যয় করে থাকি যে, শেষে ভেবে দেখে তার জন্য যে কত তীব্রতর পরিতাপ সহ্য করতে হয়, তার ইয়ত্তা করা যায় না।

এদিকে ব্রাহ্ম বাবু শেষে থপ করে জ্ঞানানন্দের কোলে বসে পড়লেন, ব্রাহ্মবাবুর চাপনে জ্ঞানানন্দ মৃতপ্রায় হয়ে গুড়িগুড়ি মেরে পেনেলসই হয়ে রইলেন, বাবু সরে সামনে বসে খানিক একদৃষ্টে প্রেমানন্দের পানে চেয়ে ফিক্ করে হেসে রেলওয়ে ব্যাগটি পায়দানে নাবিয়ে জ্ঞানানন্দের দিকে একবার কটাঙ্ক করে নিয়ে পকেট হতে প্রেসিডেন্সি মেডিকেল হল ল্যাবেল দেওয়া একটি ফায়ের বার করে শিশির সমুদায় আরকটুকু গলায় ঢেলে দিয়ে খানিক মুখ বিকৃত করে ক্রমালে মুখ পুঁচে জেব হতে ছু ডুমো সুপুরি বার করে চিবুতে লাগলেন। প্রেমানন্দ ও জ্ঞানানন্দ ব্রাহ্ম বাবুর গাড়িতে ওঠাতেই বড় বিরক্ত হয়েছিলেন এবং উভয়ে আড়ষ্ট হয়ে তাঁর আপাদমস্তক নিরীক্ষণ কতেছিলেন, কারণ বাবুর একটি কালো বনাতের পেনটুলেন ও চাপকান পরা ছিল, তার ওপর একটা নীল মেরিনোর চায়নাকোট, মাথায় একটা বিভর হেয়ারের চোঙ্গাকাটা ট্যাসুল লাগানো ক্যাটিকষ্ট ক্যাপ ও গলায় লাল ও হলুদে রঙের জালবোনা কম্ফটার, হাতে একটি কার্পেটের ব্যাগ ও একটা বিলিভী ওকের গাঁট বার করা কেঁদো কেঁৎকা। এতদ্বিন্ন বাবুর সঙ্গে একটি ওয়াচ ছিল, তার নিদর্শনস্বরূপ একটি চাবি ও ছটি শিল চুলের গার্ডচেনে বুল্চে, হাতের আঙ্গুলে একটি আংটিও পরা ছিল, জ্ঞানানন্দ ঠাউরে ঠাউরে দেখলেন যে, সেটির ওপরে “ওঁ তৎ সৎ” খোদা রয়েছে। ব্রাহ্ম বাবু আরকের ঝাঁজ সামলে প্রেসিডেন্সি ডাক্তারখানার ল্যাবেল মারা ফায়েরটা গাড়ি হতে রাস্তায় ছুড়ে ফেলে দিয়ে দেখলেন, প্রেমানন্দ ও জ্ঞানানন্দ একদৃষ্টে তাঁর আপাদমস্তক নিরীক্ষণ কছেন, সুতরাং কিঞ্চিৎ অপ্রস্তুত হয়ে একটু যুচকে হেসে জ্ঞানানন্দকে জিজ্ঞাসা কল্লেন, “প্রভু! আপনার নাম?” জ্ঞানানন্দ, বাবুকে তাঁর দিকে ফিরে কথা কবার উত্তম দেখেই শঙ্কিত হয়েছিলেন, এখন প্রথম একবার এক টিপ নস্তু নিলেন, শামুকটা বার ছুচার ঠুকলেন, শেষে অতিকষ্টে “আমার নাম পুঁচ করছেনও আমার নাম শ্রীজ্ঞানানন্দ দাস দেব, নিখাঁস শ্রীপাট কুমারনগর।” মাতাল বাবু নাম শুনে পুনরায় একটু যুচকে হেসে পুনরায় জিজ্ঞাসা কল্লেন, “দেব বাবাজীর গমন কোথায় হবে?” জ্ঞানানন্দ এ কথায় কি উত্তর দেবেন, তা স্থির কতে না পেরে প্রেমানন্দের মুখ চেয়ে রইলেন। প্রেমানন্দ জ্ঞানানন্দ হতে চালাক চোস্ত ও খড়িবাজ লোক, অনেক স্থলে পোড়

থাওয়া হয়েছে, সুতরাং এই অবসরে বলেন, “বাবু, আমরা ছই জনেই গৌসাই-গোবিন্দ মানুষ। ইচ্ছা, বারাণসী দর্শন করে বৃন্দাবন যাব, বাবুর নাম?” মাতাল বাবু পুনরায় কিঞ্চিৎ হাসলেন ও পকেট হতে ছ ডুমো সুপরি মুখে দিয়ে বলেন, “আমার নাম কৈলাসমোহন, বাড়ি এইখানেই, কর্মস্থানে যাওয়া হচ্ছে।” প্রেমানন্দ, বাবুর নাম শুনে কিঞ্চিৎ গস্তীর ভাব ধারণ করে বলেন, “ভাল ভাল, উত্তম!” ব্রাহ্ম বাবু পুনরায় জিজ্ঞাসা করেন, “দেব বাবাজী কি আপনার ভ্রাতা?” এতে প্রেমানন্দ বলেন, “হাঁ বাপু, এক প্রকার ভ্রাতা বলেও বলা যায়; বিশেষতঃ সহধর্মী, আরো জ্ঞানানন্দ ভায়া বিখ্যাতবংশীয়—পূজ্যপাদ জয়দেব গোস্বামী ওনার পূর্ব-পিতামহ।” মাতাল বাবু এই কথায় ফিক্ করে হাসলেন ও প্রেমানন্দকে জিজ্ঞাসা করেন, “উনি তো জয়দেবের বংশ, প্রভু কার বংশ? বোধ হয় নিতাই চৈতন্যের স্ববংশীয় হবেন?” এই কথায় রহস্য বিবেচনায় প্রেমানন্দ চুপ করে গৌ হয়ে বসে রইলেন। মনে মনে যে যার পর নাই বিরক্ত হয়েছিলেন, তা তাঁর মুখ দেখে ব্রাহ্ম বাবু জানতে পেরে অপ্রস্তুত হবার পরিবর্তে বরং মনে মনে আহ্লাদিত হয়ে বাবাজীদের যথাসাধ্য বিরক্ত কত্তে কৃতনিশ্চিত হয়ে প্রেমানন্দের দিকে ফিরে বলেন, “প্রভু! দিব্বি সেজেচেন। সহসা আপনারে দেখে আমার মনে হচ্ছে, যেন কোথাও যাত্রা হবে, আপনারা সেজে গুজে চলেচেন। প্রভু একটি গান করুন দেখি, মধ্যে আপনাদের তানের ধমকে তো একবার রাস্তায় মহামারী ব্যাপার ঘটে উঠেছিল, দেখা যাক্ আবার কি হয়! শুনেচি প্রভু সাক্ষাৎ তান্স্থান।” প্রেমানন্দের সঙ্গে বাবুর এই প্রকার যত কথাবার্তা হচ্ছে, জ্ঞানানন্দ ততই ভয় পাচ্ছেন ও মধ্যে মধ্যে গাড়ির পার্শ্ব দিয়ে দেখছেন রেলওয়ে টরমিনস কত দূর, শীঘ্র পৌঁছুলে উভয়ের এই ভয়ানক ব্যলীকের হাত হতে পরিত্রাণ হয়।

এদিকে ব্রাহ্ম বাবুর কথায় প্রেমানন্দও বড়ই শঙ্কিত হতে লাগলেন, ছেলেবেলা তাঁর মাতাল, ঘোড়া ও সাহেবদের উপর বিজাতীয় ভয় ও ঘৃণা ছিল, তিনি অনেক বার মাতালের ভয়ানক অত্যাচারের গল্প শুনেছিলেন। একবার এক জন মাতাল বাবু তাঁর হরিমন্দিরাটি জিব দিয়ে চেটে নিয়েছিলো ও কিছু দিন হলো আর এক প্রিয়শিষ্য একটা ভেটো ঘোড়ার নাথিতে অসময়ে প্রাণত্যাগ করে, সুতরাং অতি বিনীতভাবে বলেন, “বাবু! আমরা গৌসাইগোবিন্দ লোক, সংগীতের আমরা কি ধার ধারি। তবে প্রেম্‌সে কহো রাধাবিনোদ, হরি ভক্তের প্রেমের—তাঁরি প্রেমে ছোটো সংকীর্ণন করে মনকে শাস্ত করি থাকি।” ক্রমে ব্রাহ্ম বাবু সেই

ক্ষমাত্র সেবিত আরকের তেজ অনুভব কস্তে লাগলেন, ঘাড়টি ছলতে লাগলো, চক্ষু ছুটি পাকলো হয়ে জিব কথকিং আড়ষ্ট হতে লাগলো ; অনেক ক্ষণের পর “ঠিক বলেচো বাপ !” বলে গাড়ির গদি ঠেস দিয়ে হেলে পড়লেন এবং খানিক ক্ষণ এই অবস্থায় থেকে পুনরায় উঠে প্রেমানন্দের দিকে ওৎ করে ঝুঁকতে লাগলেন ও শেষ তাঁর হাতটি ধরে বললেন, “বাবাজী ! আমরা ইয়ারলোক, প্রাণ গড়ের মাঠের মত খোলা । শোনো একটা গাই, আমিও বিস্তর ঢপের গীত জানি, প্রভুর সেবাদাসী আছে তো ?” বলে হা ! হা ! হা ! হেসে টলে জ্ঞানানন্দের মুখের উপর পড়ে হাত নেড়ে চীৎকার করে এই গান ধল্লেন,

চায় মন চির দিন, পুঞ্জিতে সেই পুতুলে ।
 রং চক্ষে চক্চকে, সাথে কি ছেলে ভুলে ॥
 ডাক রাং অভুরে, চিকমিক্ ঝিকমিক্ করে ।
 তায় সোনালী রূপালী, চুম্বকি বসমা আলো ধরে ॥
 আহ্লাদে পেহ্লাদে কেলো, তামাকথেগো বুড়া ফেলে ।
 কও কেমনে রহিব খেলাঘর কিসে চলে ॥
 চির পরিচিত প্রণয় সহজে কি ভগ্ন হয় ।
 থেকে থেকে মন ধায় চোরাসিঙ্গী পাটের চুলে ॥
 শস্যার সাহস বড় ভূতের নামে জড়োসড়ো,
 ঘরে আছেন গুণবতী, গঙ্গাজলে গোবর গুলে ॥

সঙ্গীত শেষ হবার পূর্বেই কেরাধী রেলওয়ে টরমিনসে উপস্থিত হলো । ব্রাহ্ম বাবু টল্তে টল্তে গাড়ি থামবার পূর্বেই প্রেমানন্দের নাকটা খাম্চে নিয়ে ও জ্ঞানানন্দের চুলগুলা ধরে গাড়ি হতে তড়াক্ করে লাফিয়ে পড়লেন ।

আজ আরমাণিঘাট লোকারণ্য, গাড়ি পালকির যেক্রপ ভিড়, লোকেরও সেইরূপ রল্লা । বাবাজীরা সেই ভিড়ের মধ্যে অতিকষ্টে গাড়ি হতে অবতীর্ণ হলেন । তল্লিদার, ছড়িদার, সেবাৎ ও শিষ্যরা পরস্পরের পদানুরূপ প্রোসেসন বেঁধে প্রভুদ্বয়কে মধ্যে করে শ্রেণী দিয়ে চল্লেন । জ্ঞানানন্দ ও প্রেমানন্দ দুজনে পরস্পর হাত ধরাধরি করে হেল্তে ছল্তে যাওয়ায় বোধ হতে লাগলো যেন একটা আরুলো ও কাঁচপোকা একত্র হয়ে চল্চে ।

টুন্নাং ঠাং টুন্নাং ঠাং করে রেলওয়ে ইষ্টিম ফেরী ময়ূরপঙ্খীর ছাড়বার সঙ্কেতঘণ্টা বাজ্চে, খার্ডক্রাস বুকিং আপিসে লোকের ঠেল মেরেচে, রেলওয়ের চাপরাসীরা সপাসপ্ বেত মাছে, ঝাকা দিছে ও গুঁতো লাগাছে, তথাপি নিবৃদ্ধি

নাই। “মশাই শ্রীরামপুর!” “বালি বালি!” “বর্ধমান মশাই!” “আমার বর্ধমানেরটা দিন না” শব্দ উঠে, চারি দিকে কাঠের বেড়াঘেরা বুকিংক্লার্ক সন্ধ্যা পূজার অবসরমত খোপ বুঝে কোপ ফেলচেন। কারো টাকা দিয়ে চার আনার টিকিট ও ছুই দোয়ানি দেওয়া হচ্ছে, বাকি চাবামাত্র ‘চোপ রও’ ও ‘নিকালো’, কারো শ্রীরামপুরের দাম নিয়ে বালির টিকিট বেরুচ্ছে, কেউ টিকিটের দাম দিয়ে দশ মিনিট চীৎকার কচ্ছে, কিন্তু সে দিকে আক্ষেপমাত্র নাই। কক্ষের মাথায় জড়িয়ে ঝড়াক্ ঝড়াক্ করে কেবল টিকিটে নম্বর দেবার কল নাড়ছেন, শিস দিচ্ছেন ও উপরি পয়সা পকেটে ফেলছেন, পাইখানার কাটা দরজার মত ক্ষুদে জানলাটুকুতে অনেকে হজুরের মুখ দেখতে পাচ্ছে না যে কথা কয়ে আপনার কাজ লয়। যদি চীৎকার করে ক্লার্ক বাবুর চিত্তাকর্ষণ কস্তে চেষ্টা করে, তখনি রেলওয়ে পুলিশের পাহারাওয়ালা ও জমাদারেরা গলা টিপে তাড়িয়ে দেবে। এদিকে সেকেন ক্লাস ও গুড্‌স ও লগেজ ডিপার্টমেন্টেও এই প্রকার গোল, সেখানে ক্লার্কবাবুরাও কতক এই প্রকার, কিন্তু এত নয়। ফাষ্ট ক্লাস সাহেব বিবির স্থল, সেখানে টু শব্দটি নাই, ক্লার্ক রিক্তহস্তে টিকিট বেচতে আসেন ও সেই মুখেই ফিরে যান, পান তামাকের পয়সাও বিলক্ষণ অপ্রতুল থাকে। বাবাজীরা নটবরবেশে থার্ড ক্লাস বুকিং আপিসের নিকট যাচ্ছেন, এমন সময় টুনুনাংটাং টুনুনাংটাং শব্দে ঘণ্টা বেজে উঠলো, ফৌস্ ফৌস্ করে ইষ্টিমারের ইষ্টিম ছাড়তে লাগলো, লোকেরা রল্লা বেঁধে, জেটি দিয়ে ইষ্টিমারে উঠতে লাগলো—জল্দি! চলো! চলো! শব্দে রেলওয়ে পুলিশের লোকেরা হাঁকতে লাগলো। বাবাজীরা অতি কষ্টে সেই ভিড়ের মধ্যে ঢুকে টিকিট চাইলেন। বুকিং ক্লার্ক বাবাজীদের চেহারা দেখে ফিক্ করে হেসে হাত বাড়িয়ে টাকা চেয়ে নিয়ে টিকিট কাটতে লাগলেন। এদিকে ব্যাপ্ ব্যাপ্ ব্যাপ্ শব্দে ইষ্টিমারের জ্বল ঘুরে ছেড়ে দিলে। এদিকে প্রেমানন্দ “মশাই টিকিটগুলি শীঘ্র দিন শীঘ্র দিন ইষ্টিম খুলো ইষ্টিম চলো” বলে চীৎকার কস্তে লাগলেন, কিন্তু কাটা কপাটের হজুরের আক্ষেপ নাই, শিস দিয়ে “মদন আগুন জ্বলে দ্বিগুণ কল্পে কি গুণ ঐ বিদেশী” গান ধল্লেন—“মশাই শুনুচেন কি? ইষ্টিম খুলে গ্যালো, এর পর গাড়ি পাওয়া ভার হবে, এ কি অভ্যাচার মশাই!” ক্লার্ক “আরে থামো না ঠাকুর” বলে এক দাবড়ি দিয়ে অনেক ক্ষণের পর কাটা দরজা হতে হাত বাড়িয়ে টিকিটগুলি দিয়ে দরজাটি বন্ধ করে পুনরায় “ইচ্ছা হয় যে উহার করে প্রাণ সঁপে সই হইগে দাসী, মদন আগুন—” “মশাই বাকি পয়সা দিন, বালি দরজা দিলেন যে?” সে কথায় কে আক্ষেপ করে?

“জমাদার ভিড় সাফ্ করো, নিকালো, নিকালো” বলে ক্লার্ক সেই কাটগড়ার ভেতর থেকে চৌঁচিয়ে উঠলেন, রেল পুলিশের পাহারাওলা ধাক্কা দিয়ে বাবাজীদের দলবলসমেত টরমিনস্ হতে বার করে দিলে—প্রেমানন্দ মনে মনে বড়ই রাগত হয়ে মধ্যে মধ্যে ফিরে ফিরে বুকিং আপিসের দিকে চাইতে লাগলেন। এদিকে ক্লার্ক কাটা দরজার ফাটল দিয়ে মদন অগুনের শেষটুকু গাইতে গাইতে উঁকি মাতে লাগলেন।

বাবাজীরা কি করেন, অগত্যা টরমিনস্ পরিহার করে অস্থ ঘাটে নৌকার চেপ্টায় বেরলেন—ভাগ্যক্রমে সেই সময় পাশের ঘাটের গহনার ইষ্টিমারখানি খোলে নাই। বাবাজীরা আপনাপন অদৃষ্টকে ধন্যবাদ দিয়ে অতিকষ্টে সেই ইষ্টিমারে উঠে পেরিয়ে পড়লেন—গহনার ইষ্টিমারে অসংখ্য লোক ওঠাতে বাবাজীরা লোকের চপ্টানে হটপ্রেসের ফরমার মত ও ইঙ্কু কলের গাঁটের মত জাঁত সহ্য করে পারে পড়ে কথকিৎ আরাম পেলেন এবং নদীতীরে অতি অল্পক্ষণ বিশ্রাম করেই এষ্টেশনে উপস্থিত হলেন। টুনুনাংটাং টুনুনাংটাং শব্দে একবার ঘণ্টা বাজলো। বাবাজীরা একবার ঘণ্টা বাজবার উপেক্ষা করার ক্লেশ ভুগে এসেছেন, সুতরাং এবার মুকুয়ে তল্লিতল্লা নিয়ে ট্রেনের অপেক্ষা কত্তে লাগলেন—প্রেমানন্দ ঘাড় বাঁকিয়ে ট্রেনের পথ দেখছেন, জ্ঞানানন্দ নস্য লবার জগ্গ শামুকটা ট্যাঁকে হতে বার করবার সময় জ্ঞাখেন যে, তাঁর টাকার গৌঁজেটি নাই। অমনি “দাঁদাঁ সর্বনাশএ হলেঁ! সর্বনাশএ হলেঁ! আমার গৌঁজেটি নাই” বলে কাঁদতে লাগলেন; প্রেমানন্দ, ভায়ার চীৎকার ও ক্রন্দনে যার পর নাই শোকাক্ত হয়ে চীৎকার করে গোল কত্তে আরম্ভ কল্লেন, কিন্তু রেলওয়ে পুলিশের পাহারাওয়ালো ও জমাদারেরো “চপ্‌রাও” “চপ্‌রাও” করে উঠলো, সুতরাং পাছে পুনরায় এষ্টেশন হতে বার করে ছায় এই ভয়ে আর বড় উচ্চবাচ্য না করে মনের খেদ মনেই সম্বরণ কল্লেন। জ্ঞানানন্দ মধ্যে মধ্যে দীর্ঘনিশ্বাস ফেলতে লাগলেন ও ততই নস্য নিয়ে নিয়ে শামুকটা খালি করে তুল্লেন।

এদিকে হস্ হস্ হস্ করে ট্রেন টরমিনসে উপস্থিত হলো, টুনুনাংটাং টুনুনাংটাং করে পুনরায় ঘণ্টা বাজলো, লোকেরা রল্লা করে গাড়ি চড়তে লাগলো, থার্ড ক্লাসের মধ্যে গার্ড ও ছজন বরকন্দাজের সহায়তায় লোক পোরা হতে লাগলো, ভেতর থেকে “আর কোথা আস্‌চো!” “সাহেব আর জায়গা নাই” “আমার বুঁচকি! আমার বুঁচকিটা দাও।” “ছেলেটি দেখো! আ মলো মিলে ছেলের ঘাড়ে বসেছিষ্‌ যে!” চীৎকার হতে লাগলো, কিন্তু রেলওয়ে কর্মচারীরা বিধিবদ্ধ নিয়মের অনুগত বলেই তাদৃশ চীৎকারে কর্ণপাত করেন না! এক একখানি থার্ড

ক্লাস কাঁকড়ার গর্ভের আকার ধারণ করে, তথাপিও মধ্যে মধ্যে ছুই এক জন এন্ট্রেন মাস্টার ও গার্ড গাড়ির কাছে এসে উঁকি মাছেন—যদি নিখাস ফ্যালবার স্থান থাকে, তা হলে আর যাত্রীকে ভরে দেওয়া হয়। যে সকল হতভাগ্য ইংরেজ ব্রাক্‌হোলের যন্ত্রণা হতে জীবিত বেরিয়েছিলেন, তাঁরা এই কোম্পানির থার্ড ক্লাস দেখলে এক দিন এঁদের এজেন্ট ও লোকোমোটিব সুপারিন্টেন্ডেন্টকে সাহস করে বলতে পারতেন যে, তাঁদের থার্ড ক্লাস যাত্রীদের ক্লেশ ব্রাক্‌হোলবন্ধ সাহেবদের যন্ত্রণা হতে বড় অধিক নয়!

এদিকে প্রেমানন্দ ও জ্ঞানানন্দও দল বল নিয়ে একখানি গাড়িতে উঠলেন, ধপাধপ্ গাড়ির দরজা বন্ধ হতে লাগলো, “হরকরা চাই মশাই! হরকরা সার হরকরা” “ডেলিগু সার! ডেলিগুস!” কাগজ হাতে নেড়েরা ঘুচে—লাবেল! ভাল লাবেল! লাল খেরোর দোবুজান কাঁধে চাচার বই বেছেন—টুহুনাংটাং টুহুনাংটাং করে পুনরায় ঘণ্টা বাজলো, এন্ট্রেন মাস্টার খুদে সাদা নিশেন হাতে করে মাথায় কম্ফটার জড়িয়ে বেরুলেন, “অল্‌রাইট বাবু?” বলে গার্ড হজুরের নিকটস্থ হলো—“অল্‌রাইট! গুড্‌মর্নিং স্যার” বলে এন্ট্রেন মাস্টার নিশেনটা তুল্লেন—এঞ্জিনের দিকে গার্ড হাত তুলে যাবার সঙ্কেত করে পকেট হতে খুদে বাঁশীটি নিয়ে শিসের মত শব্দ কল্লে, ঘটাঘট্ ঘটাস্ ঘড়্ ঘড়্ ঘটাস্ শব্দে গাড়ি নড়ে উঠে হস্ হস্ হস্ করে বেরিয়ে গ্যালো।

এদিকে বাবাজীরা চাটগাঁ ও চন্দননগরের আমদানী পেরু ও মোরগের মত থার্ড ক্লাস বন্ধ হয়ে বিজাতীয় যন্ত্রণা ভোগ কত্তে কত্তে চল্লেন—জ্ঞানানন্দ বাবাজীর মুখের কাছে ছুজন পেঁড়োর আয়মাদার আকঙ্কলদ্বিত শ্বেতশ্মশ্রু সহ বিরাজ করায় রসুনের খোস্বে জয়দেবের বংশধর যার পর নাই বিরক্ত হয়েছিলেন। মধ্যে মধ্যে আয়মাদারের চামরের মত দাড়ি বাতাসে উড়ে জ্ঞানানন্দের মুখে পড়্চে, জ্ঞানানন্দ ঘণায় মুখ ফেরাবেন কি? পেছন দিকে ছুজন চিনেম্যান হাতক্রমালে খানার ভাত ঝুলিয়ে দাঁড়িয়েচে। প্রেমানন্দ গাড়িতে প্রবেশ করেছেন বটে, কিন্তু এখনো পদার্পণ কত্তে পারেন নাই। একটা ধোপার মোটের সঙ্গে ও গাড়ির পেনেলের সঙ্গে তাঁর ভুঁড়িটি এমনি ঠেস মেরে গেছে যে গাড়িতে প্রবেশ করে পর্য্যন্ত শূন্যেই রয়েছেন। মধ্যে মধ্যে ভুঁড়ি চড়্ চড়্ কল্লে এক এক বার কারু কাঁধ ও কারু মাথার ওপর হাত দিয়ে অবলম্বন কত্তে চেষ্টা কচ্চেন, কিন্তু ওৎ সাব্যস্ত হয়ে উঠ্চে না—তাঁর পাশে এক মাগী একটি কচিছেলে নিয়ে দাঁড়িয়েচে, বাবাজী হাত ফ্যালবার পূর্বেই “বাবাজী কর কি! কর কি! আমার ছেলেটি দেখো!” বলে চীৎকার

করে উঠে, অমনি গাড়ির সমুদায় লোক সেই দিকে দৃষ্টিপাত করায় বাবাজী অপ্রস্তুত হয়ে হাত দুটি জড়োসড়ো করে ধোপার বুঁচকি ও আপনার ভুঁড়ির উপর লক্ষ্য কচ্ছেন—ষর্মে সর্বত্র ভেসে যাচ্ছে। গাড়িব মধ্যে এক দল গঙ্গাভক্তি-তরঙ্গিণী যাত্রার দল ছিল, তার মধ্যে একটা ফচকে ছোঁড়া—“বাবাজীর ভুঁড়িটা বুঝি ফেসে যায়” বলে পাপিয়ার ডাক ডেকে ওঠায় গাড়ির মধ্যে একটা হাসির গরুরা পড়ে গ্যালো—“প্রভো! তোমার ইচ্ছা” বলে প্রেমানন্দ দীর্ঘ নিশ্বাস ফেলেন। এদিকে গাড়ি ক্রমে বেগ সম্বরণ করে থামলো, বাইরে “বালি! বালি! বালি!” শব্দ হতে লাগলো।

বালি একটা বিখ্যাত স্থান। টেকচাঁদের বালির বেণী বাবুও বিখ্যাত লোক—আলালের ঘরের দুলাল মতিলাল বালি হতেই তরিবত পান; বিশেষতঃ বালির লিজটাও বেশ। বালির যাত্রীরা বালিতে নাবলেন। ধোপা ও গঙ্গাভক্তির দলটা বালিতে নাবায় প্রেমানন্দ হাঁফ ছেড়ে বাঁচলেন—দলের ছোঁড়াগুলো নাবার সময় প্রেমানন্দের ভুঁড়িতে একটা চিমটা কেটে গ্যালো। উতরপাড়া বালির লাগোয়া, আজকাল জয়কৃষ্ণের কল্যাণে উতরপাড়া বিলক্ষণ বিখ্যাত। বিশেষতঃ উতরপাড়া মডেল জমিদারের নর্ম্যাল ইস্কুল প্রায় ইস্কুলের কোর্স লেকচারর ডিগ্রী ও ডিপ্লোমা হোল্ডর, শুনতে পাই, গুরুজীর ছু একটি ছাত্র প্রকৃত বেয়াল্লিশকর্ম্মা হয়ে বেরিয়েচেন।

বাবাজীরা যে সকল এন্টেশন পার হতে লাগলেন, সেই সকলেই এন্টেশন মাষ্টার সিগ্‌নেলার বুকিংকার্ক ও অ্যাপ্রিন্টিসদের এক প্রকার চরিত্র, এক প্রকার মহিমা। কেউ মধ্যে মধ্যে অকারণে “পুলিসম্যান পুলিসম্যান” করে চীৎকার করে সহসা ভদ্রলোকের অপমান কত্তে উত্তত হছেন। কেউ ছুটি গরিব ব্যাওয়ার জীবনসর্বস্ব স্বরূপ পুঁটুলিটি নিয়ে টানাটানি কচ্ছেন—ওজন কচ্ছেন। কোথাও বাঙ্গালগোছের যাত্রী ও কোমরে টাকার গেঁজেওয়ালা যাত্রীর নিজে টিকিট নিয়ে পকেটে ফেলে পুনরায় টিকিটের জন্তু পেড়াপিড়ি করা হচ্ছে—পাশে পুলিসম্যান হাজির। কোন এন্টেশনের এন্টেশন মাষ্টার কমফর্টার মাথায় জড়িয়ে চিনে কোর্টের পকেটে হাত পুরে বুক ফুলিয়ে বেড়াচ্ছেন—অ্যাপ্রিন্টিস ও কুলিদের ওপর মিছে কাজের ফরমাস করা হচ্ছে, হঠাৎ হজুরের কমাণ্ডিং আসপেক্ট দেখে এক দিন “ইনি কে হে?” বলে অভ্যাগত লোকে পরস্পর হুইস্পার কত্তে পারে! বলতে কি, হজুর তো কম লোক নন—দি এন্টেশন মাষ্টার!

যে সকল মহাত্মারা ছেলেবেলা কলুকেতার চীনে বাজারে “কম স্মার! গুড

শপ্ স্মার ! টেক্ টেক্ নটেক্ নটেক্ একবার তো সি !” বলে সমস্ত দিন চীৎকার করে থাকেন, যে মহাত্মারা সেলর ও গোরাদের গাড়ি ভাড়া করে মদের দোকান, এম্টি হাউস, সাতপুকুর ও দমদমায় নিয়ে বেড়ান ও ক্লায়েন্টের অবস্থা বুঝে বিনামূল্যে পকেট হাত্ ডান, আরম্মুলার কাঁচপোকায় রূপান্তরের মত তাঁদের মধ্যে অনেকেই চেহারা বদলে “দি এষ্টেশন মাষ্টার” হয়ে পড়েছেন—যে সকল ভদ্রলোক একবার রেলওয়ে চড়েছেন, যাদের সঙ্গে একবার মাত্র এই মহাপুরুষরা কন্ট্যাক্টে এসেছেন, তাঁরাই এই ভয়ানক কর্মচারীদের সর্বদাই কম্প্লেন করে থাকেন। ভদ্রতা এঁদের নিকট যেন “পুলিসম্যানের” ভয়েই এততে ভয় করেন, শিষ্টাচার ও সরলতার এঁরা নামও শোনেন নাই, কেবল লাল সাদা গ্রীন্ সিগ্ন্সাল—এষ্টেশন, টিকিট ও অত্যাচারই এঁদের চিরারাধা বস্তু ! ও আগেই স্বজাতির অপমান কত্তে বিলম্বণ অগ্রসর !

সমাজ কুচিত্র

[১৮৬৫ সনের জাহুয়ারি মাসে প্রকাশিত]

উপহার
সাহসের অধিতীয় আশ্রয়
শ্রীযুক্ত হতোমচাঁদ দাস
মহোদয়েষু ।

অনরেবল হতোম ! আপনি বাঙ্গালী সমাজকে যে স্বভাব পটে এঁকে, নূতন রকম চিত্রকাব্যে সাজিয়ে, বার কোরেচেন, এতে কোরে ছোট বড় সকলেই (গ্যাচরেল হিট্টির দল ছাড়া) আপনাকে বাঙ্গালা সাহিত্যের পেট্রণ বোলে তারিফ কোচ্ছেন । একজন বাঙ্গালী পাদরী তাহার এক পাট বেচে নিয়ে তর্জমা কোরে, ইংরেজ মহলেও আদর বাড়িয়েচেন । আমি এক দিন বোসে বোসে একটু “বেওয়ারিস লুচির ময়দা” নিয়ে দই মাকিয়ে এই এক ছেলে খেলা কোল্লেম । ভাব্লেম, কারে আর এই নূতন সামগ্রী অগ্রে নিবেদন করি । নবান্ন নয় যে, দাঁড়কাক খুঁজে খুঁজে শ্রাদ্ধের খোলা ডোঙা সমুখে ধোরে দেবো, স্তুরাং ভেবে চিন্তে আপনার নামেই উৎসর্গ কোরে দিলাম । দেখ্বেন যেন, কোন মুখহুসী লোকে এরে গ্রাস কোরে না ফেলে । আমি ছু পা সোরে দাঁড়াই—গুড্ নাইট ॥

চিড়িয়াখানার
নিশাচর ।

অনুষ্ঠান

সমাজ কুচিত্র নামে এই দর্পণখানি বাহির করা গেল, ইহাতে আলীপুরের কৃষিপ্রদর্শন, সরস্বতী পূজা ও পল্লীগ্রামতীর্থ, এই তিনটি পরিচ্ছেদ আছে। পাঠকগণ পাঠ করিয়া সংকর্ষ হইতে দুর্গন্ধগুলি দূর করিতে চেষ্টা করুন।

আমাদের গৌরচন্দ্রিমা

বাঙ্গালা দেশ কাদের দেশ?—আমাদের।—বাঙ্গালাদেশের সুখ্যাতি হোলে কাদের খোসনাম হবে?—আমাদের।—বাঙ্গালাদেশের অখ্যাতি হোলে কাদের নিন্দে হবে?—আমাদের।—বাঙ্গালাদেশের উন্নতি হোলে কাদের মুখোজ্জ্বল হবে?—আমাদের।—বাঙ্গালাদেশের শ্রীবৃদ্ধি হোলে কাদের মান বাড়বে?—আমাদের।

যদি সকলি আমাদের,—তবে আমরা বাঙ্গালাদেশের ভালো ভালো কাজকর্ম-গুলি, ভালো ভালো ধর্মকর্মগুলি (কৃষিপ্রদর্শন ও সরস্বতী পূজা) “কুফিয়া” বোলে পর্চয় দিচ্ছি কেন?—যদি সকলি আমাদের,—তবে আমরা কৃষিপ্রদর্শন ও সরস্বতী পূজাকে যথার্থ বেশে পেম্ কোল্লেম্ না কেন?—উচিত আছে। কিন্তু বাঙ্গালীরা ভালো কাজগুলি এমনি কোরে, এলো পাকে পাকিয়ে তোলেন যে, তাতে আর বিন্দু মাত্র পদার্থ থাকে না!—এমনি কোরে ঘোল মোয়ে যান যে, বড় ছুখে শুভ উদ্দেশ্যে সাগর মন্থন কোরে, মহাদেবের মতন বিষ খেয়ে, নীলকণ্ঠ হোয়ে পোড়তে হয়!—আবার প্রশ্ন।—যদি আমাদেরি সকলি,—তবে দোষগুলি ঢেকে ঢেকে, গুণগুলি দেখে দেখে, বার কোল্লো কি চলে না?—চলে বটে, কিন্তু বড় বাড়াবাড়ী হোলে চলে না।

বাজারে হতোম প্যাঁচা বেকলো, বদ্মায়েস্দের তাক্ লেগে গ্যালো, ছেলেরা চোম্কে উঠলো, আমরা জেগে উঠলুম, চিড়িয়াখানায় নানা প্রকার স্বর শোনা যেতে লাগলো। “আপনার মুখ আপনি দেখ” এগিয়ে এলো। আমরা তারে চেনো চেনো কোরে ধোরে কেলেম, সেটা পাখী নয়, সুতরাং উড়তে পারেনা, আপনার কাঁদে আপনিই ধরা পোড়লো। ওদিকে কা কা কোর্টে কোর্টে একটা

কাফরি দাঁড়কাকের বাচ্ছা উড়ে এলো। তারেও ধরা গেল। রাত্তিরে ভাল দেখতে পাইনে, চসমা দিয়ে দেখতে হলো, হাত্‌ড়ে বুঝে গেলুম, কাকটির ডান চক্ষু কাণা। কাক মনে করেন, আমি লুকিয়ে—করি, কেহ টের পায় না, কিন্তু তা নয়। আপনার মুখ আপনি দেখ, দিন কতক নোড়ে চোড়ে বেড়ালে, তার পর আন্ধাবাড়ীর গন্ধের মত পুরোণো হোয়ে পড়লো। আমরা আর তাদের দেখে পেলেম না। ছুই এক রাত্তিরে চরা করবার সময় আব্‌ছায়া দেখি, কিন্তু ধাঁদা লাগে আর ঠোকে যাই। তাদের না পারি, সহরের একটা ছোট খাট তসবি এনেছি। সাধারণে তসবিখানি ভাল কোরে দেখে, র্যাস্কেলিটা এক্সকিউজ্ কোর্বেন।

পক্ষাবনত—

লেবুতলা।

শ্রীবি, মুক, পেন, কোং।

৬ই জামুয়ারি ১৮৬৫।

আলীপুরের কৃষিপ্রদর্শন

আজ ১২৭০ সালের ৬ই মাঘ সোমবার। বাঙ্গালা দেশের ছোট কৰ্ত্তা সৰ্ব-মনোরঞ্জন বীডন সাহেবের প্রধান কাৰ্য্যের আৰম্ভ। আজ বেলবিডিয়াৰের চিত্ত-চমৎকারিণী ও মনোহারিণী শোভা। নানা দেশের কল, ফল, শস্য ও পশুপক্ষী প্রভৃতি উপস্থিত করা হয়েছে। বিস্তর ভঙ্গলোক উহা দর্শন কর্ত্তে আগমন করেছেন। রাজা রাজড়া, নবাব ও জমিদারেরা যেন গন্ধৰ্বসভার স্থায় সভা করে বসেছেন। দেশ বিদেশীয় ভাষায় দীর্ঘ দীর্ঘ স্পিচ্ হচ্ছে। আলবোলাৰ শব্দ, নকিবের ফুৎকার ও রেসালাৰ কলরবে প্রদর্শনস্থল যেন মেতে উঠেছে। বলতে কি, আলীপুর যেন রসাতল যাবার ভয়েই কেঁপে কেঁপে উঠেছে। কোলকাঁপ আশাসোঁটারা লালপাগড়ি-বাঁধা ছোঁড়াদের হাতে এতক্ষণ আড়ষ্ট হয়ে ছিল, বেতর সমারোহ দেখে প্রভাকর প্রভাতে যেন বিহ্বলতার মত চম্কে চম্কে উঠেছে। দর্শকের ভিড় যেন মোমাছির ঝাঁক ও আশুন দেওয়া চরকিবাজীর চোঙের স্থায় এক থাকের কাটগড়া থেকে আর এক থাকে গিয়ে জম্চেন, রকমসই সৌন্দৰ্য্যের গায়ে ঠেস মাচ্ছেন, আর আড়ে আড়ে তাকাচ্ছেন।

দর্শকেরা তিন দলে বিভক্ত হয়ে ছড়িয়ে পড়লেন। প্রথম দল গুণগ্রাহী হলেন। কিরূপে কোন্ কল প্রস্তুত করা হয়েছে, তারি সন্ধান নিয়ে শিক্ষা করার কৌশল দেখতে লাগলেন। কোন্ কলে, কোন্ জিনিষে কি কাজ হয়, তারি ডিপোজিসন দিতে লাগলেন। কোন্ জিনিষের কি কোয়ালিটী, তারি তর্ক আৰম্ভ করলেন। দ্বিতীয় দল গোষ্ঠ ও রাসযাত্রার সঙের স্থায় কল ও জন্তুগুলি দেখে বেড়াতে লাগলেন। তৃতীয় দল বাঙ্গালা দেশের মুখে চূণকালি দিয়ে, বীডন সাহেবের শুভ অনুষ্ঠান মহাপ্রদর্শনের শুভ ফল মাথায় তুলে, বংশগৌরব পায়ের নীচে রেখে, আপনাপন ছুপ্রবৃত্তির ভোজ্যদ্রব্য খুঁজে নিতে বিব্রত হলেন !!

লড়াইয়ে মেড়া ও বুনো মহিষের স্থায় তৃতীয় দলের দর্শকেরা শিকার দেখে স্থির থাকতে পাচ্ছেন না। দাড়ি পর্য্যন্ত জুলপি ও আকর্ণ ঘাড়ের চুলের কেয়ারি করা বিলিভী হজুরেরা কোমলীর মত পোষাক পরে ঘুরে ঘুরে বেড়াচ্ছেন; স্ত্রীমতীরা ক্রিনোলাইন গাউনে তিন তিন কাঠা জমি ঘিরে নিয়ে হজুরদের বগল ধরে বুলে বুলে যাচ্ছেন। বোধ হচ্ছে যেন, এক পাখা-কাটা বাছড়েরা ছোট ছোট ছেলেদের হাতের দড়ির সঙ্গে লাফিয়ে লাফিয়ে চলেছে। যে সকল দেশী হজুর পাদ ছেড়ে এক পা নড়তে ক্রেশ বোধ কর্ত্তেন, আজ আরবীয় অখেরাও তাঁহাদের

প্রবল গতি দেখে লজ্জায় মাথা হেঁট করে পালাচ্ছে। সার্জন ও টিকিটওয়ালারা দরোজার বন্দোবস্তেই ব্যতিব্যস্ত।

এদিকে ভবানীপুর রঙরঙে! রকমারি দরমাটাকা বারাণ্ডা যেন বরকামান কামিয়ে ও মুখতেলা করে বেরিয়েছে; তাহাদের চিরপরিচিত বেডারা আজ পাইখানা ও রফনগৃহের আশ্রয় লয়েছে। প্রিয়সখা বারাণ্ডার আছড় গা দেখে, নববধূরা ছুঁখে হাসতে হাসতে, এক একখানি চোঁড়া বেতের ত্রিপদী পেতে তাহাদের মান রক্ষা কচ্ছেন। বধূদের গিল্টির তাবিজ, জসম, বারাসত ও বালাপরা দক্ষিণ হস্তেরা বারাণ্ডার রেলের ধারে ঝুলছে। তাহাদের পায়ে পচা রবারের দেড় পাটি জুতো, মোজার উপর কালো কালো কাদার ডায়মনকাটা চার পাঁচগাছি মল; নাকে বিলিতী মুক্কা আঁটা বিবিয়ানা বারকুসী নখ, কানে সাদা সাদা তিন তিনটি তবলকি দেওয়া গিল্টির বড় বড় তিন চারটা দোলন মাকড়ি। মাথায় ফিরিজী খোঁপা ও কাঁটা দেওয়া বিজ্‌কুড়ী ফুলের বেহদ বাহার! ফুলেরা কাঁটা পরে যেন সর্কটক মৃগাল উপরিস্থ পদ্মিনীরে উপহাস কছে! পরিধান শান্তিপুর্ন কালো ডুরে ও নীলাশ্বরী! কারু কারু তছপরি এক একখানি ৯০ সালের ট্যাসেল্দার সবুজ নেটের ওড়না। কেহ কেহ ঠিক শ্রীবন্দাবনের গোয়ালিনী সেজে বসে গ্যাচেন, পোষাকের নিম্নভাগ জাহুদেশ অতিক্রম কর্তে লজ্জিত হচ্ছে। কোন দিকে রূপোবাঁধা ছাঁকোতে ধূমপান চলেছে, কেহ কেহ খেলোতে সাধ মিটাচ্ছেন। ছুঁভাগ্যক্রমে সকলের আহার জোটে নাই, ওষ্ঠাধরসংলিপ্ত তাম্বুলরাগই অনেকের ভোজনের শেষ পরিচয়। এক একটি বধুর রূপেরও সীমা হয় না। যদি দয়ার সাগর (!) মিউনিসিপালিটি ও লাইটিং ট্যাক্সের প্রসাদে নগর ও উপনগরের গলির ভাঙা বাড়ির দেয়ালের গায় ও সাইনবোর্ডের খুঁটির উপর শতকরা ফীটে এক একটি মিড়মিড়ে তেলের আলোর লাঠন না বসানো থাকতো, বধূদের মুখগুলি নীচে থেকে দেখলে স্পষ্ট বোধ হতো যেন, এক একটি কলাবাছড় অধোলম্বী হয়ে বারাণ্ডার কাঠ ধরে ছলছে, এক একটা পাঁজির শিরকাটা রক্তদম্বী গ্রহ তাহাদিগকে পড়তে দিচ্ছে না। দেখতে দেখতে সন্ধ্যা হয়ে এলো। প্রদর্শনস্থলে আর অধিক লোক নাই।

মদের দোকানে আজ ভারি ধুম! একটা কিছু পরব সরষ হলে সহর ও শাখা নগরের (পল্লীগামের ত কথাই নাই) আইনকানুন মাথায় উঠে ও পোষ্টলিনিও স্টেশনের পিকপকেট ইছরের পদতলে বিমর্দিত হয়! আজ ১০টা রাত্রির পর গাঁদাফুলের মালা পরা কলসী কলসী মদ দোকান থেকে মুটের মাথায় বাইরে

বেরিয়েছেন! সার্জন ও পাহারাওয়ালার যে লাঠনের আলো প্রতি রাত্রিতে ভদ্র-লোকদের চক্ষু অন্ধপ্রায় করে, আজ তাহা খণ্ডোতের শ্রায় নির্বাণপ্রায়! আজ অনেক প্রকৃত ভদ্রলোক মেলাস্থলে আগমন করেছিলেন, সুত্তরাং অনেক বারান্না-বারাণ্ডাকে মানভঞ্জন রজনীর নিকুঞ্জবনের শ্রায় ক্রীহীন হয়ে থাকতে হলো। অনেক বাড়িতে বিরহ গীতের হব্বরা উঠে গ্যালো। বোধ হলো যেন, ক্রীকৃষ্ণ চন্দ্রাবলীর কুঞ্জে তাঁহার মনোবাঞ্ছা পূর্ণ কর্তে গ্যাচেন, কমলিনী শূন্য কুঞ্জবনে বৃন্দে দূতী প্রভৃতির কাছে “গেল শর্বরী, অশুমান করি, কৃষ্ণ এলো কৈ?” বলে বিলাপ কচ্চেন। বড়াই ও ললিতা প্রভৃতি দূতীরা যেন “রাধে ধৈর্য্যং প্যারী ধৈর্য্যং” বলে ঠাণ্ডা কচ্ছে। বাস্তবিক বেশালায়গুলি যেন কাঁদতে কাঁদতেই বন্ধকার হয়ে গ্যালো। আজ দ্বিতীয় দিবস।

আজ মঙ্গলবার। অনেক প্রকার দর্শক নয়নগোচর হতে লাগলেন। রাস্তায় ভারি ভিড়। আজ এক টাকা করে টিকিট বিক্রি হচ্ছে। কাল পাঁচ টাকা ছিল। টিকিট ব্যবসায়ীরা কাল ২৬০০০ টাকা লাভ করেছেন! আজ টিকিট সস্তা দেখে অনেক মাঝারি কেতার ভদ্রলোক আগমন করেছেন। পুলিশের বন্দোবস্তের গুণে পশ্চিম দ্বারে অসঙ্গত গাড়ির ভিড় হলেও কোন গোলযোগ হতে পাচ্ছে না। টিকিট বিক্রয়ের বন্দোবস্ত মন্দ হয় নাই। দর্শকদলে মেলাস্থল পুরে গ্যাচে। কলের নিকটে অসঙ্গত ভিড়। পশুশালা ও পক্ষীশালার কাটগড়ার বাইরেও ঠেলে সৈঁধোনো ভার। মাঝে মাঝে তাঁবু টাঙানো উইলসন ও স্পেন্স হোটেলের ত্র্যাঞ্চ হোটেল বসে গ্যাচে। জিব, স্কুর, হ্যাম, ফাউল, মটন, সেরি, স্যাম্পিন, কগ্নেগ ও ত্রাণ্ডী বেধড়ক বিক্রি হচ্ছে। ছিপি আঁটা সোড়া ওয়াটার ও লিমোনেডের বোতলেরা জ্যেষ্ঠতাতদিগের প্রিয় শিশুগণের অনবরত উমেদারী কচ্ছে। পুকুরধারে ও ঘাসের উপর ভাঙা চেঙারি ও তেকাটা চড়া খোঁটা হোটেল খাপ্ খুলে সর্বদাই হাজির। টকো ও ছাতাপড়া কমলালেবু, শেষ বাজারের ফেরত পক্কান্ন, কচুরি ফুলুরিরা লঙ্কা ও প্যাঁজভাজা মাথায় করে হিন্দুকুল উদ্ধার কচ্ছে। টোল খাওয়া পিতলের গেলাস, বিড়ে বাঁধা ফাঁপা পানের খিলি ও আঁবের আটার রিপু করা খেলো হুকোদের আজ একাধিপত্য! তাহাদের সৌভাগ্য দেখে উড়িষ্যার জগন্নাথক্ষেত্র আপনার একচেটে প্রভুত্বের হানি হলো ভেবে, হুঃখে ত্রিয়মানা হচ্চেন। দিবাকাল এইরূপে বিদায় হলেন, চৌরঙ্গীর গির্জের ঘড়িতে অরগ্যান কোয়ারটার ও ৫টা বাজা শব্দ শুনা গ্যালো। সূর্য্যদেব আর সূর্য্য মুখ দেখাতে পারবেন না বলেই যেন, আন্তে আন্তে পশ্চিমাচলের রাঙা মেঘের আড়াল দিয়ে

স্বস্থানে প্রস্থান করেন। ওয়েলার ও অষ্ট্রেলীয় রাজী বাকী জোড়া বগি ও কেটন গাড়িরা গড়্ গড়্ শব্দে রাস্তা মাতিয়ে চলো। কেরাচিরাও যাত্রার নকিব সাহেবের মত ক্রুবুক্রুবু করে নাচতে নাচতে পশ্চিম দ্বার পাতলা করে চলে গ্যলো। সন্ধ্যাকাল উপস্থিত।

আজ একাদশী। গগনমণ্ডলে সনস্কৃত একাদশ কলা কুমুদবান্ধব উদয় হলেন। রাস্তার লাঠনের আলোকমালা চন্দ্রমাকে দেখে অভিমানে মিড়্ মিড়্ কর্তে লাগলো। যুবকদল গোছসই বারাণ্ডার নীচে গিয়ে উর্দ্ধমুখ হলেন। বারাণ্ডাস্থ বধুরা গর্ভবতী রমণীর স্তনযুগের শ্রায় নন্দ্রমুখী হতে লাগলেন। রাজপথ চন্দ্র ও কুমুদিনীর সন্দর্শনের শ্রায় অপূর্ব শোভা ধারণ কল্লে। এইখানে ফিলজফারদের আবিষ্কৃত লৌহ ও চুম্বকের আকর্ষণী শক্তি সার্থক হলো।

বীডন সাহেবের প্রসাদে ও কল্কেতার ভারতবর্ষীয় সভার যত্নে আমরা কৃষি-প্রদর্শনে নানা প্রকার মনোহর জবা দেখে যেরূপ সম্বুষ্ট হয়েছি, রাজপথের রংবেরং দ্বিপদ জানোয়ারগুলি দেখে তদপেক্ষা বহুগুণ ছুঃখ অনুভব কচ্ছি। দুর্ভাগ্যক্রমে মঁারা বেলবিড়িয়ার উত্তানপ্রাক্গে যেতে পারেন নি, তাঁরা পথের জানোয়ারগুলিকে দেখে ঘোলেই ছন্ধের পিপাসা মিটিয়ে নিচেন। কাননস্থ মৃগশাবকগণ যেমন করত দর্শনে সচকিতনেত্রে দূর বনে পলায়ন করে, শশক, বরাহ ও কুরঙ্গদল যেমন স্বাপদ জন্তু ও শিকারী মানুষ দেখে সভয়চিত্তে বনাভ্যন্তরে লুকায়িত হয়, আমাদের নবরসিক কুঞ্জরেরা তেমনি, পাছে কেউ দেখে, এই ভয়ে মুখে চোখে কাপড় ঢেকে, লাহোরের ধারের দরোজার ভিতর ঢুকে পড়্চেন। সেইখান থেকে সর্প্যাঙ্গ ফাউল কট্লেট্ ও মট্ফপ হাজির করবার ফরমাস্ হচ্ছে। বিবির সকাল সকাল বিয়ার ও ডিষ্টিল্ড্ রম জুগিয়ে রেখেছিলেন, কিছু কিছু টেট্ট নিয়ে তবলায় চাটি আরম্ভ হলো! “চলো প্রেমসরোবরে, নবীন নাগর রসের সাগর, কালার পীরিতে নমস্কার” প্রভৃতি সাদা ও দাণ্ডুরায়ের খোলা খেঁউড়ের আগুন উঠতে লাগলো। জুতো, বাপাস্ত্র ও শতমুখী ফাঁক যাচ্ছে না। পূর্বে বলতে ভুলেছি, যখন সব শাল দোশালা গর্ভে চোকবার ভিড় হয়, সেই সময় নূতন বসন্তকাল পেয়ে, ছ এক ডজন উড়ুনিও পেশ হয়ে গ্যাচে।

১ পাঁচালিওয়াল দাশরথি রায় বড় মন্দ কবি ছিলেন না। তিনি উত্তম গীত বাঁধতে পারতেন। তাঁহার অমুপ্রাসগুলিও প্রশংসনীয়, কিন্তু দাণ্ডুরায়ের পৌড়ারা আমাদেরকে কমা করবেন, তাঁহার উপহাসরসিকতা প্রবল দেখে গায়কদিগের মধ্যে তাঁহাকে গণনা করা যার নাই।

ছুঃখ বলতে হাসি আসে, মাঝে মাঝে খুঁজে দেখতে দেখতে উজন উজন ক্রেবার ফেলোও বাহির হয়ে পড়লেন। তাঁহাদের অনেককে ব্রাহ্ম সমাজের শাখায় বসে^২ চোখ বুজে ঢুলুতে ও কাঁদতে দেখা গ্যাচে। তাঁহাদের আর অস্ত্র বাসা নাই, জাতিভেদেরও তকা রাখেন না, সকলই সেইখানে সম্পন্ন হতে পারবে। কিন্তু দুর্ভাগ্যক্রমে তাঁরা ভাল ঘরে ঢুকতে পারেন নি, মনে মনে সামাজিকতার ভয় আছে; পাছে কোন চেনা লোকের সঙ্গেই দেখা হয়ে পড়ে। মনে মনে সকলেই মনোচোর! তাঁরা যে ঘরে ঢুকেচেন, সে ঘরের অধিষ্ঠাত্রী দেবীরা গত বৎসর গ্রীষ্মকালের বিষনয়নে পড়েছিলেন, আজো তাঁহাদের গ্রহ স্প্রসন্ন হয় নাই; সুতরাং তাঁহারা নরু অপেক্ষাও হিংস্র এবং হায়েনা^৩ অপেক্ষাও ভয়ানক! এই আস্চে কাণ্ডনে রেঁ। কাটিয়ে গা বেড়ে উঠবেন এমনি সম্ভাবনা।

এখন শ্রীমতীদের মূর্তি অতি চমৎকার। হনু ও দন্তু বহির্গত, চক্ষু কোটরাস্তর্গত, মেরুদণ্ড কঙ্কালসার, আকৃতিখানি যেন গরাণের খুঁটির উপর ছুটি ছুটি চাঁচা গাঁট বসান রয়েছে। মস্তকগুলি ঠিক পল্লীগ্রামের বাঁশতলার ওলদিগের রংদার ফটোগ্রাফ! মাঝে মাঝে হস্তকুশের শ্রায় ছু চারগাছি শিখা থাকতে, চাঁদবদনীরা যেন শ্রীক্ষেত্রের জগন্নাথদেবের দ্বারের পাণ্ডা অপেক্ষাও বেয়াড়া দেখাচ্ছেন! নায়কেরা তাই ধরে পরচুলো, দড়ি ও মল্লিকে ফুল পরিয়ে সাজাচ্ছেন, আর সেই সকল চাঁচর কেশের প্রেইজ কচ্ছেন! এক জন উমেদার ব্রাহ্মণ তাঁহাদের এক পার্টির মদ বওয়া মুটেগিরি কর্ম পেয়েছিলেন, অধিক দিন উমেদার থাকতে থাকতে বাবু বা সায়েবের নজরে পড়ে যেতে পারে, একদিন না একদিন কপাল ফিরে দাঁড়ায়। এ উমেদারেরও সেইরূপ একাদশ বৃহস্পতি! রাত্রি ১১টার পর মদ ফুরিয়ে এলো, বধুবিলাসীরা তাঁহার মদ আনতে পাঠালেন। তিনি রাস্তায় বেরিয়ে দেখলেন, তখনও রাস্তায় লোকারণ্য। খাতায় খাতায় লোক এসে এর তার দরোজার ধারে উঁকি মাচ্ছেন। কেউ কেউ পথ ভুলে স্ত্রাকরার দোকান ও কাপড়ের আড়তে ঢোকবার উজ্জুগ করাতে বেহদ মার খেয়েচেন, অবশেষে খুঁটিতে বাঁধা আছেন, কাল সকালে পুলিশে চালান হবেন। এক জন দর্জী একটি ভজ রমণীর পেছু লেগে ভূত সেজে অহুনাসিক শব্দে রাস্তা ঘোর করে

২ এই পরিচ্ছেদে ও পরিচ্ছেদান্তরে যে সকল ব্রাহ্মের কুক্ৰিয়ার হাটহদ আছে, তাঁহারা বক বিভাগ অপেক্ষাও ৫০০ গুণ ভণ্ড। প্রকৃত ও নিরপেক্ষ ব্রাহ্মগণ কমা করবেন, লেখক সমাতন ধর্মকে কলঙ্কিত করে আপনাদের অপরাধী বর্ডে অগ্রসর হর নাই।

৩ গোবাধা।

ছিল, শেষে এক ডজনলোক তাহারে ধরে ভূতমন্ত্র ঝাড়িয়ে দেন। আজ রাত্রিতে প্রায় পাহারাওয়ালারাস্তায় নাই। পরবের রাত্রি। আমোদ ও চুরি করবার “এলাওয়েন্স” থাকতে পারে! পদ্মপুকুরের মোড়ে এক জন পুলিশ ইন্স্পেক্টর আধ ডজন মাতাল ঘেঁটিয়ে রিফাইন কেতার মার খেয়েছেন। সকল স্থানেই প্রায় পুলিশ ইন্স্পেক্টরের আসর জারি সমান, ফলে তাঁহাদের অনেকেরই এইরূপ দুর্দশা! ইন্স্পেক্টরদিগের অনেক প্রভুকে বারভূতে পেয়েচে।

উমেদার মুটে স্বচ্ছন্দে মদ নিয়ে বেরিয়ে এলেন। ওদিকে বাবুদলে মদের অপ্রতুল হওয়াতে “ড্যাম দি সূটী ডেভিল” বলে গাল চলেচে, আর শুধু চাট খেয়ে আশ মিটান হচ্ছে। এমন সময় মদ এলো। এক জন দলের মধ্য থেকে উঠে, মুটেকে ধরে “বাবা! তোমার এত দেরি কেন ভাই?” বলেই গুম্বুস করে এক কিল মাল্লেন। সকলে হিপ্, হরে, ব্রাভো বলে চেষ্টায়ে হেসে উঠলেন। বধূয়া করতালি দিলেন। আবার ডিশ, কুমাল, গেলাস ও ডিম আসরে নামলেন; আন্ধের উজ্জ্বল হতে লাগলো। বাবুরা স-মধু বারবধুর মুখামৃত পান করে আমোদ কর্তে লাগলেন। দুই এক জন দাঁড়িয়ে উঠে “আমরা সুপারিশ্বেশনের চেইন ভেঙে সমাজমধ্যে লিবার্টি লাভ করেচি, সেকলে বুড়ো ফুলদিগের মত জাতবিচার ও সঙ্ঘ্যা আঙ্কিক করে কাল কাটাতে হয় না। হে পরমাত্মন! তুমি আমাদেরকে তোমার সৎপথের পথিক কর, আমরা তোমারি দত্ত ইনটুইশন প্রভাবে তোমার প্রিয় কার্য সাধন করিতে প্রাণপণে ক্রটি কচ্চি না। ওঁ তৎ সৎ!” এইরূপ স্তোত্র পাঠ করলেন! পবিত্র স্থান হলে বোধ হতো যেন, লেজিসলেটিব কোমিসলের রাজকুমার ও মৌলবী সভ্য এবং নূতন হাইকোর্টের ফ্যাশানেবেল উকীলেরা স্পিচ ও প্লিড্ করে ফিরে গ্যালেন। উপাসনার পর পুনর্বার পান আহার সারা হলো, সকলে মত্ত হলেন। সমস্ত রাত্রি এইরূপে চল্লো। তোপের পূর্বে একটু বিশ্রাম করেছিলেন, পরদিন উঠতে বেলা লয়ে গ্যাচে, সূতরাং ব্রেকফাস্ট সেইখানে সারা হলো। তার পর ১০টার সময় পোশাক ও আঙুলে “এসা দিন নেহি রহেগা” জাঁকা আংটি পরে মেলা দেখতে বেরুলেন।

হা হতভাগ্য বঙ্গভূমি! তোমার সম্মানের বিদেশীয় সম্মানদের নিকটে এত অপদস্থ কেন? জগতের মধ্যে একমাত্র নিত্য যে ব্রাহ্মধর্ম, তাহাও ইহার বিকৃত করে তুল্চেন। রাজা রামমোহন রায়ের সময়াবধি যদি ইহার উন্নতি চেষ্টা হতো, ব্রাহ্মধর্ম কি এতদিন ভূমণ্ডলে বিরলপ্রচার থাকে? শতকরা এক জনের অধিক প্রকৃত ব্রাহ্ম নাই, মূল ব্রাহ্মসমাজ ও সেই এক জন ব্রাহ্মের অনবধানতাই সকল

অনিষ্টের নিদান হয়েছে। ব্রাহ্মদিগের সংখ্যা বৃদ্ধি করা যদি সমাজের কর্তৃপক্ষের একমাত্র উদ্দেশ্য না হতো, সেকেলে রাজাদের কণ্ঠার বিবাহের শ্রায়, “যার মুখ দেখবো তারেই ছুঁহিতা সম্প্রদান করবো” এইরূপ ব্রাহ্ম করা পণ যদি না থাকতো, ব্রাহ্মধর্ম কি এতদিন ভূমণ্ডলে বিরলপ্রচার থাকে? আমরা লোকের কাছে স্পর্ধা করে গল্প করে থাকি, আমাদের দেশে ভারতবর্ষীয় অ্যাডিসন, দ্বিতীয় বিজ্ঞানবিৎ নিউটন ও গ্যালিলিও, প্রধান বাগ্মী ডিমস্থিনিস ও সিসিরো, ধর্মপ্রচারক মহাত্মা সক্রটিসের শ্রায় ব্যক্তিসকল জন্ম গ্রহণ করেছেন। তাঁহারাও ঐ কথা বলে অভিমান করে থাকেন, কিন্তু একমাত্র বাহ্যাড়ম্বর সকল গুণকে অতিক্রমণ করে, মেঘাচ্ছন্ন শশাঙ্কের শ্রায় মলিন করে রেখেছে। এই সকল কথাতে কেউ কেউ মনে কর্তে পারেন, ব্রাহ্মদিগকে নিয়ে এত পীড়াপীড়ি কেন? যাঁরা এরূপ মনে করবেন, আমরা তাঁদের কাছে এই কথা বলে ক্ষমা প্রার্থনা করি, “যার যেখানে ব্যথা, তার সেখানে হাত।”

আজ বুধবার। টিকিটের মূল্য ১০ আট আনা। অনেক দর্শক সমুপস্থিত হয়েছেন। প্যারিসস্থ পটু'গাল সাহেবের উৎকৃষ্ট ফোয়ারা, ব্রহ্মদেশ থেকে সমাগত কল, কল্কেতার ব্রাউন ও লিপেজ কোম্পানির নানা প্রকার কল ও উড়ো সাহেবের জলতোলা কলের নিকটেই আজ অধিক লোক। ছোট টাটু ঘোড়াটিও অনেকে দেখেছেন। সকাল সকাল দেখা সেরে যে যার বাসামুখো হলেন। লেফ'টশ্যান্ট গবর্নরের ঔদার্য্যগুণে গবর্নমেন্ট আপিসের কর্মচারিগণের মেলা দেখবার অনুমতি ছিল। তাঁহাদের অনেকে আজ আগমন করেছিলেন। নকল-মবিস কেরাণীরা কখনো ভাল করে খেতে পরতে ও আমোদ কর্তে পান মা। আজ সহরের পাঁচ প্রকার তামাশা দেখে আহ্লাদে আত্মবিস্মৃত হয়ে গ্যালেন, কেউ কেউ বাঁধা গরুর দড়ি হেঁড়ার মত ছু একটা আনকা গৈলে ঢুকলেন। হাউসের চণ্ড, মুণ্ড ও লম্বোদর লিওপার্ডদের ত কথাই নাই; তাঁরা রাজারও রেয়েত নন, সেখেরও খাতক নন, বাজার বুখে কাজ করেন, আর গাঁত বুখে পা ফেলেন। তাঁদের প্রদর্শন দেখা তথৈবচ, যাঁরা মোদাগাড়িতে উঠে এসেছিলেন তাড়াতাড়ি বেরিয়ে গ্যালেন, আজ ঢাকাইচাঁদ বাবুর বরানগরের বাগানে ভারি ভোজ! ছুঁখের বিষয় এই, যুগান্তর উপস্থিত হওয়াতে এখন আর পূর্বের মত সমুদ্রপারের অভ্যাস নাই, গাড়িতে যেতে দেরি হয়ে পড়লো। সন্ধ্যার পূর্বে প্রদর্শন দর্শকদিগের সকলেই প্রায় ভিড় ভেঙে পাতলা হলেন, কেবল কয়েক জন সাহেব ও হোটেলওয়ালার যা কিছু গুল্জার করে রাখলেন। এইরূপে তৃতীয় দিবসের আমোদ শেষ হলো, রাত্রি পূর্ববৎ সমারোহে কেটে গ্যালো, কাল চতুর্থ দিবস।

আজ বৃহস্পতিবার। টিকিটের মূল্য ১০ চার আনা। দর্শকের ভিড় অধিক। ভবানীপুর, কালীঘাট, চেতলা, চক্রবেড়ে, বেলতলা, পাকুড়তলা ও কাঁসারীপাড়া হেঁকে গ্যাচে। কাঁসারীদের রাস ও * নগরের * * * মণ্ডলদিগের* চৈত্র মাসের রাসের* সময় কেবল জনকয়েক লোক এই সকল শ্রীপাট শোভিত করেন, কিন্তু এই কৃষিপ্রদর্শনে এ বৎসর বিস্তর লোক জমা হওয়াতে ঐ সকল দেবালয়ে স্থান সমাবেশ হয়ে উঠলো না, সুতরাং অনেককে সিদ্ধেশ্বরী দর্শনার্থী হয়ে উত্তরবাহিনী* হতে হলো।

প্রদর্শনের অবশিষ্ট শুক্র ও শনিবার সমান জনতা ও সমান আমোদে শেষ হয়ে এলো। লোকের উৎসাহ ও ফলাধিক্য দেখে লেক্ট্যান্ট গবর্নর আর এক সপ্তাহ সময় বাড়িয়ে দিলেন। মাঝে মাঝে টিকিট কিনতে হয় নাই। অনেক স্ত্রীলোক এই সময় দর্শন করেছেন। বাঙ্গালা দেশ আর কখনো এরূপ উপকার লাভ করেন নি। সিসিল বীডন এই চার বৎসর কাল প্রকারান্তরে পিটার্সনের মত কার্য বিশেষে উৎসাহ দিয়ে বেড়িয়েছেন। গ্রান্ট, লড ও হরিশ দরিদ্র প্রজাদের যত উপকার করে গ্যাচেন, ভারতবর্ষীয় সভার “বাহাদুর” মিত্র, পাল ও মুখোপাধ্যায় বাঙ্গালার মারীভয় ও এই কৃষিপ্রদর্শনের সাহায্য দান ব্যতিরেকে আর কিছুতেই সেরূপ তেজস্বিতা দেখাতে পারেন নি। যা হোক, লেক্ট্যান্ট গবর্নর ও ভারতবর্ষীয় সভাকে ধন্যবাদ দেওয়া কর্তব্য। তাঁহাদের প্রসাদে প্রদর্শনের দ্রব্যগুলি দেখে আনন্দ লাভ করা গ্যাচে। ছুঃখের এই হয়েছে, যে দেশে প্রদর্শন হলো, সেই বাঙ্গালা দেশ থেকে কোন ভাল কল প্রভৃতি প্রদর্শিত হয় নাই। কেবল দু এক জন কল্কেতার বাবু চালমাড়া ও খড়কাটা কল দিয়েছিলেন। ডফের স্কুলের কয়েকটি বালিকার কৃত কার্পেটের ছবি অতিশয় মনোহর হয়েছিল। ঘৃত, মাখন, মিছরি, কচু, ইক্ষু, মটর, মুগ, ধান, চাল ও মোম প্রভৃতি উত্তম হয়েছিল। মোরগ, পেকুর, ময়ুর, কপোত, শুক, ময়না প্রভৃতি পক্ষী, মহিষ, দুধে মেঘ, ছাগ, গাভী, খরগোস, হরিণ, বলদ ও অশ্ব প্রভৃতি পশুও অতিশয় প্রীতিকর। বাঙ্গালা দেশে

৪ এই বংশের এক জন মণ্ডল একটি ইতর স্ত্রীলোকের প্রতি অতিশয় নিল্লভ ও নৃশংস ব্যবহার করেছিল, সেই জন্তু তাহার একটা কুৎসিত খেতাব হয়ে গ্যাচে। স্থপিত বিষয় বলে তাহার নামধাম লেখা গ্যালো না। ইহারা ধনী ও জমিদার।

৫ চৈত্র মাসে গাজন হয়, এই আমরা জানি। রাসের বাসুদেবের মধ্যে গোসাঞী, মণ্ডল এবং আজকাল এক পাড়ার্গেয়ে ঘোন নূতন শির খাড়া করেছেন।

৬ উত্তর অঞ্চলের শোভার বিষয় সরস্বতী পূজা পরিচ্ছেদে দেখ।

লম্পটের ভাগই অধিক ! আমরা ভরসা করি, প্রতি তিন বৎসরে যে প্রদর্শন হবে, বাঙ্গালা দেশ তাহাতে অন্ততঃ বর্ষার তুল্য কলও দেখাতে পারবেন। লাম্পটের সহিত আলস্যের ছাস না হলে তাহা পূর্ণ হবার সম্ভাবনা নাই। আদর্শরূপ প্রথম দর্শনেই তাহার প্রমাণ পাওয়া গ্যালো। আফলাদের বিষয় এই, হু এক জন দেশ-হিতৈষী সম্ভ্রান্ত জমিদারের গৃহে ও উচ্চানে উত্তম উত্তম কল ক্রয় করে রাখা হয়েছে।

অনেকে অনৈসর্গিক অদ্ভুত বস্তু ও জন্তু দেখবেন মনে করে এসেছিলেন, তাঁদের মর্মান্তিক ক্ষোভ হয়েছে সন্দেহ নাই। বীডন সাহেব যদি কাটগড়ার ধারে ধারে দুর্ঘ্যোধনের উরুভঙ্গ, জনক রাজার ধনুর্ভঙ্গ, ভীষ্মের শরশয্যা, সত্যভামার দর্পচূর্ণ, শ্রীকৃষ্ণের কৃষ্ণিণী হরণ, গোপিনীদের বস্ত্রহরণ, অর্জুনের লক্ষ্য বেঁধা, দ্রৌপদীর বস্ত্রহরণ, বিড়ালের হস্তী প্রসব, আধ মণ বেগুন, রাজমহিষীর কাক প্রসব প্রভৃতি মাটির ও কাঠের সঙ করে দিতেন, অনেক দর্শক চরিতার্থ হয়ে যেতেন সন্দেহ নাই। কলকাতার সহরে অনেক প্রকার আমোদখোর দ্বিতীয় কিউপিড্ আছে, তাঁরা যদি অধ্যবসায় সহকারে লম্পট প্রদর্শন করেন, দেখতে পান, কত বড় সমারোহ হয়। নীলবানরের নাচ ও হাওয়া খাওয়া সঙ দেখা আমাদের পুরানো হয়ে পড়েছে।

কৃষিপ্রদর্শন সমাপ্ত।

৭ কামদেব। ইঁহাদিগের দ্বারা আসল কন্দর্পের বিস্তর উপকার হয়ে থাকে, সুতরাং ইঁহাদিগকে কিউপিডের অবতার বলে পেশ করা যেতে পারে।

সরস্বতী পূজা

“কল্কেতা সহর রত্নাকরবিশেষ । এখানে যা না আছে, এমন জানোয়ার পৃথিবীর কোন চিড়িয়াখানায় নাই ।” ছতোম এ কথা বিলক্ষণ প্রতিপন্ন করেচেন । আলীপুরের একজিভিশন শেষ হতে হতে সহরে সরস্বতী পূজোর উজ্জ্বল হতে লাগলো । অনেক বাড়ির প্রতিমে একমেটে হয়ে গ্যালো । লোকেরা আমোদের খইচুর হয়ে ফেটে ফেটে পড়্চেন । শরৎকালের সহিত অনেক বাবুর বাবুয়ানা রসাতলশায়ী হয়েছিল, এই কয় মাস আমরা তাঁদের চক্রবাকের দলেই গণনা করে রেখেছিলাম । তাঁহাদের বাবুগিরি সুস্নিগ্ধ কমলিনীর অনুচরী । হিমাগমে নলিনীর সহিত তাঁহাদের জাঁকজমকও পঙ্কমধ্যে বিলীন হয়ে যায় ! পাঠকগণ মনে করুন, আমাদের এই শ্রেণীর আউটটুডেন্ট ষ্টুডেন্ট বাবুরা কল্কেতা সহরে গ্রীষ্মকালের বড়লোক । মনে করুন, বৎসরের আট মাস কাল যাঁরা সদর্পে কন্দর্পের শরাশম-জ্যাঃ ছিন্ন করে বেড়িয়েচেন, শীতসমাগমে কাশ্মীর ও তিব্বতের পশুপালের অনুগ্রহ শুভদৃষ্টির অভাবে তাঁদের সন্ন্যাসী অপেক্ষাও দুর্দশা ! ডুরে উড়ুনি ও মলমলের পিরান তাঁদের সম্মান রক্ষা কর্তে সমর্থ হয় নাই । সুতরাং মন্মথের শরপাতের ভয়েই যেন, তাঁহাদিগকে হোটেলের বিল-সরকারী, বাইসম্যানের দোকানদারী, বোতল আছে বিক্রী, ছদ্মবেশে পূর্বপরিচিত তীর্থমন্দিরের দালালী প্রভৃতি এম্প্লয়মেন্ট গ্রহণ কর্তে হয়েছিল । এই সময় সময় পেয়ে দক্ষিণানিলের সহায়তায় উত্তরায়ণের সঙ্গে সঙ্গে তাঁহাদের শুভদিন দর্শন দিল । তাঁহারা মকর সংক্রান্তিতে গঙ্গাস্নান করে, শিকের হাঁড়ি থেকে ডুরে চাদর, রবারের জুতো, নিগু, মলমলের পিরান পেড়ে শ্রীঅঙ্গে ধারণ কল্লেন । আলবার্ট ফ্যাশান পুনরারম্ভ হলো । অনেকে নূতন ফ্যাশানের ক্রীতদাস হয়ে নীলামের বস্ত্রে এক একটি চায়না-কোট তৈয়ের করিয়ে নিলেন । আলপাকারা নবযৌবন ধারণ করে অনেকের গাত্র পবিত্র কল্লেন । কেউ কেউ আলবার্ট ফ্যাশানের জায়গায় ওয়েল্‌সী’ ফ্যাশানকে ভর্তি করেচেন । পাড়ার্গেয়ে বাকুইয়েরা তাহাদের পর্ণক্ষেত্রে (বরোজে) যেরূপ আল দেয়, ইহাও ঠিক সেইরূপ ।

১ কুইন ভিক্টোরিয়ার জ্যেষ্ঠ পুত্র প্রিন্স অব ওয়েল্‌স মন্মথের মধ্যভাগ থেকে ঘাড় পর্যন্ত স্ত্রীলোকের সিঁতির ঞায় চুল ফিরোন । রাজকুমারের পিতা প্রিন্স আলবার্ট বঁকা সিঁতি কাটিতেন । পিতাপুত্রের চুল ফিরোনোর অনুকরণকে আলবার্ট ফ্যাশান ও ওয়েল্‌সী ফ্যাশান বলে ।

এক দিন বেলা ১০টার সময় এক জন গন্ধবেণে বাবু ওয়েল্‌সী ফ্যাশানে চুল
কিরিয়ে চায়না-কোট গায় ও ষ্টকিং পায়ে দিয়ে তালতলার বড় রাস্তা দিয়ে ধর্ম-
তলার দিকে যাচ্ছিলেন, নেউগীপুকুর লেনের ঠিক উত্তরে একজন সোনাকপোর
পোদ্দারের দোকানের ঠিক মাথার উপর এক জন ভদ্রলোক রাস্তাপানে চেয়ে
বসেছিলেন, নূতন রকম বাবু অথবা জানোয়ারটিকে দেখে, তাঁর বড় ইচ্ছা হলো
যে, একবার তাঁকে কাছে এনে ভাল করে দেখেন। এই কৌতূহল নিবৃত্ত করবার
জন্তে বাবুটিকে সম্বোধন করে বলেন, “মহাশয়! আপনারে যেন চেন চেন কচ্ছি,
একবার এইখানে এসে তামাক খেলে ভাল হয়।” বাবু এই কথা শুনে, তাঁর
মুখপানে তাকিয়ে “ব্রডী ফুল আবার চেন চেন করে কেন?” মনে মনে এই কথা
বলে, ঘাড় নেড়ে চোঁচিয়ে বলেন, “আই হ্যাভ মেনি বিজনেস টু পারফর্ম, গোইঙ টু
দি অফিস, মিষ্টার গ্যান্পার ইজ ওয়েটিং ফর মি, আই অ্যাম দি হেড্‌ম্যান অফ
হিজ ডিপার্টমেন্ট, ড্রাট ইজ অ্যান্‌ আর্টিকেল্ড ক্লার্ক, সারভিং ফাইফ ইয়ার্স, গেটিং
এইটি ক্লপীজ পার মেন্সেম, আই শ্যাল সুন পাস্‌ অ্যান্‌ এক্‌জামিনেশন, অ্যাণ্ড
টরগ টু এ ব্যারিষ্টার। কান্ট ওয়েট বাবু! আই হ্যাভ সো মেনি বিজনেস।”
ভদ্রলোক এই সকল কথা শুনে মনে কল্পেন, এ ব্যক্তি ঠহার অন্নপ্রাশন অবধি
জীবনবৃত্তান্ত আওড়ায় না কি? যা হোক, উহারে আনুতে হয়েছে। এই ভেবে
পুনরায় বলেন, “বাবু! আপনি ও সকল আত্মবিবরণ বলছেন কেন? আমি
ও সকল শুনতে চাচ্ছি না, একটি কথা শুনে শীঘ্র বিদায় করে দিচ্ছি, একবার
অনুগ্রহ করুন।” বেণে বাবু বলেন, “বেটা উল্লুক কিছুতেই ছাড়তে না; করি কি?
যেতে হলো।” এই ভেবে উপরে উঠতে লাগলেন। ভদ্রলোক ওদিকে মনে
মনে হেসে, কিঞ্চিৎ নারকেল তৈলে আধ বাণ্ডিল চীনের সিঁড়র গুলে সাজিয়ে
রাখলেন। বণিক্‌ যাইবা মাত্র “আসুতে আজ্ঞা হোক, তামাক দে রে।” বলেই
ওয়েল্‌সী সিঁতি পরিপূর্ণ করে তেল সিঁড়র লেপে দিলেন! চমৎকার খোলতা
বেকলো! চাকরেরা ওদিকে জোড়া শাঁক বাজিয়ে ছলুই দিলে! বোধ হলো
যেন, সান্ধাং মা কুলকুগুলিনী চণ্ডমুণ্ডবিনাশিনী তালতলার বারাণ্ডায় বিরাজমানা
হলেন। সভাবাজারের এক জন বাবুও ঐরূপে এক ব্যক্তিকে ভগবতী সাজিয়ে

• আমাদের অনেক কাজ নির্কাহ কর্তে হবে। আপিসে যাচ্ছি। গ্যান্পার সাহেব
আমার মুখ চেয়ে আছেন। আমি তাঁর আপিসের কর্তাবাবু। ৫ বৎসর কাজ কচ্ছি।
মাসে ৮০ টাকা মাইনে পাই। শীঘ্র পরীক্ষা দিয়ে ব্যারিষ্টার হবো! দেয়ি কর্তে পারি না
বাবু! আমার এত কাজ।

দিয়েছিলেন! আজ কাল যেকোন অসুখের ধুম, তাহাতে এইরূপ করাই ভাল।

এদিকে মাঘ মাস শেষ হয়ে এলো। ফাল্গুন মাসের প্রথম দিনেই মা বীণাপাণি পৃথিবীতে আবির্ভূতা হবেন। দশ দিন থাকতেই সহর যেন অপূর্ব শোভা ধারণ করেছে। সোনাগাজী, বাগবাজার, সিমলা, মেছোবাজার, গরাগহাটা, বাঁশতলা, মাথাঘষা, চোরবাগান, সিদ্ধেশ্বরীতলা, চাঁপাতলা, হাড়কাটা, সেন্ট জেমস চর্চ, বৌবাজার, গুড়ের মা, ইমামবাগ, চাঁদনী ও জানবাজার প্রভৃতি পীঠস্থান সকল যেন জম্ জম্ কছে। দিন নাই, রাত নাই, বাঁক বাঁক পীল ইয়ারের দল ঐ সকল তীর্থে সমাগত হছেন। ঐ স্থানেই অনেকের আফিশিয়াল চেম্বর ও আরটিফিশিয়েল ট্রেনিঙ অ্যাকাডেমী। প্রথম শ্রেণীর ছাত্রেরা জাঁকালো গার্ডেন ফিষ্ট করে, উদ্ভানেই কল টেনে ট্রাইঅ্যাঙ্গেল একে জিওমেট্রির নূতন নূতন প্রপোজিসন প্রভ কছেন! আল্‌জেরা গুপ্তভাবে লক্ষ্য বস্তু অ্যাফারম্ কছে। সরস্বতী পূজোর দায়ে পড়ে, অনেকে হাতে পাতে বিলক্ষণ পুরস্কার লাভ করেছেন। টাকা দিয়ে জুতো ও বাপাস্ত গাল ক্রয় করে লয়, বাঙ্গালা দেশ ভিন্ন বোধ করি পৃথিবীর আর কোন অংশেই এরূপ জলজীয়ন্ত জানোয়ার অন্বেষণ করে পাওয়া কঠিন। শক্রমুখে ছাই দিয়ে এই সকল ক্যাটোফরাসের আজকাল চীনের শূকরের মত বংশ ও মুচির কুকুরের মত শ্রীবৃদ্ধি।

সকলেই অনুভব করে দেখবেন, বাগবাজারের নবরত্ন, মদনমোহন, সিদ্ধেশ্বরী ও নিমতলা ষ্ট্রীট ছাড়িয়ে এসে, ঠিক দক্ষিণ দিকের পশ্চিমাংশে, পায়রার খোপের মত কতকগুলি ক্ষুদ্র ক্ষুদ্র বারাণ্ডা নয়নগোচর হয়। ঐ সকল বারাণ্ডা ও স্থানবিশেষের রকমসই চিক্‌ফেলা বারাণ্ডারা যেন প্রকৃতির রমণীয়তা দেখাবার নিমিত্তই প্রকৃতিরূপ মাল্য পরিধান করেছে। নির্লজ্জ পবন তাহাদিগের স্পর্শসুখ অনুভব করবার নিমিত্তই যেন, এক একবার দক্ষিণ দিক থেকে ছুটে ছুটে আসচে। ভবানীপুরে যে সকল বুট্টা কারচুবির উল্লেখ করা গ্যাচে, এখানে সেগুলি সাঁচ্চা! বিশেষতঃ বাইজী, খেমটাওয়ালী, কীর্তনী ও কল্‌কেতার কোন কোন তেলি, সোনারবেগে, শুঁড়ী ও ছুতোর বড়মানুষদের রাখিত মেয়েমানুষগুলির সজ্জা ও গৃহশোভা সর্বাপেক্ষা চমৎকার! বাইজীরা চমরী গরুর পুচ্ছ, ও শিকারোচ্ছত বনবৈজির লেজের মত চুল এলো করে, ছাতে ছাতে পায়চারি কছেন, আর ইরাণীর ধোঁয়া উড়াচ্ছেন, পথিকেরা হাঁ করে আকাশপানে চেয়ে অপূর্ব কেশছটার তারিফ কছেন। বস্তুতঃ চিংপুর রোডের হুথারি বেস্ফ্যালয় থাকতে, বারো মাস ত্রিশ দিন আর

পাশ্চদিগের চক্ষু মাটি দেখতে ইচ্ছা করে না। অনেকে টকোর খেয়ে নর্দমায় পড়ছেন, অনেকে গাড়ি ঘোড়ার ধাকায় অঙ্গহীন হচ্ছেন। যারা সমুদ্রগর্ভস্থ জাহাজের “কম্পাস” দেখেন নাই, তারা এই রাস্তার ভ্রমণকারীদিগের চক্ষু দেখুন। অর্ণবপোত যে দিকেই যাক, কম্পাস যেমন ঠিক উত্তর মুখেই থাকে, আমাদের পশ্চিক স্কীটের গতি যে দিকেই হোক, চক্ষু কম্পাস বারাণ্ডার মুখগুলি লক্ষ্য করেই আছে। ছুঁখের বিষয় এই, পাড়ারগেঁয়ে নবীন সুরসিক পুরুষ বিহঙ্গদিগের পাখা নাই।

ছূর্ভাগ্যক্রমে যে সকল সুরমুখীর বারাণ্ডা নাই, তারা গাঁদাফুল মাথায় দিয়ে, মল বাজিয়ে, হাতে পায়ে ঠোঁটে আলতা পরে, রাস্তার লহোরের ধারেই বার দিয়েছেন। গরাণহাটা, চুণাগলি, চাঁদনী ও জানবাজার প্রভৃতি স্থানেই এইরূপ দল অধিক। ইহাদের শ্রেণীবদ্ধের নিয়ম অতি চমৎকার। দিনের বেলা কে কোথায় থাকেন, জেনে উঠা যায় না, সূর্য্য অস্ত হতে হতে তারকাপুঞ্জের সঙ্গে সঙ্গে মধুক্রমের মধুমক্ষিকার স্মায় সার গেঁথে উদয় হন। হঠাৎ দেখলে বোধ হয় যেন, পশ্চিমধ্যে বুড়ো গোবিন্দ অধিকারীর মানভঞ্জন যাত্রা হচ্ছে, সখীরা স-রাই বংশীধারীকে ঘিরে নিয়ে “কালচাঁদ চাঁদ চাঁদের বামে চাঁদবদনী দাঁড়ালো।” বলে গীত গাচ্ছে। বাস্তবিক ইহাদের মুখারবিন্দ থেকে “হৃদি সরোজে রাখিব, অধর সুধা পান করাব, এসো যাছু আমার বাড়ি আমি দিব ভাল বাসা। প্রাণ তোমার কি বিবেচনা, চিনলে নাকো রাং কি সোনা।” প্রভৃতি সুধা ক্ষরণ হয়ে থাকে। নূতন লোক ইহাদিগকে দেখলে সহসা মনে কর্তে পারেন, যেন গবর্গর জেনেরলের “লিবির” দিন সিপাহী ও গোরা সেনারা সারি সারি দাঁড়িয়েছে, অথবা অপদার্থ নূতন পুলিশের এক পাল নবধৃত অধর্ক ধোপা কন্ঠাবলের প্যারেড্ বা ভল্লুক নাচ হচ্ছে। উপর নীচে এই সকল শোভা দেখে শুনে, কোন্ ভাবকের মনে না নব নব ভাবের উদয় হয়? সন্ধ্যার পর একটা ঝড় উঠলো। কামিনীরা ঝড় খেয়ে, শোকে নেয়ে, দোর দিয়ে পালিয়ে গ্যালেন। ঝড়ের পর করনোয়ালিস স্কীটের হাফ ইনসলভেন্ট বাবুর বাড়ির ঠিক নৈর্ধর্তকোণে, আমার বাড়ির ঠিক সম্মুখে, এক জন প্রাচীন কবির মুখ ফুটে স্বর বেরিয়ে পড়লো। তিনি এই কতক্ষণ ও পাড়ার শোভা দেখে ফিরেচেন।

রাম কবিতা।

মরি মরি কিবা শোভা ! আহা কি বাহার !

প্রকৃতি পরেছে যেন, প্রকৃতির হার ॥

পাখা নেড়ে, উড়ে উড়ে, বেহায়া পবন।

খুলে দিলে সকলের গায়ের বসন ॥

ছি ছি ছি ছি বায়ুৰাজ ! মানো না দোহাই ।

আপনি নিলাজ বলে সবাই কি তাই ?

সুখেতে দেখিতেছিলু রমণী রতন !

অরসিক নাই আর তোমার মতন !

কবি এইরূপে খেদ করে সিমুলের হেদোর দিকে প্রস্থান কল্লেন। ক্ৰমে ৰাত্ৰি হয়ে পড়লো। আজ অমাবস্তা। সরস্বতী পূজোর আর পাঁচ দিন আছে। ৰাত্ৰি ঘোর অন্ধকার, তথাপি ইয়ারদলের শব্দ অথবা বিৰামের নাম নাই। হতোম নিশীথ বৰ্ণন সময়ে বলেচেন, “চার দিক্ ঝিল্লীরবে পরিপূৰ্ণ, মাঝে মাঝে বেকার কুকুৰগুলোর ঘেউ ঘেউ বব ও সার্জন পাহাৰাওয়ালার গুম্‌স্ গুম্‌স্ পায়ের শব্দ শ্ৰবণগোচর হছে।” কালের কি বিচিত্ৰ পরিবৰ্ত্তন! হতোম আজো ছুবছর হয় নাই বাহির হয়েছে, ইতিমধ্যে ৰাস্তার চৌকিদাৱের পদশব্দের স্থলে পাল ইয়ারদের জুতো ও ছড়ি সবটটিউট! বেকার কুকুৱেরা একচেটেয় ডাক্তো, এখন বৌ কথা কও ও কোকিলেরা তাহাদের দোয়ারকী কছে। সকল বেগ্ৰাবাড়ির দৰজাতেই প্ৰায় জুড়ি, তেঘুড়ি, চৌঘুড়ি খাড়া রয়েছে। গৃহমধ্যে লালপানির চক্‌চক, চেনাচুৱের ছপ্‌ছপ ও বোতল গেলাসের ঠনঠন শব্দ শুনা যাচ্ছে। কোথাও এক বাবু তাঁহাৰ প্ৰিয়তমা বিবিকে চাবুক বসিয়েছেন, সে তাহাৰ মাতা, দাসী ও দরোয়ানের নাম করে উচ্চৈঃস্বরে ৰোদন কছে, আর বাবুকে অনবরত গালাগাল দিছে। বাবু পুনৰায় “বগি ছইপ্” কসিয়ে পালাছেন। কোথাও ডোৱা^২ ও চেতা^৩ আগমন কৰাতে বোধ হছে যেন, গগনমণ্ডলে বসন্ত মেঘ গৰ্জন কছে। কোথাও এক বাবু তাঁহাৰ বধূৰ বাতায়ন থেকে একখান পাছাপেড়ে কাপড়, একটা তেলের বাটি, একটা দস্তাৰ মুখনল, একখান লৌহের কজ্জা, আর একটা কলী ছঁকো চুৱি করে প্ৰস্থান কচ্ছিলেন, দরোয়ান তাঁকে ধরে গোল কৰাতে ছয় বাড়ির লোক একত্ৰ হয়ে তাঁকে বিলক্ষণ প্ৰহাৰ কলে, অবশেষে পাহাৰাওয়ালার হস্তে সমৰ্পণ করে দিলে। অনেক পাহাৰাওয়ালার যেমন শিক্ষা ও যেমন অভ্যাস, তদনুসাৰে এগাৰটি আধলা পয়সা পেয়ে ছেড়ে দিয়ে গ্যালো। কোথাও বা এক বাবু বিবিকে সূৰাপানে মত্ত ও ক্লৰোফরমযোগে অচেতন করে সমস্ত অলঙ্কাৰগুলি লয়ে পলায়ন করেচেন। বিবির মুখ দিয়ে প্ৰকাশ হলো, সে ৰাত্ৰি তাঁহাৰ ঘৰে দু জন অগ্ৰদানী পাড়ার ঠাকুৰ ছিলেন! ঠাকুৰ চোর অনেক আছেন, কিন্তু পুলিস ইহাদিগকে ঠাকুৰগোষ্ঠী বলে ডয় করে চলে থাকেন। সরস্বতী পূজোর খৰচের কল্যাণে অনেক স্থলে গাঁটকাটা,

রাহাজানি, সিঁদ, হত্যা, ডাকাতি, জুয়াচুরি ইত্যাদি ঘটনা হচ্ছে। সহর উল্টোলে। এদিকে কলকাতার মনিমার্কেটের তাপমানে ৯৮।০ ডিগ্রী পারদ ছাপিয়ে উঠলো। এই দারুণ উত্তাপের প্রকৃত কারণ আগ্নেয়গিরির ধাতু ও অগ্নি প্রভৃতির স্থায় অপ্রকাশিত রয়েছে; কিন্তু এদেশের দু-এক জন সুন্দরদর্শী এঁচেছেন, লেড সাহেব ও ব্যাঙ্ক ইহার কারণ।

হতোমের বাক্য সার্থক করবার নিমিত্তই যেন, সময় “নদীর জলের স্থায়, বেষ্টির যৌবনের স্থায় ও জীবের পরমায়ুর স্থায়” সৌখীন দলের হাত ছাড়িয়ে চলে যেতে লাগলো। রজনী ছই প্রহরের মাথায় পদার্পণ কল্লে। নক্ষত্রমালা আজ চন্দ্রমাকে দেখতে না পেয়েই যেন, ছোট বড় সকলগুলিকে জাগিয়ে সহস্র ২ প্রদীপ ছেলে তাঁহার অশ্বেষণে প্রবৃত্ত হলো। বিবিপোকারা ইমনের রাগ ভাঁজতে লাগলো, শেয়ালেরা খেয়াল ধল্লে, রাস্তার শোয়া কুকুরেরা পাটাতনের নীচে থেকে আলাপচারী আরম্ভ কল্লে; আমরাও তাল বুঝে চরা কর্তে বেরুলেম। পথেই অনেক সহাধ্যায়ী ও সমধর্মীর সঙ্গে সাক্ষাৎ হলো। পরমাপ্যায়িত হয়ে শেকছাও কল্লাম। গুড্‌নাইটের এমনি একটা হরুরা উঠলো, দূরের লোকেরা মনে কল্লে, কাশীমিত্রের ঘাটের ফেরতেরা হরিবোল দিয়ে বাড়ি যাচ্ছে। শেষে আমরা মাঝের বড় রাস্তা ধরে উত্তরমুখে যাচ্ছি, এমন সময় একটা ঘরের ভিতর থেকে, কালোয়াতের তালসুন্ধ একদল ফাষ্টরেট মাতাল ছুটে বেরুলো! ছেলেবেলা আমরা মাঝের কোলে শুয়ে যে রকম “হুনচুপড়ি বেদে বুড়ীর” গল্প শুনতুম, সেই রকমের একটি হুনচুপড়ি বাই তাড়কা রাক্ষসীর মত আগুন ও চিমটে হাতে করে তাদের পেছু সার কল্লে। সার্জন সাহেব “হাম টোম শালালোক সবকো পুলিসে চালান কড়ে গা।” বলে ক্ল ও লাঠন নিয়ে আমাদের ধর্তে এলেন; আমরা চৌচা দৌড়ে দক্ষিণ দিকে পালিয়ে গেলুম, কেউ কেউ * * কাস্তে সাহসে ভর করে খানিক দূর এগিয়ে গ্যালেন, তার পর তাল থেমে গলে আবার ফিরে এসে নম্বর ফিল অপ কল্লে। আমরা যে পথে যাই, সেই পথেই নূতন নূতন আজগুবি দেখতে পাই। কোথাও একপাল পাগড়িবাঁধা কর্ণধারের পোস্তুর আপিস ফেরত (এতকণ কোথায় ছিলেন, সকলেই জানেন) বারাণ্ডার নীচে নীচে “রামভদ্রর খুড়ো” বলে টেঁচিরে উঠ্চেন, বারাণ্ডা থেকে ধুধু ও বাপাস্তুর শোভাস্তুরী উপহার পড়্চে। কোথাও মুখে আসে না। এক বৎসর দোলের সময় ঐ রকমের এক ডজন শ্রাম আবীর মেখে রাস্তা টকটকে হয়ে রাস্তায় শুয়ে বসে গড়িয়ে কাদা মেখে আস্ছিলেন। তাঁহাদের সকলের হাতেই এক এক সেতার। সহরের পুণ্য চার পোয়া, হুতরাং

তাঁরা তাহার শ্রদ্ধা গুড়িয়ে মার খেয়ে (কেউ কেউ ঝোলায় উঠে) সুখানুভব করেছিলেন। দিনকতক এক জন ঘোষ বাবু দত্তকচন্দ্রিকার মতানুযায়ী এক বিধি ও আট জন বরাখুরে মোসাহেব নিয়ে পাড়া বেড়ানো আরম্ভ করলেন। মোসাহেবদের পৈতে গোচ্ছা করে গলায়, আলবার্টি কেতায় চুল ফিরোনো, চাদর পাকিয়ে গলায় ফেলা! গা আছড়! ঘোষ বাবু একবার এই সকল সভাসদ ও মেমসাহেবকে নিয়ে টাউন হালের এক মিটিঙে উপস্থিত হয়েছিলেন। সেখানে তাঁর জুতোস্ত পুরস্কার লাভ হয়েছিল। কত লোক এই রকমে দেউলে হলেন, নীলামে জুতো পর্যন্ত বিকুলো, স্ত্রীর হাতের বাজু, মেয়ের পায়ের মল চুরি করা হলো। এক জন ওবরসিয়ার সাহেব সিমুলের একটি হিন্দুকুল পবিত্র করলেন। কত লোক শ্রীঘরে ঢুকলেন। কত কশাই কালী, কত মহাদেব ও কত বেকস দেবের মন্দির প্রতিষ্ঠা হলো, বছর বছর তার এক একখানি ডিরেক্টরী না করে রাখলে, তর্জমা করে বুঝানো যায় না।

আজ রাত্রিতে বেহুদ তামাশা হয়ে যাচ্ছে। বাঁক বাঁক সেলর এসে আশ্বিন কার্ত্তিক মাসের লম্পট কুকুরদের মত মেয়েমানুষদের দরোজায় ঢু মাচ্ছেন। দালালের তাঁহাদের বন্দোবস্ত করে মিশ খাইয়ে দিচ্ছে। সেই সকল দাঁড়ানো বাঁকেরই এই সকল খালাসী অতিথি! অনেক লার্ঠনওয়ালার ইহাদের দালাল! রাজা গুরুদাসের স্ট্রীট ও নিমতলা ঘাট স্ট্রীটের মোড়ে রাসবিহারের মৃত যুবরাজের গিরিশ বাবুর মঠ। রাজা বানরেন্দ্র তাঁহারে বিহারে নিয়ে চালান করেছিলেন, এখন সেখানে দাঁড়কাকে বাসা বেঁধেচে। এই সকল দেখতে দেখতে রাত্রি শেষ হয়ে এলো। সহরের বাবু, যুবতী, ছুঁড়ী, বৃদ্ধা, ব্রাহ্মণ ও বেশ্যারা গঙ্গান্নানে বেরলেন। ময়দা পেঁষা, ঘানিগাছ ও স্কাভেঞ্জারের কোঁ কোঁ শব্দ আরম্ভ হলো। বারমুখো বাবুদল কাকেদের সঙ্গে সঙ্গে ঘরমুখো হলেন। ফোর্ট উইলিয়ম দুর্গ থেকে প্রভাতশুচক তোপধ্বনি সকল কলরব ভেদ করে নগরের অন্ধকার দূর করে দিলে। গঙ্গাজলের ভারী, ওড়া ও হাঁটা কাক, উড়ে বেহারা ও বেতো বুড়োরা স্ব স্ব কর্ণে অ্যাটেন্ট দিতে চল্লো। সূর্য্যদেব পূর্ব কোণ থেকে উঁকি মারতে মারতে ছায়াপথের (Milky-way) নিকটবর্তী হলেন। নগর কোলাহলে পরিপূর্ণ।

আজ প্রতিপদ। পূজার আর দিন নাই। কারিকরেরা বামুনবাড়ির পুরুতদের মত রঙের চেঙারি মাথায় করে এবাড়ি ওবাড়ি ছুটোছুটি কচ্ছে। কুমোরটুলীর নগদা সরস্বতীরা বেধড়ক বিক্রি হয়ে মুটের মাথায় উঠছেন। কুমোরেরা শেষকালে আর যোগাতে না পেরে, বাড়তি দোমেটে করা জগদ্ধাত্রী ঠাকুরের হাতী ও সিঁদী

ভেঙে ছুখামি হাত কেটে, ও ঘাড় বেঁকিয়ে সাদা করে স্থান পূর্ণ কচ্ছে। রাজপথ যেন সরস্বতীময় বোধ হচ্ছে। ডাকের সাজকর, মিঠাইকর, সোলার পদ্মফুল ও গাঁদাফুলের দোকানে আজ অসঙ্গত খন্দের। ফৌজদারী বালাখানার রেড, হোয়াইট, ব্লু ও পর্পেল ঝাড়লাঠনেরা খাতায় খাতায় ভাড়ায় বেরিয়েচে। বেকার বাবুরা মহা ব্যতিব্যস্ত। রাখাবাজারের সঙ্গে কমিশন দরে একট্টা বন্দোবস্ত করা হচ্ছে।

কলকেশী মহরের সকলই সৃষ্টিছাড়া। এখানে গৃহস্থবাড়ির চেয়ে বেশ্যাবাড়ির সরস্বতী পূজার সংখ্যা ও জাঁকজমক শতগুণে অধিক। অনেক বড়মানুষ নিজ বাড়িতে বুট ও বীরখণ্ডী বরাদ্দ করে, মুদীর দোকানে বরাং দিয়ে, ছ হাজারী তোড়া নিয়ে নূতন বাড়িতে হাজির হলেন। এখানকার বাবু, পূজো, ধর্ম, ঠাকুর ও বেশ্যাদিগকে ধন্যবাদ !!

আর্কফলানিন্দিত চৈতন্যফক্কা ও বর্ণমালানিন্দিত উপাধিধারী ভট্টাচার্য্য ব্রাহ্মণেরা চতুর্পাঠী প্রতিষ্ঠার প্রগ্র্যাম স্থির কর্তে ব্যস্ত হলেন। যাঁদের তিন পুরুষের মধ্যে টোলের সঙ্গে দেখাসাক্ষাৎ নেই, আজ তাঁরা স্বয়ংসিদ্ধ হয়ে গোবর বেঁটিয়ে খোলার ঘর বেড়ে টোল ফেঁদে বসলেন। মন্ত্র ও ঔরসজাত ছাত্র সংগ্রহ করা হলো। কেহ কেহ কোন বড়মানুষের আস্তাবল ঘিরে নিয়ে এক এক মেটে বীণাপাণি ষাড়া করে দিলেন। বাছা বাছা বড়মানুষদের দরোজায় যাওয়া আসা হতে লাগলো। জয়দেবের গীতগোবিন্দ কালিদাসের মেঘদূত রিফাইন করা অশুদ্ধ কৃষাতে নূতন বিয়ে করা কনের দর্শনী ছুধের মত উথলে উঠলো, মুঞ্চবোধ ব্যাকরণের একোদ্দিষ্ট আদ্ব হতে লাগলো। গঙ্গামৃত্তিকা ও রুদ্রাক্ষমালারা প্রগ্র্যামের ভীষণ ভূমিকম্পে জড় সড় হয়ে টোলের মধ্যে প্রবেশ কল্লে। সেখানে আস্তাবলওয়ালাদের পেটে, মাকে, কানে, হাতে, বুকে, কপালে ও কণ্ঠে উঠে আড়ষ্ট হয়ে রইলো। কোঁচানো গরদ, চলীর দোব্জা, ধোয়া নয়ানশুকের যোড় ও নামাবলীর দড়ির আল্‌নায় রাখাক্ষের দোলের মত কুলতে লাগলো। আজ আমাদের নবীন অধ্যাপক মহা বিগ্রহদের অভূতপূর্ব চটক দেখে কে ?

এদিকে বেশ্যালয়ে ছোট ছোট মেয়েদের তালিম দেওয়া আরম্ভ হলো। তবলা, মন্দিরে ও তানপুরা বাজতে লাগলো। কুমারীদের নাম ফিরিয়ে নাম রাখার এই এক সময়। জন্মভূমিতে যারা খুঁদী, চাঁপী, কুড়ুনী, সাগুরি ও ভূতি নামে বিখ্যাত ছিল, এখন তাদের নাম গোলাপ, টগর, কামিনী, আতর ও হেলেনা। অনেকের টুকুনী গ্রহণের বয়স হওয়াতে প্রতিনিধির দ্বারা ভার লাঘবের চেষ্টা হচ্ছে। সেই

সকল প্রতিনিধির নাম কমল, কুমুদ, আদর, মোহিনী, কুমুম, সারদা, লক্ষ্মী ও টেবা। জয়মঙ্গলা ও উজ্জ্বলা প্রভৃতি দুই বাইয়েরা ভেড়ুয়াদের সঙ্গে কুমারীগণকে নৃতন নৃতন গীত, সোনাররণেদের মত শ্রাকা শ্রাকা কথা ও “সুচা, সুচা, নিস্ত, নিচা” প্রভৃতি সাঙ্কেতিক বাক্য অভ্যাস করাচে। সহরে এখন পূর্কের মত নামজাদা মেয়েমানুষ ছল'ভ হয়ে পড়েচে। আজকাল সোনাগাজীর বিখ্যাত স্বর্ণবাই যা কিছু কল্কেতার মান রেখেচেন।

এদিকে বাবু ও পেশাদার যাত্রা, পাঁচালি, খেমটা, হাফ আখড়াই ও ফুল আখড়াই দলের তালিম হচ্ছে। অনবরত তানপুরো, সারঙ, বেণু, বীণা ও মৃদঙ্গ বাজ্চে। স্পিরিট, চরস ও গাঁজা অবিশ্রাম চল্চে। গায়কদের সাধা গলার সুরের চীৎকারে বাকবাণী আর এ তিন দিনও অপেক্ষা কর্তে পাচ্চেন না। আজি যেন আসরে মূর্ত্তিমতী হন হন হয়েচেন!

হা! বাঙ্গালা দেশের সঙ্গীতশাস্ত্রের কি দুর্দশা! এই মনোহর ও লোকপ্ৰীতিকর সঙ্গীতবিদ্যা যেন এদেশকে এককালে পরিত্যাগ করে গিয়েছে। পূর্কে আকবর শাহ বাদশাহের আমলে ও ইংরাজ অধিকারের সময়ে (২০।২৫ বৎসর হলো) উত্তর পশ্চিম অঞ্চল থেকে কয়েক জন উত্তম কালোয়াত ও খেয়ালগায়ক এদেশে আগমন করেছিলেন। কল্কেতার বাবুরা তাঁহাদের নাম জানেন, তথাপি নব্যদলের মনে করে দিবার নিমিত্ত কয়েকটি নাম বলা যাচে। তানসেন, গোপাল নায়ক, বয়জু বাউরা, আমীর খসরু, হসু খাঁ, দেলবর খাঁ, শা-সাহেব, (বহুরূপা) দক্ষণী বাই, বড়মিয়া, ছোটমিয়া (রহিম বক্স), নেকীবাই, বৃন্দাবন দাস, ফিরোজ খাঁ (রবাবী) প্রভৃতি তাঁহাদের মধ্যে প্রধান। চুঁচুড়া নিবাসী বাবু রামচন্দ্র শীল, বাবু রামকানাই মুখোপাধ্যায়, মৃত বাবু গঙ্গানারায়ণ চট্টোপাধ্যায়, হাটখোলার বাবু রাধিকাপ্রসাদ দত্ত, ভবানীপুরের বাবু ভোলানাথ চৌধুরী, শ্রীরামপুরের বাবু রামদাস গোস্বামী, বাঁড়িশার বাবু চন্দ্রনাথ গুপ্ত প্রভৃতি পূর্বেকাল কালোয়াতদিগের কাছে উত্তমরূপ গীত শিক্ষা করেছিলেন। ইহাদের মধ্যে যাঁরা জীবিত আছেন, তাঁরা এবং এন্দাদৌলা, জামীর খাঁ, রশুল বক্স, হায়দর বক্স, মুরাদআলী খাঁ, রমাপতি বাবু ও বিষ্ণু বাবু প্রভৃতি আজো বাঙ্গালা দেশে সঙ্গীতবিদ্যার মান রেখেছেন। তাঁরা যদি এক এক মায়াজালে জড়িয়ে বেহাতী না হতেন, ক্রমে এই বিদ্যার উন্নতি দেখা যেতো। বিশেষতঃ রমাপতি বাবু ব্যতিরেকে তাঁহাদের কাহারো এমন যত্ন দেখা যায় না যে, সেই সকল হিন্দী সুর ও রাগ বজায় রেখে ভাল ভাল বাঙ্গালা গীত প্রস্তুত করে লন। কবিতাওয়ালারা রাম বসু, হরু ঠাকুর, ঠাকুরগণবিষয়গায়ক রাম-

প্রসাদ সেন, টগাওয়ালা নিধু ও শ্রীধর বাবু এককালে এ বিষয়ে প্রাশংসা লাভ করে গ্যাচেন। পক্ষী ও ধীরাজ উপস্থিত গায়ক। আলী রেজা, হোসেন রেজা, গোলাম রেজা, সা-ইমাম বক্স উত্তম সেতারবাদক ছিলেন। বাবু মাধবচন্দ্র ঘোষ, বাবু আশুতোষ দেব (ছাতুবাবু), বাবু রাজনারায়ণ বশাক, সিঙুরের শ্রীনাথ বাবু (নবাববাবু), বাবু শিবচন্দ্র পাল, বাবু প্রাণকৃষ্ণ মুখোপাধ্যায় ও বাবু নবীনচন্দ্র গোস্বামী তাঁহাদের সাক্ষরদ। লালা কেবল কিষণ, পীরবক্স ও গোলাম আব্বাস উত্তম মৃদঙ্গ বাজাতেন। মৃত বাবু শ্রীরাম চক্রবর্তী, বাবু কেশবচন্দ্র মিত্র, বাবু উমেশচন্দ্র মুখোপাধ্যায় ও বাবু পঞ্চানন মিত্র তাঁহাদের কাছেই মৃদঙ্গ শিক্কা করেন। এখন অনেক বড়মানুষের গাওনা বাজনার সখ আছে, কিন্তু হিন্দী গীতের আর তাদৃশ গৌরব নাই। বাঙ্গালা দেশে বিজাতীয় ভাষার কেনই যথেষ্ট আদর থাকবে? তথাচ হিন্দীর আধিপত্য বড়। নীলামের ডিঙিম প্রচারকের শ্রায় যারা তবলায় হাত ফেলতে শিখেচে, তারাও মাথা নেড়ে হিন্দীর তান ভাঁজে। যারা পাড়ায় পাড়ায় চামর মন্দিরে নেড়ে মনসা, মণিকপীর ও বিবি ওলা ঝোলার গীত গেয়ে বেড়ায়, তারা এবং পথভিখারীরাও হিন্দী গেয়ে বাহাত্তরী নিয়ে যাচ্ছে। দূতী-সম্বাদ ও রামযাত্রার সঙ, সখা ও নকিবেরা হিন্দী গায়! একে ত সেই সেকলে পেট উঁচু যশোদা, লম্বা লম্বা দূতী, খেড়ে বাসুদেব, শ্রাকড়ার খোঁপা বাঁধা পৌনে ৪ হাত কয়াধু, মুখোস্ পরা পাট জড়ানো হনুমান, খড়িমাথা কালুয়া ভুলুয়া ও বাপ্টা কাটা সাঁকুতির ছল কানে ম্যাথরাণীর মুখে :—

“নারদ আর কি কৃষ্ণধনে পাবো।”

“কোথা যাবে শ্রামটাঁদ, দাসখৎ এনেছি বেঁধে।”

“একবার বাঁকা হয়ে দাঁড়াও শ্রীহরি।”

“প্রহ্লাদ রে কি নাম শুনালি আবার বল।”

“জানকী হারিয়ে রঘুমণি হেঁ।”

“বাবু কাঁহে বোলাওয়ে আপনে।”

“ল্যাড়কা মাগে মাল্পো রুটি, চেড়ী উড়ী—”

এইরূপ ত্রিভঙ্গ গীত, এবং তবে বলো, তবে শোনো, এখন একে ত ভালই লাগে না, তার উপর আবার পঞ্চ গব্য হিন্দী বোল উপসর্গ। উনবিংশ শতাব্দীর এ সভ্যতা নয়। সঙ্গীত ও ব্যায়াম এক কালে উঠে গ্যাচে দেখে অনেকে আক্ষেপ করে থাকেন, রাজা যখন যে বিষয়ের উৎসাহ দেন, তখন সেই বিষয়ের জয় জয়কার হয়! সঙ্গীতে রাজার উৎসাহ আশা করা সাহারাতে জলসেচনের তুল্য। তাঁদের

নিজের গীত বাণ্য একপ্রকার দিল্লীকা লাডু^৩ হয়েছে। এদেশের লোক নিজে কিছু করবেন, তার আঁচড়েই পরিচয় আছে। কেউ একটু মনে মনে বড়লোক হলে, সখের যাত্রা, সখের পাঁচালি, হাক্ আখড়াই ও গুলীর আড্ডা করে জাঁকিয়ে বসেন। কিছুদিন গোঁগে মদের ভাঁটি বসবে। এখানে এখন কেবল শূণ্যগর্ভ, আড়ম্বরপূর্ণ, বৃথা বাক্যব্যয়, ঘোরতর আত্মাভিমান, অদ্ভুত উপহাসরসিকতা ও অসম্ভব লম্পটতাই বিচ্যমান রয়েছে। তারাই আমাদের “ইণ্ডিয়ান হিতৈষী” সভার অফিশিয়েটিও সভাপতি ও অর্ডিনারী সভ্য। ছেলেবেলা ইতিহাসে দেখা গ্যাচে, পূর্বের মুরশিদাবাদ ও উত্তর পশ্চিমাঞ্চলের এক এক পরিবার এমনি সৌখীন ছুলাল ছিলেন, তাঁরা যখন যে নগরে পদার্পণ করতেন, সে নগরের সমুদায় দেবীমন্দির দর্শন না করে প্রত্যাবৃত্ত হতেন না। আজো দাক্ষিণাত্য ও পূর্বদেশ মুরশিদাবাদের পেছ পেছ যাচ্ছেন; কিন্তু কল্কেতা সহর সকলের টেকা। এখানকার অনেক জহরী রমণী মণিমন্দিরের মরকতশিলায় উপবেশন করে চুলের দড়ি, টিপ ও এদিক্ ওদিক্ নানাবিধ কৌশল শিখ্চেন! অথচ আমাদের মুখ ফুটে পবলিক্ ক্লাবে মাথা নাড়া সুরে বাঁকা চোরা তালে এইরূপ বক্রতা হয়ে থাকে :—

ইয়ং বেঙ্গলী স্পিচ্।

এই অসীম—এই অসীম অনন্ত ব্রহ্মাণ্ড, এই অখণ্ড মণ্ডলাকারা জগৎ, আমাদের পরীক্ষা-ক্ষেত্র, মঙ্গলময়, চিন্ময়, বিশ্বপতি, সর্বসার, সর্বশক্তিমান্ বিভূ আমাদিগকে রিওয়ার্ড দেন নাই। (ক্ল্যাপ্।) আমাদের উচিত আছে, তাঁহার পবিত্র মঙ্গল ইচ্ছা সকল, মঙ্গল নিয়ম সকল এবং মঙ্গল আজ্ঞা সকল পালন ও তাঁহার প্রসাদ স্বরূপ বস্তু সকল উপভোগ করিয়া তাঁহার নিকটে ট্রাইরেল দিই, ইহাই তাঁহার ইচ্ছা। (অ্যাপ্লজ্!)।

রিফর্শ্বেশনের দিন আগত। সুপারিশ্বেশনের আসন্ন দশা উপস্থিত! আইডলেটরির ডেথ্বেড্ প্রস্তুত! সত্য জ্যোতিঃ, সত্য ধর্ম, সত্য দীপ্তি সকল এখন জানানো মধ্যে, নগরী মধ্যে, অট্টালিকা মধ্যে, প্রাসাদ শিখরে, জঙ্গল মধ্যে, গিরি গহ্বরে, অন্তরীপকেন্দ্রে, সমুদ্রে বিবরে প্রকাশ পাইতেছে! ইত্যাদি (হিপ্, হিপ্—ছরে ভ্রাতো!)

ওঁ তৎ সৎ।

৪ বাহারা ইংরেজদের থিয়েটারে (নাট্যালয়ার) সায়েব বিবির তামাশা দেখেচেন, তাঁহারা পস্তুচেন, আর বাঁরা না দেখেচেন, তাঁরাও পস্তুচেন। এ দিনে কেবল শুঁড়ী হয়ে জন্মান ভাল, অসম্ভব উৎসাহ পাওয়া যায়।

ওদিকে তালিম, তামিল ও মওলা দিতেই ছুদিন কেটে গ্যালো। রাস্তার ধারের পোড়ো বাড়িতে ঝাঁকড়াচুলো যাত্রাওয়ালাদের মওলার “হায় হায়” শব্দ শামলো। আজ বুধবার। হাটবাজার আরম্ভ হলো। বেলোয়ারী চুড়ি, মেটে ও চীনের সিঁহর, মিসি, এক্সচেঞ্জ গেজেট ও বাঙলা খবরের কাগজ মোড়া মাথাঘষারা অ্যাকুডক্টের উপর তক্তার গায় বুলে ও চৌকি চোড়ে রাস্তাপানে চেয়ে, হাসতে লাগলো। ফেরীওয়ালারা আজ বেগুনে বস্ত্র, ময়ূরপুচ্ছ দেওয়া চূড়ো ও চিত্রকরা বাড়ি নিয়ে, বাড়ি বাড়ি ঘুরে। আবীর, আত্রমুকুল, অত্র ও যরের শীষেরা তাহাদের হাঁড়ির ভিতর থেকে উকি মার্চে।

ক্রমে বেলা দুই প্রহর। দিনমণি যেন এক স্থানে থেকে, জগতের সমুদায় শোভা সন্দর্শন কর্বেন মনে করেই, নভোমণ্ডলের মধ্যভাগ থেকে রশ্মিমালারূপ কটাক্ষ নিক্ষেপ কর্তে লাগলেন। বাড়ি বাড়ি প্রতিমে সাজানো আরম্ভ হয়েছে। এক বাড়ির বিবির আগে উজ্জুগ হয় নাই, দিন গ্যালো দেখে তিনি তাঁহার বাবুর গলায় অভিমানে গামছা দিয়েচেন। বাবু তাঁর পিতামহীর সিঁহক ভেঙে ছুছড়া চাঁদী কাটা পৈঁছে ও একটা সিঁহরচুপড়ি চুরি করে তাড়াতাড়ি মাটির কাজ আরম্ভ করে দিলেন। পটোরা একেবারে খড়, মাটি, মুণ্ড, মাজনখড়ি ভাঙা বেল, হাঁসের ডিম ও রং নিয়ে নায়েকবাড়ি উপস্থিত হয়েছে। ঢুলীরা ঢোল, কঁাসি ও সানাই কলাচ্ছে। আচার্য্য ও মালীরা গাঁদাফুল, বিশ্বপত্র, সোলার পদ্ম ও দূর্কবা সংগ্রহের ধূমে ব্যস্ত হয়ে বেড়াচ্ছে। মিঠাইওয়ালো ব্রাহ্মণ, ময়দাওয়ালো খোট্টা, ফুলুরি ও চেনাচুর-ওয়ালো মুসলমান, সন্দেশ ও বীরখণ্ডীওয়ালো ময়রা, দধি ও মছওয়ালো গোয়ালো ও শুঁড়ীদের এক দণ্ড নিশ্বাস ফেলবার অবকাশ নাই। বাবুর বাড়ির দরওয়ান, খানসামা ও আরদালীরা নূতন নূতন পোশাক, তক্মা ও উর্দি পরে এবাড়ি ওবাড়ি কছে। মোসাহেব ও উমেদারেরা আজ নিমেষ মাত্র বাবুর কাছছাড়া হছে না। ইংরাজি স্কুলের আউট ষ্টুডেন্ট জ্যাঠারা সে দিন ক্রিষ্টমাস ও বিলিভী নব বৎসর উপলক্ষে অনেক প্রকার আমোদ করে উৎসে উঠেচেন, সুতরাং তাঁদের আর বড় একটা আড়ম্বর দেখা যাচ্ছে না। তথাপি কতকগুলির ভিতরে ভিতরে বাগান, বিবি ও শুঁড়ীর সঙ্গে ক্রেডিটে বন্দোবস্ত হয়ে রয়েছে।

একজন ব্রাহ্ম মাটির সরস্বতীর চূড়োর উপর “ওঁ তৎ সৎ” লিখে পৌত্তলিকদের ঢাক ঢোলের পরিবর্তে পিয়ানো এবং হারমোনিয়ম বাজিয়ে ছু দণ্ড আয়েস কর্বেন স্থির করেচেন। তিনি একশু দোষী হতে পারেন না। যখন ব্রাহ্ম শ্রাদ্ধ, ব্রাহ্ম অন্নপ্রাশন, ব্রাহ্ম জাতকর্ষ, ব্রাহ্ম স্মৃতিকাপূজো ও ব্রাহ্ম উপনয়ন প্রভৃতি চল্চে,

তখন ব্রাহ্মমতে সরস্বতীপূজা ও ছুর্গোৎসব না হতে পারে কেন ? হতভাগ্য ছুর্গা ও সরস্বতীরা তবে কি অপরাধ করেচেন ! গল্পে আছে, এক ব্যক্তি উপদেশ দিয়েছিলেন, যাঁর ইচ্ছা হয়, তিনি পৌত্তলিকেরা যেরূপ করেন, সেরূপ না করে, অস্ত্রের বাড়িতে কিছু কিছু দিয়ে তাহার নামে সংকল্প কল্পেই দোষ ক্ষালন হতে পার্বে । লোকে পেড়াপিড়ি কল্পে “আমি করি নাই, ঠাকুরমা করেছিল” এই কথা বলে সেরে নেবারও পথ থাকবে । গল্পে যাই থাক, কিন্তু নাই বা পথ থাকলো, ১২৭০ সালে এই যে এক দল মফস্বলে ব্রাহ্ম বারোইয়ারি পূজাতে মেতে উঠলেন, তাঁদের রিফর্মেশন স্কুলের সর্দার পোড়ো আপনার বাসাবাড়িতে কাদের বাসা দিলেন, কৈ তাঁদের কি হয়েছে ? আজো কি তাঁরা (ব্রাহ্ম বলে) লোকসমাজে মুখ দেখাতে লজ্জা বোধ করেন ? ব্রাহ্মধর্ম যেন ছেলেদের খেলবার লাটিম ও ছুর্গাবাড়ির লাড়ু মুড়কির দলে গণ্য হয়ে পড়েচেন !

লোকের উৎসাহ ও রৈরৈকার আমোদের পরাকাষ্ঠা দেখে দিনকর যেন কাতর মনে রক্ত মেখেই অস্ত গেলেন । সঙ্ক্যাবধু সরস্বতীকে ধুমলবর্ণ বস্ত্র পরিধান কর্তে দেখে ঈর্ষ্যাভরে নীলবসনে অবগুষ্ঠিতা হয়ে পৃথিবীকে আলিঙ্গন কল্পে । লোকের সৌভাগ্যে ঈর্ষ্যান্বিত হলে অবিলম্বেই পতন হয়, এই কথা সপ্রমাণ করবার নিমিত্তই যেন, চন্দ্রমা নভোমণ্ডল থেকে কর বিস্তার করে অভিমানিনী সঙ্ক্যার বস্ত্র হরণ কল্পেন । ভূমণ্ডল কৌমুদীময় হয়ে গ্যালো । সরোবরের কুমুদিনীরা বারাণ্ডার সপত্নীদের গর্ভ দেখে ক্রোধে বায়ুভরে হেলতে ছুল্লে লাগলেন । ক্রমে জোড়া-সাঁকোর ব্রাহ্মসমাজের দরোজায় ব্রাহ্ম ও দর্শকদের গাড়ির আমদানী হতে লাগলো । বাতায়ন ও উপাসনার সামগ্রী উপস্থিত হলো । গ্যাস জ্বলে দিয়ে “জ্ঞানমনস্তং” প্রভৃতি স্তোত্র পাঠ, বক্তৃতা পাঠ ও পাখোয়াজ বাজিয়ে ব্রাহ্মসঙ্গীত আরম্ভ করা হলো ।

ব্রাহ্মসঙ্গীত ।

রাগিণী কেদার । তাল তিওট ।

“মনোরে আমার ! এ কি ভ্রান্তি তোমার ।

ভাবনা কেন রে ? ভাব না কেন রে ?

অরূপ স্বরূপ সার ॥

শিশির বসন্ত, নিদাঘ, বৃষ্টি,

যে জন করিল এ সব সৃষ্টি,

যে জন দিয়েছে নয়নে

তাঁরে ভাবো একবার ॥

দিবাকর, নিশাকর, লোয়ে ঘাঁর ভাস ।
 দিবানিশি, করে করে তিমির বিনাশ ॥
 নিয়ত নিয়ম করিয়া লক্ষ্য,
 রাশি, রাশি, রাশি, প্রকাশে পক্ষ,
 অহরহ রহ করিয়া সখ্য
 বার বার ভ্রমে বার ॥

অনিত্য বিষয়ে কেন ভ্রমো ভ্রম আশে ?
 ভজ্জ নিত্য, নিত্য বিত্ত, চিত্ততীর্থ বাসে ॥
 হৃদয়-নিলয়ে পরম রতন,
 সে ধনে তুমি হে না করো যতন,
 বৃথায় করিছ শরীর পতন,
 অসার ভাবিয়া সার ॥” ১

রাগিণী দেশ । তাল আড়া ।

“অজ্ঞানো তিমিরো বলো, কোথা রবে আর ?
 সুখদ সরল শশী, স্বভাবে সঞ্চার ॥
 ঘুচাও বিপক্ষ ভয়, করো রিপু পরাজয়,
 আলোকে পুলকময়, অখিল সংসার ॥
 শশি-শোভা আচ্ছাদন, যদি করে নবঘন,
 নাশে যথা সমীরণ সেই অন্ধকার,
 মেঘান্তে যামিনী-কর, হন পুন শোভাকর,
 মনোহর মৃগধর, সুধার'আধার ॥
 সেরূপ করিয়া ক্রম, বিবেক পবন সম,
 মহামোহ মেঘ তম, করহ সংহার ॥
 পরিপূর্ণ জ্ঞানজ্যোতি, প্রকট প্রদীপ্ত অতি,
 প্রবোধ-পীযুষ পতি প্রভাবে প্রচার ॥” ২

রাগিণী বেহাগ । তাল আড়া ।

“তোমার ভোগের নহে, এ ভব বিত্তব ।

ভাবের ভবন-ভব স্বভাবে সম্ভব ॥
 তুমি আমি নাহি রব, রবে মাত্র এক রব,
 যত সব, তত শব, এই সব, এই শব ॥
 ধরি হে চরণ তব, মন রে প্রসন্ন ভব !
 কাম আদি মনোভব, করো পরাভব ॥” ৩

ছজন বিক্রমপুরী বাবু আজ নূতন কল্কেতা দেখতে এসেছিলেন। মেছো-বাজারের শোভা দর্শনই তাঁহাদের প্রথম ও প্রধান উদ্দেশ্য। মস্ত একটা তেতালা বাড়িতে আলো জ্বল্চে ও গানবাজনা হচ্ছে দেখে, গড়্ গড়্ শব্দে উপরে উঠতে লাগলেন। ব্রাহ্ম যাচ্ছেন মনে করে প্রহরীরা বারণ কল্লে না। তাঁরা সমাজঘরে ঢুকেই হতাশ হলেন! এক জন বলেন, “এহানে তা নয়, আমরা যাহার লাগ্যে আইচি।” দ্বিতীয় বাবু “অয় বাগ্য!” বলেই নেমে গেলেন। পূর্বদেশে এইরূপ অনেকগুলি পেট উঁচু গুরিয়া পুতুল আছেন, এ কথা সকলেই জানেন। কিন্তু কয়েক জন ভদ্রলোক উত্তমরূপ লেখাপড়া শিখে উত্তম উত্তম রাজকার্য্যে (বিচারকের পদ প্রভৃতিতে) নিযুক্ত হয়েছেন। অধিকাংশ পাটোয়ারিগিরি অভ্যাস করে আদালতের আমলাগিরি প্রায় একচেটে করেছেন। যা হোক, পূর্ব অঞ্চলের মধ্যে ঢাকা আজকাল অপেক্ষাকৃত সত্যতম স্থান হয়ে উঠ্চে।

ওদিকে বাঙাল ছুটি নেমে গেলে পর, হারমোনিয়ম থামলো, পাঁখোয়াজের চাটি এবং ওঁ তৎ সতের সঙ্গে সমাজ ভঙ্গ হলো। অকপট ধর্ম্মাবলম্বীরা স্ব স্ব গৃহে প্রতিগমন কল্লে। ছদ্মবেশী তপস্বীরা সরস্বতীপূজোর বাঁকে গিয়ে মিশলেন! এতক্ষণের পর পালের চটক বেরলো। উড়ে বেহারাদের কল্যাণে অনেক এম্টি হাউস্ আরমানী, যিছদী ও ইংরেজী বিবিতে পরিপূর্ণ হয়ে গ্যালো! এই সকল খালি বাড়ি বিলিভী সতীত্বের কষ্টিপাথর ও বদমায়েশির প্রধান আখ্ড়া।

বুধবার এইরূপে বিদায় হলেন। আজ বৃহস্পতিবার। চতুর্থী। পূজোর পূর্বদিনটি দেখতে দেখতে কেটে যায়। আসর সাজানো, দেবীঘট, নারকেলের মুচি ও আম্রশাখা সংগ্রহ কর্তেই দিন শেষ হলো। রাত্রিতেও অনেক কাজ গুছিয়ে রাখা হলো। অনেকের নিজাই হলো না। রেজিমেন্টের মত ফুলবাবুর বাঁক গড়া গড়া গুয়ে পড়লেন; কিন্তু শয়ন কর্তে কর্তেই শৃগাল, কাক ও কুকুট ডেকে উঠলো। তোপের গুমুস্ ও স-করতালি “বোমকালী” ইত্যাদি শব্দ শুনা গেল। উড়ু কাক, জলের ভারী, গঙ্গান্নানের যাত্রী, বেতো বুড়ো ও স্বাভেজ্বরের গাড়ি

চতুর্দিকে বেরলো। ডাক্তরেরা প্র্যাক্টিসে বেরলেন। বাড়ি২ ঢাক ঢোল ও রোশনচৌকি বেজে উঠলো। বেঙ্গালয়ের সকলে শয্যাত্যাগ করে গাত্রোথান করলেন। একটি কামিনী হাই তুলে আলম্ব্য ত্যজে দেখলেন, তিনি তাঁহার দোলন নখের বিলিতি মুক্তোর নোলকটী উক্ষণ করে ফেলেচেন। যাঃ !!

আজ শুক্রবার। শ্রীপঞ্চমী। পাঠকগণ মনে করুন, আশ্বিন মাসের শারদীয় পঞ্চমীর মত এ পঞ্চমীর তত মাহাত্ম্য নাই, তথাপি সহরে আমোদের স্রোত ধরচে না। পাঠশালার ছোট ছোট ছেলেরা সকাল সকাল কাপড় ছেড়ে, কেউ নেয়ে, দোত, কলম ও দপ্তর ধুয়ে আঁবের বোল, যবের শীষ মুখে দিয়ে, সাজিয়ে দিচ্ছে। কুল খাবার আছলাদে চন্দনের টিপ করে, পুষ্পাঞ্জলি দিবার নিমিত্ত ভট্‌চাখিদের উমেদারি কচ্ছে। ইংরাজী স্কুলের পিতামহ স্কলারেরা তাদের “অর্থোডক্স, হিপোক্রিট” বলে উপহাস কচ্ছেন। তারা তাতে আক্ষেপও কচ্ছে না। সংস্কার আছে, সরস্বতী না খেলে বালকেরা যদি কুল খায়, বিচার অশুভ দৃষ্টি পড়ে। ক্রমে বেলা হয়ে পড়লো। “আলু পটোল উচ্ছে, চাই ভালো ঘোল, কাপড়াওয়ালী আয়া মেম সাব, ছানা মুরগী চাই” প্রভৃতি ফেরিস্বর কর্ণমধ্যে প্রবেশ কর্তে লাগলো। পরামাণিক, শিপ্‌সরকার, রেলওয়ে ও কোন কোন সদাগবেব বাড়ির কেরাণী পাগড়ি বেঁধে বেরিয়েচে। ইহাদের কোন পার্বণেই প্রায় অবকাশ নাই। দালালেরা এক কানে কলম, আর এক কানে পেন্সিল গুঁজে, তাহাদের পশ্চাৎ পশ্চাৎ চলেচেন। রাজপথ পাগড়ি, সেলর, কুল কাঁধে কালো পুতুল, কোম্পানির কাগজের বেণ্ডার, ঘোড়া ও গরুর গাড়ি, নেড়ে, হকার, কুকুর ও জুয়াচোরে পুরে গ্যাচে।

ওদিকে পূজো আরম্ভ হয়ে গ্যালো। ধূপ, দীপ, ঘণ্টা ও ঢাক ঢোলের গঞ্জে ও শব্দে চার দিক্ মাতিয়ে তুলে। বারান্দা পল্লীর কথাই এক স্বতন্ত্র। সেখানে সহরের রকমারি আমোদের ও আমোদপ্রিয় দলের মানচিত্র অঙ্কিত হয়েছে। হিন্দুধর্ম যেন ইয়ং বেঙ্গলদের ভয়ে, ধুনো, শাঁক, গঙ্গাজল ও পবিত্রতায় আচ্ছাদিত হয়ে ঐ সকল কুঞ্জে লুকিয়ে রয়েছেন! পালে পালে মেঘপালের শ্রায় বাবুর পাল অনবরত ঘুরচেন। এক একটা বুলডগ্ তাঁহাদের আগে আগে পথ দেখিয়ে যাচ্ছেন। ইঁহারা বলেন, আমরা সখের খাতায় বর্ধমানের মহাতাপর্চাঁদ ও কল্‌কেতার জয়মিত্র অপেক্ষাও সরেস। কিন্তু যে দিন জয়কৃষ্ণ খালাস হন, সে দিন অনেকের নিফর্টক বাবুগিরির ভূমিকম্প হয়েছিল। এদেশের জাতিভেদ ও সমাজবন্ধনকে ধ্বংসবাদ। আজ অনেক ব্রাহ্মণ গঙ্গামৃত্তিকার ছাপ নিয়ে, তিলক

কেটে, গামছা নিয়ে বেশাদেবের ঘারে ঘারে আতপ চাল, বীরখণ্ডী ও ছোলা সংগ্রহ করে বেড়াচ্ছেন। ইহাদের অনেকে শ্রায়লকার, শিরোমণি ও বাচস্পতি। হুর্ভাগ্যক্রমে আমাদের দেশের অধিকাংশ নিরক্ষর পণ্ডিতই সমাজের অধ্যাপক, কবিরাজ ও মোস্তার। অধ্যাপকেরা না লাগেন এমন কর্মই নাই। এক বছর এক জন পাড়ারগেয়ে মুচ্ছুদীর বাড়িতে দুর্গোৎসবের সময় এই ধাতুর এক পুরুত ছিলেন। মনে করুন, আমরা প্লাটিনা ধাতুর নাম কচ্ছি। পুরুত ঠাকুর আর এক বাড়ির পূজোর অষ্টমীর দিন চূণকালি মেখে রামযাত্রার ভিত্তি সেজেছেন। সন্ধিপূজোর সময় তিনি নূপুর পায়ে, মশক ঘাড়ে, তালে তালে নৃত্য করছেন, এমন সময় সন্ধিপূজোর ঢাক বাজলো। ওদিকে মুচ্ছুদীর বাড়ির পুরুতকে পাওয়া যাচ্ছে না। বলিদানের সময় বয়ে যায়। খাঁড়া হাতে কামার ও সরা হাতে খানুসামারা পথে ঘাটে ও জঙ্গলে পুরুত খুঁজে বেড়াচ্ছে। এদিকে পুরুতের চটকা ভাঙলো। তিনি মশক ফেলে পুকুরে ডুবে রং ধুয়ে, তাড়াতাড়ি পঞ্চগুড়ির আসনে গিয়ে বসে পড়লেন। পাছার ভিজে কাপড়ে আসনের ফটোগ্রাফ উঠলো। তখন লজ্জা পেয়ে ভেড়ার আসনে বসে অনামিকা অঙ্গুষ্ঠে নাক ধরে শ্রাস আরম্ভ করলেন। আমাদের মত কামার হলে সেই সময়েই ভিত্তির খোলস বদলানো পুরোহিতের শিঙে সিঁছুর মাথিয়ে মার খর্পরে ধরে দিতে পারতো। মুচ্ছুদীর কপালক্রমে পুরো নবমীতে একটা চারপেয়ে ছাগল এনে ছুপেয়ে ছাগলের মস্তে উৎসর্গ করে কোপ কর্তে হলো। এদেশের পুরুতদের জীবনচরিত খুঁজে দেখলে অনেক ভিত্তি, ছলুয়া ও বিভীষণ পাওয়া যেতে পারে।

এদিকে সরস্বতীপূজা হয়ে গ্যালো। ঢাক ঢোল বেজে উঠলো। ছেলেরা নৈবিদীর ধারে দাঁড়িয়ে সচন্দন ফুল বিশ্বপত্র নিয়ে “সরস্বতৈ নমো নিত্যং” বলে অঞ্জলি দিলে। ফুল কানে গুঁজে বীরখণ্ডী ও কুল খেলে। সূর্য্যদেব মধ্য আকাশ থেকে পশ্চিমে একটু গড়িয়ে পড়লেন। পরামাণিক ও রিপূর কর্ম শেষ পাক ঘুরে ফিরে গ্যালো। গুড়ুম্ব করে একটার তোপ পড়লো। পথে কোর মাখানো কাপড়পরা ছোঁড়া এবং আধখানা বুকখোলা হাঁ করা ছুঁড়ীগুলো গাড়ির ভিড় ঠেলে এবাড়ি ওবাড়ি ঠাকুর দেখে বেড়াচ্ছে। যাত্রাওয়ালার মুটেরা ভারে করে মুখোস, ঢোলক ও বাখারির হাতী নিয়ে ছুটে যাচ্ছে। বওয়াটে মিলেগুলো হো হো শব্দে তাদের সঙ্গে সঙ্গে দৌড়ুচ্ছে। ক্রমে দুটো, তিনটে, চারটে ও পাঁচটা বেজে গ্যালো; সন্ধ্যাকাল উপস্থিত। রাস্তার গ্যাসের লার্ঠন মাথায় খুঁটির মই কাঁধে মুটেরা হাত ধরে মহানগরীকে মাণহার উপহার দিতে লাগলো। গলির ভিতরের

ভেলের আলোরা জোনাক পোকাদের স্পর্শ করে মিড়্ মিড়্ করে জলে উঠলো। দেবীশালার আসরের ঝাড় জ্বলে দেওয়া হলো। চার দিকে বাঁধা রোশনাইয়ের খোলতা দেখে কুমুদিনীনাথ যেন, অভিমানে শরীরের ছু ভাগ ঢেকে তৃতীয়াংশ বিকাশ করেন। প্রতিমে দর্শনের সময় উপস্থিত হলো। আরতি হয়ে গ্যাচে, বাজনাবাদি চূপ করেছে। এমন সময় বাবুদের কোচম্যানেরা কপিধ্বজ জুড়ে আনলে। বাবুরা সসৌন্দর্য্য তাহাতে আরোহণ করেন। তকমাপরা আরদালীরা শ্বেত চামর কাঁধে ঝুলিয়ে পেছনে উঠলো। ছু এক জন কেনা রাজার আশাসৌটাঁবরদারেরা কোচবাক্সে বসলো। লোকের ভিড়, গাড়ির শব্দ ও সইসের “সামনেওয়ালা, সৰুড়ওয়ালা” চীৎকারে রাস্তা হুর্গম করে তুলে। ইতিমধ্যে এক জন মোসায়েব ছেঁড়া উড়ুনির পাগড়িবাঁধাসুদ্ধ তড়াক করে গাড়ি থেকে লাফিয়ে পড়ে, দেড় পয়সার পানের দোনা কিনে নিয়ে গেলেন।

দর্শকেরা এইরূপ রাজবেশে দশ বাড়ির ঠাকুর দেখে আমোদ করে বেড়াতে লাগলেন। এক এক বাড়ির বড় কর্তা প্রতিমের সম্মুখে জনতার ছল করে দর্শকদের আলিঙ্গন দিয়ে তুলেন। আদরের সামগ্রী যেক্রমে গ্রহণ কর্তে হয়, কল্কেতার বাবুরা তাহা বিলক্ষণ জানেন। আতরদান্ গোলাবপাশ হস্তে এক এক জন লম্বোদর প্রায় সকল বাড়ির প্রতিমের সম্মুখে হাজির আছেন। তাঁরা নিমন্ত্রিতাগণের মুখে, চোখে, বকে গোলাপ বৃষ্টি কচ্ছেন, আর আড়ে আড়ে হাসছেন।

সহরে এখন আহার ব্যবহারের অন্তত পরিবর্তন হয়েছে। কেবল ছু এক জন খাঁটি হিন্দুর বাটিতে কতক কতক পূর্বভাব দর্শন করা গিয়া থাকে। কমলা এখন ইয়ং বেঙ্গলদের ভয়ে যে সকল শ্রীবৃন্দাবনের নির্জন গুহার আশ্রয় নিয়েছেন, যে সকল স্থানে এখন ধুনোর ধোঁয়া, শাঁকের শব্দ, গঙ্গাজলের ছড়া ও বাছ পরিপাটীর সঙ্গে সঙ্গে লক্ষ্মীদেবী বাঁধা আছেন, সেখানেও কতকাংশে ফলারভক্তদের লোলরসনা পরিতৃপ্ত হয়। নচেৎ গুপ্ত হিন্দুদের মাথালো মাথালো বাড়িতে ব্রাহ্মণেরা খই দই খেয়ে ছু পয়সা দক্ষিণে পেয়ে বিদায় হন। ৪ ইঞ্চি ভাগের ছু অংশী দাড়িসুদ্ধ হুগ কোম্পানির ম্যানেজার সাহেব, পৌনে ছু হাত দাড়ি ও কাবুলী তাজ সুদ্ধ ইন্টারলোপার মৌলবী সাহেব, মস্কী ক্যাপ ও মোগলী পাগসুদ্ধ জন্মফলারে বাবুজী সাহেব, গড়্গোড়ে গাড়িতে গাড়িবারাওয়াল খাড়া হবা মাত্র, উপর ঘরের খাস চেয়ারে পাকা পাকা খানার কুরুক্ষেত্র হয়ে যায়। মটকপেরা লজ্জা পেয়ে চারপেয়ের গায়ের পরিবর্তে ছুপেয়ের উদরভূষণ হয়! এও

বরণ ভাল। কিন্তু অনেক স্থলে আবার গবর্ণর জেনেরলের দরবারের মত গোলাপী খিলির দোনা দক্ষিণা ও প্রণামী আদান প্রদান আরম্ভ হয়েছে। স্থানবিশেষের উদরসর্বস্ব নাটককার ফলারে প্রোকেসরেরা ঐ সকল স্থানে বঞ্চিত হয়ে ফিরে আসেন। অনেক বাবু আপনাই আপনাদের জঠরজ্বালায় জগৎ ভস্ম করেন। একটি গল্প আমাদের জঠরপরায়ণ কুস্তকর্ণের জীবনচরিত উজ্জ্বল করে রয়েছে। সেই গল্পের নায়ক উদরায়ণ বাহাদুর উত্তম আহার কর্তে পারতেন। এক দিন তাঁহার গো-পাল চাকর এক বুড়ি খড় কেটে গরুর জাব দিতে যাচ্ছিল, বাবু দেখতে পেয়ে হজুরী সুরে জিজ্ঞেস কল্লেন, “কি হ্যাঁ, রামহরি?” চাকর উত্তর কলে, “আজ্ঞা, বিচিলি কর্তা!” আমাদের উদরায়ণ বাহাদুর তৎক্ষণাৎ হাস্তমুখে বল্লেন, “হাঁ: হা: হা:। দে যা না ভাই চাটি খাই!” রামহরি আমাদের বাবুর আজ্ঞাবহ ভৃত্য। আজ্ঞা মাত্র সমুখে বুড়ি ধলে, বাবু মুঠো মুঠো করে বুড়িটি নিঝাড়ী কল্লেন! এই তঃ !!

এক এক বাড়িতে নিঝুম গোছের পাঁচালি, এক বাড়িতে উমেশ মিত্রের (গোপালে উড়ের) যাত্রা, এবং অনেক বাড়িতে হাফ আখড়াই আরম্ভ হয়েছে। কেবল এক এক জন খাস হিঁচুর বাড়িতে কবি নেমেচে। কোন কোন বাড়ির কর্তাগিন্মি পাত্র টেনে আপনাই আসর রেখেচেন। এক বাবু তালে তালে নাচতে নাচতে জড়িত জিহ্বায় নিম্নলিখিত গানটি ধরেচেন :—

তাল তাড়াঠেকা।

“দিবানিশি তোরো লাগি, ঝোরে আমার ছু নয়ান।

পরেরি মন্ত্রণা শুনে পাষাণে বেঁধেছো প্রাণ ॥

আগে প্রাণ দিলে কি ভেবে,

এখন বুঝি কেড়ে লবে,

দস্তাহারী লোকে কবে,

তাতে কি বাড়িবে মান ?”

বিবি তবলা বাজাচ্ছেন। বাবু নানা প্রকার সুরে “ক্যান্ লো এমন হলি প্রাণপ্রিয়সী সই ?” “অনুগত আশ্রিত তোমার।” “কড়ির লোভে কারুর কাছে যেও না ছুখিনীর বাছা।” “এ কি ভাব দেখি বিধুমুখী কথা কও বিধুবদন

৫ সহরে যাত্রা কবির সময় যে রকম সমারোহ হয়ে থাকে, তদ্বিবর প্রথম ভাগ হতোম প্যাচার নকশার বারোইয়ারি পূজা গর্ভাঙ্কে দেখ।

তুলে।” প্রভৃতি গীত গাচ্ছেন, আর ঘুরে২ নাচ্ছেন। দূরে—“বেল ফুল,—চাই বরোফ।” ফেরিওয়ালা ডাকচে। এমন সময় দক্ষিণ দিক্ থেকে পাঁচ জন মাতাল বাবু এসে “মদন আগুন জ্বল্চে দিগুণ” বলেই দোর ঠেলেন। বাবু অমনি বাড়ির ভিতর থেকে কালোয়াতী আওয়াজে “কে এলি শঙ্করী এলি উমা এলি মা।” এই গীতটি ধরে দোর খুলে দিতে গেলেন। বিবি সাহেব অমনি পেছন দিক্ থেকে “আরে করুরো কি ?” বলে কাপড় ধরে টানাটানি করতে লাগলেন। বাবু ঘাড় বেঁকিয়ে পশ্চাতে চেয়ে “কে মা শুভকরি! পদ্ম থেকে উলে এলি ক্যান বাপ ?” বলে বিবিকে নিয়ে প্রতিমের উপর বসাতে চলেন। শুভকরী হাত পা নেড়ে চেষ্টায়ে বক্তৃতা করতে লাগলেন। এইরূপ আধ ঘণ্টা আমোদের পর দোর খুলে দেওয়া হলো। মাতালেরা অণ্ডারটেকারের মত বাড়ির ভিতর প্রবেশ করে, সরস্বতীরে দেখে “মা আমার বসে রয়েছেন যেন মন্দোদরী দশানন!” বলেই সাষ্টাঙ্গে নমস্কার করলেন। বাড়ির কর্তা “কম্ হিয়ার মাই জলী ফ্রেণ্ডস্” বলে শেক্ছাণ্ড করলেন। বাড়িওয়ালী বোতল ও গেলাস নিয়ে “এই এসো।” বলে রিসিভ করলেন। সকলে মদ খেলেন। বাবুদের এক জন তাঁর লবঙ্গ মাসীর রান্নাঘর থেকে একটি ঝাড়ালো লাজুলবিশিষ্ট শাদা দধিমুখী মেনী বেরাল চুরি করে এনেছিলেন, সেইটি মা সরস্বতীর ত্রীপাদপদ্যে উপহার দিলেন। একটা হাসির গব্বরা উঠলো। যাঁর বেরাল, তিনি গম্ভীর ভাব ধারণ করে বসে রইলেন। আর এক বাবু তাস খেলতে খেলতে উঠে এসেছিলেন, তাঁর বগলে একখানা তাস ছিল, তিনি সেই তাসখানা আছড়ে ফেলে, ঘাড় হেঁট করে বললেন, “এই এসো। আমার এবার চিঁড়েতনের টেকা। ছোট বউ তুফুফ কর, মন্দোদরী পাস দে যা। আমি বিবি ধরি।” অবশেষে সকলে মিলে :—

গীত

ভাল আড়াঠেকা।

“সখী সঙ্গে রঙ্গে কে মা বিরাজো রাজকুমারী !

বীণায়ন্ত্র করে ধরা, শিরে চূড়া শুভকরী।

হস্ত পদ শির বাঁকা, খেত শতদলে ঢাকা,

খেত ভস্মে অঙ্গ মাখা, তুই কি অষ্টাবক্র নারী ?”

মাতলামি পেশাটি বড় আমোদের পেশা। মাতালেরা সকল মজলিশেই যাওয়া আসা করে থাকেন। কাজেই ভাল ভাল কবিদের বাঁধা ভাল ভাল গীত

ও কবিতা অনেকগুলি কণ্ঠস্থ আছে। আজ সময় পেয়ে এক জন বলেন,
 “ভাই! আর বছর সেই—রাধাবাজারের সভাকাস্ত বাহাদুরের—(ঐবিষ্ণু!!)
 সভাবাজারের রাধাকাস্ত বাহাদুরের বাটীতে তিন জন ইয়ার বাবু সেই দেশরাষ্ট্র
 ঈশ্বরচন্দ্র গুপ্ত বাবাজীর ছাপাকরা—দূর হোক নাম আসে না—সেই মোহিনীবাবুর
 মেয়েমানুষটির নাম কি হ্যাঁ? (দ্বিতীয় বাবু বলেন, “ইন্দুমতী।”) ঐ বটে! ঐ
 বটে! ইন্দুমতী বিলাস নাটক, হ্যাঁ হ্যাঁ সেই ইন্দু কি খাস্ নাটক পড়ছিলো,
 তাইতে যে সব তারামায়ের নাম আছে, তারি কটা ছেড়ে দিই” :—

সরস্বতীকে পুনর্বার হেরিয়া।

গীত।

রাগিণী সূহিনী বাহার। তাল তিওট।

“রমণীর শিরোমণি, রূপে মূনিমনো হরে।

ত্রিভুবন-মনোলোভা, ধরাতে না শোভা ধরে ॥

শশধর ধরে শশ, কি তার রূপের যশ,

পরিপূর্ণ সুধারস, চাক্রমুখ সুধাকরে ॥১

অধরে মধুর হাসি, ক্ষরে সুধা রাশি রাশি,

চেতন হরিল আসি, কুটিল কটাক্ষশরে ॥২

এ যে অতি রূপবতী, গতি জিনি গজপতি,

রতি ছেড়ে রতিপতি, রতি লোভে পায়ে ধরে ॥৩

কেশ-দ্বেষে জলধর, হইয়ে গগনচর,

বরযায় নিরস্তর, ডেকে ডেকে কেঁদে মরে ॥৪

আর দেখো বিষধরী, কেশ দ্বেষ-বিষ ধরি,

মাঝে মাঝে ফণা ধরি, রাগে ফৌষ ফৌষ করে ॥৫

হেরি কর পদ্মরাজে, নলিনী মলিনী লাজে,

কলঙ্ক-কণ্টক সাজে, প্রবেশিল সরোবরে ॥৬

খঞ্জন-গঞ্জন কর, রঞ্জন নয়ন বর,

অঞ্জন কি মনোহর, মানস রঞ্জন করে ॥৭

কটি মানে মানী মানী*, নহে আর অতিমানী,

এ কটিরে ক্ষীণ মানি, অপমানে বনে চরে ॥৮

বদন বদন রাজে, উপমা না তাহে সাজে,
কনক মুকুর সাজে, মুকুতা কি শোভা করে ? ৯

সুরভি বাসের বাসা, মরি কি সুন্দর নামা,
নিশ্বাসে চপলা হাসা, শীতল সমীর সরে ॥ ১০

অধর ললিত রাগে, বিষফল কোথা লাগে ?
রাগ দেখে, রাগে রাগে, রেগে শেষে গৌলে মরে ॥ ১১

কুচ কলিকার কাছে, কদম্ব কোথায় আছে,
নিহরি শিহরি পাছে, আপনি আপনি ঝরে ॥ ১২

ললিত লাবণ্য কায়, চোলে যেতে গৌলে যায়,
বিধি বুঝি এ কায়ায়, গোড়েছে নবনী শরে ॥” ১৩

নৃত্য ।

(ধেই, ধেই, ধেই, তাধেই, তাধেই,
ধিস্তাক্তা, তিস্তাক্তা, ধিস্তাক্তা, তিস্তাক্তা ।)

গীত ।

শ্রামাবিষয় ।

রাগিণী বেহাগ । তাল একতালা ।

“কে রে, বামা, বারিদবরণী, তরুণী ভালে ধরেছে তরণি,
কাহারো ঘরণী, আসিয়ে ধরণী,
করিছে দমুজ জয় ॥ ১”

হের হে ভূপ, কি অপরূপ, অমুপরূপ, নাহি স্বরূপ,
মদন নিধন করণ কারণ,
চরণ শরণ লয় ॥ ২

বামা, হাসিছে, ভাষিছে, লাজ না বাসিছে,
ছহকার রবে, সকল শাসিছে,
নিকটে আসিছে, বিপক্ষ নাশিছে,
গ্রাসিছে বারণ হয় ॥ ৩

বামা, টলিছে, চলিছে, লাবণ্য গলিছে,
 সঘনে বলিছে, গগনে চলিছে,
 কোপেতে অলিছে, দম্বুজ দলিছে,
 ছলিছে ভুবন ময় ॥ ৪
 কে রে, ললিত রসনা, বিকট দশনা,
 করিয়ে ঘোষণা, প্রকাশে বাসনা,
 হোয়ে শবাসনা, বামা বিবসনা,
 আসবে মগনা রয় ॥” ৫

মৃত্যু ।

তিনাক্ ধাঁদা, তিনাক্ ধাঁদা, ধাঁ ধাঁ ধাঁ
 তিতুড় তিতুড় । ধাঁ ধাঁ ধাঁ-তিতুড়্ তিতুড়্ ।)

গীত ।

শ্রামাবিষয় ।

রাগিনী বেহাগ । তাল একতাল ।

“কে রে, বামা, ষোড়শী রূপসী, সুবেশী, এ, যে, নহে মানুষী,
 ভালে শিশু শশী, করে শোভে অসি,
 রূপ মসী চারু ভাস ॥ ১

দেখ, বাজিছে ঝম্প, দিতেছে ঝম্প, মারিছে লক্ষ, হতেছে কম্প,
 গেলো রে পৃথ্বী, করে কি কীর্ত্তি,
 চরণে কৃতিবাস ।

বামার, চরণে কৃতিবাস ॥ ২

কে রে, করালকামিনী, মরালগামিনী, কাহারো স্বামিনী ভুবনভামিনী,
 রূপেতে প্রভাত করেছে যামিনী,
 দামিনী-জড়িত হাস ।

বামার, দামিনী-জড়িত হাস ॥ ৩

কে রে, যোগিনী সঙ্গে, রুধির সঙ্গে, রণতরঙ্গে, নাচে ত্রিভঙ্গে,
কুটীলাপাঙ্গে, তিমির-অঙ্গে,
করিছে তিমির নাশ ।

বামা, করিছে তিমির নাশ ॥ ৪

আহা ! যে দেখি পর্ব, যে ছিল গর্ব, হইল খর্ব, গেলো রে সর্ব,
চরণ সরোজে, পড়িয়ে শর্ব,
করিছে সর্বনাশ ।

বামা, করিছে নর্বনাশ ॥ ৫

দেখি, নিকট মরণ, করো রে স্মরণ, মরণ হরণ, অভয়চরণ,
নিবিড় নবীন নীরদ বরণ,
মানসে করো প্রকাশ ।

আমার, মানসে করো প্রকাশ ॥” ৬

গীত ।

নাচের তালে হাফ জং ।

“ছুর্গাবাড়ি, ছুর্গাপূজা, বড় দেখি জাঁক রে ।
মঙ্গলেতে মঙ্গলার, যাত্রী ঝাঁকে ঝাঁক রে ॥
দামা বাজে, কাড়া বাজে, বাজে ঢোল ঢাক রে ।
তুরী বাজে, ভেরী বাজে, বাজে ঘণ্টা শাঁক রে ॥
রেখেছে ছাগল কেটে, রক্ত গায়ে মাখ্ রে ।

বাবা, রক্ত গায়ে মাখ্ রে ॥

কালী কালী কালী কালী, কালী বোলে ডাক্ রে ।
ডাক্ রে, ডাক্ রে, ডাক্ রে, শ্যামা মারে ডাক্ রে
ছুর্গাবাড়ি, ছুর্গাপূজা বড় দেখি জাঁক রে ॥

এখনো রয়েছে কেন, হোয়ে তীর্থকাক রে ।
যত পারো, তত খাও, মধুভরা চাক্ রে ॥
মুখে দিলে, বুদ্ধি বাড়ে, শুদ্ধিটুকু চাক্ রে ॥
কেন বাছা, থাকো কাঁচা, ভালো কোরে পাক্ রে ।

নিজে তুমি সিদ্ধ হবে, সিদ্ধ হবে বাক্ রে ।
 বাবা, সিদ্ধ হবে বাক্ রে ॥
 কালী কালী কালী কালী, কালী বোলে ডাক্ রে
 ডাক্ রে, ডাক্ রে, ডাক্ রে, শ্যামা-মারে ডাক্ রে
 দুর্গাবাড়ি, দুর্গাপূজা, বড় দেখি জাঁক রে ॥”

গীত ।

জড়িত জিহ্বায় ।

নাচিতে নাচিতে ।

“ও মা, দিগম্বরী—। নাচো গো ! শ্যামা, রণ মাঝে
 পতির বুকতে পদ, যোগিনী যোগায় মদ,
 মা গো মা ! দেখে মরি লাজে ॥
 ও মা দিগম্বরী !—
 (কোন্ হায় তোম্ ! বাবা, কোন্ হায় তোম্ !
 ভাঁড়ে মা ভবানী, ভোলা বোম্ বোম্ বোম্ ।
 বাবা বোম্ বোম্ বোম্)

ভজন ।

“কোহি জাংকো না মানো বাবা,
 না মানো দেবী দেবা ।
 একি মনসে, কালী মাইকো, পাঁওমে করো সেবা ॥
 বাবা, পাঁওমে করো সেবা ॥
 যব্ হি যেসা, আয়ে মনসে, তেসসে করো ভোগ ।
 ছোড় দেও সব, ধূর্তকো বাৎ, তুকা যাগ যোগ ॥
 বাবা, তুকা যাগ যোগ ॥
 আব্ কি নারী, পর্ কি নারী, যেস্কি মেলে সঙ্গ ।
 নেহি ছোড় দেও, ক্যা খুসি ছায়, কাম দেও কিঙ্গর ॥
 বাবা. কাম দেও কি রঙ্গ ॥

এস্মে পাপ, ওস্মে পুণ্য, এহো খুঁর্ভ কি বাৎ ।

মরণ্ সে যব মুক্ত হয় তব্,

পাপ্ যাগা কোন্ সাৎ ॥

বাবা, পাপ যাগা কোন্ সাৎ ॥

দিন্ দিন্ দিন, পাওমে ঢালো, সবহ গঙ্গাজল ।

তবু তেরে কি শোধন হোয়েগা, জঠরভরা সব মল্ ॥

বাবা, জঠর ভরা সব্ মল্ ॥

কামবাজারসে, লুট্ করো সব, কাঁহে রহতো ভাকা !

এহি লোগ্‌মে, ভোগ করো সব, কাঁহা পরলোগ্ ফাকা !

বাবা, কাঁহা পরলোগ ফাকা ॥

কালী হামারা প্রাণপেয়ারা, কালী হামারা জান্ ।

কালীকো পাওমে, প্রণৎ করো সব, আউর না জানো আন ।

বাবা, আউর না জানো আন ॥

গীত ।

তাল জলদ কাওয়ালি ।

“নেশাতে ঢুলু ঢুলু করিছে নয়ন ।

কোথা রহিল আমার সে বিধুবদন ॥

না বুঝে করেছি নেশা, ত্যজিয়ে প্রেয়সীর আশা,

এখন আমার এ ছুঁর্দশা দেখে কোন জন ॥

আগেতে কি জানি মনে, এতো হবে সুরাপানে,

এখন আমি মরি প্রাণে, বিহনে সে জন ॥”

এই জমাট্ আমোদের পর এক জন একটি কামিনী মণিকে ধরে “বাওয়া ! তুঁ একটি গাওনা বা !” বলে অনুরোধ করলেন । বাওয়া তখন খোলা প্রাণে বুঁদ হয়েছিলেন, অনুরোধ পড়বা মাত্র তৎক্ষণাৎ “কেমন মাসীর বোন্‌পো তুমি দেও দেখি আঁর্ গেঁথে মালা ।” গাইতে গাইতে বুমুর আরম্ভ করে দিলেন ।

এঁরা বেরূপ রমণীমণি, কোন স্থানই অগম্য নেই, স্ততরাং তিনিও ঈশ্বরচন্দ্র গুপ্তের তৈরি করা এই গানটি গাইলেন :—

রাগিণী বাহার । তাল খেমটা ।

“দিন ছপুৰে চাঁদ উঠেছে, রাত্ পোয়ানো ভার ।

হোলো পুৰ্ণিমেতে অমাবস্তে, তেরো পহর অন্ধকার ॥

এসে বিন্দাবনে বোলে গেল, বামী বষ্টমী,

একাদশীর দিনে হবে, জন্ম অষ্টমী,

আর ভাদ্র মাসের সাতুই পোনে

চড়ক পূজার দিন এবার ॥১

সেই ময়রা মাগী মরে গেল, বৃকে মেরে শূল,

বায়ুনগুলো ওষুধ নিয়ে মাথায় বোচ্ছে চুল,

কাল বিষ্টি জলে ছিষ্টি ভেসে,

পুড়ে হলো ছারেখার ॥২

ঐ সূৰ্য্যমামা পূব্ব দিকে অস্তে চলে যায়,

উত্তর দখিন্ কোণ থেকে আজ, বাতাস লাগচে গায়,

সেই রাজার বাড়ির টাটু ঘোড়া,

শিং উঠেছে, ছটো তার ॥৩

ঐ কলু রামী, ধোপা শ্যামী, নাচতেছে কেমন,

এক বাপের পেটেতে এরা জন্মেছে কজন,

কাল্ কামরূপেতে কাগ মরেছে,

কাশীধামে হাহাকার ॥৪

পাঁচটি বাবুর পঞ্চ মুখ থেকে এককালে “কেয়াবাৎ, জীতা রও, বলিহারী বাবা !” প্রভৃতি শোভাস্বরী উপহার পড়তে লাগলো । এক জন এক পাশ থেকে আড়নয়নে চেয়ে করতালি দিলেন ।

চার দিকে এইরূপ আমোদ চলচে, ওদিকে নগর আলোময়, এ সময় কি সখের প্রাণের উড়ুকু বিহঙ্গমদিগকে গৃহপিঞ্জরে রুদ্ধ করে রাখবার সময় ? চিংপুর রোডের মহাপ্রসাদ দস্তের দ্বীটের এক জন বাবু আপনার গবাক্ষ দিয়ে নগরের শোভা দেখে আর স্থির থাকতে পারেন না । বিশেষতঃ তিনি এই কতকগ দশ জন গ্রাম-ক্রেণ্ড নিয়ে মন খুলে আমোদ করেছেন । দেখতে দেখতে হড়যুড় করে সিঁড়ির কপাট খুলে ফেলেন । তাঁর বৃদ্ধ পিতা শব্দ পেয়ে দরোজা খুলে তাঁরে ধরেন । বাবু পিতার গলা ধরে বলেন, “কে ও মাইড়িয়ার বাবা ! আজ তোমাদের ছাড়া হবে

না ভাই। আজ তোমারে আমার মাথাধবার নূতন বাড়িতে আমোদ কর্তে যেতে হবে। তুই বুঝলি!” বৃদ্ধ এই কথা শুনে ছুঃখে কাঁপতে কাঁপতে তাঁর হাত ছাড়িয়ে গৃহের দ্বার রুদ্ধ করলেন। অস্তুঃকরণ ছুঃসহ পরিতাপে দহন হতে লাগলো। বাবু আড়ষ্ট হয়ে “শালার বাবা পালালে?” বলে টলতে টলতে নেমে গেলেন। হা হতভাগ্য কল্কেতা! লবণ একচেটে না হলে এই সকল অখণ্ড ছেলে আকো বেঁচে আছে জ্বাখো ?

আমোদের রাত্রি দেখতে দেখতে ফুরিয়ে যায়, এই নিমিস্তই যেন, বিভাবরী সী সী করে স্বস্থানে প্রস্থান করলেন। ক্রিয়াবাড়ির লোকেরা পরদিন সকালে যেন ঝড়-নাড়া বাঁশের মত দেখাচ্ছেন। আমোদের খোঁয়ারিতে চক্ষু মহাদেবের মত ঢুলু ঢুলু কছে। তার পর বৈকালে পুলিশের পাসের নিয়ম মতে মাকে বিসর্জন করে নিশ্চিন্ত হলেন। তাঁরাও বাঁচলেন, সরস্বতীরও এক বৎসরের মত হাড় জুড়ুলো।*

সরস্বতী পূজা সমাপ্ত।

* এই পরিচ্ছেদে যে সকল শ্রেণীর লোকের নাম করা গ্যাচে, তাঁদের সকলকে হৃদয়বৃত্তি বলা লেখকের উদ্দেশ্য নয়।

পল্লীগ্রাম তীর্থ

মহারাজাদের চোখে চোখে পৃথিবী ক্রমে ক্রমে পাপের আকর হয়ে থাকে। পল্লীগ্রামের ছেমোচাপা মেয়েগুলো পিতৃ ও শ্বশুরকুলে কলঙ্কপঙ্ক ও লজ্জা সম্বলে জলাঞ্জলি দিয়ে ছু পা বেরিয়ে দাঁড়ালেই চিত্রগুপ্তের রেজিষ্টারি খাতায় তাহাদের নাম উঠে যায়। রাম শ্যাম বাবা ঠাকুরেরা সেই সকল শুভ পুণ্যাহের (কী) প্রসাদ পান। নামদাগা আফিসরেরা গ্রামের প্রকাশ্য সায়ের ও গঞ্জ প্রভৃতি স্থানে এসে আপিস খোলেন। ক্রমে উহাতে কৃত্রিম “কোর্ট অব ওয়ার্ডসের” কাজও হতে থাকে। পূর্বে অনেক পল্লীগ্রামের লোকেরা বারাজনা নাম শুনেছিল, উহা কাহাকে বলে জানতো না। প্রবাদ আছে, ১২৪২ সালের শ্রাবণ মাসে এক পল্লীগ্রামে বেষ্টার আবশ্যক হওয়াতে ঐ গ্রামের এক মিশ্র ব্রাহ্মণ তাহাদের বাসগ্রামের এক ক্রোশ উত্তরে এক বাজারে বেষ্ঠা আনতে যায়। সেখানেও প্রকাশ্য “উহা” ছিল না। কেবল কয়েক জন ধীবরকণা দিবসে মৎস্য বিক্রয় কর্তো, আর রজনীতে অচিরানন্ত নূতন ব্রতের অভ্যাস রাখতো। মিশ্র ঐ দলের ২১:টিকে নিজগ্রামে এনে প্রতিষ্ঠা কলে, তদবধি ঐ সকল কুলবতীর কুল বৃদ্ধি হয়ে আদিশুর রাজার ব্রাহ্মণ পরিবারের মত পঞ্চ গোত্র ছাপ্পান্ন গাঁই ছড়িয়ে পড়েচে।

অনেক গাঁয়েই এইরূপে জঙ্গল পত্তন হয়েছে, কিন্তু আজো সকল গ্রামে উহার জন্ম হয় নাই। অনেক স্থানে ছুটি একটি গুপ্তবৃন্দাবন নয়নগোচর হয়ে থাকে। করুণাসিন্ধু শান্তিরকক্ষদের এ বিষয়ে বিলক্ষণ অনুগ্রহ আছে, সেই অনুগ্রহ দৃষ্টির প্রসাদে অনেক বে-রেজিষ্টারী দলিলও পাস হয়ে যাচ্ছে।

পল্লীগ্রামের পতিতোক্কারিণীদের বীজে ও কলমে যে সকল তরু উৎপন্ন হচ্ছে, তার চটক দেখে কে? তাহাদের মাথায় বেঙের ছাতার মত চাকা চাকা গিল্টির ফুল খোঁপায় গৌজা, আঁচলে রিঙে করা ১ ডজন চাবি ঝুলোনো, কপালে বিষ্ণুর হাতের চক্রের মত গোল গোল ফুলখড়ির ফোঁটা, তার উপর এক এক কুইতন খয়েরের টিপ, দাঁতে রসাজন, চোখে কাজল, ঠোঁটে আকর্ণ পুঁইমিটুলি, গলায় চন্দ্রহার, নখে মেদিপাতা, পায়ে আজানু আলতা ও নাকে কাঠখড়ির তিলক! ইহারা ফর্সা কাপড় পরে আছুড় গায়ে রাস্তায় বেরলে বোধ হয় যেন, কতকগুলি রূপোবাধা ছাঁকো দাঁড় করান রয়েছে। এই সকল দেবীই কতকগুলি সৌখীন গাড়োয়ান, দরজী, মিঠাইকর, গুরুমশাই, জমিদারের বাড়ির রসুইব্রাহ্মণ, দরওয়ান, নায়েব, গোমস্তা, পেঙ্কার, বোলদে, কিস্তিওয়াল, ময়রা, গোয়াল, কাছারির আমলা,

মোক্তার, পেয়াদা, ধানার মুন্সী, জমাদার বরকন্দাজ, (কোন কোন স্থলে বড়কর্তা) গন্ধবেণে, তাহাদের মুহুরী, কলু ও অকর্মণ্য হজুরদের কলুবনিস্তারিণী ! ঐ সকল বধুভবন আশ্চর্য্য প্রকারে শোভিত ও নানা রাগে রঞ্জিত । এক একখানি রান-কুটির, তাহার মধ্যে পাতিক্ষেত্র, শ্মশানের ফেরত বালিস ও রামকছা ! কপিথ বর্ণের মশারি, তাতে আ-লোহিত বর্ণের ছোট বড় ছারপোকাকার ঝালর ! এক একখানি গৃহে তালি দেওয়া গনিক্রথের চন্দ্রাতপ ! সহরের বারান্দা ভবনে যেমন এক এক জন দাদাঠাকুর, মাসী, মেড়ুয়াবাদী দরওয়ান ও “মা” থাকে, ইহাদের তাহা নাই । যাহাদের কিঞ্চিৎ অর্থবল আছে, তাহারা এক এক জন “মা” রাখে । তাহারাই দাদাঠাকুরী ও দরওয়ানী করে, আর মাঝে মাঝে তামাক সাজে । তামাক এক পয়সায় বারো মণ !

এই সকল স্থানে যে সকল ভদ্র গণেশ আগমন করেন, তাহাদের বাঁকা লোজা সিঁথি করা চুল ফিরোনো, পটোলডাঙ্গার পম্প ও গরাণহাটার বাণিস করা বাছুর পায়, পাকানো উড়ুনি কাঁধে ও ফুরফুরে তুলো করা আতর কানে । অবশিষ্টদের খালি পা ও গামছা কাঁধে । এই উভয় দলের অনেকেই মুদীর দোকানের ও স্থানবিশেষের খুঁটির গোড়ায় চৌকি পেতে ডাবা ছঁকোর মুখে জীবপাতার নল দিয়ে দোক্তা ধান, সংস্কৃত টোলের স্মৃতি পড়া আধবুড়া হোঁড়াদের মত ছলে ছলে “শ্রীরামো বলেনো শুনো মৈত্রো বিভীষণ ।” বুল্লে তো ! “রাম বল্লেন মিতে বিভীষণ ! শোনো ।” এইরূপে রামায়ণ পাঠ ও ইন্টারপ্রিট্ করেন । মাঝে মাঝে কাঁদেন ও কাশেন ।

অনেক বদমায়েশ, গাঁজা গুলি শুঁড়ি ও তাড়ির আড্ডা থেকে বেরিয়ে এসে পবিত্র আড্ডায় ভর্তি হছে । গরুর গাড়ির গাড়োয়ানেরা কাঁয়া কাঁয়া শব্দে গাড়ি হাঁকিয়ে “কাপড় আকারা ভারি, কি করি !” গীত গেয়ে যাচ্ছিল, রাস্তার ধারে গাড়ি থামিয়ে, তীর্থমন্দিরে ঢুকে বাবুদের সেলাম দিলে । বাবুরা “আইয়ে জাই সাব” বলে হাত বাড়িয়ে রিসিভ্ করলেন । ধান ও শর্ষে বওয়া বোলুদেরা বাইরের গাছতলায় গরু বেঁধে “বাবুর বাগানে জোড়া মোমাছি, ওদের বাড়ির—” গীত গেয়ে তীর্থে ঢুকলো, বাবুরা সরে সরে পাশ দিলেন ! হতভাগ্য দেশের শান্তিরক্ষক (!!) জমাদার ও বালাগস্তিরা ১০টার পর একবার পাগড়ি বেঁধে বেরিয়ে “রোঁদে চৌকিদার” বলে চেঁচিয়ে উঠে তীর্থস্থানে রোঁদ জমালেন ! এই সকল স্থানে খেনো মদের আত্মশ্রদ্ধ, খেঁউড় গীতের কুরুক্ষেত্র ও গালাগালির পুষ্পবৃষ্টি ! খাতায় খাতায় সাকুরেদী কবির দোয়ারেরা খেলো ছঁকোর তামাক খেয়ে, উরুদেশ চাপ্ড়ে,

সখীসখীদের সুর ভাঁজে। ক্রুদে ক্রুদে ছুঁড়ীরা লকা পায়রার মত মাথা ঘুরিয়ে হাততালি দেয়। দেবীরা ভদ্রলোক দেখলে “আষ্টি এসে হোক,” আকাশ ডাকলে “শালার আগাশ আবার আষ্টিচে” বলে মিষ্টলাপ করে। এক একখানি ঘরে ভাঙা এসরাজ বাজে, আর তবলা তানপুরায় নাকী সুরে “কঁাসি কে দিলে” গান চলে। ইহারিও সরস্বতী পূজা ও অন্য অন্য পাড়ার্গেয়ে পরব সববে বেতরো আমোদে মত্ত হয়।

পাড়ার্গেয়েরা সুখে আছে বলে সহরেরা আক্ষেপ করেন। তাঁদের আক্ষেপের কারণ কেবল তিনটি রেলওয়ে। কিন্তু আজো তাঁদের যে গুমর আছে, ঢাকা পর্যন্ত রেলওয়ে হলে আর সে পসারও থাকবে না, ঢাকাই বাবু’ ও ঢাকাই ধুতিই বহুদূর প্রসিদ্ধ।

কতকগুলি পল্লীগাম অতি চমৎকার স্থান। সেখানে না আছে ধর্মের গৌরব, না আছে বিচার আদর, না আছে একতার সম্বন্ধ, না আছে সমাজশৃঙ্খলা। অনেক স্থলে কেবল অভূতপূর্ব ঘেঘাঘেঘ, অসামান্য পরশ্রীকাতরতা, অদ্ভুত দলাদলি এবং জুয়াচুরি বাবুগিরিরই একচেটে প্রাধান্য। আমরা কেবল ছু এক জন বিছানুরাগী ধর্মভীরু জমিদার ও কয়েক জন ভদ্রলোককে এই সকল ধর্মনীর হস্তমুক্ত দেখতে পাই। হজুরেরা যদি বাদসাই গদি ও মকদমা মামলার একান্ত দাসানুদাস না হবেন “পাড়ার্গেয়ে ভূত” শব্দটি আমাদের শ্রবণ জর্জরিত কর্তে সমর্থ হইবে কেন? ইহাদের অনেকেই অলসের বাদসাহ, চতুরের চূড়ামণি, শঠের শিরোমণি ও মকদমার ধড়িবাজ। সভ্যতা দূরপরিহার, ধর্ম ভয়াভিভূত এবং কর্তব্যতা ভূগর্ভশায়ী। পল্লীগামের অধিকাংশ লোক দলাদলি ও ফৌজদারী মকদমার চুম্বকপাথর। মধ্যে যখন সহরে বিধবাবিবাহ, ওয়েল্‌সী হাঙ্গামা ও জ্যেষ্ঠাধিকারের যুদ্ধ হয়, এই দল থেকে অনেক আঘাতে গল্প বাহির হয়েছিল। ইহারি পাশাক্রীড়া, ধূমপান, পাঁজি ও ষ্টাম্প আইনের একমাত্র আশ্রয়! যাতে লোকের উপর কর্তৃত্ব কর্তে পারেন, যাতে সকলে পায়ের নীচে থাকে, অনেক বড়মানুষের এইটি একান্ত ইচ্ছা। ইহারি বাহিরে ধর্মভান ভানেন, ভিতরে ভিতরে রাইটাদকেও পরাস্ত করেন।

ছু এক জন বড়মানুষের গল্প বললেই অনেকে বুঝতে পারবেন, পল্লীগাম কেমন

১ ঢাকাতে চিত্তশুদ্ধি নাই, এ বাক্যের সে অর্থ নয়। ইতিপূর্বে এই পরিচ্ছেদে দরঙ্গী, গাডোরান, মুনসী ও হজুর প্রভৃতির যে নাম দেওয়া গ্যাচে, তাঁদের পদের সকলেই কিছু ঐ মোক্ষপদ লাভের অতীলাষী অথবা অধিকারী নন।

জিনিষ। মুলোকোড়ের এক জন ক্রমতাবান্ বড়মানুষ তাঁহার এক উমেদারের অর্দ্ধাঙ্গ উপহার নিয়ে তাহাকে চাকরি দিয়েছিলেন, দর্পণেও এরূপ পলিসির অভাব নাই। আমরা এক বছর রাত্রিতে এক বাবুর কার্তিক পূজোতে নিমন্ত্রণ রক্ষা কর্তে গিয়েছিলাম, বাবুর মজলিশটি ভাল কেতায় সাজানো। দেয়ালে দেয়ালে ডবল ব্রাঞ্চ আঁটা শিকে ঝাড় ঝুলানো। মজলিশে ছোট বড় ১৫টি রূপোবাঁধা ছাঁকো ও ছুটি সটকা আলবোলা। কিন্তু কক্ষে একটি। সে নূতন বিয়ে করা কনের বোঁভাতের মত এক একে সতের জনের মান রক্ষা কচ্ছে! বাবু আত্মডুগায়ে আড়াই হাত উঁচু গদির মাঝখানে নীলগিরির শ্রায় পা ছড়িয়ে শুয়ে আছেন। পেটটি পাটনাই মষককেও লজ্জা দিচ্ছে। কিন্তু তিনি মুখী। গজস্কন্ধ, গৃধিনীকর্ণ, আভুর চক্ষু এবং নাতিদীর্ঘ। বর্ণ পাটুকিলে। চুল ছোট। পরা সফ ফিন্ফিনে শাদা লালপেড়ে ধুতি। বাবু নিজে তামাক খান না। চুরোট খান। কিন্তু আড়ম্বরগুলি সব আছে। শুয়ে আছেন ত আছেনই। হিঁহুয়ানি মাথায় তুলে, ব্রাহ্মণকে গাছতলায় বসিয়েচেন। গর্দভ ও অশ্বিনীবংশীয় মোসাহেবেরা ব্রাহ্মণের মাথায় পা দিয়া শয়ন করেচেন। খোদ সাহাজাদা নবাব এলেও খাতির নদারৎ। মাঝে মাঝে সাহেব খাওয়ানো আছে, নিজেও কশাইটোলা ও অকল্যাণ্ডের অন্নদাস। হজুর যখন কাপড় ছেড়ে পাঁচালি দেখতে বসলেন, তখন বোধ হলো একটি ইজিপ্‌শিয়ান ডল্লুক বন থেকে নূতন ধরে এনে নাচতে শিখানো হচ্ছে। বিচার মধ্যে বর্ণপরিচয় বাকি। ইঁহারা পল্লীগামের বড়লোক। ১০ গণ্ডা মোসাহেব!

এদিকে ঝিঁঝিপোকোর ঝিঁঝিট রাগিনীর সহিত রজনী প্রভাত হলেন। আমরাও স্বস্থানে প্রস্থান কল্লেম।

উপসংহার

ব্যভিচার সকল পাপের জননী। ব্যভিচার এদেশের উন্নতির পথ রুদ্ধ করে রয়েছে। ব্যভিচার অসংখ্য লোকের জীবন বিনাশ করেছে। ব্যভিচার এদেশকে জ্ঞানহত্যার স্রোতে ভাসিয়ে দিচ্ছে। ব্যভিচার এদেশের দাম্পত্য সুখের মূলচ্ছেদ করেছে। ব্যভিচার অসংখ্য ধনাঢ্য পরিবারকে ছারেখারে দিয়েছে। মাদকেরা এই ব্যভিচারের ছায়ার শ্রায় অনুবর্তিনী। রাজা কোথায় এই সকলের নিবারণ করে শাস্তি রক্ষা করবেন, এই ত রাজনীতি, আমরা জানি ; কিন্তু ইংরেজেরা চক্ষু বুজে হাত গুটিয়ে এই কলঙ্কডালি মাথায় নিচ্ছেন। ১৮৬০ সালের ৪৫ আইনে ব্যভিচার নিবারণের স্পষ্ট ধারা নাই। মদগাঁজাতে বিলক্ষণ উৎসাহ দিচ্ছেন। আবকারি ইহাদের অপরিহার্য ব্যবসায় হয়েছে। অধিক কি, যে জঘন্য প্রথার নিমিত্ত সভ্যতম আমেরিকা সকলের নিন্দাস্পদ হয়েছে, যে মনুষ্য বিক্রয় লয়ে পরিণামদর্শী আমেরিকান সভাপতি—মহাত্মা পিঙ্কলন আমেরিকাতে তুমুল সংগ্রামানল প্রজ্বলিত করে দেহত্যাগ করেছেন, উষ্ণতর ব্রিটিশ শোণিতের চোখের উপর কুলটাপল্লীতে অবাধে সেই (বালিকা বিক্রয়) পাপের স্রোত গোপনে উচ্ছলিত হয়ে পড়ছে। সাহেবদের তীব্রতর যুক্তির মুখে ব্যভিচার পাপ বলে বোধ হয় কি না সন্দেহ। ইউরোপ খণ্ডে ইহার ভয়ঙ্কর প্রাচুর্য্য দেখে সেই সন্দেহই বৃদ্ধি হয়ে উঠছে। ইতিহাস আমাদেরকে বলে দিচ্ছে, ইংলণ্ডের রাজধানী সমৃদ্ধিশালী লণ্ডন ও ফ্রান্সের রাজধানী স্বর্গভুল্য প্যারিস এ বিষয়ে পরম সৌভাগ্যবতী! ঐ দুটি রাজ্য সভ্য রাজ্যের অধিকৃত ও সভ্যতম এদেশের শিরোভূষণ। উভয় স্থানেই বিজ্ঞানশাস্ত্রের জয়পতাকা উড্ডীন হচ্ছে! উভয় নগরেই কিন্তু ব্যভিচারের সমান আধিপত্য। কিছু দিন পূর্বে লণ্ডনে ৮০,০০০ আশী হাজার ও প্যারিসে ৯০,০০০ নব্বুই হাজার বেশার বসতি ছিল, এক্ষণে আভাস পাওয়া যাচ্ছে, সম্প্রতি দুই নগরে দুই লক্ষ বেশা সমষ্টি হয়ে দাঁড়িয়েছে!

বর্তমান ফরাসী সম্রাট তৃতীয় নেপোলিয়ন এখনকার সমুদায় নরপতি অপেক্ষা স্বার্থশূন্য ও নীতিজ্ঞ বলে প্রসিদ্ধ, তাঁহার রাজ্যে এত পাপের শ্রীবৃদ্ধি, অতিশয় আশ্চর্য্যের বিষয়! লণ্ডনের কথা না ধলেও চলে। সেখানে প্রায় ২৫ লক্ষ লোকের বাস এবং ৮০ হাজার বেশা! এ হিসাবে কল্কেতাকে বেশাশূন্য নগর মনে করা বিচিত্র নয়। কল্কেতা ও তন্নিকটবর্তী স্থানে প্রায় ১২ লক্ষ লোকের

অব লণ্ডন ও "ইতিহাস অব আউয়ার কন্টী" নামক ইংরাজি পুস্তক দেখ।

বসতি। ত্রৈমাসিক করে দেখলে লগনের অধিবাসীরা কল্কেতাকে হারিয়ে দিবেন সন্দেহ নাই। কিন্তু দিন দিন জীবিকার পড়তা দেখে কোন্ ব্যক্তি আর কল্কেতার গর্ব কর্তে পারেন ?

আজকাল ব্যভিচারের এমনি প্রাদুর্ভাব হয়ে উঠেছে যে, সুভদ্রা পুরুষেরা সুভদ্রা প্রকৃতির ভয়ে পলায়ন করেন। উত্তর পশ্চিমাঞ্চলের কতকগুলি রণরঙ্গিনী তরুণী সেখানকার বাঙ্গালি বাবুদের বাসায় অভিসার করে “বাবু সাহেব! বন্দিনী!” বলে প্রণয় যাত্রা করে থাকেন! গবর্ণমেন্ট যদি বাঙ্গালীদের মঙ্গল চান, তবে কল্কেতাতে অন্ততঃ বর্ষার ঞায় স্বতন্ত্র বেশ্যাপল্লী নির্দিষ্ট করে দিন। বেশ্যারা নিজেই “কল্কেতা রিভিউ” পাঠ করে স্বতন্ত্র বাসের প্রার্থনা করচে। গবর্ণমেন্টেও বেশ্যাহস্ত নিঃসৃত দরখাস্ত পড়চে। এখানকার বেশ্যানিবাস অত্যন্ত জঘন্য ও অনিষ্টকর। গৃহস্থের বাটীর পার্শ্বে, সদর রাস্তার উপর, যেখানে ইচ্ছা, বেশ্যারা বাস কচে! অধিক কি, জোড়াসাঁকোর গুল ব্রাহ্মসমাজটি বেশ্যাপল্লীর মধ্যখানে। ব্রাহ্মসমাজের কর্তৃপক্ষীয়দিগের এ বিষয়ে একটি উত্তম উপায় বিধান করা কর্তব্য। মনে করুন, এটিও তাঁহাদের দেশহিতকর ক্রতের একটি প্রধান অঙ্গ।

বাহ্যামোদপ্রিয় মানবগণ! তোমরা মধ্যে মধ্যে যে সকল র‍্যাঙ্কেল কমিটি প্রিজাইড করো, তাতে কি তোমাদের ভলন্টিয়ার হয়ে হিন্দু কমিউনিটীর মাথায় উঠতে ইচ্ছে হয় না? তোমাদের কেহ কি কুকের প্রোগ্রাম করে, প্রোক্ল্যামেশন দিয়ে, বেশ্যা পুষে, মেয়ের বাপ হয়ে, নীলেমে জুতো বেচে বাইরণের মতন ফেমস্ হয় নাই? অবশ্যই হয়েছে। তবে আর কেন? গা তোলো রে নিশা অবসান—!

হে যুবকগণ! উঠো উঠো এক বার।

কত নিদ্রা যাবে? সে কি, জাগিবে না আর?

ব্যভিচার স্রোত উর্নি সলিলেতে নেয়ে,

ভেসে যান জন্মভূমি, দেখিবে না চেয়ে?

পল্লীগ্রামস্থ বাবুদের দুর্গোৎসব

[১৮৬৮ সনের ডিসেম্বর মাসে প্রকাশিত]

গীত

বাউলের সুর ।

কি মজার বাঙলা দেশ ।

ছেলে বুড়ায় মদে রাঁড়ে, মুরগী মারে এক শেষ ॥

দেখ আশে পাশে লোকে হাসে, কিবা সিঁতি কাটা কেশ ;

হলো চাষার ঘরে ধর্মপুত্র, বড়মানুষের ধর্ম্যে ঘেঁষ ।

যারা হিঁচুর টোপর ধরে, তারা লোক-সমাজে ডরে,

কিন্তু, লুকিয়ে লুকিয়ে মদ মারে, রেতে ঐ নটবর বেশ ।

খাবার সময় ব্রাহ্মধর্ম, সদা তাই করে অধর্ম,

না বোঝে ধর্মের মর্ম, ওঁ ওঁ কেবল মুখেই শেষ ॥

১২৫০ শাল ২৫শে আশ্বিন সোমবার । আজ ষষ্ঠী । গ্রামের চার দিকেই বাজনা বাদি হচ্ছে, বাজন্দরেরা ঢোল পিঠে করে বাড়ি ঘুরচে, ঢাকীরা হেঁড়া ঢাকে তালি দিয়ে বাজাতে ছুটছে । সজ্‌নাখাড়ার সঙ্গে সঙ্গেই তারা সেই অন্তর্দান করেছিল ; কেউ বা “খামা সারাবে গো” বলে বেতের আঁটি কাঁধে করে ভোমর নিয়ে পাড়ায় দেখা দিয়েছিল, কেউ বা ঢাক ফেলে জুতো গড়তে আরম্ভ করেছিল । ছ-মাসের পর আজ তাদের আনন্দের দিন ! পূজোবাড়িই বাজাবে, আর তিন দিন ভরপুর লুচিমণ্ডা খাবে । পাড়ার্গেয়ে পূজায় তিন দিন লুচিমণ্ডার বড় দেখা শুনো নাই, বামনবাড়ি হলে কেবল ভাতের কেন্দন হয়, চাষাভুষোরা তাই খেয়ে থাকে ; তবে সন্ধ্যাবেলা আরতির সময় এক সের ময়দাব লুচি ভেজে ছুর্গাকে দেখান হয়, শেষে বাড়ির ছেলেপিলেরা তাই খায় । তেতো-গুড়ের নারিকেল লাড়ু, আর আধরাঙা মুড়কি, এ তো অপর সাধারণের জন্ম বরাদ্দই আছে । কারন্থ বা অশ্রাণ জাতির বাড়ি ছুপুরবেলা ছু পাঁচ জন বামন খায়, তা চার হাত পা উচ্চিষ্ট না করলে সে ‘লুচি’ হেঁড়া যায় না, ও জল না খেলে গলা দে ‘সন্দেশ’ ওলে না । তিলি মালী গন্ধবেণের বাড়ি তাও ঘটে না । পল্লীগ্রামের পূজোর এই তো স্ত্রী, তাতে যে ঢাকী ঢুলীরা লুচিমণ্ডা খেতে পাবে, সে মিছে কথা ; তবে তাদের মনের আশা, আর হাজার হোক পূজোবাড়ি । লোকের বাড়ির দরজায় ছুই কলার গাছ আর পূর্ণঘট, তার উপর আমের পল্লব ও এক একটি নারিকেল দেওয়া হয়েছে । পাড়ার হোঁড়ারা সব মরিয়া হয়ে নেচেকুঁদে বেড়াচ্ছে ; মা ভগবতীর আগমনে

সর্বত্রই আনন্দে পরিপূর্ণ। বিদেশী চাকরেরা সব “মালতরা” ব্যাগ নিয়ে বাড়ি এসেছেন; পূজোর আমোদের সঙ্গে সঙ্গেই যত সঙ্ক্যার আগমন হতেছে, তত তাঁদেরও আনন্দ বাড়চে, তাঁরা সদানন্দে প্রিয়তমার সহিত মধুপানে যামিনী-যাপন করবেন, কেউ বা ছুঁচো ধরে খাবেন। দেশের ছেলেরা নূতন শাস্তিপুরে ধুতি ও ডুরে উড়ুনির বাহার দিয়ে, খাতায় ঘুরচে, ক্ষুদে ছেলেরা সাজ পরে ল্যাজ-ওয়লা পাগড়ি মাথায় দিয়ে, গুরিয়া পুতুলের মত ঘুর করে বেড়াচ্ছে। গয়লা, ছুতোর, কামার ও কুমারেরা কালাপেড়ে কোরা ধুতি ও ধোয়া মলমলের চাদর গায় দিয়ে চুল ফিরিয়ে বাবু সঙ্গে বাহার মারচে। আজি তাদের ভারি আনন্দ, “আমাদের বাবুদের বাড়ি ছুর্গোৎসব!”

প্রায় ছ-শ বৎসর হলো, আমাদের বাবুর পিতামহ নবাবের সরকারে চাকরি করে বেশ দশ টাকার সংগতি করে যান, তার পর স্বর্গীয় কর্তামহাশয়ও নানা কলে কৌশলে তা হতে বেশ রোজগার করেন; করে, একখানি তালুক ও কিকিৎ জমি জমাৎ ও আবাদ করে যোত্রাপন্ন হয়ে উঠেন, কাজেই দোল ছুর্গোৎসব রাস প্রভৃতি কাঁক দিতেন না। আমাদের বাবু বিলক্ষণ হিন্দু, স্মৃতরাং তাঁকেও পৈতৃক প্রথানুসারে সে সকলিই কর্তে হয়, গ্রামস্থ ব্রাহ্মণ সজ্জনদিগকেও বিদেয় আদায় দিতে হয়। এ ছাড়া সময়ে সময়ে বলাৎকার ও দাঙ্গাহেঙ্গামায়ও কিছু কিছু জরিমানা ব্যয় করে থাকেন। পূজোবাড়ির উঠানে পাইল খাটিয়ে তাতে সব ঝাড় লঠন টাঙান হয়েছে, লোকজন সব শশব্যস্ত, কেউ বা প্রতিমার সাজ পরাবার যা বাকি ছিল, পরিয়ে দিচ্ছে, কেউ সিংগির ঘাড়ের কেশর করে দেবে বলে তুলোতে সিঁছর মাখাচ্ছে, কেউ বা কার্তিকের গোঁপ করে দিচ্ছে, আর বলচে, দেখ, যেমন কার্তিক, তার তেমনি মোঁচা গোঁপ হয়েছে। এদিকে বিকাল হয়ে আসতে লাগলো, সূর্য্যদেব দেখলেন, লোকের আমোদ ভঙ্গ হয়, তাই ক্রমে ক্রমে আপনার তেজ গুড়িয়ে নিতে লাগলেন। ঢাকী ঢুলীরা ডাল ভাত খেয়ে, একবার সজোরে বাজিয়ে উঠলো। ছোট ছোট ছেলে মেয়েরা ছুটোছুটি করে বাদি শুনতে এলো। ক্রমে পূজোবাড়ি লোকারণ্য। এমন সময় আমাদের বাবুদের বাড়িতে নহবৎ বেজে উঠলো। বাবুর বাড়ি পূজো, বড় জাঁক, ১৫ দিন থেকে নহবৎ বসেছে। এখানে লুচিমণ্ডার অভাব নেই, সাত দিন থেকে ভিয়েন চলছে, অনবরত মিষ্টান্ন ভয়ের হচ্ছে। এখানে শুধু লুচিমণ্ডা কেন, খুঁজলে “বিফ্‌ষ্টিক” পর্য্যন্ত মিলে। আমাদের বাবু গোঁড়া হিন্দু, এ কথা আগেই বলা হয়েছে, কিন্তু ছোটবাবু “বেশ্ম”। এমন কি স্বয়ং দেশে একটি ব্রাহ্মসমাজ করেছেন। রামমোহন রায়, দেবেশ্বনাথ ঠাকুর ও কেশব

সৈনের উপর তাঁর বড় ভক্তি। আবার পূজা হলে অঞ্জলি না দিয়ে জল গ্রহণ করেন না। এবার “উপাসনার দিনটি” পূজার মধ্যে পড়াতে তাঁকে বৈকালে সমাজে গিয়ে চোখ বুজে “ও একমেবাধিতীয়ং” কর্তে হবে, আবার আরতির সময় বাজনার তালে তালে হস্ততালি দিয়ে, অবসানে দুর্গার ত্রীচরণে প্রণামও কর্তে হবে। এ রকম ব্রাহ্মের অপ্রতুল নাই। আমাদের ছতোম দাদা বলে গিয়েছেন “ব্রাহ্ম হয়েও কেউ কেউ কালীপূজা করেন, কেউ বা ভূতচতুর্দশীর দিন বাড়িতে প্রদীপ দেন।” আমরা দেখছি আজি কালি কেউ কেউ আবার আদালতে মিথ্যে সাক্ষীও দিয়ে আসেন। এইরূপ ব্রাহ্ম হতেই তো ব্রাহ্মধর্মের প্রতি লোকের শ্রদ্ধা কমে আসচে। ফলতঃ ব্রাহ্মধর্ম নিত্যধর্ম, এবং অনেকেই প্রকৃত ব্রাহ্ম আছেন। যেমন ব্রাহ্মধর্মে অনেক “বক বিড়ালকে” দেখতে পাওয়া যায় সকল ধর্মেই তেমন আছে, তাতে ধর্মের দোষ কি? যা হোক, আমাদের বাবুর বাড়ি নহবৎ বাজতে আরম্ভ হতেই চারি দিক থেকেই মেয়ে ছেলেরা ছুটে এসে বাবুর বাড়ির উঠান পরিপূর্ণ করলে। পাড়াগাঁ, তারা নহবৎ কাকে বলে জানে না, বাবুদের কল্যাণে এই যা দেখে শুনে নিলে।

ক্রমে সন্ধ্যা উপস্থিত। সজোরে নহবৎ বেজে উঠলো, ফরাসুরা গ্লাস সাক করে তেল দিয়ে বাতি জ্বলে দিবার উদ্যোগ কর্তে লাগলো, পূজার দালান, ধূনার ধোঁয়ায় অন্ধকার হয়ে গেল। এ দিগে ছোটবাবুর বৈঠকখানা ইয়ারগোছের ব্রাহ্মসমাজের ভদ্রলোকে পরিপূর্ণ। তিনি সময় বয়ে যায় দেখে গ্লাস, জল ও কাক্কুর জন্তু চাকরদের গালাগালি দিতে লাগলেন, এই সকল দেখে শুনে দিনমণি লজ্জায় আস্তেঃ গাছের আগড়ালেঃ ক্রমেঃ সরে পড়লেন; বঙ্গভূমি জ্বলেদের এই সকল ব্যাভার দেখে “কুলে কালি দিলে” বুঝে, ভাবতেঃ কাল হয়ে গেলেন; পাখিরে সব “ছুও” দিতে লাগলো; চাঁদ এই সময় তামাসা দেখবার জন্তে জানালা দিয়ে এক একবার উঁকি মারতে লাগলেন, আর হাসতে থাকলেন। এমন সময় পুরোহিত মহাশয় তন্ত্রধার সঙ্গে বাবুর বাড়ি এসে উপস্থিত হলেন। তিনি বাবুর কাছ থেকে হবিষ্যের পয়সা নিয়ে গিয়ে দিক্বি মাছ ভাত খেয়ে বোধন কর্তে এলেন। প্রথমে পা ধুয়ে বেলগাছে বোধন সেরে “ও শ্মশানানলদঙ্কোসি পরিত্যক্তোসি বান্ধবৈঃ। ইদং নীরমিদং ক্ষীরমত্র শ্বাহি ইদং পিব” মন্ত্র বলে প্রতিমার চক্ষুর্দান করে বরণ করলেন। যাবার সময় বাড়ির গিন্নীকে বলে গেলেন, কাল সকালঃ যেন উদ্যোগ হয়, প্রাতেই নবপত্রিকা স্নান। বাড়ির মেয়েরা বড় ব্যস্ত! কেউ পাঁচ কলাই ভিজুচ্ছে, কেউ কটরা ধুচ্ছে, কেউ অধিবাসের উদ্যোগ

করচে, কেউ বা নদীর জল, স্রোতের জল, পর্বতমূর্ত্তিকা, বেণ্ণাধারমূর্ত্তিকা, এই সকল ভাগ করে রাখচে। আমাদের বাবু দালানে বসে ভক্তিভাবে মা ভগবতীর চাঁদবদন নিরীক্ষণ করছেন, আর ছ চার বেটা বরাখুরে “আহা! মার যে মূর্ত্তি, এমন কখন দেখি নি, বাবু! প্রতিমা যা, তা আপনার বাড়িই হয়ে থাকে, এমন প্রতিমে আর কোথাও দেখি নি। বেটা কুমোর যেমন চোখ চান্কেচে, তেমনি মুখশ্রী করেছে, আর চালচিন্তিরও তেমনি হয়েছে” বলচে, তাই অবাক হয়ে শুনছেন, আর আপনাকে ধন্যজ্ঞান করছেন। এদিকে ছোট বাবুর বৈঠকখানায় তবলায় টাটি পড়চে, আর “শিবাবাঃ”! শব্দ উঠছে। ক্রমে বাবুর বৈঠকখানার ঘড়িতে টুন করে দশটা বেজে গেল, বড়বাবুরও মৌতাতের সময় হয়ে হয়ে এলো। বড়বাবু নিজে দলপতি, দলস্থ ও গ্রামস্থ বামুন কয়েতদের জাত রাখবার ও জাত মারবার কর্তা। সে দিন এক জন ব্রাহ্মণের ছেলে কল্কেতায় এসে মুসলমানের দোকানে পাঁউরুটি খেয়েছিল, তাইতে তাকে খৃষ্টান বলে, তার বাপকে জাতিভ্রষ্ট করেছেন; আর রামকেষ্ট বোস দানাপুরে কেরাণিগিরি কর্তেন, তিনি সেখানে তাঁর ছোট মেয়েটিকে স্কুলে পড়িয়েছিলেন, আর বিবিদের মত ঘাঘরা পরাতেন, তাইতে তিনি পূজার সময় বাড়ি এলে তাঁকে দলচ্যুত করেছেন। অতএব বড়বাবু ভো সকলের সামনে মৌতাত ভাঙতে পারেন না, সুতরাং দশটা বাজতেই তিনি মোসায়েবদের বিদেয় দিয়ে অন্তঃপুরে প্রবেশ করলেন। এমন সময় ঘড়্, ঘড়্ শব্দে দুখানি গরুর গাড়ি বাবুর বাড়ির দরজায় লাগলো। বাবুরা গাড়ি থেকে “খাড়া রও” বলে একেবারে চৌঁচিয়ে উঠলেন; বোধ হলো যেন কাকে গঙ্গাযাত্রা করান হচ্ছে। ক্রমে তা হতে চার জন বাবু নামলেন; আর চার জন সেই গরুর গাড়ির উপরেই চিৎপাত হয়ে ছুঙ্কফেননিভ শয্যায় আয়েস মিটুছেন; এমন কি, যদি গাড়োয়ান দুজন ও বাবুর বাড়ির দরওয়ান না থাকতো, তা হলে বাবুদিগকে রাত্রির মত সে সুখ থেকে বঞ্চিত করা কারো সাধ্য হত না। বাবুরা গাড়ি থেকে নামলেন বটে, কিন্তু কারো বা শামলা গড়াগড়ি দিচ্ছে, কারো মোজা বুলছে, কারো বা এক পাটি জুতাই পাওয়া যাচ্ছে না। এঁরা সব কল্কেতার বাবু! এর মধ্যে মাছের টক ও কাঠের পুতুলও আছেন। এঁরা নিমন্ত্রণ রক্ষা করতে এসেছেন!!! সকলেরই এক একটি কার্পেটের ব্যাগ আছে, তার মধ্যে একটি প্রকাণ্ড প্যাট্রার গায় চামড়ার ব্যাগ, তাতেই “নম্বর ওয়ান্” এক ডজন রেশু। কেবল তিনটি পথখরচ হয়েছে এই মাত্র!!

পাঠকগণের মধ্যে অনেকেই অবগত থাকতে পারেন, সকল পল্লীগ্রামে ঘোড়ার

গাড়ি বা পালকি পাওয়া যায় না ; তবে রেইলওয়ের কল্যাণে অনেক গ্রামেই এক একটি পাকা রাস্তা হয়েছে, কিন্তু, সেই রাস্তা থেকে ছই এক মাইল ভিন্ন দিকে যেতে হলেই বর্ষাকালে কাদা জলে কষ্ট পেতে হয়, সুতরাং আমাদের কল্কেতার বাবুরা পথের মধ্যে গরুর গাড়ি পেয়ে তাই ভাড়া করেই এসেছিলেন। পাড়গেয়ে ছেলেরা সহরেদের চেয়েও ফচকে ! সহরে ছেলেরা স্কুলের ডয়ে “মাথাব্যথা, গা বমি বমি” বলে পার পায়, কিন্তু পাড়গেয়ে ছেলেরা বাঁশ-বনে বা কচু-ঝোপে লুকিয়ে থাকে। “সে দিন এক জন পাড়গেয়ে ছেলে পণ্ডিতকে জ্বল করবার জন্তে চেয়ারের পেছনে একটি প্রেক পুতে রেখেছিল ; পণ্ডিত মহাশয় যেমন চেয়ারে ঠেস দিয়ে টেবিলে পা রেখে ঘুমুচ্ছেন, অমনি আশ্বেৎ সে তাঁর টিকিটি ধরে প্রেকে বেঁধে সামনে গিয়ে “তানা নানা” করে চৌঁচিয়ে উঠেছে ; পণ্ডিত মহাশয় ঘুম ভেঙে গেল, তিনি যেমন তাড়াতাড়ি তাকে মারতে যাবেন, অমনি তাঁর টিকিটি ছিঁড়ে কুটি কুটি হয়ে গেল, ছেলেরা হেসে উঠলো ; পণ্ডিত মহাশয় অপ্রস্তুত হয়ে বসে পড়লেন।” এ সব বদমাইশি সহরের ছেলেরা বড় জানে না। যা হোক, সেই পাড়ার যত বওয়াটে ছেলে বাবুদের এই অবস্থা দেখে হাততালি আর হাসি টিটকিরি দিতে লাগলো। বাবুরা বেগে টং, মারতে উঠলেন, কিন্তু ক্ষমতা নাই, কাজেই তাঁদের মনের আগুন মনে রইল, “ছাষ্টি ভিলেজ গোটু হেল্” বলতে বলতে বাড়ির ভিতর ঢুকলেন। এদিকে ছোটবাবু কল্কেতার বাবুদের আগমনবার্তা পেয়েই অমনি “মধুবাতা” পড়ে, দাঁড়া গো পান দেবার জন্তে সিঁড়ি পর্যন্ত ছুটে এলেন, আর “হেল্লো গুড মর্নিং” বলে অভ্যর্থনা করলেন, আমাদের সীমা নাই, এতক্ষণের পর পূজাটা সার্থক হলো। ক্রমে আমোদ গড়বার উদ্যোগ হতে লাগলো, প্রথম চৌঁচামেচি, গোলমাল, গালাগালির পর আর কে কারে দেখে, সকলেই “পপাত ধরণী-তলে।” এতক্ষণ কাহারও বা বানরের মত ছটফটানি ধরেছিল, কেউ বা সিংহের মত তর্জন গর্জন করছিলেন, ক্রমে সকলেই কুস্তকর্ণের পালা গেয়ে দিলেন।

পাঠকগণ, সময়ের হ্রাসও নাই, বৃদ্ধিও নাই, কালও যেমন গেছে, আজও তেমনি যাচ্ছে, কালও তেমনি যাবে। সময় ভালও নয়, মন্দও নয়, অল্পও নয়, অধিকও নয় ; চিরকালই সমভাবে চলে আসচে। তবে লোকে ভ্রমবশতই বলে থাকে, সুখের সময় শিগ্গির যায়, আর দুঃখের সময়ের অবধি নাই। বাস্তবিক মনুষ্যজীবনে এরূপ ভ্রম হয়েই থাকে। সুতরাং এই আমোদে আজকের রাতটি যেন এক মুহূর্তের মত কেটে গেল। ইয়ারকির আমোদের সঙ্গে সঙ্গেই নিশানাথ অন্ত গেলেন, কুমুদিনী নাথের চর্চনা ভাবতে ভাবতে ঘুমিয়ে পড়লেন। অন্ধকার

স্থিরভাবে এতক্ষণ বাবুদের খেমটা নাচ দেখছিলেন ও “পিরিত চিনেছ ভাল কোলা বেঙ” গান শুনছিলেন, কিন্তু যেই “মলিন বদন কেন রে তোর হেরি রে বাপ যাহুমনি” শুনেছেন, অমনি আর সামনে থাকতে না গেরে ভয়ে পালিয়ে গিয়ে জলের জালা আর পূজোবাড়ির ভাঁড়ার ঘরে লুকলেন। কমলিনী ঘোমটা খুলে মুচকে হেসে হাতছানি দিয়ে প্রাণনাথকে ডেকে তামাশা দেখাতে লাগলেন, সূর্য্যদেবও বাবুদের বাঁদরামো দেখে রেগেই যেন রাঙা হয়ে উঠলেন, পাখিগুলো “যেমন কর্ম তেমনি ফল” বলতে বলতে চলে গেল, আমাদের বাবুর বাড়িরও নবপত্রিকা স্নানের সময় হয়ে এলো। সজোরে ঢাক ঢোল বেজে উঠলো, নহবতে রকমারি বোল বাজতে লাগলো, ছোট ছোট ছেলেরা ঘুমে থেকে উঠে নেংটা হয়েই পূজোবাড়ির উঠোনে জমতে লাগলো, তাদের আর কাপড় পরবার অবকাশ হলো না। পুরুত-ঠাকুর তাড়াতাড়ি এসে কলাগাছ, হলুদগাছ প্রভৃতি একত্রে বেঁধে জোড়া বেলের পীনপয়োধর করে, নবপত্রিকা ঘাড়ে নিয়ে বাজনা বাজিয়ে গঙ্গায় স্নান করাতে চললেন। ছেলেরা শাঁখ ঘণ্টা কাঁসি নিয়ে পেছনে বাজাতে চললো। ক্রমে গঙ্গাতীরে লোকারণ্য! ঘোষেদের বোসেদের মুখ্যেদেরও নবপত্রিকা এসে জুটলো, ঢাকঢোলের বাদি, ছোঁড়াদের চীৎকার আর কাঁসি ঘণ্টার শব্দে একেবারে নভঃস্থল যেন বিদীর্ণ হয়ে উঠলো ও গঙ্গার ওপার থেকে প্রতিধ্বনি হয়ে যেন “বাহবা” দিতে লাগলো। ক্রমে সহস্র কলসী ও সর্কোষধি মহৌষধির জলে নবপত্রিকা স্নান করিয়ে শাড়ি পরিয়ে তাঁকে “কলাবৌ” করে দুর্গাপ্রতিমের গণেশের পাশে বেঁধে দেওয়া হলো।

আজি মঙ্গলবার, সপ্তমী পূজা। লোকের আমোদের সীমা পরিসীমা নাই! এক বৎসরের পর মা এসেছেন!!! পুরোহিত মশায় পূজার উদ্যোগ করে, আসন-শুদ্ধি, ভূতশুদ্ধি, অঙ্গশ্চাস, করাজশ্চাস প্রভৃতি ক্রমশঃ সমাপন করে, রাই দিয়ে ভূত ঝাড়িয়ে, আবরণ দেবতা পূজা করে, প্রতিমাস্থ দেবদেবীর প্রাণ-প্রতিষ্ঠা চক্কুর্দান করতে লাগলেন। তন্ত্রধার মড়ুই-পোড়া বামুনের মত চাঁচিয়ে চাঁচিয়ে মন্ত্র পড়াতে লেগেছেন। তার পর যথাক্রমে দুর্গা, লক্ষ্মী, সরস্বতী, কার্ত্তিক, গণেশ, সিংহ, অশুর, সর্প, মহিষ, ইন্দুর, ময়ূর, প্রভৃতি সকলেরই পূজা সারলেন। “ছিউ ডিং শা ডিং ডিং” ঢাকের বোল বেজে উঠলো। একটি প্রকাণ্ড খাসী বলিদান হয়ে গেল! শেষে অঞ্জলি দেবার সময় উপস্থিত। বাইরের দালানে লোকারণ্য! নিমন্ত্রিত, অনাহুত ও দর্শকমণ্ডলীতে বহির্বাটা ব্যাপ্ত! তথাপি বাড়ির কি বালিকা, কি যুবতী, কি বৃদ্ধা, সকলকেই আজ লজ্জা ছেড়ে দালানে অঞ্জলি দিতে হয়। তাতে

কোন দোষ নেই, আর অস্ত্রপূরে মেয়েরা বই পড়লিই যত দোষ হয়। এঁরা এই রকম সত্যতাই ব্যবহার করে থাকেন। হা বঙ্গভূমি! একবার চেয়ে দেখ, তোমার ছেলেরা কেমন করে তোমার মুখ উজ্জল করচে!!! প্রথমে বাড়ির কর্তাকে অঞ্জলি দিতে হয়, কাজেই বাড়ির ভেতর খবর গেলো। বাবু উঠবেন কি, তিনটে রাত্রে শয়ন করেছেন, একটা “সামগ্রী” উঠে গিয়েছে! হাতে মুখে আমাদের তারকেশ্বরের ব্রাহ্মণের রস্ময় করা “বাইপেডের কারি” শুকুচে। যা হোক, কষ্টে অষ্টে তো বাবু উঠলেন, উঠলে কি হয়, তখনও চোখ চুলু চুলু করচে, এখনও কথার আড় মরে নি, ঘুমে থেকে উঠে এক ছিলিম তামাক খেতেই নেশাটি আবার ভরপুর হয়ে এলো। খোয়ারির মুখ, গা মাটি মাটি করচে, হাই উঠচে ও পিপাসায় কণ্ঠ তালু শুক হয়ে যাচ্ছে। কি করেন, তিন পুরুষের পূজো। মুখে জল দিয়ে লবঙ্গ এলাচ চিবুতে২ চেলীর জোড় পরে অঞ্জলি দিতে দালানে উপস্থিত হলেন। বলিদানের পাঠাটি জয়হরি তর্কালঙ্কারের বার্ষিক ছিল, কিন্তু “খাসী” বলে আর দেওয়া হলো না, কাজেই ছপুরবেলার কাজের জন্তে নিমখাসা রকমের রোষ্ট কর্তে বলে দিলেন। ক্রমে অঞ্জলির ভিড়ের সঙ্গে সঙ্গে মাগীদের রস্মা কমে গেলে পূজক মহাশয় নাকি সুরে “দেবীমাহাত্ম্য (চণ্ডী)” পাঠ কর্তে আরম্ভ করলেন। বামন ভোজন, বাবু ভোজন ক্রমে সম্পন্ন হলে, চাষা লোকদের নারিকেল লাড়ু দান করা হলো, কাঙালী বিদেয়ের পর কাঙালী ভোজন আরম্ভ হলো; কোন পাতে ভাত পড়লো, কোন পাতে ডাল পড়লো, কেউ বা “সর্বনাশ হোক দুটি খেতে দিলে না” বলতে লাগলো। চার দিকে ভাতে ভাত! এইরূপে কাঙালী খাওয়াতে২ ক্রমে বেলা অবসান। সন্ধ্যাবধু পতিবিরহে মলিন হয়ে গেলেন, কিন্তু যেই চন্দ্রকে বেশভূষায় ভূষিত হয়ে উঠতে দেখলেন, তখন আর তিনি থাকতে না পেরে শুরু বস্ত্রে অবগুষ্ঠিতা হয়ে এখনকার স্ত্রীলোকদিগের সতীত্ব যে কেমন ক্ষণ-ভঙ্গুর তাই দেখাবার জন্তে অভিসারিকা বেশ ধারণ করলেন, তারাগণও তাঁর সতীত্বের এই অবসান দেখে, হাসতে লাগলেন। এমন সময় বাবুর বাড়ি সন্ধ্যার আরতি-মূচক শাঁখ, ঘণ্টা, কাঁসি, ঢাক, ঢোল ও নহবৎ বেজে উঠলো। মেদিনী কম্পমান। ধূপ ধূনার গন্ধ ও ধোঁয়াতে একেবারে যেন মাতিয়ে তুলে। পুরুত মশায় প্রথমে পঞ্চপ্রদীপ, কপূরের দীপ, অনন্তুর পানিশঙ্খ, বস্ত্র, ও আত্মপন্নব ছুর্গার সম্মুখে আন্দোলন করে আরতি সমাপন করলেন, আবাণ-বৃদ্ধ-বনিতা সকলেই ভক্তিভাবে প্রণাম করে। তার পর প্রসাদী সামগ্রী কিকিৎ কিকিৎ লয়েই সকলে বিদেয় হলো। এদিকের গোল চুকলো; এখন কেবল

বাবুদের বৈঠকখানায় “ইয়ার ভেজের” উজোগ হতে লাগলো। বাড়িতে “গোপালে অধিকারীর” যাত্রা। ফুরোন নেই, পেলায় যা হয়, এই তাদের সঙ্গে বন্দোবস্ত। কাজেই তারা রাত ৯টা বাজতে বাজতেই আসরে নেমে খোল কস্তালে টাটি দিতে লাগলো। ইদিকে বাবুর বৈঠকখানায় কেউ বা ভক্তিভাবে “গির্জ” করছিলেন, কর্তে কর্তে তাঁর জীবাঙ্গা পরমাঙ্কার সঙ্গে মিলিত হয়ে গেল, সুতরাং সেই মখমলের বিছানাতেই তিনি “প্লিজ্ লেট্ মি গো আউট” করে ফেলেন; অঙ্কান্ত বাবুরা “বাবা! কিন্তু বলো না, হুকোর জল পড়চে” বলে হোররা দিতে লাগলেন। পাঠকগণ, আমরা আজকে বাবুদের সব রকম সুখ ও সব রকম দুঃখ দেখে নয়ন সার্থক করেছি, কেবল একটা বিষয়ে বাবুদের অঙ্গহীন ছিল, আমরা তাঁদের ইয়ারকি মহলে “সব্ চুলো” দেখি নি, তবে যদি সময় বুঝে আনা হয়ে থাকে তো, জানতে পারি নে। যা হোক যখন আমরা তা দেখতে পাই নে, তখন আপনারা কোথেকে দেখবেন, কাজেই ঐটিতে ক্ষোভ রেখে দিন।

এরূপ বাবুর বাড়িতে যাত্রা হলে যে কত রগড় হয়, তা পাঠকদের অগোচর নেই। আপনাদের মধ্যে কেউ কেউ বা দেখে শুনে বিজ্ঞ হয়েছেন, কেউ কেউ বা স্বয়ং ভুক্তভোগী আছেন। তবে আমরা কোন কথা বলতে গেলেই যেন গায়ে লাগে, তা তঙ্কণ্ত আমাদিগকে মাপ করবেন। বৈঠকখানায় বাবুদের গট্‌রা চলতেছে, এমন সময়ে আসরে কেণ্টো নামলেন। আর বাবুদের রাখে কে? অম্নি নেমে এসে “বাবা রে হনু! তুই লঙ্কা পোড়ালি কেমন করে বল্?” বলে চেঁচাতে লাগলেন। শুনেই অধিকারীর চক্ষুস্থির!! কোথায় মানভঞ্জন, আর কোথায় লঙ্কাকাণ্ড! কি করে, অধিকারী কাজেই আপনি হনুমান সেজে দেখা দিলেন। তখন আর পেলার ভাবনা রইল না। গ্রামের মেয়ে ছেলেরা যাত্রা শুনতে এসেছিল, এসে তারা বাবুদের মজাই দেখতে লাগলো! ক্রমে বাবুদের ভাব গাঢ় হয়ে এলো। সুতরাং সকলেই হাত ধরাধরি করে হনুকে ঘেরে নাচতে লাগলেন। তাই দেখে দর্শকেরা ছিঃ কর্তেঃ চলে গেল, যাত্রাও বেদব্যাসের বিক্রাম দিলে। ইতি সপ্তমী পূজার পালা শেষ।

আজ বুধবার অষ্টমী। কলকাতার ব্রাহ্মসমাজের উপাসনার দিন। অনেক পল্লীগ্রামের ব্রাহ্মসমাজে বড় সমাজের অনুকরণে আজকেই উপাসনা হয়ে থাকে। আমাদের ছোটবাবুও আরতির পর সমাজে যাবেন। অষ্টমী পূজাটি ঠিক সপ্তমীর মত; কেবল চতুঃষষ্টি-যোগিনীর পূজা বেশীর ভাগ। আর অষ্টমীর মহান্নানের প্রণালীটি ঠিক যেন কলাবৌ স্নান। আজ আবার অষ্টমী ও নবমীর সন্ধি সময়ে

একটি পূজা হয়ে থাকে, তার নাম সন্ধিপূজা। এতেও সপ্তমী অষ্টমীর গায় এ
পূজা হয়, বলিদান হয়, আর দীপমালা প্রদান কর্তে হয়, তা আমাদের বাবুর বাড়ি
তার কোন অঙ্গহীন হলো না, সকলেই যথাক্রমে সম্পন্ন হয়েছিল। বলতে গেলে
পাছে পুনরুক্তি হয়, তাইতেই কান্ত হওয়া গেল।

২৮শে বৃহস্পতিবার। আজ নবমী। পূজার শেষ দিন!! পুরোহিতেরও
কষ্টের অবসানের দিন!! আজ পূজা ও বলিদানের পর কাদামাটির সঙ্গে
বান্ধালিদের সভ্যতার পরিচয় হয়ে থাকে। যাঁরা আপিসে “আমি হিঁ ছয়ানি মানি
নি, আমার কোন প্রেজুডিস নেই” বলে সায়েবদের সঙ্গে খানা খেয়েছেন, তাঁরা
আজি কোমর বেঁধে কাদা মেখে কাদামাটি করবেন। “হিন্দুদের কুসংস্কার গেল না”
বলে যাঁরা ব্রাহ্মসমাজ স্থাপন করে দেশের লোককে “এন্লাইটেন” কর্তে চান,
তাঁদের মধ্যেও কাউকে আজকের কাদায় দেখতে পাই। হায়! এই রকম
লোক হতেই বান্ধালিদের “হিপোক্রিট” নামটি সৃষ্টি হয়েছে!! এদিকে বাবুর
বাড়ি পূজা হোম শেষ হলে বলিদানের উয়ুগ হতে লাগলো। আজ ভারি ধুম!!
অসংখ্য বলিদান। প্রথমে মহিষ, তার পর ১০টি পাঠা, কুমড়ো, আক, শশা
পর্যন্ত বলিদান হয়ে গেলো। বাজনার তাল ফিরলো, আরতির পর নাচের বাদি
বেজে উঠলো! অমনি সকলেই আনন্দে পরিপূর্ণ। মহিষ ছাগলের রক্ত, আর
হাড়িকাটের মাটি, এই নিয়ে কাদা করে, বড়বাবু থেকে ক্ষুদে ছেলে পর্যন্ত
সকলেই নৃত্য কর্তে আরম্ভ করলে। “ও মা দিগম্বরী নাচো গো” বোল বেরুতে
লাগলো; ক্রমে রক্তে গড়াগড়ি! তার উপর বাড়ির চাকর ছ-কলসী জল ঢেলে
দিলে, এই নৃত্য বেড়ে গেল; এমন কি, সে সময় যদি কোন ইংরাজ তার নকশা
তুলে নিতেন, তো বান্ধালিদের উপর তাঁদের যা কিছু ভক্তি আছে, তাও উড়ে
যেত। এইরূপে বাজনার তালে নৃত্য করে আর গান গেয়ে বাবুরা গ্রামের
যত পূজাবাড়ি, সর্বত্রই কাদা করে শ্রীভূর্গার শ্রীতিসাধন করে বেড়াতে
লাগলেন। সূর্য্যদেব আর থাকতে না পেরে মজা দেখবার জন্তে মাথার উপর
উঠলেন, পাখিগুলো ছুঃখে নিস্তর হয়ে বাসায় বসে রইল, পবনদেব কোখে
ভেংচাতে অগ্নিবৃষ্টি কর্তে লাগলেন, বাবুদের মোসায়েবদের মত ধুলোগুলো সূর্য্যের
তেজে তেজে উঠে লোকের কণ্টকস্বরূপ হয়ে উঠলো। শরতের মেঘ এতক্ষণ
লুকিয়ে তামাশা দেখছিলেন, শেষে ছোটলোকের এই আশ্পর্কা দেখে, ধনবানের
ছরবস্থার সময় চিরানুগত মোসায়েবদের যে কত দূর অবস্থান্তর হয়, তাই দেখাবার
জন্তেই যেন ধুলোকে কাদা করে দিয়ে চলে গেলেন। আমাদের বাবুরাও ক্রমে

কাদা সেরে স্নান করে সকলে ঘরে ফিরে এলেন। গ্রামের ছেলেশুনেরা যারা যারা সঙ্গে কাদা করেছিল তাদের এক এক কাপড় ও এক এক গামছা দিয়ে সকলকেই বিদেয় করে দেওয়া হলো।

হা বঙ্গবাসিগণ! তোমরা এইরূপেই আপনাদিগকে সত্য বলে পরিচয় দিয়ে থাক! যাদের ধর্ম কর্ম এইরূপ, যাদের আমোদ প্রমোদের প্রশালী এই, যাদের মধ্যে অধিকাংশই এইরূপ হিপক্রিট, তাঁরা আবার সত্য বলে পরিচয় দেন। ইংরেজদের স্লেচ্ছ বলেন! আর আপনাদের জাতির গৌরব করেন!! তোমাদের মধ্যে যারা প্রাচীন সম্প্রদায়ভুক্ত, তাঁরা বাহিরে হরিনামের ভান দেখিয়ে গোপনে যাবদীয় ঘৃণিত কর্মে আসক্ত হয়ে থাকেন; আর যারা নব্যসম্প্রদায়, তাঁরা তো ইংরেজদের কাপি কর্তে গিয়ে মদ মুরগী খেয়ে ময়ূরপুচ্ছ-ধারী দাঁড়কাকের ছায়, প্রথম কাকের দল, শেষে ময়ূরের দল হতেও চ্যুত হচ্ছেন। এ সকল দেখে শুনেও কি তোমাদের মনে একটু লজ্জা বা ঘৃণার উদয় হয় না? তোমরা লেখাপড়া শিখে কোথায় স্বদেশের উন্নতি করবে, না মদ মুরগী খেয়ে “টুপভুজু” হয়ে বলমাতার মুখে চূণ কালি দিচ্ছ! এই সকল গুণেই কি তোমরা উচ্চ উচ্চ পদ প্রার্থনা কর? এই ক্ষমতাতেই কি আপনাদিগকে রাজ্য-শাসনের উপযুক্ত জ্ঞান কর? এই রকমেই কি জননী ভারতভূমির পরাধীনতা ক্রেশ নিবারণ করবে? অতএব তোমাদিগকে ধিক্! তোমাদের প্রকৃতিকে ধিক্! অনুষ্ঠানকে ধিক্! ও তোমাদের অনুচিকীর্ষা-বৃত্তিকেও ধিক্!!! পাঠকগণ! আপনারা আজ আমাদের বাবুর বাড়ির ছর্গোৎসবের এই নবমী পর্য্যন্তই শুনে বিশ্রাম লাভ করুন; কল্য তখন বিজয়া দশমীর পালা গাওয়া যাবে। ইতি।

ইতি শ্রীঅবতারবিরচিত্তে আস্মানের নক্শাখ্যে কাব্যে

বাবুদের বাড়ির ছর্গোৎসবের নবমীপূজা

সমাপ্তো নাম প্রথমঃ করঃ।

অধ্যাপক শ্রীদীনেশচন্দ্র ভট্টাচার্য ও শ্রীআনন্দভোব ভট্টাচার্য-সম্পাদিত

রামকৃষ্ণ কবিত্ত-রচিত : শিবারন-মূল্য ৭

শ্রীসজনীকান্ত দাস-সম্পাদিত

অক্ষয়কুমার বড়াল গ্রন্থাবলী

সুদৃশ রেক্সিনে বাধাই মূল্য—১৫

এষা ৩, শব্দ ২, প্রদীপ ২, কমকাল্লি ২, ভুল ২, বিবিধ ৪।

হেমচন্দ্র গ্রন্থাবলী

সমগ্র রচনাবলী ২ খণ্ডে সুদৃশ রেক্সিনে বাধাই। মূল্য ২০

ব্রজেননাথ বন্দ্যোপাধ্যায় ও শ্রীসজনীকান্ত দাস-সম্পাদিত

বঙ্কিমচন্দ্র-গ্রন্থাবলী রামেন্দ্রসুন্দর-রচনাবলী

উপভাস, প্রবন্ধ, কবিতা, গীতা,

পাঁচ খণ্ডে মূল্য ৪৭

আট খণ্ডে সুদৃশ রেক্সিনে বাধাই। মূল্য ৭২

মধুসূদন-গ্রন্থাবলী

পাঁচকড়ি-রচনাবলী

কাব্য, নাটক প্রহসনাদি বিবিধ রচনা

অনুনা-দুপ্রাপ্য পত্রিকা হইতে নির্বাচিত

সুদৃশ রেক্সিনে বাধাই। মূল্য ১৮

সংগ্রহ। দুই খণ্ডে। মূল্য ১২

ভারতচন্দ্র-গ্রন্থাবলী

শরৎকুমারী-রচনাবলী

অন্নদামঙ্গল, রসমঞ্জরী ও বিবিধ কবিতা
রেক্সিনে বাধানো ১০, কাগজের মলাট ৮

'ভূতবিবাহ' ও অন্যান্য সামাজিক চিত্র।
মূল্য ৩১০

দীনবন্ধু-গ্রন্থাবলী

রামমোহন-গ্রন্থাবলী

নাটক, প্রহসন, গল্প পত্র দুই খণ্ডে

সমগ্র বাংলা রচনাবলী। রেক্সিনে বাধাই

সুদৃশ বাধাই। মূল্য ১৮

মূল্য ১৫১০

দ্বিজেন্দ্রলাল-গ্রন্থাবলী

বলেন্দ্র-গ্রন্থাবলী

কবিতা, গান, হাসির গান। মূল্য ১০

বলেন্দ্রনাথের সমগ্র রচনাবলী। ১২১০

সাহিত্য-সাধক-চরিতমালা

সাহিত্যিক জীবনী ও বাংলা সাহিত্যের প্রামাণিক ইতিহাস (১ম-৮ম খণ্ড) একত্রে মূল্য ৪৫

বেদের দেবতা ও কৃষ্টিকাল

যোগেশচন্দ্র রায় (বিজ্ঞানিবি) প্রণীত নূতন পুস্তক। মূল্য ৫

বঙ্গীয়-সাহিত্য-পরিষৎ

২৪৩১, আপার সারকুলার রোড, কলিকাতা-৬

